





J. Struikbeck delin et sculp. Argent.

IO. GOTTL. HEINECCI ICti

9
4
336

CONS. AVLAE REGIAE PRVSS. ET IN ILL.
VIADRINA PAND. ET PHIL. RAT. ET
MOR. PROF. P. ORD.

ANTIQUITATVM

ROMANARVM
IVRISPRVDENTIAM
ILLVSTRANTIVM

SYNTAGMA

SECVNDVM ORDINEM

INSTITVTIONVM
IVSTINIANI

DIGESTVM

IN QVO MVLTAE IVRIS ROMANAE


ATQVE AVCTORVM VETERVM LOCA EXPLI-
CANTVR ATQVE ILLVSTRANTVR.

Editio quarta auctior & emendatior.

ARGENTORATI.

Sumptibus IO. REINHOLDI DVLSSECKERI.

M DCC XXXIV.



ILLVSTRISSIMO ATQVE
EXCELLENTISSIMO

DOMINO
LVDOVICO
OTTONI

NOBILI DOMINO
DE PLOTHO,

POTENTISSIMI PRVSSO-
RVM REGIS IN SANCTIORE CONSI-
LIO ADMINISTRO, ET SVPRE-
MORVM TRIBVNALIVM
PRAESIDI

DYNASTAE IN PARÈY, GERBSTAED,
REESSEN, GVTTER ET ILENBVRG,

PATRONO LITTERARVM LITTERA-
TORVMQVE COMMVNI.

S. P.

962



ILLVSTRISIME VIR.



Vem libellum, ante hoc
decennium primum
in lucem prodeun-
tem, Viro Illustrissimo,
MARQVARDO LVDOVICO
) (DE

DE PRINZEN, more maiorum
consecraveram, eum nunc, tertium
prælo exeuntem, non alii me debere
arbitratus sum, quam TIBI, quem
insignis non minus rerum scientia,
quam natalium ac munerum splen-
dor omnibus mei ordinis homini-
bus venerabilem reddit. Non po-
tui sane ego, quum ex Belgio evo-
catus in hanc provinciam venissem,
TVOque conspectu ac colloquio
cogissem frui, quin vel maxime
mirarer incredibilem illam, quam
TIBI peperisti, non modo rerum
civilium, sed & omnis elegantioris
litteraturae notitiam, bibliothecam
omni librorum rarissimorum gene-
re instructissimam, ipsam denique
Domum TVAM, commune tot
provinciarum oraculum, ad quam
non modo cives litibus impliciti,
rerumque suarum incerti, verum
etiam

etiam litterarum paullo studiosiores omnes quotidie confluunt, nec vnquam inde redeunt, nisi laetiores. Sane, si recte olim iudicavit PLINIVS, esse hanc sapientiae pulcherrimam partem, agere negotia publica, cognoscere, iudicare, promere atque exercere iustitiam, quaeque nostri ordinis homines docere oportet, in vsu habere: nemo, vt opinor, facile dubitaverit, quin TV, VIR ILLVSTRIS-SIME, id, quod in mascula illa ac civili sapientia summum est, iampridem fueris adsequutus. Quibus causis communibus, quae bonos omnes in TVI admirationem rapiunt, quum & propriae accedant, inusitata nitimirum, qua studia mea qualiacumque prosequeris, benevolentia, Musasque meas a malevolorum insultibus

)(2

tuendi

tuendi studium : occasionem hanc
mihi non praetermittendam esse
putavi , hoc quaecumque meae
in TE venerationis monimentum
statuendi , concipiendique simul
voti , vt Deus TE vtriusque rei-
publicae bono in multos annos so-
spitem seruet atque incolumem !
Id enim est , quod a Deo immortali
precibus ardentissimis quotidie ef-
flagitat

ILLVSTRISSIMO
NOMINI TVO

devotissimus

Io. Gottl. Heineccius IC.

PRAEFA-



PRAEFATIO NOVA

LECTORI BENEVOLO

S. P.

PRaeter ea, quae olim huic libello verbosius praefatus sum, iam quoque sunt, LECTOR, quae paucis te volo. Qua occasione ille mihi olim subitanea veluti opera natus sit, ex vetere praefatione, si memineris, didicisti. Fata tunc illi longe alia, quam quae expertus est, ominabar. Non dubitabam enim, quin,
(3 quum

PRAEFATIO

quum plerique alieno ab his studiis animo esse soleant , libellus non nisi meis , quibus illum destinaveram , auditoribus vtilitatem aliquam adlaturus , adeoque extra academiae in qua tunc publice docendi munereungebar, Halensis pomperia non multum consequuturus esset celebritatis. Enimvero aliter accidit , ac quidem existimaveram. Vix enim praelo exierat opusculum , quum & exteri in ephemeridibus publicis institutum meum probarent , & ipsum libellum commendarent vnice. Fuerunt etiam qui se eo non parum adiutos esse , litteris ad me datis , significarent. Fuerunt , qui illum in hac ac exteris academiis , publice enarrarent , suisque illustrarent interpretationibus. Fuerunt denique , vt fit , qui in libellis & schedis suis , mea , vel suppresso auctoris nomine , exscriberent , vel cum honoris praefatione citarent , vel naevos quosdam , siue veros , siue sibi ita visos , candide indicarent ; quibus ego me magis obstrictum fateor , quam illis , qui mihi laudes , quas non agnosco , admetiri non dubitarunt Inter haec omnia libelli

NOVA.

belli exemplaria paucos intra annos distracta sunt , meque iam monet bibliopola, in quem, dissipato bibliopolio novo , ius vendendi opusculum, translatum est , vt si quid in scriniis esset, quod addendum putem , id secum communicare non dubitem , ast ita tamen componam rationes, vt forma libri non multum immutetur. Statim ergo sub incudem illum revocavi, & nihil feci reliqui , vt multo concinnior emendatioque prodiret in lucem. Quid praestiterim , paucis accipe. Naevos, qui vel operarum incuria vel culpa mea , quamvis levissima , priori editioni haeserunt , severissima cura sustuli ; Auctorum loca accuratissime citavi : quaedam non satis firmata , novis nunc testimoniis stabilivi : Adieci hinc inde observationes, quae deesse videbantur : quibusdam, de quibus amplius deliberandum censui, induxi lituram. Mutavi etiam nonnunquam sententiam , a nemine monitus, & solo veritatis studio, quod rebus omnibus anteferre soleo , adductus. Quaedam amicorum , doctorumque virorum monitu correxi , si quando
eos

PRAEFATIO

eos acu tetigisse deprehendi. Numquam enim mihi adeo placui, ut humani quidquam a me alienum ducerem. Denique quum a quibusdam non ex merito vellicari me animadverterem, operam etiam dedi, ut mea vindicarem modeste. Exemplo esse poterunt, quae contra Virum Clarissimum, B. BRANCHV, iureconsultum Lugdunensem disputavi. Bis me vir doctus erroris postulavit in elaboratissimis, quas evulgat, observationibus iuris. Sed utroque loco eum non errorem deprehendisse, sed coniecturam coniecturae opposuisse animadverti, & quidem parum verosimilem verosimillimae. Vnde quum non liceret mihi esse tam beato, ut ab eo proficerem, committendum mihi haut putavi, ut errasse me faterer, ubi ipse errori propior videbatur. Denique, ne id ignores, indicem auxi quam maxime, insertis iis, quae in nova hac editione accesserunt. Ita vere adfirmare possum, auctiorem emendatioremque proditurum esse libellum, si is, qui emendationi plagularum impressarum praefuerit, tantum industriae attulerit,

tulerit , quantum ego ad illius recognitionem attuli. Diligentiam enim operarum, quamvis exactissimam a bibliopola, viro integerrimo, stipulatus sim, ipsae praestare nequeo, plus quam centum milliaribus Argentorato remotus. Haec sunt, quae scire te volui, LECTOR, antequam te ipsius libri lectioni dares. Tu lucubratione, quam in tui gratiam sustinui, vtere, fruiere, & mihi, tua causa omnia volenti, & antiquitates Germanici iuris multo maiore studio adornanti, & brevi eidem praelo commissuro, fave. Halae Kal. Sextil. clō Id ccxxiii. Haec ante biennium. Iam scito, iterum distractis exemplaribus, me denuo libellum recognovisse, emendasse, nihilque fecisse reliqui, vt prodiret & auctior & emaculatio. Est hoc studium huiusmodi, vt quotidie aliquid observes: nec quisquam tam bene subducta ad scribendum ratione est, quin res, aetas, vsus semper aliquid adportet novi, aliquid moneat, vt illa, quae te scire credideras, nescias, & quae tibi putaras prima, in experiundo repudies. Quod & mihi, quoties mea relego, evenit, eveniet.

PRAEFATIO NOVA.

evenietque fortassis & in posterum, si
me vivo libellus quartum praela ex-
ercuerit. Sed haec Deo curae erunt,
cui TE, LECTOR, aequae ac
me ipsum meaque omnia com-
mendo. Franequerae Fri-
siorum x. Kal. Febr.
cIdo lccc xxvi.

PRAEFATIO



PRAEFATIO

PRIORI EDITIONI PRAEMISSA.

LECTORI BENEVOLO

S. P. D.

IO. GOTTL. HEINECCIUS.

IC.

Quantum utilitatis in iurisprudencia nostra antiquitatum Romanarum adferat notitia, nemo, nisi qui nunquam est hisce sacris initiatus, ignorat. Equidem iam eo tempore, quo adhuc florebant res Romanae, vix quisquam praeclarum iureconsulti nomen tueri videbatur, qui erat ab hoc insigni praestantissimoque praesidio destitutus. *Plurima erat, teste CICERONE, (a) in omni iure civili antiquitatis effigies, & prisca verborum vetustas, & actionum genera quaedam, quae maiorum consuetudinem, vitamque declarabant.* Haec vero omnia quis
X X
quaeso

(a) CIC. de Orat. I, 42.

(b)

PRAEFATIO

quaeso intelligat, nisi qui interiorē sibi antiquitatis scientiam comparaverit? Hinc in maxima plerumque ac praecipua veterum iureconsultorum laude ponebatur accuratior antiquitatum notitia, **PLINIVS**, (b) **ARISTONEM** iureconsultum laudaturus, nihil in eo magis, quam illam prisci moris peritiam, admiratur. *Quam peritus, inquit, ille & privati iuris & publici? Quantum rerum, quantum exemplorum, quantum ANTIQVITATIS tenet? Nihil est, quod discere velis, quod ille docere non possit. Mihi certe, quoties aliquid abditum quaero, instar thesauri est.* Idem reconditarum litterarum praesidium etiam in **ANTISTIO LABEONE** celebrat **GELLIVS**, (c) ex quo discimus, nihil eum ratum pensumque habuisse, nisi quod iustum sanctumque esse, in Romanis ANTIQVITATIBVS legisset. Quum ergo iam ii iureconsulti, qui florentem viderant rempublicam, hoc praesidio carere haut posse viderentur: quid de nostris dicamus temporibus, quibus ita extincta est Romana respublica, nullum ut exstet, nisi in hominum memoria, veteris illius formae vestigium? Aliae hodie sunt consuetudines, alia religio, alii magistratus, alia iudicia, alia denique imperiorum & rerum publicarum facies. Et tamen peregrinis adstricti legibus vivimus, easque interpretari & obvenientibus hodie negotiis applicare iubemur. Quis hoc praestiterit, nisi qui impressam animo circumferat veteris illius Ro-

(b) **PLIN.** *Epist.* I, 22.

(c) **GELL.** *Noct. Ast.* XIII, 14.

PRIORI EDIT. PRAEMISSA.

Romanae reipublicae effigiem, &, vt IVSTINIANVS (d) alicubi monet, *nihil ANTIQVITATIS penitus ignoret?*

Equidem si cui hoc dubium videbitur, eum ego ad Glossatores remittam, ad illud, inquam, hominum genus, cui, extincto litterarum lumine, tantum statuebatur pretii, vt quasi Atlantidis humeris coelum, ita eorum auctoritate iurisprudentiae dignitas videretur sustineri. Quid enim aliud eminentissima illa ingenia in tot ridiculos ac paene pueriles errores abripuit, quam antiquitatum Romanarum omnisque politioris litteraturae ignorantia? Fieri enim profecto haut poterat, *quin homines, eius reipublicae ignari, cuius leges & iura tractabant, tamquam illi nocte sine lumine oberrantes, saepe offenderent, saepe laberentur, saepe quovis potius, quam quo instituerant, pervenirent, vt eleganter ait M. ANT. MVRETVS. (e)* Non pudebat ergo tum legi *Fusiae Caninae* a *canina* invidia; (f) legi *Hortensiae* a nescio quo Rege *Hortensio*; (g) *calas-*

)((2 *sis*

(d) *Princ. Inst. de testam. ordin.*

(e) *MVRET. Part. I. Orat. XVII.*

(f) *Glossa ad princ. Inst. de Lege Fus. Can. toll. edit. antiquiss. ex saeculo XV.* Quam legem Fusiam Caniniam forte a quodam, qui Caninius nominabatur, inductam; vt in publiciana dicitur *inst. de actionibus §. aliae*. Nam canis servabat naturam, qui stat in palea, qui nec sibi potest habere paleam, nec alii permittit accipere. Sic nec sibi poterat tenere servos, quod moriebatur; nec libertatem patiebatur iis dari. Vnde merito *caninia* dicitur, vt sit consequens nomen rei.

(g) *Glossa ad §. 6. Inst. de iure nat. gent. & civ.* Sed hoc sublatum est per legem, latam ab Hortensio Rege.

(b)

PRAEFATIO

tis Comitibus a Graeco καλὸς; (b) quartae *Falcidiae* a *defalcando*; (i) & libertis *orcinis* a nescio quo Graeco *orcos*, quod *rectum* significet, (k) nomina arcessere. Neque religio tum erat, ea quae de antiqua in ius vocatione in iure Romano repererant, ad hodiernam citationem; & quae de albis praetorum legerant, ad edicta iudicum nostrorum referre. Quin, ne quid deesset ineptiarum, ex veteribus istis praesidiis & praefectis praetorio imperii nostri principes atque electores derivare haut dubitabant. Quas ridiculas interpretationes ex crassa antiquitatum Romanarum interiorisque litteraturae ignorantia subnatas quum posterius, nugis istis tamquam glebae adscripti, tantum non consecrarent: tantus sensim succrevit errorum gravissimorum proventus, ut extirpando huic luxurianti lolio ne eminentissimorum quidem iureconsultorum sufficeret diligentia.

Enimuero, condonandum id forsitan fuerit magis illis, qui tam infelici saeculo adoleverant, ingeniis. Illud vix ferendum, quod in felici illa temporum reparatione, quum ubique ferverent elegantiorum litterarum studia, non de-

(b) Glossa ad *princ. Inst. de testam. ord. Calatis*, id est bonis initiis vel conventibus, καλὸς enim bonum interpretatur.

(i) Glossa ad *princ. Inst. de Lege Facid.* Falcidia sic dicta, quod ut falx foenum sic & lex legata resecat.

(k) Glossa ad §. 3. *Inst. de sing. reb. per fideicom. vel.* Orcinus sic dictus ab orco, quod est rectum, unde orcinus, id est, directe manumissus, vel ab oreo id est capio.

PRIORI EDIT. PRAEMISSA:

dceſſent, qui in illa gloſſatorum barbarie quaerent delicias, frugeque reperta, glande tamen veſci mallent. Nemo ignorat, quantum in iuriſprudentia repurganda illuſtrandaque deſudaverint praetantiſſima ſuperiorum temporum ingenia, ALCIATI, BVDAEI, CVIACII, BALDVINI, HOTOMANI, CHARONDAE, CONTII, BRISSONII, FABRI, AVGVSTINI, GIPHANII, PITHOEI, RAEVARDI, RITTERSHVSI, qui omnes cum iuris peritia admirabilem quamdam atque inuſitatam antiquitatis notitiam coniunxerant: ſed eorum tamen labores adeo ſorduerunt plerisque, vt vir quidam doctiſſimus, qui Balduini opera coniunctim edere inſtituerat, non reperiret, qui ſuntus facere ſuſtineret. Si qui etiam, eorum excitati exemplo, eandem docendi rationem ſequerentur in academiis, iis publico expoſitis odio, barbaroque *humaniſtarum* nomine traductis, tantum non aqua & igni interdicebatur (1). Ceſſatim ergo tum iuvenes in Italiam, tamquam ad iuriſprudentiae mercatum quemdam conſluebant, audituri ibi iureconſultos *magiſtraliter*, ſi Deo placeret, docentes, (m) & redituri inde rabulae haut poſtremi, confidentes, acres, contentioſi, & quod palmarium tum videbatur, multarum legum, ſibi non intellectarum principia vno ſpiritu citare gnariſſimi.

) (3

Ve-

(1) Exemplum eſt in MELCH. von Oſſen. Teſtamento *Part. II. cap. VIII. §. 2. p. 385. & §. 14. p. 403.*

(m) Magiſtralem hanc docendi methodum luculenter ex Pancirolli de *Clar. leg. Inter pr. II, 6. exponit. THOMAS. ad Melch. de Oſſen. Teſtam. p. 398.* (n)

PRAEFATIO

Verum supputuit demum iureconsultos tantae barbariei, Deus que hanc eis mentem dedit, vt cum illo legum studio praeter accuratorem ratiocinandi artem aliaque praesidia, etiam antiquitatum imprimis Romanarum peritiam coniungerent. Viderunt postrema haec saecula iureconsultos humanissimos. MERILLOS, GROTIOS, GOTHOFREDOS, AVERANIOS, VINNIOS, FREHEROS, HERALDOS, OISELIOS, BRVMMEROS, MENAGIOS, HVBEROS, SPANHEMIOS, BYNCKERSHOEKIOS, NOODIOS, SCHVLTINGIOS, qui nihil fecerunt reliqui, vt legibus ex ipsa status Romani veterumque rituum contemplatione lucem suffunderent. Sed plerique tamen duntaxat singularia quaedam iuris nostri capita illustranda susceperunt, nemoque adhuc, quantum memini, existit, qui per omnes iuris partes eundo hoc antiquitatis iter, vt CICERO ⁽ⁿ⁾ vocat, confecerit. Equidem IACOBVM GOTHOFREDVM iustum antiquitatum iuridicarum corpus meditatum esse, auctor est MORHOFIVS, ^(o) id quod, si vidisset lucem, tamquam Phidiae aliquod signum omnium procul dubio cordatiorum admirationem meruisset. Verum inviderunt nobis fata tam luculentum opus, neque quisquam adhuc in tanti viri labores successit.

Quum

⁽ⁿ⁾ CIC. *de Orat.* l. 60.

^(o) MORHOF. *Polyhist. Tom. III. Lib. VI. Sect. III.*
§. XL p. 83.

PRIORI EDIT. PRAEMISSA.

Quum vero & ego, quantum vtilitatis haec antiquitatum notitia iuris Romani cultoribus adferat, experiundo didicissem, & olim ita ferente studiorum meorum ratione, in pervolvendis melioris aetatis auctoribus indagandisque antiquitatibus haut parum insumissem operae: facile a me impetravi, vt hac re cupidae legum iuventutis studia pro virili mea parte iuvare anniterer. Eo consilio superiore aestate in publicis, quas indixeram, praelectionibus ad singulos Institutionum titulos ea explicavi, quae ex antiquitatibus ad intelligendam illam iuris materiam observanda videbantur. Quum vero, auditorum memoriae consulturus, brevissimis, quantum licebat, positionibus omnia conclusissem: dignae illae quibusdam vitae sunt, quas revocarem sub limam, & publicae luci exponerem. Et inde subnatum mihi est hoc antiquitatum Romanarum, quod nunc publici iuris facio, syntagma, interioris iurisprudentiae studiosis non ingratum, vt spero, futurum. Equidem & in antiquitatum studio suavis nonnumquam latet insania. Non desunt hodiernum, Damasippi illius similes de quo HORATIVS:

Insanit veteres statuas Damasippus emendo.

Non desunt, qui Protei baculum, aut Epicteti fictilem lucernam talentis coemerent, dummodo essent qui decipere vellent. Sed hos ego

(X) (X) 4

ho-

PRAEFATIO

homines suaviter rideo, & si recte ab HENR. STEPHANO(q) observatum Graecos olim simplices homines ἀρχαίως & ἀρχαῖν; stultos vero κρόνως κρονίως, κρονολῆως, & βικαστελῆως vocasse: nulli mihi magis hoc nomen mereri videntur, quam qui antiquitatis quisquilias auro mercantur. Numquam mihi placuit antiquitatis studium, nisi quod sublimioribus scientiis lumen praeferret. Non ergo vulgaria ac trita hic quaeres- non λεπτολογίας illas, quas plerumque in antiquitatum scriptoribus rident, quotquot sunt cordatiores eruditi. Non hic de veterum calceis, non de eorumdem tricliniis, epulis, ianuis, ludis, hastis, tibiis, coronis, larvis, thermis, torquibus, lucernis agitur: (cui enim non dictus Hylas?) sed de iis, quae ad statum reipublicae Romanae, ad legum origines & rationes, ad ritus formulas & sollemnia populi Romani verba, ipsumque veterum iudiciorum ordinem pertinent, sine quibus intelligi haut possunt leges Romanorum. In consilium ubique adhibui auctores praestantissimos quos omnes ipse evolvi, & quantum licuit, bona fide citavi. In prioribus titulis multum me fateor profecisse ex illustribus THOMASII dissertationibus, quibus institutiones illustrare coepit, (r) quae si omnes vidissent lucem, superfedere potuissem hisce lucubrationibus. Multum quoque adiumenti mihi attulerunt

(q) HENR. STEPH. Apolog. Herodot.

(r) De usu pratico Institutionum, in quibus tamen adhuc non longius, quam ad Lib. I. Tit. XII progressus est.

PRIORI EDIT. PRAEMISSA.

Ierunt aeterna CUIACII, HOTTOMANO-
RVM, BRISSONII, BALDVINI, PET.
FABRI, BRVMMERI, M. VERTRANII,
MAVRI, SIGONII, SALMASII, IO. FR.
GRONOVII, EZ. SPANHEMII, MENA-
GII, NOODII, BYNCKERSHOECKII, PE-
RIZONII, HVBERORVM, BVRMANNI,
SCHVLTINGII, aliorumque doctissimorum
virorum opera, quae diurna nocturnaue ver-
savi manu. Legem tamen hanc ego mihimet
ipse dixi, vt semper ad fontes recurrerem: ea-
que re factum est, vt haut pauca observarem,
quae aliis in mentem haud venisse arbitror.
Quum vero in praelectionibus, quarum memi-
ni, publicis ordinem Institutionum sequutus
essem: nolui postea ab eodem recedere, sed
eundem in toto opusculo servandum existi-
mavi, ea tamen lege, vt potiores, quae in pan-
dectis occurrunt, materias iusto loco atque or-
dine insererem, multaque, quae in vtrisque
desiderantur, hinc inde supplerem. Sic quum
verbi causa distinctiones personarum omnes
neque in Institutionibus, neque in latiore Di-
gestorum opere explicatae sint: de illis accu-
ratissime egi in adpendice libri primi, vbi in
simul dedi operam, vt quae a CAR. SIGO-
NIO in libris *de antiquo iure civium Rom. Italiae
& provinciarum*, vt & EZECH. SPANHE-
MIO in *Orbe Romano* paullo prolixius tradun-
tur, tanquam in nucleo exhiberem. Eadem
cura & divisionem illam *rerum mancipi & nec
mancipi*, de qua altum est in iure nostro silen-
tium, exposui *Libro 11. Tit. 1.* Multa quoque

) (s

dicta

PRAEFATIO PRIORI EDIT. PRAEMISSA.

dicta invenies de iurisdictione & imperio, de ordine iudiciorum, de feriis & dilationibus, de edendo, postulando, procuratoribus, de iure dotium divortiis, aliisque iuris capitibus, quae sicco pede in Institutionibus praetereunda putavit TRIBONIANVS. Vt paucis dicam, ita in hoc opere versatus sum, ut liceat mihi fructum vberimum ad conscientiam meam referre. Illud vnum doleo, inter concatenatos labores non licuisse mihi esse tam felici, ut paullo severiore lima menda omnia tollerem. Ea TV, LECTOR BENEVOLE, tantisper aequo animo feras, rogo, dum in calce posterioris partis indicem eorum, in quibus operae aberrarunt, confecero. Interim fruerè his, & ANTIQVITATES GERMANICAS, quae ad illustrandum ius Germanicum hodiernum faciunt, & quas ego iam a plurimis annis perpolivi, eadem methodo expositas, brevi, si Deo visum fuerit, expecta. VALE. Ex Academia Fridericiana, ipsis KAL. SEPT.

MDCCXVIII.

INDEX



INDEX

TITVLORVM PARTIS I.

ET MATERIARVM QVAE IN ILLIS
TRACTANTVR.

LIB. I.

AD PROOEM: *de variis iuris Romani collectionibus differitur.*

Ad TIT. I. *de iustitia & iure, agitur de iureconsultorum veterum philosophia, & aemulatione cum philosophis.*

Ad TIT. II. *de iure Nat. gent. & civili, agitur de ritu ferendi leges & plebiscita, ut & de SC. de Praetorum & Aedilium edictis, de iureconsultorum origine & responsis, de constitutionibus principum, aliis.*

Ad TIT. III. *de iure personarum, agitur, de servorum Romanorum conditione & variis generibus.*

Ad TIT. IV. & V. *de ingenuis & libertinis, agitur de variis manumittendi ritibus, de libertinorum conditione, variis generibus, insignibus.*

Ad TIT. VI. *qui & quibus ex causis manum non possunt, agitur de legis Aeliae Sentinae origine, ratione, variis capitibus, & abrogatione.*

Ad

INDEX TITVLORVM.

Ad TIT. VII. de Lege Fuf. Canin. tollenda agitur *de huius legis origine, ratione, materia, abrogatione.*

Ad TIT. VIII. de his, qui sui vel alieni iuris sunt, agitur *de Dominorum potestate & crudelitate in servos & variis legibus, quibus illa coercita.*

Ad TIT. IX. de patria potestate agitur de antiqua patrum potestate in liberos, veluti de iure vitae & necis, de trina venundatione liberorum, de iudiciis domesticis, de acquæstu per liberos, & quid in his omnibus sensim mutatum sit.

Ad TIT. X. de nuptiis, agitur de variis ritibus nuptiarum, veluti confarreatione, coemptione, usu, eorumque effectibus, ut & de nuptiarum requisitis.

APPENDIX de legitimatione, in superiorum conditionem, originem legitimationis variaque eius genera inquiri, ubi & de curiae datione.

Ad TIT. XI. de adoptionibus, de variis adoptionis generibus, & ritibus in ea adhibitis differtur.

Ad TIT. XII. quibus modis patr. pot. solvitur, agitur *de ritibus emancipationis eiusque variis speciebus.*

Ad TIT. XIII. XIV. XV. XVII - XX. de tutelis testamentaria, legitima, fiduciaria, dativa, partim origo tutelae, partim leges XII tabularum de tutelis explicantur. Adduntur quaedam de ritibus dandi tutores, ut & de tutela mulierum, cuius historia latius traditur.

Ad TIT. XVI. de capitis deminutione, eius origo ex antiquo census instituto deducitur, multaque ex
an-

PARTIS I.

antiquitatibus explicantur de iure postliminii, de servitute poenae, de exilio, aquae & ignis interdictione, de portatione, & aliis.

Ad TIT. XXI. de auctoritate tutorum quid antiquis fuerit auctoritas, quid administratio, & quomodo interponi consueverit auctoritas, docetur.

Ad TIT. XXII. Quibus modis tutela finitur, de ritu explorandi pubertatem, & aliis modis finiendi tutelam agitur.

Ad TIT. XXIII. de curatoribus, agitur de curatione furiosorum, & prodigorum, de ritu interdiciendi bonis, de origine curationis minorum, de actionibus & adiutoribus, aliisque rebus huc pertinentibus.

Ad TIT. XXIV. de satisdat. tutor. & curat. satisfactionis origo, S.C. sub Traiano factum, ipseque ritus satisfaciendi explicantur.

Ad TIT. XXV. de excusat. tut. vel curatorum multa disseruntur ex antiquitatibus de lege Papia Poppaea & iure liberorum, de liberorum recens naturae professione, de administratione fisci & aerarii, de schola Romana, Cpol. & Berytensi & variis in illa Professoribus, Grammaticis, Rhetoribus, Philosophis, Medicis, Iureconsultis, eorumque immunitatibus.

Ad TIT. XXVI. de suspect. tutorib. vel curatoribus origo huius criminis ex lege XII. Tab. explicatur.

APPENDIX Libri I. ea supplet, quae in institutionibus de iure personarum omittuntur. Hinc in illa agitur de iure civitatis & Quiritium, de Latio & latini nominis eorumque iuribus, de Italis, de provinciis, earumque formulis, de municipiis, coloniis, praefecturis, civitatibus foederatis, de peregrinis denique eorumque conditione & iuribus, aliisque.

LIB.

INDEX TITVLORVM

LIB. II.

AD TIT. I. de rer. divis. & adquir. rer. domin. explicatur, *quomodo Romani res sacras Diis superis; religiosas diis inferis consecraverint, quomodo sepulcra circumscripterint limitibus, quomodo muros aratro signarint, ac deinde dedicarint? Quae res diis veteribus publicae, communes, universitatis, nullius? Quanam res mancipi & nec mancipi? quomodo facta mancipatio, in iure cessio, sub corona venditio, traditio, adiudicatio? Quid Domini-um quiritarium & bonitarium?*

Ad TIT. II. de rebus corporalibus & incorporalibus *haec divisio e principiis Stoicorum explicatur.*

Ad TIT. III. de servitut. rustic. & urbanor. praediorum *de utrarumque origine & indole ex antiquitatibus Romanis differitur.*

Ad TIT. IV. & V. de usufructu, usu & habitatione *eorumque origine agitur.*

Ad TIT. VI. de usucapionibus & longi temporis praescriptionibus *origo horum iurium ex iure Attico & legibus XII. Tabularum derivatur, & de legibus Atinia, Iulia, Plautia, Scribonia aliisque novis constitutionibus agitur.*

Ad TIT. VII. de donationibus *differitur de differentia doni & muneris, de donis Romanorum variis, veluti strenis, apophoretis, muneribus natalitiis, iusticis, nuptialibus, xeniis, &c. Eadem occasione de lege Cincia & aliis iuribus eorumque origine agitur.*

Ad TIT. IIX. Quibus alienare licet vel non licet, *tota materia de dotium origine & iure, ut & de ritibus dotem dicendi, laudi promittendive tractatur.*

PARTIS I.

not. Agitur item de alienatione pignoris & rerum pupillarium.

Ad TIT. IX. Per quas personas cuique acquiritur, praecipue de adquirentu per liberos horumque peculio, ut & per servos, matres familias, personasve liberas agitur.

Ad TIT. X. XI. XII. XIII. De testamentis ordinandis, de testam. militar. & qui testari non possunt, ostenduntur prima rei testamentariae initia, additurque, quomodo testamenta in comitiis calatis, in procinctu, per aes & libram, ut & praetoria facta scriptaque sint. Agitur etiam de testamentis militaribus, de testamentis feminarum, de exheredatione liberorum vetere & nova, ut & abdicatione eorum &c.

Ad TIT. XIV. de heredibus instituendis de iis praecipue agitur, qui heredes institui hant potuerint, quales erant peregrini, caelibes, orbi, universitates, in quibus tamen non comprehenduntur municipia. An & quinam Dii potuerint heredes institui? Qualis as hereditarius, & quomodo computandus?

Ad TIT. XV. XVI. de vulgari & pupillari substitutione in utriusque originem inquiritur, simulque eius formula & modus ostenduntur.

Ad TIT. XVII. XVIII. XIX. quibus modis testam. infirmantur, de querela inofficiosi test. ut & de hered. qualitate & different. explicatur, quaenam testamenta fuerint nulla vel iniusta, infirmata, rupta, irrita rescissa: quae fuerit origo querelae inofficiosi eiusque natura? quae origo portionis legitimae? Quinam heredes dicti necessarii, sui & necessarii, extranei? Quibus ritibus creta & adita hereditas? Quid pro herede gestio? Quid immixtio & agnitio?

Ad

INDEX TITVLOIVM PARTIS I.

Ad XX-XXII. de legatis eorumque ademptione & translatione, vt & lege Falcidia ostenditur, quotuplicia legata fuerint, quomodo legatum sit per vindicationem, damnationem, finendi modo, per praeceptionem? Quenam fuerit horum legatorum differentia? Quid legatum partis hereditatis? Considerantur porro leges Furia testamentaria. Voconia, Falcidia eorumque origo & materia expenditur.

Ad TIT. XXIII-XXV. de fideicommissis vniversalibus & singularibus & de codicillis, fideicommissorum origo formulae, natura ostenditur: adduntur nonnulla de SC. Trebelliano, Pegasiano, Aproniano, de codicillorum nomine, natura, origine, & quae huc pertinent, aliis.



ANTI-



ANTIQUITATES ROMANAE IVRISPRVDENTIAM ILLVSTRANTES.

PROOEMIUM.



Vum Iustinianus Impèrator in Institutionum prooemio potissimum collectionis suae texat historiam: facturi videbimur operae pretium, si & nos illius exemplo iuris Romani collectiones, tum ante Iustinianum, tum postea confectas, veluti per indicem recensuerimus.

I. Urbem Romam principio Reges habuerunt, qui manu initio omnia regere, postea vero & leges quasdam curiatas ad populum ferre coeperunt. Tacit. *Annal.* III, 26. L. 2. §. 1. D. *de orig. iur.* Has leges regias, maxime sacras

A

primus

I. Legum
regiarum
collectio
seu ius
Papirianum.

primus collegit C. (a) Papifius, non multo post exactos Reges Pontifex Maximus, vt patet ex Dionys. Halicarn. *Antiq. Rom.* III p. 178. ex quo etiam discimus, C. Papifium illum leges Numae, dudum abolitas, in lucem reuocasse. Et haec quidem collectio IVS CIVILE PAPISIANVM (b) vocatur a Pomponio L. 2. §. 2. *D. de orig. iur.* de eoque tempore Caesaris, (vt eleganter obseruauit V. C. Car. Andr. Duker. *de Latinit. vet. litor. p.* 156.) librum integrum composuit Granius Flaccus, laudatum in L. 144. *D. de verb. signif.*

II. Eius interitus & restitutio.

II. Dudum vero, praeter paucissima fragmenta (c) Papiriana illa collectio periit. Et hinc post renatas litteras de colligendis legibus regis cogitarunt Ioannes Guil. Forsterus in *historia*

- (a) Pomponius L. 2. §. 2. & 36. *D. de O. I.* modo *Sextum* modo *Publium* vocat: Dionysius vero Halicarnassensis, cui plurimum ea in se credendum, Cuium adpellat. Quum autem Cuiacius obseruat, in codicibus MSC. legi VI. pro *Sextum*: non dubito, quin ex nota numerali Sexti praenomen sibi finxerint scribae. significare vero videtur numerus iste Papifium quem Dionysius Halicarnassensis praecipue sacras Numae leges collegisse refert, sexto demum libro reliquas leges regias veluti adpendicem adieciisse: Vnde ita forsitan legenda verba Pomponii: *Quae omnes conscriptae exstant in libro sexto C. Papifii* Conf. Bynkersh. *Praetermissa ad L. 2. D. de O. I.* p. 17.
- (b) *Papifii* olim dicti, qui postea *Papirii*, Cicero *Epist. ad fam.* IX 21. Primus Appianus Claudius siue Coecus, siue Centummanus, siue Crassus circa annum V. C. ccccv. litteram R. reperit, ex eoque tempore dici coepit, *Papirius, Furius, Valerius* pro *Papifio, Fufio, Valsio*, L. 2. §. 36. *D. de orig. iur.* & ibi Bynkershoek in *Praetermissis*, Petr. Faber *Semestr. I.* 11. p. 52. (c)

floria iuris Romani, Lib. I. Cap. VI. Fulvius Ursinus, Ant. Augustinus & Iustus Lipsius *de legibus regis & decemviralibus*. Pandulphus Prateius *in iuris prudentia veteris Draconis & Solonis cum Romano iure legum regiarum & decemviralium collata*. Lugd. MDLIX. 8. Franc. Modius, Steph. Vin. Pighius, Ant. Syluius, &c, qui reliquis omnibus palmam praeripuit Paulus Merula *de legibus Romanorum, Capite II. & sequentibus*. Romuli leges singulari opusculo collegit exposuitque Franc. Balduinus. (d)

III. Eiectis Regibus, leges quoque eorundem exoleuisse, (e) & ius maxime incertum esse co-

III. *Leges*
XII. *Ta-*
bul.

pisse,

(c) Fragmentum bene longum e iure Papiriano exstat apud Macrob. *Saturn.* III. 11. Quamvis quum illud non tam legum, quam commentarii faciem prae se ferat, magis Granio Flacco, quam Papirio videatur tribuendum. Forſan etiam huc pertinet *L. 2. D. de mort. infer.*

(d) Sequutus est Balduinus tabulam Capitolinam, cuius apographum a Io. Barth. Marliano acceperat. Sed eam genuinam, certe antiquam haud esse, vel primo intuitu adparet. Vid. Eric. Mauriti. *Dissert. de libris iur. comm.* p. 92. Ge. Schubart. *de Fat. iurisprud. Rom. Exerc. I.* 38. p. 64.

(e) Leges omnes regias semel simulque lege tribunicia abrogatas esse, vulgo colligunt ex *L. 2. § 8. D. de orig. iur. Exatlis regibus lege tribunicia, omnes leges hae exoleuerunt*. Ex hoc enim loco palam esse putant, lege quadam, vel a Iunio Bruto, Tribuno adhuc Celestium, lata, vel tributim a populo scita, leges regias omnes fuisse proscriptas. Vid. Ge. Eberlin. *de orig. iur.* IV. 11. p. 22. Ge. Schubart. *de fat. iurisprud. Rom. Exerc. II.* 4. 118. Sed sane leges lege non exoleſcunt, sed abrogantur: neque Pomponius ait, leges regias lege illa tribunicia exoleuisse, sed reges ipsos proscriptos esse lege Tribunicia. Rittershus. *ad*

pisse, nouimus ex *L. 2. §. 5. D. de orig. iur.* Post diurnas patriciorum plebisque simultates, an. Urb. cond. CCCI. tres legati in Graeciam missi sunt, qui variarum ciuitatum leges describerent. Postea decemviri, legum ferendarum causa creati, e moribus antiquis, (f) & iure, quod legati attulerant, peregrino, & praecipue Attico, (g) decem initio, ac paulo post duodecim tabulas

Leg. XII. Tab. p. 9. Bynkersh. ibid. p. 10. Tribunicia vero illa lex non alia est, quam lunia *de imperio consulari*, quippe quam Brutus, adhuc Tribunus Celerum, ad populum tulit. Exoleuerunt vero regiae leges desuetudine, & quidem omnes. Nam si quae in usu manserunt, eae non tanquam leges regiae, sed tanquam mores patrii, postliminio in usum reuocati, obseruabantur, ut discimus ex Dionys. Halic. *Antiq. Rom. X. p. 627.*

(f) Multas leges veteres in XII. Tabulas migrasse, prolixè demonstrant Iac. Cuiac. *Obseruat. III. 40.* Guil. Maran. ad *L. 2. D. de orig. iur. p. 107. 120.* Et satis id constat exemplo patriae potestatis, de qua legem Romuli in quarta tabula existisse, testatur Dionys. Halic. *Ant. Rom. II. p. 97.* qui etiam *Lib. X. p. 681.* obseruat, XII. Tabulas *ἐκ τῶν ἑλληνικῶν νόμων, καὶ παρὰ τῶν ἐφιστάμεναις ἀρχαῶν ἰδιωκῶν, tum ex Graecorum legibus, tum ex suis moribus non scriptis,* esse compilatas. Sed & Liuius VI. 1. post incensam a Gallis urbem etiam leges regias cum XII. Tabulis conquisitas fuisse refert. Plura non addo de re certissima.

(g) Solonis leges adeo primas tulerunt, ut eas solas commemorent auctores quamplurimi. At Liui. III. 31. legatos illos iussos esse ait, *inclitas leges Solonis describere & aliarum Graeciae ciuitatum instituta, mores, iuraq; noscere.* Et Gell. *Noct. Attic. XX, 1.* duodecim tabulas *inquisitis exploratisq; multarum urbium legibus,* eleganti atque absoluta breuitate verborum

scriptas

las compilarunt, quas deinde populus in comitiis centuriatis probavit. *Liu. Hist. III. 31. 34. 37. 57.* Dionys. Halicarn. *Antiq. Rom. X. p. 676.* Et hae sunt illae tabulae, quas omnibus omnium philosophorum bibliothecis anteponendas putabat Crassus apud Ciceron. *de Orat. I. 44.* Hae sunt illae tabulae, *fons uniuersi publici priuatique iuris.* *Liu. III, 34.* Naeuis tamen eas non caruisse, ostendere conati sunt Phaou-
 rinus philosophus apud Gell. *Noct. Att. XX. 1.*
 & Thomas. *de naeuis iurisprud. Rom. Anteiustini. I. 2.*
 & *Dissertat. annexa p. 158. seq.*

IV. Quamuis vero hae leges decemuirales **IV. Ea-**
 tabulis aeneis (b) iuscriberentur a Romanis, **rum in-**
 Dionys. **teritus &**
restitu-
tio.

scriptas testatur. Tacitus denique *Annal. III. 27.*
 a decemuiris *quae usquam egregia*, aecita esse docet.
 De Lacedaemonum legibus vulgo hoc negant, ob
 testimonium Augustini *de Ciuit. Dei II. 16.* Sed illi
 opponi possent Symmachus *Epist. III. 11.* Ammian.
 Marcellin. *Hist. XVI. 5.* Athenaeus *Deipnos. VI. p.*
273. Fortasse tutelam agnatorum legitimam Laco-
 num moribus debent Romani. Sane enim Sparta
 eam tutelam usitatam fuisse patet ex Herodot. *I. 65.*
 Nec dubitandum, quin ex Charondae quoque legi-
 bus nonnulla adoptarint decemuiro, in primis legem
 de supplicio falsi testis, ceu ex Arist. *Polit. II. 10.* do-
 cet Rittershusius. Ab Aequis Faliscis quoque dec-
 emuiros iura fecialia & nonnulla **XII.** Tabularum
 supplementa accepisse, docet Seruius ad Virgil. *Aen.*
VII. v. 695. Sed errasse Seruium palam est ex *Liu. I.*
32. ubi iura fecialia iam Ancum Marcium, defunctum
 a Faliscis, Romanis tradidisse, legimus.

(b) Pomponius *L. 2. §. 4. D. de orig. iur.* meminit tabula-
 rum *eborearum*, vel, ut alii legere malunt, *roborea-*

non tamen in iure peragendis. Hinc *actiones legis* sunt manumissio, emancipatio, in iure cessio, adoptio, & similes; *actus legitimi*, tutoris datio, mancipatio, hereditatis aditio & repudiatio, alique plures. Horum omnium proprium erat, I, ut vel in iure vel certe sollemniter (1) fierent. II, ut nec diem nec conditionem admitterent. III. Ut vno actu fierent, & iterari nequissent IV, ut per procuratorem explicari non possent. Jan. Vinc. Gravina *de XII. Tab. LXXX.* p. 442. Brissou. *Antiq. Rom.* III, 20. p. 76. Petr. Faber *Semeslr.* II. 23. 24. & *ad L.* 77. *D. de reg. iur.* p. 344. seq. Iac. Raueard. *de Auctorit. prudent.* II. p. 952. seq. Accedebant Fasti, seu consignationes dierum fastorum, nefastorum, intercisorum, quibus lege agere vel licebat, vel non, vel ex parte tantum licebat. Harum rerum omnium notitia initio penes solos patricios, & pontifices potissimum erat, qui tamquam oracula adibantur a populo: neque e re sua hi esse putabant, eas formulas & fastos euulgari. Cicero *de Orat.* I, 41. & *pro Muraena* XI. Quintilian. *Inst. Orat.* III, 8. Pomponius *L.* 2. §. 6. *D. de Orig. iur.*

VII. Collectio earum in iure Flavianorum.

VII. Egregiam ergo plebi operam nauabat CN. FLAVIVS, qui arcanas istas formulas & fastos pontificios, (m) ab Appio Claudio (n) in

(1) Omnes actiones legitimas & actus legitimos in iure fastos putat Gravina, l. c. sed id falsum de hereditatis aditione, repudiatione, aliisque actibus legitimis, qui & extra ius recte expediebantur. Sollemniter tamen omnes fieri debebant.

(m) Solos fastos a Flavio cum plebe communicatos dicit Cicero *pro Muraena* XI l. sed formulas addunt reli-

(n) in librum collectos anno circiter CCCXL. primus euulgavit. Vnde natum IVS FLAVIANVM, de quo Pompon. L. 2. §. 7. *D. de orig. iur.* Cicero *de Orat.* I, 41. *pro Mur.* XI. & *ad Attic. Epist.* VI. 1. Liu. IX, 46. Plin. *Hist. Nat.* XXXIII. 1. Gell. *Noct. Att.* VI. 9. Valer. Max. II, 5, 2. Addunt Pomponius, & Plinius, Flavius eo beneficio ædilitatem a plebe meruisse: sed constat ex Valerio Maximo, eum iam tum, quum ista patriciorum arcana euulgaret, ædilem fuisse, & deinde prætorem factum, idque vel inde colligas, quod ipse Pomponius factos illos *populo traditos*, id est uti ego ex Liuio; IX, 46. interpretor, *in albo* (o) *propositos*, refert.

VIII. Quanto gratius hoc plebi fuit officium: tanto minus illud placuit patriciis, qui novas subinde excogitarunt formulas, easque ne in vulgus manarent, occultioribus quibusdam notis consignarunt. Eas vero denuo euulgavit Sext. Aelius Q. F. P. N. Paetus Catus, (p) anno circiter V.C.DLIII. unde enatum IVS AELIANVM. L. 2. §. 7. *D. de orig. iur.* Cic.

VIII. Et
ius Aelia-
num.

reliqui auctores, ut puta, Valerius Maximus, Liuius, Gellius, Plinius, & ipse Cicero *Epist. ad Attic.* VI. 1. An facti sint iidem cum illis apud Gruterum *Inscr. p. CXXXIII.* nondum liquet.

- (n) Non decem viro illo, ceu existimat Guido Panciroll. *Var. Leff.* II, 2. sed Appio Claudio Caeco, cuius scriba fuerat Flavius. Plin. *Hist. Nat.* XXXIII, 1. Cicero *de Orat.* I, 41. Conf. Bynkersh. *in Præterm.* p. 46.
- (o) In albis aliquid proponere, non priuatorum erat sed Prætorum atque Aedilium.
- (p) Sextum hunc Aelium ob iuris prudentiam mirifice collaudant Cicero *in Bruto* XX & *de legib.* II, 23. Plin.

Cic. *pro Muraen.* XI. An hoc ius Aelianum idem sit cum S. Aelii Tripartitis nondum expeditum est. Negant Bertrand. *de Iurispr.* II, 4. p. 171. Guil. Grot. *Vit. Iureconf.* I, 3. p. 17. Mihi tamen ea de re dubitandum vix videtur ob *L. 2. §. 38. D. de orig. iur.* ex qua patet, in Tripartitis illis praeter XII. tabulas earumque interpretationem, legis etiam actiones occurrisse. Vid. Beyer *Posit. ad tit. D. de orig. iur. p. m.* 10.

IX. Vtriusque interitus & restauratio.

IX. Vtramque collectionem fata nobis inviduerunt. Formulas tamen actionum antiquas stupenda plane industria collegit Barn. Briffon. libro *de formulis & sollempnibus populi Romani verbis*, edito *Francof. MDXCII. 4.* quibus tamen non has tantum, sed & alias, sacras, militares, forenses familiaresque formulas complexus est. Fastorum exemplum non vnum exstat in antiquis marmoribus, ex quibus quaedam aeterno inscriptionum operi inseruit Gruter *p. CXXXIII*, & cum Petri Ciacconii aliorumque explanationibus recudenda curavit Io. Ge. Graevius *The-saur. Antiq. Rom. Tom. VII. 1.* Veterum denique notarum iuridicarum specimina post Valerium Probum, Petrum Diaconum & Mangonem dedit Io. Nicolai in libro *de Siglis veterum*, qui prodiit *Lugd. Batav. MDCCVI, 4.*

X. Ab

Hist. Nat. XXXIII, 11. & Ennius apud Cicer. *de Orat.* I, 45. cui vocatur.

Egregie cordatus homo, Catus Aeliu

Sextus.

Conf. L. 1. pr. C. de comm. serv. manum. De gente Aelia egregie differit Henr. Noris. *Cenotaph. Pisanae. Dissert. III, 2. p. 419.* (9)

X. Ab iis temporibus multae subinde latae sunt leges, multa quoque plebiscita, multa edicta praetorum atque aedilium prodierunt, quibus accesserunt responsa prudentum, & sub Imperatoribus senatus consulta, Edicta perpetua & Imperatorum rescripta, adeo, ut in magnum *aliarum super alias cumularum legum cumulum* excresceret Romana iurisprudentia. Liu. III, 34. Romanarum legum Senatusque consultorum historiam plures dederunt, in quibus eminent Paulus Manutius, Anton. Augustinus, Paulus Merula, Franc. Hotomanus, Ianus Vincent. Graulina; sed hi omnes tamen in tanta messe haut leue aliis reliquerunt spicilegium.

X. Romana iurisprudentia mole sua laborat.

XI. In hac legum Romanarum farragine haut pauci de universali quadam iuris Romani collectione cogitare coeperunt. Agitauerat hoc consilium Cicero, (q) cuius integrum ea derelictum allegat A. Gellius *Noct. Attic. I, 22.* Quinctilian. *Inst. Orat. XII, 3.* Ipse quoque luculentam illius operis *συνοψίαν* sub Crassi persona dederat libro *de Oratore I, 42.* Sed in spongiam incubuit hic Ciceronis Ajax.

XI. De Universali iuris Romani collectione cogitat Cicero.

XII,

(q) Ciceronem non fuisse in Romana iurisprudentia hospitem, vel scripta illius demonstrant. Q. Scaevolae se operam dedisse, testatur ipse in Bruto: & in orat. pro Muraena Cap. XIII. minatur, se, si sibi homini occupato stomachum mouerint, triduo iureconsultum professurum. Vnde & inter iureconsultos Ciceroni locum dedit Guil. Grot. *Vit. Iureconsult. I, 9. p. 61.* Sed an magnus in hac arte fuerit, adhuc sub iudice lis est. Vid. Schulting. *Orat. de iurispr. Ciceronis & Bynkersh. Praeterm. ad L. 2, §. 38. D. de O. l. p. 85. f.* (r)

XII. Vt
& Iul.
Caesar. &
Cn. Pom-
peius &
Constan-
tinus M.

XII. Idem labor, teste Suetonio *Iul. XLIV*, Iulium Caesarem; idem & iam antea Cn. Pompeium exercuit, si vera refert Isidorus Hisp. *Orig. V, 1. &*, qui hunc exscripsit, Gratianus *can. 2. distinct. 7*. Ita enim ibi Isidorus: *Leges autem redigere in libros primus consul Pompeius instituerere voluit, sed non perseveravit, ob treclatorum metu. Deinde Caesar coepit id facere, sed ante interfectus est. Sunt etiam, qui Constantinum M. de eiusmodi corpore iuris compilando cogitasse ferunt. Beyer. Posit. ad Digest. I, 1. 146. Sed nescio quo autore. Id certius, horum omnium consilia fuisse irrita. In primis dolendum, Caesari, huic operi quam maxime pari, per fata non licuisse tam praeclare de Romana iurisprudencia mereri. Huber. Auspic. domest. V, p. 177.*

XIII. Edi-
cta Prae-
torum
primum
collecta
ab Ofilio.

XIII. Edicta praetorum, Augusto imperante, diligenter colligere interpretarique coepit C. Aulus Ofilius Iureconsultus. (r) *L. 2. §. 44. D. de orig. iur. L. 1. §. 2. D. ne quis eum qui in ius vocabitur. Sed priuatim susceptum fuerat hoc opus, neque adeo publicam umquam auctoritatem videtur obtinuisse. Menag. Amoenit. iur. 447. & p. 98. Vnde eo facilius periit, postquam edictum Iuliani eius luminibus offecit.*

XIV.

(r) Iam ante C. Ofilium ad Edictum quaedam commentari coeperat Ser. Sulpicius, quae Bruto dedicavit *L. 2. §. 44. D. de Orig. iur.* ex quo Sulpicii commentario fragmentum exstat. *L. 5. §. 1. D. de institor. actione.* sed brevissimum hoc opus fuisse observat Pomponius.

(r)

XIV. Postea, Hadriano imperante, edicta praetorum in vnum codicem coaluere, vel ex multis potius edictum vnum, quod perpetuum vocabatur, concinnatum est circa annum, vti Ant. Pagi in *diff. Hypat. P. II. p. 209.* computat, cxxx. Eutrop. *Epit. Hist. Rom. VIII, 9. L. 1. §. 18. C. de vet. iure enucl. L. 10. C. de condi&ct. indebiti.* Auctor operis non Didius Iulianus, Imperator, ceu ex loco quodam Aurelii Victoris male intellecto coniecerat Hugo Grot. *Florum spars. p. 641.* sed Saluius Iulianus, Didii proauus, teste Spartiano *vit. Iulian. I. gente Africanus, Adrumetinus*, vti est apud Grut. *Inscript. pag. CCCCLVIII.* de quo iureconsulto praeter Bertrandum & Guil. Grotium legi merentur Aegid. Menag. *Amoenit. iur. XXIV.* & Henr. Dod. yvell. *Praelect. Cambden. VIII, p. 333.* Quamuis vero mirifice Iulianum collaudent veteres, adeo, vt eum vocent *virum sapientissimum, Nou. L. XXIV. maximae existimationis virum, & disertissimum iuris peritum, L. 5. C. de bonis quae lib. iuris sublimissimum testem, summae auctoritatis hominem, & praetorii edicti ordinatorem, L. 10. C. de condi&ct. indeb. summum auctorem iuris scientiae, L. 15. C. de usufr. & habit.* & quae alia passim sunt eius elogia: non tamen naevis caruisse aiunt hoc edictum. Quaedam enim addidit de suo, quae praetor nunquam edixerat *L. 3. D. de coni. cum emanc. lib.* Quaedam detraxit, veluti illa quae de iure iurando Vestalibus & Flamini Diali remittendo edixerat praetor. Gell. *No&st. Attic. X, 15.* Quaedam correxit pro lubitu *L. 1. §. 1. D. commod.*

XIV. Edictum perpetuum Saluii Iuliani.

commod. L. 1. D. quod met. causa. Vid. Io. Bertrand. *de Iurisperit. l. 1. p. 31.* Guil. Grot. *de Vit. Iureconf. l. 6. p. 127.* Iac. Gothofred. *Manual. Iur. l. 1. p. 14 15.* Nihilominus tamen facile eum excusat Hadriani Imp. auctoritas. Huius enim auspiciis scripsit. Et laudi sibi duxisse Hadrianum, si nova iura condidisse diceretur, quin ideo alterum Numam videri voluisse, ex Aurelio Victore Schotti praeclare obseruauit Henr. Dodvvel. *Praelect. Cambden. VII. p. 294.* Ceterum tantam hic Iuliani labor auctoritatem in foro obtinuit, ut Diocletianus & Maximianus Imp. illud *IUS PERPETVVM* adpellare non dubitent, in *L. 5. C. de adpellat.* Vnde non mirum, quod ex eo tempore Furius Anthianus, Pomponius, Callistratus, Paulus, Ulpianus alique clarissimi iureconsulti, certatim ad Edictum perpetuum commentati sint.

XV. Edictum provinciale.

XV. Eodem exemplo etiam Edictum provinciale nescio (s) quis concinnauit, quod tamen ab edicto perpetuo praetoris parum discrepasse videtur. Cui sane fragmenta ex commentariis ad edictum provinciale tantum non in omnibus fragmentis aliorum ex libris ad edictum praetoris respondent: adeo ut Gothofredus in ordinando edicto perpetuo etiam Cui fragmentis uti non dubitarit. Ceterum hanc
vtri-

(s) Eidem Hadriano hoc edictum provinciale tribuit Henr. Dodvvel. ad Spartian. *Had. 2 p. 395.* Sed dubium hoc est. Verosimilius, quod sub Marco in lucem prodierit. Vid. Ez. Spanh. *Orb. Rom. l. 1. 12. p. 97.*

utriusque edicti similitudinem nemo mirabitur; qui nouerit, iam olim proconsules urbana edicta in iure dicundo plerumque esse sequutos. Cicero *Verrin. 1, 46. & ad Attic. Epist. VI, 1.* Conf. Ezech. Spanhem. *Orb. Rom. Exerc. 11, 12.* p. 97.

XVI. Perit utrumque edictum, magno iurisprudentiae incommodo. Fragmenta tamen, hinc inde in Digestis reliqua, tamquam fractas e naufragio tabulas collegerunt Eguinarus Baro in libris *Manualium*, (†) Guil. Ranchinus, cuius labor ad edictum prodiit Paris. MDXCVII. 8. recusus in Io. Herm Schminckii *Syntagm. Critico. Marp. clō Io cexvii, 4.* & qui in digerendo ordinandoque potius, quam concinnando edicto, omnium superavit industriam, Iac. Gothofredus, cuius *Series librorum edicti perpetui inter quatuor fontes iuris civilis* exstat.

XVI. Restitutio edicti perpetui.

XVII. Ex quo Imperatores non amplius senatus consultis, sed epittolis, noua iura condere coeperant: intra ducentos annos in tantum cumulum etiam haec excreuere Principum rescripta, ut etiam de iis in codicis (u) colligere

XVII. Codices in quibus collectae constitutiones principum

(†) Parum honorifice de hac Eguinarii collectione sentit Iac. Gothofr. in *Biblioth. Iuris 1. p. 46.* ubi observat, auctorem saepe data opera fingere edicta, quae numquam fuerint, multaque eo referre, quae ex iureconsultorum placitis, moribus antiquis, nouisque principum institutis descendant.

(u) Codices quum semper vocentur huiusmodi Rescriptorum principalium collectiones: observandum, codices olim a voluminibus distinctos, atque ita adpellatos

colligendis cogitarint Gregorius & Hermogenes, seu, ut aliis vocantur, Gregorianus & Hermogenianus, quorum codices, priuata auctoritate concinnati, etiam a Iustiniano celebrantur. *Const. summa reip. §. 1. de Iustin. cod. confirm.*

XVIII.
Codex
Gregorianus.

XVIII. Ad Gregorianum codicem quod attinet, eum recentiorem Hermogeniano credit Guido Panciroll. *de claris legum Interpret. 1, 65. 66.* qui & auctorem esse suspicatur Gregorium, sub Valente & Gratiano praefectum anno-nae, Africaeque procos. cuius mentio fit *L. 15. C. Theod. de pistorib.* At Gregorio alii hunc codicem tribuit Gothofredus *Proleg. Cod. Theod. 1, p. 183.* qui sub Constantino M. fuerit Praefectus praetorio, cuiusque mentio fit. *L. 3. C. Theod. de annon. & L. 2. C. Theod. de contrab. emt.* ut & in *L. 1. C. de natural. lib.* Neutrum adeo certum atque expeditum videtur. Augustinus sane *ad Pollent. 11, 8.* auctorem non Gregorium vocat, sed Gregorianum: eodemque modo eundem laudat Auctor *collationis legum Mosaiicarum & Romanarum 1, 8. 9. & 10. VI, 4. 5.* Continuisse vero hic codex videtur constitutiones ab Hadriano usque ad Diocletianum & Maximianum. (x)

XIX.

pellatos libros quadrata vel quadrangula forma, (nam & triangularis formæ mentio fit apud Dionys. Perieget. p. 36.) quamuis alias vulgari usu omnes libri vocentur codices. *L. 52. D de Legat. 3. Salmaf. de mod. Vsr. X. p. 413. Schulting. ad Paul. p. 377.*
(x) In fragmentis sane codicis Gregoriani, quae etiam

XIX. Nec certior auctor est codicis Hermogeniani. Eugenio Hermogeniano, qui teste Baronio, sub Diocletiano, Praefectus praetorio fuit, atque ad senatum retulit de persequutione Christianorum, hanc compilationem tribuit Pancirollus *de clar. leg. Interpret. I, 65.* Alii Hermogenianum iureconsultum auctorem fuisse coniiciunt, quem sub Constantino M. eiusque liberis floruisse, erudite demonstrat Aeg. Menag. *Amoen. lur XI. Conf. Iac. Gothofred. Prolegom. Cod. Theod. I, p. 183. seq. Reines. Epist. ad Rupert. LXIX. p. 640.* Constitutiones vero principum, quorum Gregorianus rationem habuerat, in Hermogeniano etiam codice fuisse recte existimat Iac. Gothofredus, sed ita, ut in nonnullis inter se dissenserint. Quamvis vero de dissensu eorum res certa sit, neque dubitare nos ea de re patiatur Auctor *Collationis legum Mosaicarum & Rom. VI, 5.* qui vnam eandemque Diocletiani & Maximiani Constitutionem in utroque codice, *ast aliis tamen diebus & consulibus* lectam, testatur: nihil tamen est, quo certo demonstres, Hermogenianum etiam ab Hadriani temporibus auspiciatum fuisse. In fragmentis sane illius non nisi Diocletiani & Maximiani Constitutiones occurrunt, si à tribus

XIX.
Codex
Hermogenianus.

num exstant, legimus constitutiones Antonini Caracallae & Seueri, Alexandri, Gordiani, Philipporum, Valeriani & Gallieni, Cari & Numeriani, immo & Diocletiani & Maximiani. Ex quo patet, errare virum summum, Iac. Cuiacium, dum in *princ. paratitl. Codicis* Gregorianum codicem in Valeriani & Gallieni Constitutionibus desisse existimat.

bus primis discefferis, quae Aurelio (y) nescio cui tribuuntur. Sed quum hanc inscriptionem sinceram haut esse vel primo intuitu pateat, nec ratio vlla adpareat, cur post Gregorianum a-
dum agere voluerit Hermogenianus : non praeter rem suspicari mihi videor, Codicem Hermogenianum non nisi supplementum Gregoriani fuisse, adeoque praeter ea quae Gregorius omiserat, superiorum principum rescripta Diocletiani solum & Maximiani, vt & eius successorum Constitutiones comple-
xum esse, vsque ad annum Christi CCCXII.
(2)

XX.

(y) Nemo veterum Imperatorum solo Aurelii nomine dictus est. Vnde adparet Inscriptionem harum constitutionum minus esse sinceram. Sed certum est, has quoque constitutiones aut Diocletiani aut Maximiani esse. Nam prior C. AVRELIVS VALERIVS DIO-
CLETIANVS vocatur in marmoribus apud Gruterum *Inscript. p. CCLXXIX. & MLXXIX.* Posterior vero M. AVRELIVS VALERIVS MAXIMIA-
NVS dicitur non solum in nummis, sed & inscriptionibus apud Gruter. *p. CLIX. & CCLXXIX.* Accedit, quod haec constitutionum fragmenta in subscriptione habeant Sirmium, ex qua Pannoniae vrbe quamplurimas horum Imperatorum Constitutiones emanasse patet ex L. 19. L. 24. L. 25. C. *de transact.* aliisque plurimis. Vid. Schulting. *Iurispr. Anteiust.* p. 709.

(2) In Codice Iustinianno constitutiones quaedam occurrunt, post Diocletianum scriptae, & anteriores tamen epocha Codicis Theodosiani, qualis est L. *est. C. de tutor. & curat. qui satis non ded.* edita anno CCCVI. & L. 1. C. *de feriis* priore illa paullulum antiquior. Hae, quum ex Codice Theodosiano desumtae non sint, procul dubio ex alterutro horum codi-
cum

XX. Vterque collector profano deorum cultui addictus fuisse videtur Gothofredo. De Hermogeniano sane iureconsulto contra Io. Bertrandum id demonstrarunt Aegid. Menag. *Amoenit. lur. civ. XI.* & Guil. Grot. *Vit. Iureconf. vet. II, 12. p. 178.* Nec a veritate abludere videtur sententia Gothofredi, qui hos Auctores ideo tantam operam in colligendis vetustiorum Principum epistolis posuisse existimat, ut veteris iurisprudentiae anteconstantinianae, quae tum Constantini M. & successorum constitutionibus quotidie euerteretur, faciem posteritati contemplandam sisterent.

XXI. Perit vterque codex, praeter fragmenta, quae initio Iac. Sichardus edidit cum *Codice Theodosiano Basileae MDXXVIII. fol.* deinde Petrus Gregorius Tholosanus *Lugduni MDLXVI.* & Iacobus Cuiacius *Colon. Allobr. MDLXXXVI.* & eodem anno *Parisis.* Nouissima absolutissimaque editio est Antonii Schultingii, cuius simul annotationibus illustrata utriusque Codicis fragmenta prodierunt in *Iurisprudentia vetere anteiusliniana. p. 683. seq. Lugd. Bat. MDCCXVII, 4.*

XXII. Quum vero hi codices & priuatim collecti essent, & gentilium tantum Imperatorum rescripta complecterentur: Christianorum quoque imperatorum a Constantino M. usque ad suam aetatem constitutiones in vastum

cum in corpus Iustinianum migrarunt. Adeoque probabile est, Hermogenianum saltem Codicem pergisisse ad annum CCCVI. Schulting. *ibid.*

stum satis opus collegit THEODOSIUS IVNIOR Imp. circa ann. ccccxxxviii. Gothof. *Proleg. cap. i. n. 111*. Vnde etiam hic Codex inscribitur *Nouae leges legitimorum Principum* : itemque *Codex Theodosianus*. (a) Isidor. *Orig. V, 1. p. 925*. Iac. Gothofr. *Prolegom. ad Cod. Theod. I. & II*. Exstat etiamnum hic codex, qui post Sichardi, Tili, Cuiacii, Puteani, Pithoei & Sirmondi curas luculento commentario Iac. Gothofredi, illustratus prodiit *Lugd. clō 15 CLXVIII. fol. Tom. VI*.

XXIII.
Naeui huius
codicis.

XXIII. Nec tamen hic Theodosianus etiam codex sine naeui est, quos accurate recenset Gothofred. *Proleg. II. p. 187*. Imo nec integer satis ad nos pervenit. Nam CCCXX. circiter constitutiones occurrunt in Codice Iustiniano, quas in Theodosiano frustra quaesiveris, quarumque indicem confecit Anton. Maruillius, editioni Gothofred. subiectum sub titulo *Supplementi Codicis Theodosiani*, post Glossarium nomicum.

XXIV.

(a) Cum hoc Theodosiano Codice caue confundas *Alarici Gothorum Regis Codicem*, Aniani opera compilatum ex particulis codicis Theodosiani, Gregoriani, Hermogeniani itemque ex institutionibus Cui, sententiis Pauli & Corpore Ulpiani, hinc inde tamen interpolatis manu eiusdem Aniani. Nam & haec sarrago saepe *Codicis Theodosiani* vel *legis Romanae* nomine laudatur a mediaeui Scriptoribus, Oiselius *Proleg. ad Cui Inst.* Iac. Sirmond. *Quaest. tripl. ad calcem Var. Opus. Tomo III.* Iac. Gothofred. *Proleg. Cod. Theodof. V.* Car. du Fresne *Glossar. Lat. voce Lex Romana Tom. II. p. 269*.

(b)

XXIV. Adiiciuntur etiam Codici Theodosiano constitutiones *novellae* Theodosii, Valentiniani III. Marciani, Maiorani, Seueri & Anthemii, a Pithoeo primum vulgatae *Parif. MDXXXI.*

XXIV. Nouellae illi adiectae.

XXV. Quum ergo nemo ante haec tempora legibus compilatis fecisset operae pretium, iurisprudentiaque esset *ὡς αὖν ἄχθος καμήλων πολλῶν*, *multorum camelorum onus*, vt lepide ait Eunapius *Vit. Aedesii p. 32.* factum est, vt Iustinianus Imp. de noua vniuersi iuris collectione cogitare coeperit, laudandus sane hoc nomine, quod dignum persona imperioque suo cepit consilium, felix quoque eo, quod opus a multis ante se frustra tentatum perfecit, sed a multis reprehensus, quod non prudentius hoc negotium conficiendum curavit, & in eo infelicissimus, quod in ea incidit tempora, quibus ob gliscentem barbariem vix licebat orbi litterario magnum quid atque excellens a iureconsultis eius aetatis exspectare.

XXV. Collectio Iustiniani.

XXVI. Est hic princeps ancipitis admodum famae, &, si eius ingenium noueris laudibus, quas ei vulgus iureconsultorum admittitur, vix dignus. Fuit sane varius in omni genere vitae, Cleri pariter ac Theodoraе, mulieris scenicae, quam uxorem duxerat, ludibrium, ad euertendas pretio leges paratissimus, a prudentia denique legislatoria parum instructus, si incorrupta fides Procopii in *Anecdosis* a Nic. Alemanno vulgatis, cui nescio an ab Eichelio, Gabriele Triuorio, aliisque satisfactum sit.

XXVI. Huius Imperatoris genius.

xxvii.
istorum,
quorum
opera
vius in-
doles.

XXVII. Nec opera vsus est virorum huic labori parium, sed *Dorothei, Theophili*, aliorumque huius commatis iureconsultorum, & maxime *Triboniani*, cuius indolem post Suidam in voce *Tribonianus*, viuis coloribus depinxit Franc. Hotomanus in *Antitriboniano. cap. XI, & XII, p. 146. seq.* Et quum huius viri imprudentia & sublesta fides ex ipsis operibus eluceat, (quamuis & quaedam ei perperam vitio verantur,) merito miramur, Io. Chiffletium *de utriusque iuris architectis*, & Ianum Vincentium Grauinam *de ortu & progr. iur. ciuil.* CXXXVII. p. 159. seq. tanto molimine eius causam egisse.

xxviii.
Codex
Iustinia-
neus.

XXVIII. Huius ergo viri opera, auspiciisque Iustiniani, A. C. DCCXVIII. Id. Febr. primo loco prodiit *Codex Iustinianens prior*, qui quam parum diligenter fuerit a decemviris huic operi praefectis collectus, vel inde patet, quod postea vna litura videretur induendus. (b) *Const. Haec quae fin. de non. C. fac.*

xxix.
Pandec-
tae.

XXIX. Deinde xvii. viris datum negotium, conficiendi *pandectas*, vel *Digesta*, (c) in quae

(b) Interim laudatur prior iste Codex in Institutionibus in quibus adeo ad multas Constitutiones remittimur, quae in nostro *Codice repetitae praelectionis* desiderantur.

(c) *Digestorum* vocabulum iam olim iureconsultis familiarissimum fuit. Exstiterunt olim *Digesta* Iuliani, Alpheni Vari, Iuuentii Celsi, Vlpii Marcelli, Cereidii Scaevolae, Pauli. Ita vero vocati sunt libri, in quibus decisiones & disputationes iuris continebantur, ac veluti digestae essent. Bertrand. *de Iurisp.* I. 1. Ita & *pandectas* scripsere Vlpianus, & Modestinus, (d)

quae Tribonianus eiusque socii, quidquid ex ICtorum scriptis excerpterant, coniecerunt. Sed quam parum diligenter isthoc quoque labore defuncti sint, & brevitatis temporis ostendit, (intra triennium enim tantum opus absoluerunt,) & parum commoda excerptendi methodus, & ordo rerum perturbatissimus, ne ad edicti quidem perpetui seriem per omnia redactus, (vid. Bynkersh. *Obs.* II, 25.) & tot denique emblemata, quae iam dudum Pandulphus Præteius in *iurisprudentia media*, & Iac. Wilsenbachius *singulari tractatu* notarunt, quamvis & hic aliquando iniuria fiat Triboniano. Conferatur Iac. Frid. Ludovici *Hist. Pandect.*

XXX. Tum porro sequuntur sunt *Institutiones*, a Triboniano, Theophilo & Dorotheo, (tantillum scilicet compendium a tribus viris) conscriptae. In iis & divisio librorum, & materialium ordo aliquando auctorum arguitur. In plerisque sequuti sunt Caium, (d) quem Imperator, vel potius Tribonianus, ideo suum vocat. Conf. de eo Caio Menag. *Amoenit. iur.* p. 464. Bertrand. *de iurispr.* I, 29. Guil. Grot. *Vit. Iureconf.* II, 7.

XXXI.

(d) Exstat etiam nunc *Caii institutionum* sine epitome sua, ab Aniano Wifigotho servatum, atque hinc inde interpolatum, quod cum aliis eius fragmentis luculentoque commentario editit Iac. Oiselius & suis aliorumque adiectis notis Ant. Schulung. in *iurisprud. ant.* 4. I. 1. Bat 1717. 4. Saeculo tamen XI. integriores adhuc supersuisse Caii institutiones, ex Cyni loco memoabili ostendit. Bynkersh. *de reb. h. ant.* cap. 7. p. 107.

XXXI.
Codex
repetitae
praele-
ctionis.

XXXI. Sed ne hic quidem substitit Iustini-
niani diligentia. Quum enim prior ille Codex
parum placeret, & in multis pandectae ab eo
discederent: denuo V viris eius emendatio-
nem commendavit. Vnde prodiit *Codex repe-*
itae praelectionis, promulgatus anno DXXXIV, XVI.
Kal. Dec. qui etiamnum exstat.

XXXII.
Novellae.

XXXII. Denique Iustinianus, vt erat ad
mutandum emendandumque proclivis, multa
in superioribus libris promulgata ipse sustulit &
mutavit, editis subinde novis constitutionibus,
quas *Novellas* adpellant. Nouem earum colle-
ctiones, vel, vt barbare vocantur, *collationes* a cu-
iusnam manu sint, parum constat. (e) Nec
omnes Iustiniani, sed quaedam etiam Tiberii
Imp. sunt. vti CLXI. CLXIII. CLXIV. quaedam
etiam Iustini, vti CXVII. CXL. CXLIV. CXLVIII.
CXLIX. Id saltem vel ipsa versio ineptissima in-
dicat, eas collationes e barbaris seculis esse.
Vnde de Graeco restituendo textu iam dudum
soliciti fuere eruditi. (f) Novellas CXLIV.
Graece edidit Greg. Haloander *Norib. MDXXXI*
fol. alias XXIII, e codice Fuggeriano extulit
Henr. Scrimgerus Scotus, quae prodire *ex Ste-*
phaniana MDLVIII. fo. Exstant & versiones
Latinae cultiore stilo adornatae partim a Iulia-
no,

(e) Ipsum enim Tribonianum, qui *Novellarum* colle-
ctionem promisit § 4. *Const. de Emend. Cod.* aucto-
rem haut esse, vel ex ipso stilo adparet. Nec magis
de Berguntione liquet.

(f) Nec omnes tamen novellae Graece conceptae. Vid.
Nou. 9. 11. 17. 23. 33. 34. 35. 41. 62. 65. 114. 138. 143.
150. quae manifesto Latine editae a Iustiniano.

no, (g) Patricio & Antecessore Constantinopolitano, partim a Gre. Haloandro, quarum haec cum corpore iuris Haloandrino, illa e bibliotheca Pithoeorum prodiit *Basf. 1576. f. & Parisf. 1689 f.*

XXXIII. *Authenticæ* ex novellis desumptæ adiectæque codici iam seculo VI. a Gregorio M. *Epist. XI, 54. & Iuone Carnot. Part. III. Cap. CLXXXV.* citantur. Vnde nec ab Irnerio sunt. vt vulgo creditur, nec a Iureconsultis Papiensibus, qui tamen forsan eas auxerunt. Vid. Strauch. *Diff. Acad. IV. Cap. 1. 2.* Beyer. *Poëst. Pandect. I, 2 p. 30 seq.*

XXXIII.
Authenticæ.

XXXIV. Post Iustiniani tempora in occidente non adeo magnum iuris Iustiniani vltum fuisse comperio, *Wisigothi* Codicem Theodosianum compilationi Iustinianæ præferebant. In *Italia*, quo Longobardorum arma non pertigerunt, *Codex* tantum & *Novellæ* in aliquo pretio erant. Postea a Francis permissum Italis, iure vel Longobardico vel Romano vel Francico uti. Demum ab Irnerii tempo-

XXXIV.
Vfus iuris Iustiniani in occidente.

(g) Ad hunc Iulianum pertinet epigramma Thæceti, quod exstat in *Antholog. IV, 1.*

Τῷ Τῶν ἰουλιανῶν νομικῆς φάσς, ὕπον ἰδῆσαι
Ῥώμην καὶ Βεργῶν, πάντα εἴς τις δύνатаί;

Roma & Bergus conspicio hoc lumine legimus

Quantum, aiunt, virtus, ingeniumque potest!

Quod elogium ad Saluium Iulianum, Edicti perpetui conditorem, frustra retulerant Alciat. *Dispunct. II, 27.* & Bertrand. *de iuris perit. I, 1. p. 30.* merito hinc notati a Menagio *An. æn. Iur. Civil. XXIV.* & Guil. Grot. *vit. Iureconsf. II, 6. p. 122.*

temporibus enatum est studium iuris ciuile in scholis Italicis. De quibus omnibus videndus *Conring. de exigis iur. Germ. cap. XX. seq.*

xxxv.
In oriente
ius Iusti-
nianeum
primo
Graece
versum.

XXXV. At in oriente non cessatum a compilandi studio, siue quod Imperatores Iustiniani gloriae inuiderent, siue quod eius compilationes ob insignem prolixitatem odissent. Et primo quidem de Graece vertendo corpore iuris cogitatum imperante Phoca. Institutionibus ergo eam operam nauauit Theophilus, ille ipse, qui institutiones cum Triboniano & Dorotheo elaborauit. Eius enim paraphrasin iam laudari Thalelaeo ipse obseruat Fabrot. in *Praefat. ad Theoph.* vid. Gundlingiana *Part. II. obs. II.* Pandectis & Codici Thalelaeus, Theodorus Hermopolita, Anatolius & Isidorus Suares. *Notit. Basilic. Tom. I. praemiss.* Vinc. Graulina *de orth. & progr. iur. ciu. n. CXXXIX. p. 163. seq.* Theophili paraphrasis potius, quam versio etiamnum exstat, edita primum a Viglio Zuichenio insigni Frisiae nostrae ornamento Bas. anno MDXXXIV. deinde a Christiano Wechelio Paris. eodem anno, hinc a Iodoco Petro Neithardo anno MDXLIV, porro a Iac. Curtio anno 1545. Dionysio Gothofredo anno MDLXXXVII. & denique a Carolo Hannibale Fabrotto *Parisi. 1634. & 1657.* Thalelaei opus pandectarum nondum adspexit lucem. (b)

XXXVI.

(b) Vidisse se tamen alicubi hanc versionem MSc. testatur Greg. Haloand. in *praefat. Nouellar.* Quem admodum & codicem Graecum visum esse in Cretainiada, tradit Suallenb. in *proleg. Harmenop.* (c)

XXXVI. Postea Basilus Macedo nouam collectionem instituit, desiderans in Iustiniano corpore breuitatem, perspicuitatem ordinemque concinnum. Cedren. *Annal.* p. 568. Leon. Imp. *prooem. ad Basilica.* Sed morte praeuentus non nisi epitomen edidit codicis Iustiniani, quam *πρόχειρον τῶν νόμων* adpellauit. Perit hoc opus praeter fragmenta quaedam de nuptiis Io. Leuncl. *Iur. Graeco Rom. Lib. II. p. 86.* aliudque apud Baron. *Ann. DCCCXXVI. n. XII.*

xxxvi.
Deinde
noua col-
lectio
tentata
Basilio.

XXXVII. In labore illo Basilio, idem, qui in imperio successit Leo, filius, insigni rerum scientia σοφὸς vel φιλοσόφος cognomen adeptus. Etis quidem edidit βασιλικὰ νόμια, vel διατάξεις βασιλικὰς ex pandectis & codice, omiſſis tamen iureconsultorum & Imperatorum nominibus, compilata Suares *l. c.*

xxxvii.
Et Leone.

XXXVIII. Denique Constantinus Porphyrogenneta, frater Leonis natu minor edidit repetitam βασιλικὴν praelectionem, quae & πρόχειρον νόμα, vt & τὸ πλάτος τῶν νόμων nec non τὸ πλάτος absolute appellatur. Et haec ipsa sunt illa βασιλικά, quorum libros XXVII, XXIX, XXX, XLV, XLVI, XLVII, XLVIII, edidit Gentianus Heruetus. Paris. clo 1571. Librum LX, Iac. Cuiacius, vtrique coniunctim sub titulo βασιλικῶν διατάξεων Dionys. Gothofredus Harpoc. 1606. fol. Libr. XXXVIII, & XXXIX. ex Cuiacii schedis emisit Car. Labbaeus Paris. clo 1601. Integra βασιλικά (i) Graeca & La-

xxxviii.
Nec non
Constantino Por-
phyro-
genneta.
Vnde na-
tum opus
Βασιλι-
κῶν.

(1) Libr. cimen XIX. XXXII. XXXIII. XXXIV. XXXV. XXXVI. XXXVII. XXXVIII. XXXIX.

tina debemus Car. Annib. Fabrotto, qui ea publicauit *Parif. 1607. f. Tomis VII.*

XXXIX.
Variae
epitomae
inde con-
fectae.

XXXIX. Succedere variae epitomae, quales sunt I.) *πρόχειρον μικρόν* ab iisdem Imperatoribus confectum, quod & *ἐκλογὴς καὶ ἐπιθροῦς* nomine venit. (κ) II.) Index *νομικῶν κατὰ στοιχεῖον* per alphabeti seriem digestus, a Io. Sambuco Pannonio Tarenti repertus & sub titulo *ἐκλογὴς βασιλικῆς* editus a Io. Leunclauio *Basil. 1576.* Auctor fertur Romanus Lacapenus. Vid. Cuiac. *Obs. XVIII, 37.* III.) Mich. Attaliotae, iudicis & Procos. *πόνημα* seu *πραγματικὴν* tempore Michaëlis Ducae compilata. (l) IV.) Michaëlis Pselli *synopsis*, qua ius compendiarium versibus politicis complexus est, (m) V.) *πρόχειρον*

XLIII. XLIV. XLIX. & LIX. non sunt authentici, sed a Fabrotto ex Synopsi *βασιλικῶν*, & Theodoro Hermopolita, Constant. Harmenopulo & Cuiacii Commentariis utcumque compilati. Forſan ii etiamnum in bibliotheca quadam latitant. Ita ominabar secundam editionem quum pararem. Vatem me fuisse haut vanum, nuper demum intellexi Amstelodami ex V. A. Corn. a Bynkershoek, qui se bonam horum partem aiuvene nobili, Parisiis redeunte natum referebat. Gratulamur saeculo hunc thesaurum, maxime si obstetricias viri doctissimi manus experietur.

(κ) Eius titulos priores XXVIII. exhibet Io. Leunclau. *Jur. Graeco Rom. Tom. II. p. 79.* Conf. Lambec. *Bibl. Vind. Lib. V. p. 162. & Lib. VI. p. 24. 25.*

(l) Edidit illud *πόνημα* sub titulo *σύνεψις ὡς καὶ συνέψις*. Io. Leunclau. *Tom. II. p. 1.*

(m) Prodiit ea synopsis cum aliis quibusdam Mich. Pselli opusculis cura Franc. Bosqueti *Parif. 1612. 8.*

(n)

χαρῶν Constantini Harmenopuli, qui circa annum clc cccxlv. floruit (n) ex Basilicis contractum, & nuncupatum ἐξάβιβλον. Ei non abfimile VI. Antiochi Balsamonis πρόχειρον, & si qua sunt huius generis alia.

XL. Denique Turcae, capta Constantinopoli, & Graecorum imperio, & iuris Romani in oriente studio finem fecerunt, dubiumque est, an in Turcicis dicasteriis quaedam iuris Iustiniani reliquiae serventur. Vid. Groeneweg. *ad proem. Instit. num. 1.* Feltmann, *ad L. 22. §. 3. D. de orig. iur.* Pagenstech. *Sicilim. Manip. 2. p. 105.* Leonis certe nouellas hodieum in Graecia non extra vsum esse, patet ex Christ. Angeli *de statu eccl. Graecae p. 112. & 115.* & obseruauit id Bynkersh. *obs. IV, 1. p. 385.*

XL. Finis iuris iustiniani in Oriente.

XLI. At in occidente a saeculo XII. magis magisque in academias & fora irreperere coepit ius Iustinianum, cuius tot ex eo tempore prodierunt editiones, glossae, commentarii, paratitla, systemata, compendia, vt eorum mole & multitudine laboremus.

XLI. Eius incrementa in occidente.

XLII. Quum Iustinianus §. 3. huius proemii & §. 2. sequentis tituli nonnulla quoque de docendae discendaeque iurisprudentiae ratione moneat: licebit & nobis ea de re ex antiquitatibus differere. Iuris scientiam olim in latenti habebant patricii, (o) nec temere solebant

XLII. Ratio veterum tractandi ius ciuile.

(n) Editus est Harmenopulus Graece & Latine cum notis Io. Merceri & Dionysii Gothofredi *Gen. 1587.*

4.
(o) Hinc est quod iureconsulti adpellantur *principes ciui. atis*

bant quemquam, nisi sui ordinis, hisce sacris initiare. Cicero *de offic.* II, 19. *Cum multa praeclara maiorum, tum quod optime constituti iuris civilis summo semper in honore fuit cognitio atque interpretatio. Quam quidem ante hanc confusionem temporum in POSSESSIONE SUA PRINCIPES retinebant: nunc ut honoris, ut omnis dignitatis gradus, sic hujus scientiae splendor deletus est.* Addi poterit ejusdem Ciceronis *Oratio pro Muraena* XII, & *de Oratore* I, 41. Et videtur fane antiquissimis temporibus iuris prudentia veluti traditione quadam conservata inter patricios, usu magis quam institutione addisci consuevisse. Quod non difficile erat in tanta Romanarum legum paucitate.

XLIII.
Metho-
dus eo-
rundem
tradendi
iurispru-
dentiam.

XLIII. Primus veterum hanc consuetudinem inigrauit Tiberius Coruncanius, primus e plebe Pontifex Maximus, anno V. C. 10. Is enim odio patriciorum iuris cognitionem, quam alii in latenti habuerunt, paullo amplius diuulgauit, & discantibus se dare coepit L. 2. §. 35. *D. de O. I* Eius Exemplum deinde sequuti sunt alii, veluti Q. Mucius Scaeuola, C. Aquilius Gallus, L. Lucilius Balbus, T. Iuuentius, Q. Cornelius Maximus, & imprimis Seruius Sulpicius, quorum ex aedibus, tanquam ex equo

uitatis. Cuiac. *ad Pompon.* L. 2. §. 35. *D. de Orig. iur.* p. 1188. *maximique viri, Pompon. d. l. 2. §. 35.* Hinc illa Mucii obiurgatio: *Turpe esse patricio & nobili, & cunctas oranti, ius, in quo versaretur, ignorare* L. 2. §. 42. *cod. Conf. G. Schubart. de Fatis iurisp. Rom. Ex. I, 16. p. 28.*

(p)

equo Troiano, magna praestantissimorum iuriconsultorum frequentia prodiit. Quum vero hi omnes amplissimos in vrbe honores gesserint; facile est ad existimandum, eos non scholas aperuisse, aut leui didaculo inuitatos subfellia posuisse discuntibus. Sed solebant, quum de iure consulentibus responderent, admittere iuvenes, qui audirent, notarentque responsa, rationemque tradendi atque interpretandi iuris, adeoque vna opera & consulentibus & discuntibus satisfacere. Cicero in Oratore ad Brut. XLI. *Ius civile docere, semper pulcrum fuit, hominumque clarissimorum discipulis floruerunt domus.* Et paucis interiectis: *Alteros respondentes audire sat erat, ut ii qui docerent, nullam sibi ad eam rem tempus ipsi seponerent, sed eodem tempore & discuntibus satisfacerent, & consulentibus.* Ac denique in Bruto LXXXIX. *Ego autem, iuris civilis studio, multum operae dabam. Q. Scaenolae, P. F. qui quamquam nemini ad docendum dabat, tamen consulentibus respondendo, studio sonandi decebat.* Ex quibus patet, vsu magis atque exercitatione, quam doctrina, veteres ad tantam de iure respondendi facultatem adspirasse.

XLIV. Sub Christianis. Imperatoribus publica Romae schola floruit, iurisprudentiae etiam studiis consecrata, de qua infra dicemus Lib. I. Tit. XXV. n. XX. seq. Docuerunt in ea schola iureconsulti vel Antecessores duo, tempore Theodosii iunioris L. vii. C. Theod. de iud. lib. i. v. b. Rom. & Const. antea tamen eodem instituto, quo veteres erant, vsi, iuvenes domi habuisse videntur Papinianus, de cuius discipulis

XLIV.

Schola iuridica Romana.

lis Lamprid. in *Alex. Sen. LXVIII.* aliique iure-
consulti egregii quorum in digestis fragmenta
exstant.

XLV. Me-
thodus
docendi
in scholis
iuridicis
ante &
post Iusti-
nianum.

XLV. Denique a tertio saeculo tres prae-
cipue scholae floruerunt iuridicae, Romae,
Constantinopoli, & Beryti, hoc privilegio mu-
nitae, ut non liceret alibi cuiquam ius docere,
ceu infra docuimus *Lib. I. Tit. XXV. n. XX. seq.*
in his scholis ea servata methodus, ut primo
anno non nisi ad limina legitimae scientiae ad-
mitterentur, dicti ideo *dupondii*; quasi nullius
pretii homines (p). Secundo anno Edicti audie-
bant interpretationem, unde & *Edictales* cogno-
minati. Tertio anno ad praelectiones in prio-
res octo libros Responsorum Papiniani admit-
tebantur, atque inde dicebantur *Papinianistae*,
quo nomine adeo sibi placebant iurium stu-
diosi, ut diem, quo eius doctrina primum fue-
rant initiati, festum sollemnemque haberent.
Bertrand. de Iurispr. I. 2. p. 38. Quarto anno
Responso Pauli in manibus erant, eaque tunc
ipsi recitabant, & tum dicebantur *λύται*, quasi
soluendis quaestionibus idonei, vel ut ait Iuve-
nalis *Satyr. VIII Qui iuris nodos legumque aenig-*
mata

(p) *Seneca Controv. X, 1. Ita ne peribunt decem iuvenes
propter dupondios duos? Hieronym. ad Helvid. p. 12.
Tom. VI Op. Quis te, oro, dupondio supputabat? Et
Petron. p. 13. dupondium pro pretio vilissimo acci-
pit, ubi addendae virorum doctorum observatio-
nes, & Cuiac. Obser. XII, 40 Nemo non hic depre-
hendet speciem quamdam moniti illius scholastici,
quod recentiore aetate Penalissimi nomine acade-
mias inuenerat.*

(g)

mata solunt. Vnde errant. qui λύται vertunt solutos: sic enim dici debuissent λύται, ut recte observat Turneb. *Advers. VIII*, 19. Quinto anno, quo Constitutiones addebant, *πρόλυται* dicti. Sed mutavit nonnulla Iustinianus, qui primo anno Institutiones suas & τὰ πρῶτα legum praelegi, novitiosque *Iustinianeos nomos* dici voluit: secundo quosdam digestorum libros, quos ipse praescribit, per vicissitudinem interpretandos, audiebant, servato *edictalium* cognomine. Tertio anno *Papinianistas* vocari concessit, sed audire eos iussit libros digestorum XX. & XXI. Reliquos digestorum libros adiiebant anno quarto, quo λύται dicti, quemadmodum quinto codicem iungebant, & *πρόλυτων* nomen eo ipso merebantur. Vid. Iustin. *Orat. ad Antecessores* §. 2. 3. 4. 5. & ibi interpretes.

LIB. I. TIT. I.

DE

IVSTITIA ET IVRE.

Titulo hoc institutionum non inculcantur leges quaedam Romanae, sed principia generalia, & quae ad ideam iustitiae & iuris concipiendam faciunt. Quum ergo in definitione iustitiae & Iuris a recentioris scholae placitis se procul seiunxerint veteres iureconsulti: ratio eius rei ex antiquitate erit reddenda.

I. Iurisconsulti itaque, quod inter omnes constat, plerique cum legum studio philosophiam olim coniungere, ex eiusque principiis
C
I. Iuris
consulti
operam
dabant
philosophiae.
leges

leges sunt interpretati. Vnde Cicero *de Legib.* I. 5. *iurisprudentiam non a praetoris edicto, ut plerique sua aetate fecerint, neque e XII Tabulis sed penitus ex intima philosophia petendam putabat.*

II. Maxi-
me Stoi-
ae.

II. Quamvis vero non eidem omnes sectae nomen dederint, & Epicureae inprimis fauerint C. TREBATIVS TESTA (a) (*Cic. VII. Epist. 12. Gassend. de vit. & morib. Epis. Tom. V. op. p. 188. Aegid. Menag. Amoenit. iur. p. 80.*) ALFEN. VARVS (*L. 76. ff. de indic. & ibi interpretes*) & alii: plerique tamen teste Athenaeo *Deipnos. VI, 8.* stoicam philosophiam maximi habuerunt, vel quia Zeno minime, ut aliae sectae philosophorum a rebus gerendis auocabat, (*Diog. Laert. VII, 122. & 130.*) eaque secta *turbidos & negotiorum appetentes* facere videbatur; *Tacit. Ann. XIV. 57.* vel quia isti sapientes philosophiam practicam felicius, quam alii excoluerant. Et hinc stoica philosophia *summa* dicitur *sapientia* L. 2. *D. de leg. (b)* Multis id demonstrarunt Schilterus in *Manuductione philosop. moral. ad iurisprud. Cap. I.* Vinc. Graulina *de ortu & progressu iur. civil. num. XLIV. p. 80.* Em. Merill. *Observ. I, 8.* & singulari ac pererudita oratione V. C. Euerardus Otto.

III. Vnde
multa in
iure Stoi-
ae.

III. Hinc frequentissimae in iure nostro I. deri-

(a) Dissentit Schilter. *Manud. phil. mor. ad iurispr. I, 6. p. 7.* Sed Trebatius initio stoicus postea Epicureus factus videtur *Cic. Epist. VII, 12.*

(b) Fallitur ergo Paganin. *Gaudent. de ortu & progr. philos. ap. Rom. cap. XLIII. p. 106.* qui plerosque Ictos cum Aristotele potius & Platone sensisse putat, *Conf. obs. Hal. VII. p. 252.*

(a)

derivationes nominum satis contortae, quales stoicis erant sollemnes e. g. testamentum quasi *testatio mentis*; mutuum, quasi *quod ex meo fit tuum*. Vid. Cui. *Obs.* XI, 37. Em. Alerill. *Observ.* I, 8. *seq.* Frequentissimae II. *definitiones* mere stoicae, qualis est etiam in hoc titulo *definitio iuris naturae*. Frequentissimae III, *diuisiones stoicae*, qualem esse illam rerum corporalium & incorporalium, ex Sexti Empirici VII. *adu Mathem.* & Senec. *Epist.* LVIII. obseruauit Oiselius *ad Cui Inst.* II, 1, 1. p. m. 73. Frequentissimae denique IV. *decisiones* ex interioribus philosophiae stoicae principiis deriuatae, quales collegerunt Vinc. Graulina l. c. Schilterus l. c. & V. C. Euerardus Otto *de philos. Stoica iurec.*

IV. Quamuis vero philosophiae amanti-
mi essent Romani Iureconsulti semper tamen
inter eos reliquosque philosophos ἀπράγματος, in-
primis Epicureos, quaedam intercessisse vide-
tur aemulatio. Eoque pertinere arbitramur
verbosam illam Vlpiani declamationem de *ve-
ra non fucata iureconsultorum philosophia*. L. I. §. I. D.
de instit. & *iure* nec non quae Horatius *Lib. I.*
Epist. I. canit: *Nunc agilis fio, & mersor CIVI-*
LIBVS VNDIS, *Virtutis verae custos rigi-*
daeque sacerdos. Conf. Cic. *Epist.* III, 9. 10. ubi
Epicuri philosophia ἀπράγματος **ASTUTA** voca-
tur. Locum praeclare explicari memini in
Gundlingianis.

V. Et ista quidem aemulatione factum est,
vt iureconsulti ea, quae philosophorum erant
propria, ad se raperent, e. g. vt definitionem
philosophiae iuri suo adplicarent: §. I. *Inst. h. t.*
C 2 vt
IV. Ae-
mulatio
inter iu-
reconsul-
tos &
philoso-
phos.
V. Cuius-
reconsul-
ti multa
philoso-
phorum
propria
iura

applica-
runt.

vt loco iuridicae definitionis iustitiae darent
mere moralem & philosophicam: & denique
ipsa illa iuris praecepta §. 3. *Inst. h. t.* ex philo-
sophia morali stoicorum in ius transferrent.
Conf. Schilter. *l. c.* Christ. Thomas. *Annot. ad*
Inst. h. t. Ger. Noodt *Iul. Paul. X. p. 365.* & quae
nos obseruauimus in *Elem. Iuris ciuil. h. t.*

TIT. II.

DE

IVRE NAT. GENT. ET CIVILI.

Agitur hoc titulo de *diversis speciebus iuris*.
Quum vero iam superiore titulo, cur hunc
potissimum de iure naturae & gentium sibi
conceptum formarint, abunde explicatum sit:
iam ex antiquitate varia iuris ciuilis genera sunt
explicanda, docendumque quid lex fuerit,
quid *plebiscitum*, quid *praetores* & *aediles*; quid
item *iureconsulti* ad locupletandum ius Roma-
num contulerint, quid denique *Imperatores* in
legibus Romanis, earumque ferendarum ratio-
ne immutarint.

I. Leges
proprie
sic dictae
a quibus
latae?

I. *Lex* Romanis, libera adhuc republica,
vocabatur, quam populus Romanus, Superiore
magistratu rogante, constituebat. (a) §. 4. *Inst.*
h. t. Eiusmodi magistratus superiores quibus
cum populo agendi ius esset, praeter Reges,
Inter-

(a) In libera ergo republica ad legislationem omnes
concurrerant, & hinc patet ratio, cur *lex communis*
reipublicae sponso vocetur Vlpiano *L. 1. D. de Le-*
gib.

(b)

Interreges, Dictatores, Consules, erant Tribuni militum *cos. potestate*, Censores, Praetores. Hinc non ignotae leges *Regiae*; non ignota lex Aemilia de censura a *Dictatore*; lex Aelia Sentia, a *Coss.* lex Pinaria de ambitu a *Tribuno mil. cos. pot.* lex Caecilia de fullonibus a *censores (*)* (Plin. *Hist. Nat.* XXXV, 17.) lex Aurelia iudicialia a *Praetore* (Flor. Epit. Liu. CXVII.) latae.

II. Ab his ergo magistratibus, lex, si qua opus videretur, primo domi *scribenda* erat. Quod fiebat adhibitis viris prudentibus & necessariis, cum quibus expendere solebant, an lex esset e republica, maiorumque moribus conueniret. Vnde plerumque additae formulae: SI QUID IVS NON FVIT ROGARI, EIVS HAC LEGE NIHIL ESSET ROGATVM, itemque: SI QUID CONTRA ALIAS LEGES EIVS LEGIS ERGO LATVM ESSET, VT EI, QVI EAM LEGEM ROGASSET, IMPVNE ESSET. Cic. *ad Attic.* III, 23. Conf. Briffon. *de Form.* II. p. 138.

II. Earum scriptio.

III. Scripta lex *communicabatur cum senatu*, sine cuius auctoritate cum populo agere nefas habebatur. Liu. I, 17. Plutarch. *in Coriolan* p. 227. Quum vero Senatus nonnunquam difficilior esset in permittendis comitiis, lege Maenia cautum est, *vti, rogatore comitiorum iussu postulante, patres ante iurata suffragia fierent auctores eius rei, quam popu-*

III. Communicatio cum senatu.

(*) Alioquin non negatur, saepe etiam *leges censorias* adpellari Censorum edicta, quibus conditiones locationum publicarum proponebant Gell. XV, 11. Vid. Gundlingiana *Par.* XVI. Obs. 1. §. XXVI. p. 61.

populus iussurus esset. Cic. in *Brieto*. cap. XIV. "In eandem sententiam legem tulit Q. Publilius Dictator apud Liu. VIII, 12. Et postea quum iste mos desuetudine obumbraretur illum de- nuo in vsum reuocauit L. Cornelius Sulla. Vid. Appian. de *bello ciuil.* l. p. 650.

IV. Pro-
mulgatio,

IV. Hinc porro legis sequebatur *promulga-*
tio. Publice enim lex proponebatur, vt quilibet e populo eam legere, expendere, & ferendane esset, an antiquanda, secum statuere posset. Spatium promulgationis erat *trinundinum*, vt lex noua etiam a rustica plebe, quae singulis nundinis rure in urbem veniebat, legi ponderarique posset. Cic. *pro domo cap.* XVI, & *Phil.* V, cap. 11. Manut. de *Leg.* p. 839. Addebatur editum, vt populus in proximum trinundinum in campo Martio conueniret. Gell. *Noct. Attic.* XIII, 14. Quum tamen ipsis nundinis cum populo agere haut liceret; comitia plerumque in sequentem diem indicebantur. Macrobi. *Satur.* I, 16. Et his demum omnibus obseruatis, magistratus quis POPVLVM IVRE ROGASSE, POPVLVSQVE IVRE SCIVISE dicebatur. Cic. *Philipp.* I, 10. (b)

V. Recita-
tio per
praeco-
nem neo
non sua-
sio & dis-
suasio,

V. Lex ipsa ferebatur in *comitiis*, olim in *curiatis*, postea & *centuriatis*, & tributis ad quae vbi populus in *campum Martium* vel in *comitium* ad rostra confluxisset, praeco primum legem

(b) Neque tamen promulgatio sola faciebat legem, sed populi suffragium. Sola lex Didia Licinia tanto studio patrum lata est, vt SCO caueretur, vt eam promulgatam omnes seruarent. Macrobi. II, 13.

(c)

gem *recitabat*; dein is plerumque, qui rogaturus erat, eandem *suadebat*, quod & alii faciebant nonnunquam. Nec deerant, qui *dissuaderent*, id quod cum tribuni plebis, tum etiam privati, si quibus a magistratu concio dabatur, facere poterant. Liu. *XLV*, 21. Nonnunquam & ii ipsi, qui legem rogaturi erant, eam dissuadebant, si forte non ex sua, sed senatus sententia legem ferrent. Exemplum Pisonis consulis refert Cic. *Epist. ad Att. I*, 14. cui cum fructu addes, quae nos nuper differuimus in *Comment. ad Leg. lul. & Papiam Lib. I, cap. 4. p. 84.*

VI. Auditis orationibus praesentibusque VI. Auspicia & sortitio.
sacerdotibus & diuina exponentibus, (Dionys. X, p. 681.) *sitella* vel *urna* deferebatur, in quam coniciebantur centuriarum nomina. Deinde sortibus aequatis fiebat *sortitio*, quaequae prima centuria, quae secunda, quae tertia de *sitella* exiisset, ea eundem in suffragiis locum atque ordinem obtinebat. (c) Quae prima forte exierat prima ferebat suffragia, atque inde PRAEROGATIVA, proxime sequentes PRIMO VOCATAE vocabantur. Reliquae IVRE VOCATAE dicebantur Ascon. Paedian. in Cic. *Deiinat. p. m. 1819.* Liu. X, 22. XXVII, 6. Exemplum est in lege Thoria apud Sigon. *de ant. iure Ital. II, 2. p. 638.*

VII.

(c) Sequiorum temporum est haec *sortitio*. Sub Tullio enim Rege primae ad suffragium vocabantur maximi census centuriae, in prima & secunda classe descriptae, quae, quia reliquas numero superabant, plerumque rem conficiebant, ut adeo raro vocarentur reliquae. Dionys. Hal. *Antiq. Rom. VI, p. 224. seq. VII, p. 464.* Liu. I, 43.

C 4

(d)

VII. Intercessio facta a tribunis, auguribus, cons.

VII. Interim licebat iis, quorum intererat, legi *intercedere*. Faciebant id Tribuni plebis sollemni illo VETO. Liu. VII, 17. XXVII, 6. XLV, 21. Faciebant & Consules, vel intercedendo, Dionys. Hal. VIII. p. 557. vel comitiales dies eximendo, vel supplicationes decernendo, vel ferias Latinas indicendo. Cic. ad Quint. Fratr. II. Ep. 7. Faciebant idem & augures & magistratus, quorum erat, de coelo feruare. Qui si quidquam aduersi visum auditumque obnunciarent, (d) comitia impediabantur, reque infecta discedebatur.

VIII. Rogatio.

VIII. Si nihil sinistri obnunciabatur, ipsa iam fiebat *rogatio*, sollemni formula: VELITIS IVBEATIS QVIRITES HOC ITA VTI DIXI ITA VOS QVIRITES ROGO. Cic. pro domo XVIII. seq. (e) Tum addebatur: SI VOBIS VIDETVR, DISCEDITE QVIRITES.

(d) E. g. si fulsisset de coelo, si tonasset, si bubo volasset a sinistra, si aues triste quid portendissent, si quis morbo comitali repente correptus concidisset &c. Longa enim est fabula, de qua Paul. Manut. de Legib. p. 848. Paul. Merula de comit. III. p. 17. seq. Strup. Antiq. Rom. Synt. VI. p. 269. Ceterum hac c omnia ideo inuenta, vt magistratus, vel collegarum, vel populi consilia periculosa bonis rationibus turbare possent. Dio Cass. XXXIII. p. 66. Cic. de Leg. III.

12

(e) Notanda hic quaedam vocabula, quae subinde confundi solent ab iis, qui sunt in Antiquitatibus Romanis hospites. Lex ROGATVR, dum fertur: ABROGATVR, dum tollitur: DEROGATVR eidem, dum quoddam eius caput aboletur: SVBROGATVR dum aliquid adiicitur, OBROGATVR denique, quoties aliquid in ea mutatur. Vlpian. Fragm. I,

3.

(S)

TES. Quo facto in suam quisque centuriam discedebat, in qua erat suffragium laturus. Aldon. Paedian. in Cic. Orat. pro Corn. Balbo. p. 1310.

IX. Facta discessione ferebantur *suffragia*, IX. Suffragia per tabellas lata olim quidem voce; post tabellariam vero legem *tabellis*, quarum alteri inscriptum V. R. *ut rogus*, alteri A, id est *antiquaprobo*. Cic. Epist. ad Attic. I, 14. Tulit eiusmodi legem tabellariam Lu. Cassius Trib. pleb. (f) C. Mario VI. & L. Valerio Flacco Coss. Cic. de Leg. lib. III. Sed de iudiciis publicis. Vnde & in numis familiae Cassiae egregium tabellariae istius legis monumentum occurrit. Vid. Fulv. Vrsin. de Famil. Rom. p. 67. edit. Patini. De comitiis iam antea similis exstabat lex Gabinia.

X. Distribuebantur hae tabulae per *diribitores*, quibus nongenti *custodes* adstabant, daturi operam, ne qua fraus in distribuendis tabellis admitteretur. Plin. Hist. Nat. XXXIII, 11. Et exstructi quidem in campo Martio erant *pontes* centum nongentis, totidem scilicet, quot numerabantur centuriae. Hi nihil aliud erant, quam angustae quaedam substructiones, opere subitaneo e tabulatis solo editis adornatae, per quas iis, qui suffragia ferrent, viritim esset trans-eundum. His ergo in capite pontium mini-stra-

X. Modus & ordo suffragandi in pontibus.

(f) Sed non primus. Biennio enim ante *legem* eiusmodi *tabellariam* tulerat A. Gabinus, Trib. pleb. Quae ergo Gabinus statuerat de comitiis; ea ad iudicia etiam transtulit Cassius, inuenitque tabulas, quibus inscriptum A, *absolvo*, C. *condemno*, NL. *non liquet*.

strabantur binae istae tabellae, quarum alterutram deinde in extremo ponte *cistulae* immittebant. Plutarch. in *Mario*. p. 407. Fiebat id ita, ut praeco singulas centurias, eo ordine, quo sorte exiissent, ad suffragia vocaret. Quicunque vero ex ea centuria primus rogabatur, PRIMVS nuncupabatur. Cic. *pro Plancio* XIV. Reuersi e ponte intra *cancellos* concludebantur, quos *ouilia* vocat Lucanus, *Pharsal.* II, v. 197.

- - & *miseræ maculauit ouilia Romæ.*

Conf. Nic. Gruch. *de Comit. Rom.* I, p. 688. Omnia haec accurate depicta sistit egregius P. Licinii Neruae numus, quem exhibent. Fulv. Ursin. *Famil. Rom.* p. 149. edit. Patin. Ezech. Spannhem. *de usu & praestant. numism.* Diff. VI, p. 579.

XI. Suffragiorum
diremtio.

XI. Latis hoc ordine suffragiis, *diremtio* fiebat. Numerabantur enim tabellae a singulis custodibus, numerusque earundem *punctis* (g) notabatur, Cic. *Philipp.* II, 33. & *pro Plancio* XXII. quo ea centuriarum sententia renunciaretur, in quam plurima suffragia conuenissent, & reticeretur, quae paribus esset distracta suffragiis, Si plures sententiae legem probassent; SCITA vel PERLATA; sin plures eandem reiecissent, ANTIQVATA dicebatur. Manut. *de Legib.* p. 842.

XII.

(g) Inde nata phrasis: *omne punctum ferre.* Horat. *Art. poet.* v. 343.

Omne tulit punctum, qui miscuit utile dulci.

De qua loquutione, ipsoque hoc ritu conferri metetur Sauerio *ad Sidon.* *Carm.* II, 20. & *Epist.* ult.

(b)

XII. Perlatam legem primo iureiurando confirmatam, deinde aeri incisam delatamque in aerarium legimus. Manut. de Legib. p. 843. Vnde patet, quatenam sint illa apud Ovid, *Metam.* I, 3.

XII. Legum confirmatio.

Verba aere minacia fixo
Exstant eius ritus vestigia in L. 8. pr. D. ad L. *lul. pecul.* Conf. Iust. Rycqu. de Capitol. cap. XXX, p. 374. seq.

XIII. Nomina leges plerumque accipiebant ab utroque consule, e. g. lex *Aelia Sentia*, *Papia Poppaea*, *Fufia Caninia*. Nonnunquam unicuique iis cognomen dabatur si a dictatore vel praetore vel censore latae essent. Tales sunt lex *Aemilia*, lex *Aurelia* & aliae. Addebantur interdum alia cognomina, a materia legis desumpta, veluti lex *Cornelia sumptuaria*, lex *Gabinia tabellaria*, lex *Cassia agraria*.

XIII. Eandem cognomina.

XIV. Quo *stilo* scribi concipique solitae sint leges, ex multis antiquis monumentis adparet. Qualia sunt leges antiquae apud Reines. *Inscript.* CCCCLXXIII, ut & egregium fragmentum legis *Serviliae* apud Car. Sigon. de *ludic.* II, 27. p. 422. nec non legis *Thoriae* apud eundem de *iure Ital.* II, p. 638. Adde Barn. Brisson. de *Form.* p. 141. seq.

XIV. Quo stilo consignatae?

XV. Haec de legibus. Sequuntur *plebiscita*, quae & ipsa leges vulgo vocantur, seu exemplo legum *iciliae*, *Voconiae*, *Aquiliae*, *Cinciae* aliarumque adparet, quamvis id more antiquo non fieret, (b) teste Gellio XV, 27. XX, 20.

XV. Plebiscita.

XVI.

(b) Primo, quum patricii plebiscitis teneri nollent, *plebiscita* vocabantur. Post leges *Horatiam*, *Publiam* &

XVI. Eorum differe-
rentia a
legibus
proprie
ac dictis.

XVI. Erant plebiscita, quae plebs plebeio magistratu interrogante, constituebat. S. 4. *Inst. de iure nat. gent. & cin.* Ea quum eodem fere ritu, quo ipsae leges conderentur; differentiae tantum legem & plebiscitorum erunt notandae. Lex ergo a superiore magistratu; plebiscitum a plebeio, id est, tribuno plebis rogabatur, & eo quidem, cui illud e collegio sorte vel reliquorum collegarum consensu obtigisset. Liu. III, 65. Lex suffragante vniuerso populo, plebiscitum suffragante plebe condebatur. Liu. II, 56. Dionys. Hal. IX, p. 598. Tribuni enim nec aduocare patricios, neque ad eos referre vlla de re poterant. Gell. *Noct. Attic. XV, 27.* Leges in campo Martio ferebantur; & comitio; plebiscita, non in eo tantum, sed & nonnunquam in circo Flaminio, aut in Capitolio, maxime vero in comitio, vbi ex *rostris* tribuni ad plebem concionabantur. (i) Docent id exempla apud Ciceronem. *Epist. ad Attic. I, 1. ad familiar. VII, 30.* Plutarch. in *Gracch. p. 832.* Liu. III, 54. XXV, 3. XLV, 36. III, 54. Leges in Comitibus centuriatis & tributis; plebiscita in solis tributis condebantur, vbi non opus erat vel SCto vel auspiciis. Dionys. Halic. IX, p. 598. & 605. Solebant tamen

& Hortensiam leges dicebantur, vel leges tribuniciae. Cic. *de leg. Agrar. II, 8.*

(i) Hinc *rostra* inter praecipua tribuniciae potestatis insignia sunt. Hinc M. Lollius Palikanus, quum tribuniciam potestatem a Sulla abrogatam restituisset, *rostra* in numis suis signari iussit. Vid. Fulv. Ursin. *de famil. Rom. p. 158. edit. Patini.*

(k)

tamen nonnunquam & Tribuni plebis aues consulere, & de coelo seruare, quando legem erant interrogaturi. Exempla sunt apud Plut. in *Gracchis* p. 832. & Cicer. in *Vatin. Cap. VII.* Leges plerumque tribuni plebis; plebiscita patricii & postea magistratus dissuadebant, quamuis eam facultatem coss. adimere conaretur Volero, tribunus plebis. Dionys. Hal. IX. p. 598. Sortitio etiam in plebiscitis duplex fiebat, quarum altera, in qua tribu Latini suffragium ferrent, explorabatur, altera inter ipsas tribus fiebat sortitio. Liu. XXV, 3. Quidquid ergo tributim plebs ita iussisset, id ratum habebatur, & deinde tabulis inscriptum aedilibus plebeis in aliqua aede custodiendum dabatur. L. I. §. 21. *D. de orig. iur.*

XVII. Quamuis vero plebiscita non ab universo populo, sed a sola plebe conderentur: tamen non plebem tantum, sed & patricios obligabant. Id quod post multas patriciorum tergiversationes cautum est lege primum Horatia: anno V. C. CCCVI. Liu. *Hist. III*, 55. Dionys. Hal. XI. p. 725. deinde Publilia anno CCCCXIV. lata a Q. Publilio dictatore, ac denique, quum plebs anno CCCCLXVI. in Ianiculum secessisset, lege Hortensia, lata a Q. Hortensio, dictatore. Gell. *Noct. Attic. XV*, 27. §. 4. *Inst. de iur. nat. gent. & civ.*

XIIX. Praeter leges & plebiscita etiam edicta praetorum, atque aedilium (*) certam iuris

XVII.
Quos ea
obligauerint.

XIIX. Ius
honora-
rium.

(*) Quin & censores edicta de locandis vestigalibus & operibus publicis proposuisse, patet ex Gell. *Noct. Attic.*

ris speciem, quam *ius honorarium* vocabant, constituere coeperunt. Quare & de praetoribus atque aedilibus & utrorumque edictis nonnulla monenda sunt.

XIX. Praetoris origo.

XIX. Creari primum praetor coepit anno V. C. CCCLXXXIX. quum paullo ante plebs obtinuisset, ut alter consulum plebeius esset. Male haec summae potestatis iactura habebat patricios: hinc dabant operam, ut penes consules eo minus esset potestatis. Fraudibus itaque adorti plebem, facile id consequabantur, ut redhostimenti loco e patriciis crearetur praetor, in quem deinde omnem, quae penes consules adhuc fuerat, iuris dicendi potestatem transferebant. *Liu. Hist. VI, ult. VII, i.* Vnde fallit Pomponius, quando ideo creatum ait praetorem, *quia consules auocarentur bellis finitimis, neque esset, qui in ciuitate ius reddere posset. L. 2. §. 27. D. de orig. iur.*

XX. Variarum in praetura mutationes.

XX. Non diu tamen iste honor patriciorum mansit proprius. Non multo post enim, anno V. C. CCCCXVI. primus e plebe praetor creatus est. Q. Publilius Philo. *Liu. Hist. VIII, 15.* Sub belli deinde Punici primi tempora duo fieri coeperunt Praetores, quorum alter urbanam; alter peregrinam fortiebatur iurisdictionem *Flor. Epit. Liu. XIX.* Vnde hic vocatur PRAETOR QVI INTER CIVES ET

Attic. XV, 11. vocabantur etiam *leges censoriae*, sed improprie. Vid. Gundlingiana XVI. *Obs. 1. §. XVI. p. 61. seq.* Cum his tamen non confundendae rogatae, a Censoribus de quibus supra §. I.

(1)

ET PEREGRINOS IVS DICIT. apud Reines. *Inscript. Class. VII. n. 10.* & ΣΤΡΑΤΗΓΟΣ ΕΠΙ ΤΩΝ ΞΕΝΩΝ apud Grut. *Inscript. p. DIII.* Insequentibus temporibus hic numerus non semel auctus est, si quidem initio quatuor, (Liu. XXIII, 30.) tum sex, Liu. XXXII, 27.) postea octo, mox decem, (Dio XLII, p. 209.) hinc porro duodecim, immo & quatuordecim, ac denique sedecim, a Iulio Caesare creati, Praetores iis dixere, Dio *Lib. XLII. & XLIII.* Quo factum, ut patrem imitatus etiam, Augustus sedecim expleret numerum, mox ad XII. eundem reduceret, quem se non excessurum, Tiberius iureiurando pollicitus est Dio Cass. *Lib. LVI.* Tacit. *Annal.* l. 14. quamvis eius libi gratiam fecisse videatur princeps parum religiosus, siquidem & illo imperante modo XV. modo XVI. Praetores creatos novimus. Dio Cass. *Lib. LVIII. & LX.* Claudius tamen iurisdictionem de fideicommissis, quotannis, & tantum in urbe delegari magistratibus solitam, in perpetuum, atque etiam in provinciis potestatibus demandavit. Sueton. *Claud. XXIII.* novosque creavit *praetores fideicommissarios* (1) duos L. 2. §. 17. *D. de orig. iur.* ex quibus tamen vnum detraxit Titus

Titus

(1) In marmoribus etiam mentio fit PR. DE FIDEICOMMISS. apud Gruter. *Inscript. p. CCCXCIII. 6.* Illud addendum ex Quintilian. *Instit. Orat. III. 8.* fideicommissariam iurisdictionem ita divisam esse inter praetorem & consules, ut ille ad certam summam; hi de maiore cognoscerent. Vnde lucem capit locus Vlpiani in *Fragm. XXV. 12.* Videatur Cuiac. *Obs. XXI. 34.* Merill. *Obs. V. 36. p. 112.* (m)

Titus L. 2. §. 32. D. *ead.* Accessit sub Nerua
praetor fiscalis L. 2. §. 32. *ead.* vt & *praetor tutelaris*
 sub M. Antonino Philosopho, Iul. Capitolin.
vit. Marci Anton. X. L. 6. §. 13. D. de excus. tut.

XXI. Ex his praetoribus urbanus reliquos
 anteibat, iisdem, quibus Consules, auspiciis
 creatus. Hinc consulibus instar collegae erat,
 Gell. *Noct. Att. XIII, 14.* Plin. *paneg. LXXVII, 4.*
 iisque absentibus, summum penes Praetorem
 erat in vrbe imperium, ceu patet ex Ciceron.
Epist. ad Fam. X. 12. Liu. *XXIV, 9.* Dio Cass.
 LVIII. Vtebatur enim praetor, sicuti consu-
 les, praetexta, fella curuli, ministris, scribis &
 accensis. Cicero *de lege agrar. aduers. Rull. II, 13.*
Lictoreseum praeibant duo cum fascibus. Quam-
 uis enim de sex lictoribus subinde loquantur
 Plutarchus, Polybius, Appianus, qui ideo etiam
 praeturam ἀρχὴν ἐξαπλευσίαν vocare solent: in-
 telligendum tamen hoc non est de praetura ur-
 bana, ceu suspicatur Petr. Fab. *Semestr. l. p. 169.*
 sed de prouinciali, vti obseruatum est a Car.
 Sigon. *de antiquo iure Ciu. Rom. l. 20. p. 227.* Prae-
 cipuum vero praeturae insigne erat hasta, quae
 ideo saepius in numis veteribus conspicitur.

XXII.
 Praetoris
 iurisdic-
 tio.

XXII. Totum praetoris munus tribus
 hisce verbis continebatur DO, DICO, AD-
 DICO, Ouid. *Fast. l. v. 47. sequ.* Varro *de Lingua
 Lat. V, 4.* Dabat enim Praetor actionem &
 exceptionem, dabat bonorum possessionem:
dabat iudices, arbitros, recuperatores, dabat
tutores ex lege Atilia. Dicebat viam in vindi-
 ciis: dicebat interdicens, quoties de possessio-
 ne agebatur, indicebat, aduocata concione,
 ferias

ferias, si quando terra in urbe tremuisset. Gell. Noct. Attic. X, 24. Sueton. Claud. XXII. Addebat denique, veluti facta in iure cessione, mancipatione, ceteris.

XXIII. Mos autem erat, ut praetor, creatus centuriatis comitiis, priusquam ius diceret, edicto in albo (m) denunciaret, quomodo eo anno ius esset dicturus. At quis? Urbanus tantum an peregrinus etiam? De provincialibus enim, nulla est dubitandi ratio. Praetori peregrino sane hoc ius negant Hotoman. & V.C. Io. Ge. Schubart. de Fat. Iurisp. Rom. p. 399. At eidem id vindicat V. C. Hern. Bern. Reinold. Var. XXXVII. p. 267, ob legem 9. §. 4. D. de dol. mal. ubi memorantur Labeonis libri Praetoris peregrini. Sed illis non tam videtur Labeo edictum Praetoris peregrini interpretatus, quam exposuisse officium Praetoris peregrini, quemadmodum etiam de officio Praetoris urbani egit in libro Praetoris urbani, quorum mentio fit in L. 19. D.

XXIII.

Edicta

praetoria:

(m) *Album* quid fuerit, adhuc subindice lis est. Theophilus §. 12. Inst. de action. album est edictum, *δία τὸ λευκὸν γράμματι γράμματα*, *Albis litteris scriptum*. Enim vero non ipsum edictum album vocabatur, sed edictum in albo proponebatur. Accursii sententia, existimantis, fuisse parietem dealbatum, plerisque hodie vapulat. Sed videtur tamen idem colligi posse, ex Plauto Pers. 1, 2. 2, 21. modo codices MSS. addicerent:

Nat' isti saxim nusquam adpareant,

Qui hic ALBO PARIETE aliena oppugnant bona.

Et Suidas voce λευκωμα album interpretatur parietem, γυψο obductum, ad inscriptionem civilium rerum aptum, Jac. Racuard. Protribun. IV, p. 887.

de V. S. Sane libros ad edictum singulares scripsisse Labeonem, & ab illis diuerfos, patet ex *L. 1. §. 5. D. de fugitiv.* & Gell. *IV, 2.* Certiora itaque sunt testimonia Boethii *ad Cic. Topic.* & Theophili §. 7. *Infl. de l. N. G. & C.* qui & Praetores peregrinos edicta proposuisse, diserte scribunt, eiusque rei auctores procul dubio habent veteres & satis idoneos. Edicebant itaque omnes Praetores. Idque fiebat habita concione, dictoque in leges iureiurando, (n) ceu adparet ex Ciceron. *de Finib. II, 22.* Erant vero praetorum edicta vel generalia vel specialia. Illa, quam iuris dicundi rationem per annum sequuturus esset praetor, indicabant, unde & *leges annuae* dicuntur Cicer. *Verr. I, 42.* Haec obuenientibus quibusque negotiis dabantur, ad similes causas non extendenda. Unde vberimus natus est iniquarum sententiarum prouentus, qui occasionem dedit edicto: QVOD QVISQVE IVRIS IN ALTERVM STATVERIT, VT IPSE EODEM VTATVR. Exemplum reperies apud Tacit. *Annal. II, 30.* Quum vero generalia edicta subinde mutarentur, nec leuis inde nasceretur iuris confusio: obuiam huic praetorum licentiae initum est lege Cornelia, (o) lata A. V. C. Ipc LXXXVII.

(n) Praetores edicta scripturos etiam tribunos plebis adhibuisse in consilium, patet ex Cic. *de Offic. III, 20.*

(o) Antea A. V. C. Ipc. LXXXVI, more consueto SC. ea de re factum patet ex actis diurnis, quae in bibliotheca H. Vossii fuerunt, in quibus & haec exstant:

HORA OCTAVA SENATVS COAGTVS
IN HOSTILIA.

LXXXVII. a C. Cornelio tribuno plebis, C. Pisone & Man. Glabrione coll. qua cautum est, vt praetores ex edictis perpetuis ius dicerent, neque per integrum annum quidquam in iis immutarent Dio Cass. *Hist.* XXXVI, p. 12. Ex eo tempore paullo certius esse coepit ius praetorium, (p) adeo, vt iam tempore Ciceronis plerique non, vt olim, a XII. Tabulis, sed a praetoris edicto iuris disciplinam auspicarentur, ceu ex Cicer. *de Legib.* I, 6. obseruat Iac. Perizon. *Diff. de Leg. Vocon.* p. 193. Quamuis vero post legem Corneliam praetori haut liceret edictum suum per annum mutare; nihil impediebat tamen, quo minus successor antecessorum edicta, inito magistratu, vel augere vel immutare posset. Vnde, quae retinebat successor, *edicti tralatitii*; quae addebat vel immutabat, *edicti noui* nomine veniebant. Cic. *Verrin.* I, 44. Non prius ergo edictum vere perpetuum prodiit, quam temporibus Hadriani, de quo diximus in *proem. n.* XIII. & sequ.

XXIV. Quamuis vero praetores initio magistratus in leges iurarent; reuera tamen leges edictis suis euertebant sub specie aequitatis. Quod praetores ius immutauerint?

SC. FACTVM EST. VTI PRAETORES EX SVIS PERPETVIS EDICTIS IVS DICERENT

Vid. Dodvvel. ad Spartian. *Hadr.* p. 333. & in *Append.* p. 665. Ez. Spanhem. *Orb. Rom.* II, 12. p. 97. (p) Vnde iam ante edictum perpetuum ad edictum commentari coeperunt iureconsulti, veluti Seru. Sulpicius, A. Ofilius & alii.

Quod iam Dio Cass. *Hist. XXXVI. p. 21.* observans: ἡ γὰρ, inquit, οἱ στρατηγοὶ, πάντα τὰ δικαιώματα, ἀπὸ συμβόλαια διεταγμένα, ἔτι ἐσάπαξ τῶν ἐποίων, ἔτι τὰ γραφέντα ἐτήρων, ἀλλὰ πολλάκις αὐτὰ μετέγραφον, καὶ συχνὰ ἐν τούτῳ πρὸς χάριν ἢ κατ' ἔχθραν τινῶν, ὥσπερ εἰδικὸς, ἐγένετο. Neque enim praetores id ius, quod ad contractus dirigendos positum erat, observabant, neque scripto iuri steterant: sed saepenumero ea variaverant, crebroque per gratiam & odium certorum hominum, veluti fieri adsolet multa gerebantur. Vtebantur hanc in rem variis artibus, veluti I. *fictionibus*, quando, verbi gratia, fingeant rem vsucaptam, quae vsucapta haut esset, vel contra. §. 4. & 5. *Inst. de actionib. immo, quod magis ridiculum videri posset, quando fingeant, filiam patroni esse filium, cuius παλαιὰς ὑποκρίσεως ἢ παρατηρήσεως* mentio fit in *Basilic. Lib. XLIX. tit. I. p. 594. Tomo VI.* Addantur, quae diximus in *Comment. ad L. lul. & Pap. Lib. II, cap. 22. p. 355.* Vtebantur II. *novis nominibus*, veluti quum bonorum possessionem darent iis, quibus leges hereditatem negabant. Vtebantur III. *exceptionibus* quibus actiones legibus datae eliderentur. Vtebantur IV. *restitutionibus in integrum*, quibus non modo leges, sed & res iudicatas resciderunt praetores. Ut adeo vere summa penes Praetores esset non quidem legislatoria, sed leges evertendi potestas, quamvis edicta adiuuandi, supplendi, corrigendi-que iuris ciuilis gratia proponi, prae se ferrent. *L. 7. §. 1. D. de iust. & iur. Thomaf. Naem. Iurisp. Anteiust. I, 7. p. 31. Ge. Beyer. Posit. Pandect. 42. p. 14.*

XXV. Praetorum exemplo *aediles* quoque edicta sua proponebant, quae & ipsa pertinebant ad ius honorarium. Erant aediles vel plebei vel curules. Plutarch. in *Mario*. p. 408. Illorum duo una cum tribunis plebis creati coeperunt anno V. C. CCLX. ut Tribunis essent ad manus, eorumque iussu causas leuiiores litesque priuatas diiudicandas susciperent, aedium sacrarum, locorumque publicorum, ut & annonae, curam gererent, matronarum denique ciuiumque mores obseruarent. Dionys. Halic. *Antiq. Rom.* VI, p. 411. Curules vero, de quibus hic agimus, e patriciis legebantur. Quum enim discordia, de consule plebeio creando inter plebem & patricios exorta, sopita videretur, ludique ob eam rem decernerentur diis patriis, detrectantibus hanc curam aedilibus plebeiis, obtulerunt se bini iuuenes patricii, polliciti, se hoc munus suscepturos. Collaudauit populus hoc de republica bene merendi studium, & denuo delusus patriciorum artibus, hos patricios iuuenes aediles creauit, sellamque curulem honoris causa concessit, unde & AEDILES CURULES dici consueuerunt. Liu. *Hist.* VI, 42.

XXVI. Penes hos ergo erat annonae (q)
via-

(q) Hanc annonae procurationem postea Iulius Caesar demandauit duobus aliis Aedilibus, qui GEREALES vocabantur, Dio Cass. *Hist.* XLIII, p. 271. L. 2. §. 32. *D. de orig. iur.* pro quibus perperam Praetores Cereales sibi fingunt Rosinus, Alex. ab Alexandro & Ian. Vinc. Grauius, quibus satisfecit. V. C. Henr. Bern. Reinold, *Var. cap.* III, p. 27.

Digitized by Google

(r)

viarumque publicarum curatio, tutela urbis, ludorum institutio, de rebus venalibus promercalibusque cognitio, & praecipue sacrarum aedium cura, a qua & AEDILIVM nomen sunt consequuti. Varro *de Lingua Lat. IV. p. 20.* Cicero *Verrin. VII, 14.* Iisdem quoque demandata erat *ἐπισκοπή* in fornices, cautiones, & mulieres, quae quaestum corpore faciebant, quae nomina solebant apud aediles profiteri, ut suo loco docebimus.

XXVII.
Edictum
Aedili-
tium.

XXVII. De rebus hisce ad iurisdictionem suam pertinentibus ipsi quoque, ut iam diximus, edicta proponebant, ad quae adludit suo more Plautus *Capt. IV, 2. v. 44.*

Euge EDICTIONES AEDILITIAS habet.

Et ex hoc quidem aedilitio edicto descendunt actiones contra venditores rerum vitiosarum, & eos qui bestias feroces habent, ubi iter fit, veluti redhibitoria, quanti minoris, & aliae, quarum fragmenta tria etiamnum exstant in pandectis. Primum scilicet *L. 27. §. 28. D. ad L. Aquil.* alterum *L. 1. §. 1. & L. 38. pr. D. de aedil. edict.* tertium *Leg. 40. §. 1. & L. 41. 42. D. eod.* Fr. Pollet. *For. Rom. III, 2.* Barn. Brissou. *de Formul. III, p. 289.* Ceterum, de quibus edicebant aediles, de iisdem & praetores cognoscere consueverant, & illis deficientibus, causae ad hos transferebantur. De qua concurrente praetorum aediliumque iurisdictione (r) differit Iac. Cuiac. *Observ. VIII, 38.*

XXVIII.

(r) Ob hanc concurrentem iurisdictionem factum videtur,

XXVIII. Pergimus ad *responsa prudentum*, quae & ipsa partem iuris constituebant. Dicebantur ea speciatim IVS CIVILE, Cicer. *pro A. Caecinna* XXIII, L. 2. §. 5. *D. de orig. iur.* non vero IVRISPRVDENTIA MEDIA: §. 3. *Inst. de legit. agnat. success.* qua potius totius iurisprudentiae Romanae periodus ab Hadriano ad Constantinum M. intelligitur. ICTOS hic discrepantes in viam reduxit V. C. Iac. Perizon. *ad L. Vocon. p.* 198. Multa tamen iuris capita post XII. Tab. per interpretationem inuexerunt ICTI, ob eamque rem & iureconsulti ipsi IVRIS AVCTORES L. 3. *D. si pars hered. pet.* L. 39. *D. de act. emt.* L. 17. *D. de iure patr.* vt & IVRIS CONDITORES adpellantur. L. 25. *C. de procurat.*

XXVIII.
Responsa
prudentum.

XXIX. Iureconsultis Romae originem dedit institutum a Romulo IVS PATRONATUS. Patriciorum enim erat, parentum munere fungi erga plebeios, vnde & *patroni* dicebantur, quasi patres, quemadmodum matronae quasi matres sunt. Optio ergo cuius erat e plebe, quem vellet sibi patronum legendi e patri-

XXIX. Iur
reconsultorum
origo.

detur, vt & Aediles haut raro PRAETORES dicantur. Sic Paullus *Recept. Sent. l.* 15. 2. aedilitium edictum diserte tribuit Praetori. Quin & generale fuit hoc magistratum nomen. Nam & consules, praecossi, praefides, legati Caesaris, dicti nonnumquam PRAETORES. In notis quoque Valerii Probi exstat PR. VIGILVM, id est, vti V. C. interpretatur, *Praetor Vigilum*, qui & *Praetor plebis* vocatur Iustiniano *Nou. XIII. Conf. Ger. Nod. Probabil. l.* 6. p. 16. 17.

e patriciis. Hunc vero oportebat clientibus respondere de iure, cuius illi rudes erant, absentium aequè ac praesentium negotia curare, lites pro iis suscipere, in ius vocatos defendere, & quietem eis pro virili parare a publicis privatisque negotiis. Vicissim plebeiiorum erat, patronos in elocandis filiis iuvare, captivos vel ipsos vel eorum filios redimere, litium aestimationes, & multas pro iis soluere, in magistratibus muneribusque eos argento subleuare, & quae sunt alia huius generis officia. Vnde & *clientes* dicti, quasi *colentes* vel κλεῖντες. Dionys. Halic. *Ant. Rom.* II, p. 84. Plutarch. *vit. Romuli* p. 24. *Tomo I. op.* Polyb. *Hist.* VI, p. 459. Eaque mutua obligatio tanta necessitudine ac fide adstringebatur, ut proximum patrono locum secundum parentem concedat. Cato *apud* Gell. *Nat. Att.* V, 13. Nec privati tantum suos habebant patronos, sed & coloniae, vrbes sociae, gentes amicae & deuictae, suos Romae patronos eligebant ex patriciis & postea senatoriis familiis, quibus saepenumero senatus controversias illarum decidendas commisit. Dionys. Hal. II, p. 85. Cicero *de Offic.* I, 11. Immo nullum temere erat negotiatorum corpus, nullum artificum collegium, quod non patronum sibi Romanam quamdam familiam adoptasset. Sic in marmore Surretino *apud* Reines. *Inscript.* Classe VI, n. 39. p. 412.

FLAVIO FVRIO FAVSTO V. C. TRI-
BVNO.

AB ORIGINE PATRONO
OB MERITA LABORVM SVORVM
VNI-

VNIVERSVS ORDO ET POPVLVS
SVRRETINORVM

STATVAM NOBILITATI EIVS
FACIENDAM CVRAVIMVS.

Ita & municipes Ciuitatani L. *ARCADIVM*
PROCVLVM V. C. LIBEROS POSTEROS-
QVE EIVS SIBI POSTERISQVE SVIS
PATRONOS COOPTAVERVNT Gruter.
Inscript. p. CCCLXII, 1. Sic & alibi laudantur
PATRONVS CAPVANORVM LONGE
A MAIORIBVS ORIGINALIS. Idem p.
CCCLIX, 1. SVESSIANORVM COMMV-
NIS ABORIGINE PATRONVS. *p. MXXVII;*
3. PATRONI COLLEGIORVM CEN-
TONARIORVM Reines. *Class. I. 302.* DEN-
DROPHORORVM Idem I, 283. FABRO-
RVM. Idem II, 17. LENVNCVLORVM.
OSTIENSIVM. Idem I, 33. NEGOTIA-
TORVM OLEARIORVM EX BAETICA
Idem VI, 123. PAGI TOLENTINES. Id.
Adpend. num. VIII. Horum patronorum in eo
consistebat officium, vt coloniarum, vrbium,
collegiorum, pagorum negotia in senatu & vr-
be sese curaturos, reciperent. Quo officiorum
genere ita plerumque aere emungebant clien-
tes, vt legibus nouis opus esset ad hanc patro-
norum rapacitatem coercendam. *Tit. C. Theod.*
de patroc. vicor. Lib. XI. tit. 24. & Cod. Iust. Lib.
XI, tit. 53. Liban. *Orat. περί των προστάτων. p. 14.*
seq. edit. Iac. Gothofr. Alias veteri iure gratuita
erant inter patronos & clientes officia, & vt il-
li gratis plebeiorum curabant negotia: ita &
hi pecunias sine fœnore credebant. Dionys.
Halicarn. II, p. 48. Quum ergo initio e patriciis
D 5 suis

fuis quisque clientibus de iure responderet: postea omnibus consulentibus promiscue se dare coeperunt, & quidem mercede conducti: & inde obsoleuit antiquum illud ius patronatus, natique sunt iureconsulti, qui iam responderunt de iure, causasque egerunt, atque adeo omnia, quae olim patronorum fuerant, in se transferebant officia. Vid. praeter Fr. Brummerum V. C. *ad Legem Cinciam*. Ge. Schubart. *de Fatis Iurisp. Rom.*, I, 15. p. 29. Et hinc facile reddi poterit ratio, cur plerique Iureconsulti veteres ordinis fuerint patricii? cur *patroni* dicti, qui causas agebant? cur iureconsulti atque aduocati eos, a quibus adhibebantur in consilium, *clientes* vocarint? Cur iure veteri & per legem Cinciam gratuitum esse oporteret aduocatorum officium? Brummer. *l. c. cap. III, usque ad XI.*

xxx.
Quale ius
iurecon-
sulti con-
siderint.

XXX. Tria vero sunt summa capita, quibus iurisprudentiam locupletarunt iureconsulti? I. actiones legis II. interpretatio legum, & III. nouum ius quod interpretando inuenerunt, petitem plerumque ex mediis philosophiae moralis principiis, & iuri XII. Tabularum veluti adpendicis loco adiectum, vt loquitur Iac. Raeuard. *de Auctorit. prudent.* I, p. 952. *Tomo I. op.*

xxxI.
Actiones
legis a iu-
reconsul-
tis inuen-
tae.

XXXI. Actiones legis quid fuerint, iam supra est a nobis explicatum. Eas vero a iureconsultis maximam partem esse inuentas, adparet ex L. 2. §. 2. *D. de orig. iur.* Cicer. *pro Muraena* XI. XII. Et hinc eae ad singulare veluti iurecon-

consultorum peculium (s) pertinebant, quod seruabant tanto diligentius, quanto magis hac arte plebem habebant sibi obnoxiam. Cicero l. c. & de Orat. l, 41.

XXXII. Interpretari porro solebant leges, partim libris scriptis, partim editis responsis, partim disputatione fori. Et initio quidem a docendo non modo, sed & scribendo sese abstinebant iureconsulti, ne mysteria sua cum plebe communicarent. Postea, vbi Cn. Flavius & Sex. Aelius horribile illud actionum secretum euulgarunt, multi se ad scribendum commentandumque certatim contulerunt, quorum in-

XXXII.
Iidem leges interpretati sunt l. scribendo docendoque.

(s) Equidem penes Pontificum collegium fuisse legis actiones docet Pompon. l. 2. §. 6. de orig. iur. sed caue cum vulgo existimes, ad omnes legis actiones vniuersamque interpretandi rationem hunc Pomponii locum pertinere. Aliud docet Cicero de Legib. II, 19. *Saepe ex patre audiui, pontificem neminem bonum esse, nisi qui ius ciuile cognosset. Quid ita? Quid enim ad pontificem de iure parietum, aut aquarum, aut vllis similium? Ergo quod cum religione coniunctum est. Id autem quantulum est? De saceris, credo, deuotis, de feriis, de sepulchris, & si quid eiusmodi est. Conferatur & cap. XXI. Quaecunque ergo cum religione coniuncta erant, ea demum erant cognitionis pontificiae. Hinc eorum erat, dies iudiciorum signare, & litigantibus indicare, quibus lege agere vel fas vel nefas esset; Liu. l, 19. Cicero pro Muraena XI. respondere de iuribus domus, nam & domi sacra priuata erant, in quibus quum constitutae quoque essent vxores & liberi, etiam nuptiae, adrogationes, adoptiones auctoribus fiebant pontificibus. Denique de omnibus rebus sacris & religiosis iura interpretabantur Pontifices. Georg. Schubart, de Fat. Iurispr. Rom. II, 59. sequ. p. 296. (t)*

interpretationes sensim auctoritatem iuris vsu
fori sunt consequutae. L. 2. §. 35. *seq. de orig. iur.*
Vnde illud ius *sine scripto venire*, ait Pomponius
L. 2. §. 5. *D. eod.* siquidem libri iureconsultorum
non eo fine eoque instituto fuerant conscripti,
vt instar legum promulgarentur; sed tantam
auctoritatem eorum sententiae tacito populi
consensu erant consequutae. At postquam
Theodosius quibusdam iureconsultorum li-
bris legum adcommodauit auctoritatem, & Iu-
stinianus eorum loca in Pandectas relata ita
promulgauit, vt *quidquid ibi scriptum est, hoc Iusti-
niani adparet, & ex eius voluntate compositum existi-*
maretur. L. 2. §. 10. *C. de vet. iur. enucl.* coepe-
runt eae iureconsultorum decisiones iuri scri-
pto accenferi. Et huc referenda §. 3. *Inst. b. t.*
Ger. Noodt. *de pact. & transact.* XIX, p. 715.

XXXIII.
Vt & II.
de iure
respon-
dendo.

XXXIII. Responſa iureconſulti vel par-
tibus dabant conſulentibus, vel iudicibus vel
vtriſque; & tunc quidem vel ſcripto vel ver-
bis, quid ſibi videretur, exponebant. Solebant
enim iureconſulti frequenter medio foro inam-
bulare, veluti obuii & communes iis, qui hærent
incerti, & remedium ſibi conſulendi ignora-
rent. Cicero *Topic XVII, Priuata iudicia maxima-*
rum quidem rerum in iure conſultorum mihi videntur
eſſe prudentia. Nam & adſunt multum (in medio
puta foro.) & adhibentur in conſilium (domi,) &
patronis diligentibus ad eorum prudentiam conſugienti-
bis baſtas miniſtrant. Vnde facile patet, cur &
ADVOCATI dicti ſint. Deinde & domi ſuae
ſibi conſtituere ſolebant ſolium, ex quo con-
ſulentibus ad ſe clientibus, tanquam ex tripode,

de,

de, responderent. Cicero *de Leg. l. 3.* Et ad hoc folium respicere arbitror eundem Ciceronem, quando per iocum scribit: *C. Aquilium iureconsultum iurasse morbum, & illud suum REGNUM*
IVDICIALE *opposuisse. Epist. ad Attic. l. 1.* Mane ergo quotidie ad aedes eorum ventitabant cli-

entes, & vestibula eorum maxima semper frequentia ciuium celebrabantur, vt non immerito iureconsulti domus totius oraculum ciuitatis videretur Ciceroni de Orat. l. 45. Quo per-

tinent illa Horatii Serm. l. 1. v. 9. 10. *Agricolam laudat iuris legumque peritus*

Sub galli cantum consultor ubi OSTIA PVL-

SAT.

Et alibi *Epist. II, l. 1. v. 103.*

Romae dulce diu fuit & solenne, reclusa

Mane domo vigilare, clienti promere iura.

Immo & Tibullus *l. 4.* quasi amatorii iuris scientiam sibi adrogans, seque ad priscam iureconsultorum imitationem componens:

- - Me, inquit, qui spernentur, amantes

Consultent: cunctis ianna nostra patet.

Tempus erit quum me Veneris praecepta ferentem

Deducat iuuenum sedula turba domum.

Ge. Schubart. *de sat. iurisp. Rom. II, 52. p. 265.* Ceterum & hoc fiebat formulis quibusdam & verbis solemnioribus. Venia enim prius petebatur his verbis: **LICET CONSVLERE?** Adnuente iureconsulto, & respondente: **CONSVLE**, pferumque breuissime referebatur negotium, addita quaestione: **QVAERO AN EXISTIMES?** vel: **ID IVS EST NECNE?** Respondebat iureconsultus: **SECVNDVM**
EA,

EA QVAE PROPONVNTVR, EXISTI-
MO, PLACET, PVTO, id semper dans o-
peram, vt quam modestissime loqueretur. Ho-
rat. *Serm.* II, 3. v. 192. seq. Turneb. *Aduers.* VII, 10.
Briffon. *de Form.* III, p. 331. Franc. Duaren. *Diff.*
Annu. II, 11. p. 1064. Ger. Nood. *de dolo malo*
XII, p. 507. & *de pact. & transact.* p. 733. Con-
sulebantur etiam nonnunquam iureconsulti a iu-
dicibus, quibus vel absentes scribebant, quid
esset iuris, L. 2. §. 47. *D. de orig. iur.* vel coram
iura explicabant. Plerumque enim iudices in
consilium adhibebant aliquot iureconsultos, vt
patet ex Gellii *Nôct. Attic.* XII, 13. Car. Sigon.
de antiquo iure cin. Rom. II, 18. *de antiquo iure pro-*
ninc. II, 5. p. 198

XXXIV.
Respon-
sorum
forma.

XXXIV. Erant responsa plerumque bre-
uissima, & nullis munita rationibus. Seneca
Epist. XCIV. *Quid? quod etiam sine probationibus*
momentis auctoritas prodest, sic, quomodo iureconsulto-
rum valent responsa, etiam si RATIO NON
REDDITVR. Nonnunquam tamen & ratio-
nes quasdam addebant, vel ex legum verbis, vel
ex aliorum prudentum auctoritate, vel ex vsu
fori, vel ex decretis denique seuerioris philoso-
phiae depromtas. Hortled. *Diff. de vero sensu* L.
20. *D. de Legib. num.* XLVIII. D. Okel. *Diff. de iu-*
reconsulto rationali III, & VII. p. 154.

XXXV.
Denique
III. Dif-
putatione
fori.

XXXV Pertinet etiam ad interpretationem
DISPVATIO FORI. Nonnunquam enim de
grauibus perplexisque quaestionibus dissiden-
tes iureconsulti, rationibus subductis, decisio-
nem communi suffragio inueniebant, adeoque
prius in commune consulebant eaq; dicebatur
DISPVTA-

DISPUTATIO FORI, cuius meminit Pomponius L. 2. §. 5. *D. de orig. iur.* In dubium quidem id vocat Ge. Schubartus *de fat. iurisprud. Rom. Ex. II, § 7. p. 292.* sed sexcenta adsunt rei testimonia. Augustum ob quaestionem de codicillis, conuocasse prudentes viros, interque eos Trebatium quoque, cuius tunc maxima erat auctoritas, notum est ex §. 1. *Inst. de Codicill.* Pari ratione diui fratres, quum quaestio esset de exclusionem nepotis a bonis auiti liberti, cum Maeciano, aliisque amicis suis iurisperitis adhibitis, rem plenius tractarunt, teste Vlpiano L. 17. *de iure patron.* Sed & Paullus ait, quum de quodam quaereretur, an recte exheredatus videretur, Scaeuolam respondisse, non videri, & in DISPUTANDO responsi sui rationem eundem Scaeuolam adiecisse. L. 19. *D. de lib. & postum.* Nec alio videtur respexisse Asconius Paedianus in Cicer. *Verrin. III, p. 1849.* quando ait: *Maleficia sponte, & non DISPUTATIONE IVRISCONSULTORVM, sed naturali interpretatione, fugienda sunt.* Denique eodem referenda illa veteris Scholiastae, qui explicaturus illa Iuuenalis. *Sat. I, v. 128.*

- - - *Iurisque peritus Apollo.*

addit p. m. 26. *Quia iuxta Apollinis templum iureconsulti sedebant, & TRACTABANT.* Vbi tractare idem ac disputare est. Plura dabit Iac. Raeuard. *prud. XIV, p. 1031.* Reperta vero eiusmodi disputatione definitio, quamuis non haberet vim iuris, nisi simul usu recepta: magnae tamen auctoritatis habebatur, & si vel usus fori, vel noua auctoritas accederet, etiam ad similes extendebatur casus. Ger. Nood.

ad

ad Leg. Aquil. XV. p. 106. de Pact. & Transact. XIX, p. 718. Et tum demum vocari solebat RECEPTA SENTENTIA, RECEPTVM IVS, RECEPTVS MOS, POST MVLTAS VARIATIONES RECEPTVM. (†) *L. 215. D. de verb. obl. L. 3. C. in quib. causis. L. 41. D. de reb. credit.* Receptum enim inquit Festus, dicitur, quid quid a plerisque prudentibus adprobatum est. Conf. Barn. Briffon. *de verb. signif. voce Receptum & Guil. Budaeus in Comment. ad L. 11. §. 1. D. de verb. signif.* Quin & REGVLAE IVRIS, quarum toties ius nostrum meminit, nihil aliud sunt, quam breues quaedam positiones, quae rem fori disputatione definitam & iureconsultorum consensu receptam concise enarrant. *Raeuard. de Auctorit. Prudent. XV, p. 1036. seq. & Comment. ad L. 1. de reg. iur. p. 125.*

XXXVI.
Iurecon-
sulti ius
supple-
uerant.

XXXVI. Tertium, quod iureconsultus ius Romanum debet, caput veluti adpendicem quamdam XII. Tabularum & reliquarum legum complectitur. Vbi enim deficere videbantur leges & praetorum aediliumque edicta, ibi iureconsultorum erat, ius ex aequitate supplere. Hinc permulta nata sunt in Iureconsultorum scholis ac disputationibus decreta quae ex nulla scripta lege nulloque edicto descendere. Sic acquisitio verbi gratia per adrogationem inuenta fuerat a iureconsultis. *princ. Inst. de acquisit. per adrogat.* Eamdem originem

(†) Frequentissima in iure nostro locatio. Post magnas variationes obtinuit. *L. ult. D. pro Legat. L. 32. D. de oblig. & act. L. 55. §. 1. de legat. 2.*

(u)

nem fuisse nouimus codicillorum, exheredationis postumorum, differentiae inter exheredationem filiorum, filiarum & nepotum, stipulationis Aquilianae, regulae Catonianae, substitutionis pupillaris, donationis inter virum & uxorem prohibitaе, actionis rei uxoriae, querelae inofficiosi testamenti, aliarumque huius generis materiarum iuris. Luculentum hanc in rem exstat testimonium Ciceronis in *orat. pro Muræna XII.* *Quum permulta praeclare legibus essent constituta, ea iureconsultorum ingeniis pleraq; corrupta ac deprauata sunt. Mulieres omnes propter infirmitatem consilii maiores in tutorum potestate esse voluerunt: hi inuenerunt genera tutorum, quae potestate mulierum continerentur. Sacra interire illi noluerunt: horum ingenio senes ad coemptiones faciendas interimendorum sacrorum causa reperti sunt. In omni denique iure ciuili aequitatem reliquerunt verba ipsa tenuerunt. Sic multa inuenire iureconsulti, multa disputationibus suis ac responsis inuexerunt in forum, quae nec lex vlla nec praetoris edictum constituerat. Et haec decreta ob auctorum duntaxat celebritatem vim quamdam legum obtinuerunt, & postea rerum iudicatarum constantia firmitus haeserunt. Vid. Vinc. Grauius de ortu & progr. iur. ciu. §. XLIII.*

XXXVII. Quantacunque vero esset veterum Ictorum auctoritas: iudices tamen non obligabant eorum responsa. Hinc Cicero *pro Mur. XIII.* *Iureconsultorum responsa & decreta saepe ab oratoribus dicundo eueriti, testatur. Et in orat. pro A. Caecina XXIV.* exemplum adducit

E

Crassi,

XXXVII.
Eorum
auctoritas
initio minor,

Crassi, qui in iudicio centumviri obtinuerit, ut Scaeuolae responsum minime attenderetur, Quare tunc ne signabant quidem responsa. L. 2. §. 47. *D. de orig. iur.* (certe id non videbatur necessarium, & plerumque utebantur verbis SVADEO. L. 3. §. 1. *D. de minorib. vig. quinque ann.* VIDETVR, PVTO, SENTIO. &c. Duaren. *Diff. ann.* 11, 11. p. 1064. ut ne iudici praescribere sententiam viderentur. Immo ob eandem causam omnibus, quibus esset studiorum fiducia, de iure respondere licebat. L. 2. §. 47. *D. de Orig. iuris.* (u).

XXXVIII.
Augustus
quibus-
dam pri-
vilegium
dedit de
iure re-
sponden-
di.

XXXVIII. Sed ista omnia immutavit Augustus, qui primus respondendi de iure facultatem certis tantum hominibus beneficii loco indulgit, adstrinxitque iudices, ut ne ab eorum responsis discederent. §. 8. *Inst. h. t.* L. 2. §. ult. *D. de orig. iur.* Quamvis enim in dubium id vocet Iac. Gothofredus in *Comment. ad C. Theod. Lib. 1. Tit. 4.* p. 32. 35. ubi hanc iureconsultis auctoritatem partim iam ante Augustum saluam fuisse, partim denique a Valentiniano III. Imp. stabilitam putat: satisfecit tamen eius argumentis Thomas. *de naeuis iurisp. anteiust.* 11, 2. p. 67.

XXXIX.

(u) Errat ergo Theophilus §. 8. *de iure nat. gent. & ciu.* ubi iureconsultos vocat σοφῆς, ὡς τὸ νομοθετῆς ἢ δῆμος ἢ σύγκλητος, ἢ βασιλεὺς ἐπέτρεψε, sapientes, quibus iura condere aut populus, aut senatus, aut princeps concessit. Nunquam enim in libera republica vel populi vel Senatus concessione opus fuisse responsuris de iure, inter omnes constat.

(x)

XXXIX. Causa huius sanctionis non ea erat, quam prodit Pomponius L. 2. §. 47. *D. de orig. iur. ut maior esset iuris auctoritas*, nec solum, ut noua responsa vetus edictum & iudiciale praetoris regnum euerterent, ut acute coniecit V.A. Vlr. Huber. *Auspic. domest. V*, p. 178. nec, ut plebs, otii delinita dulcedine, atrocem reip. memoriam exueret, quae eiusdem est Huberi sententia: sed partim, ne plebs innumeris implicata litibus, de excutiendo iugo consilia conferret: (Thomas. *l. c. II*, p. 70.) partim ut eo ipso Augustus legislatoriam potestatem callide sibi vindicaret, legesque pristino reip. statui accommodatas per iureconsultos corrigeret, & ad praesentem detorqueret (x). Vnde & eam potesta-

XXXIX.
Ratio hu-
ius insti-
tuti.

(x) Praecipua Augusti cura fuit, *legum munia in se trahere*. Tacit. *Ann. I*, 3. Quum ergo nouis omnino legibus opus esset, nouo hoc statu reip. plures quidem initio rogationes tulit ad populum, seruato veteri reip. more, & inde natae tot *leges Iuliae*, quarum pleraeque Augusto debentur, itemque *Falcidia*, *Aelia Sentia*, *Fufia Caninia*, *Papia Poppaea*, *Iulia & Titia*, & aliae: sed non integrum tamen erat Augusto, omnes antiquas leges eadem facilitate euertere, qua illas sub triumviratu latas *uno edicto*, aboleuerat. Tac. *Ann. III*. 28. Quum ergo resigi non possent leges antiquae, eaeque tamen non conuenire viderentur nouo isti statui reipublicae: illud vnum supererat, ut per interpretationem nouam eae ad praesentem reip. formam deflecterentur. Iam magistratibus hoc permittere, non videbatur tutum: sibi soli id vindicare, & inuile; & inuidia plenum erat, & molestissimum. Reliqui ergo erant iureconsulti, tanto ad hoc negotium aptiores, quod iam in veteri rep. potestas quaedam interpretandi penes istos fuerat. Quemadmodum vero hoc

potestatem primo Ateio Capitoni, aliisque
suarum partium Ictis concessisse videtur.

XL.

maximum erat Augusti arcanum politicum, quod, pri-
scis vocabulis retentis, res novas inueheret, *eadem
magistratuum rerumque vocabula; nihil usquam pri-
sci atque integri moris* relinqueret: Tacit. *Annal.* I, 3.
ita & iureconsultis, specie antiqui moris, instrumentis
nouae dominationis vsus est, ita scilicet leges inter-
pretaturis, quemadmodum id suo expediret imperio.
His praefructis, totius nouae constitutionis reddi po-
terit ratio. Promiscuam istam respondendi licentiam
sustulit, eamque concessit paucis. Cur vero? nisi ut
eos seligere posset, quos sciret sibi fore obnoxios? Ius-
sit eos non priuatim, sed publica auctoritate, respon-
dere. Quamobrem? ut legum interpretatio ita pe-
nes se esset. Iudicibus eam legem dixit, ne ab istis
responsis discederent. Quam ob causam? ne, ob-
seruata legum antiquarum ruina, intercedere, & Au-
gusti consilium turbare conarentur. Signo opus
erat, non rationibus. Cur vero? ut ne per rationum
infirmiorem palam fieret, id agi, ut leges antiquae
euerterentur. Ceterum vera esse haec omnia, vel ex
iis patet, quae inter eum Antistiumque Labeonem acta
sunt. Eminentissimi ea aetate Icti erant Antistius
Labeo, & Ateius Capito, adeo, ut non immerito *duo
pacis decora* eos adpelleret Tacitus *Ann.* III, 75. Quare
operam dabat Augustus, ut hos potissimum sibi concii-
liaret. Labeoni ergo consulatum offerebat, hoc vi-
delicet auctoramento calamum eius redditurus ob-
noxium. Sed *quum incorrupta libertate gauderet, ab
ambitione honorum vacuus;* Tacit. *Ann.* I, c. quum-
que *nihil ratum pensumque haberet, nisi quod iustum,
sanctumque esse in Romanis antiquitatibus legisset;* Gell.
Noct. Att. XIII, 12. honorem istum plane respuit. Ani-
maduertens vero Augustus, Labeonis sibi operam pa-
rum utilem futuram Ateium Capitonem adortus,
hunc modis omnibus ornare coepit, consulemque
creauit. Tacit. *Ann.* III, 75. Erat enim hic eo ingenio
ut eius obsequium non posset non dominantibus magis
pro-

XL. Sequentes imperatores, (si a Caligula discefferis, qui totum iureconsultorum ordinem aboliturum se minabatur, teste Suetonio *Calig. XXXIV.*) hoc Augusti institutum diligenter seruabant, saltem vsque ad Hadrianum. De Tiberio enim id patet ex *L. 2. §. 47. D. de Orig. Iur.* ex quo loco etiam adparet Hadrianum iterum more maiorum unicuique dedisse facultatem respondendi, qui sui haberet fiduciam. Rogatus enim a viris praetoriis, vt sibi liceret respondere, rescriptit, *hoc non peti, sed praestari solere.* Itaque ab Hadriano ad Alex. Seuerum libera denuo esse coepit respondendi facultas. Dodw.

XL. Idem placuit imperatoribus sequentibus.

probari, iudice Tacito *Ann. III, 75.* Egregia sane adulationis specimina eum dedisse, obseruant Tacit. *III, 70.* Sueton. *de illustr. Gramm. XXII.* Ergo maximo studio sibi eum adiungebat Augustus, vt eius opera in nouo dominatu vteretur. Haec historia egregie coniecturam nostram confirmat. Intelligimus enim inde, I. Augustum de iureconsultis primariis sibi conciliandis magnopere laborasse. Quod sane non fecisset tantus princeps, nisi eorum operam perutilem sibi in nouo principatu constituendo, legibusque ad praesentem statum detorquendis, futuram animaduertisset. II. Talibus iureconsultis amicis eum vt voluisset, quorum sibi obsequium probaretur, id est Capitonis similibus, qui non antiquo iuri mordicus inhaerent, sed callide inseruirent temporibus. Ex quo denique colligimus, III. non alia de causa eum respondendi facultatem quibusdam tantum inreconsultis dedisse, quam vt eorum calamis vteretur, ad leges veteres & in libera republica receptas euertendas, & ad nouam imperii sui formam tanto facilius dessectendas. Plura de Augusti prudentia *romoderm* diximus in *Praef. Comment. ad L. lul. & Papiam*, quae euoluisset non poenitebit.

Dodw. *Prael. Cambden. IX. 11. p. 355.* Hinc de-
 nuo reductum Augusti institutum, ceu patet
 exemplo Innocentii iureconsulti, quem re-
 spondendi facultatem ab Imperatoribus acce-
 pisse tradit Eunapius *in vita Chrysanti p. 286.*

XLII. Va-
 lentiniani
 III. &
 Theodo-
 sii consti-
 tutio de
 auctorita-
 te iure-
 consulto-
 rum.

XLII. Non poterat non hoc Augusti privi-
 legium sectas, summamque iuris incertitudi-
 nem inuehere. Hinc de tollenda ea cogitarunt
 Valentinianus III. & Theodosius iunior impe-
 ratores, qui Papiniani tantum, Paulli, Caii, Vi-
 piani, & Modestini scripta iusserunt valere in iu-
 diciis, & in allegatione plura eorum praeualere
 paucioribus, ex paribus vero ea, inter quae Pa-
 piniani essent testimonia: si sententiae deni-
 que sine Papiniano pares essent, iudicis arbitrio
 locum esse. *L. vn. C. Theod. de Respons. prudent. & ibi*
Gothofredus. Addatur Thomas. *de Naen. in-*
risprud. anteiussin. 11, 7. p. 112. seq.

XLII. Iu-
 stiniani
 institu-
 tum.

XLII. Denique & id incommodum visum
 Iustiniano, qui iureconsultorum sententias
 hinc inde decerptas promiscue in pandectas re-
 cepit, corpusque conficiendum curauit, ali-
 quando non optime, cohaerens, quippe e mem-
 bris sibi dissimillimis compositum. *L. 1. §. 5. 6.*
C. de vet. iure enucl.

XLIII. Fa-
 cultas in-
 terpre-
 tandi iu-
 reconsultul-
 tis ademi-
 ta.

XLIII. Quin & omni interpretandi fa-
 cultate interdixit iureconsultis, eosque ad
 conscribendas metaphrases & paratitla confi-
 cienda, tamquam ad perpetuas operas, con-
 demnauit. §. 2. *Const. de concept. Digest. Paratitla*
quid sint, explicat Aeg. Menag. Amoenit. iur.
civil. XV.

XLIV.

XLIV. Restat, ut quas symbolas principes, mutata reip. forma, ad ius Romanum contulerint, paucis dicamus. Initio Imperatores veterem leges ferendi morem aliquamdiu retinuerunt. Hoc enim ritu sub Augusto, centuriatis comitiis ad populum latae sunt leges *Iuliae, Aelia Sentia, Papia Poppaea*; sub Tiberio *Iunia Norbana*. Claudius quoque veteri ritu rogavit legem, ut Domitius in familiam Claudiam & nomen Neronis transfiret. Tacit. *annal. XII*, 26. Quin ne sub Galba quidem plane exoleuisse veterem leges curiatis saltim ferendi ritum, patet ex Tacit. *Hist. I*. 15.

XLV. Quemadmodum vero habita illa sub Imperatoribus comitia nonnisi quaedam pristinae libertatis simulacra erant; ita iam Tiberius, princeps astutus tyrannicisque artibus magis, quam quisquam alius, instructus, novum commentus est leges ferendi morem. Ut enim populo ius omne eriperet: (γ) comitia e campo transtulit in curiam, id est, & honorum conferendorum arbitrium & leges non amplius populi suffragiis, sed senatorum sibi obnoxiorum sententiis subiecit. Tacit. *Annal. I*, 5. Sueton. *Tiber. XXX*. Restituit populo comitia

XLIV.
Principes
initio ve-
tere ritu
leges tu-
lerunt.

XLV.
Deinde
vsi sunt
Senatus-
consultis.

(γ) Falluntur ergo, qui cum Pomponio *L. 2. §. 9. D. de orig. iur.* & Triboniano §. 5. *Inst. h. t.* existimant, ideo in curiam e campo translata esse comitia quia difficile esset, tantam populi multitudinem in unum convenire. Quasi enim difficilius id fuisset sub Tiberio, quam libera republica, quando tota Italia ad comitia confluebat. Cic. *Orat. ad Quir. post redit.*

tia Caius Caligula. Dio Cass. *LIX.* p. 647. sed illa paullo post ipse iterum illi eripuit. Idem p. 665. Ex eo tempore rarius leges latae ad populum : ast eo frequentius prodierunt *senatus consulta*, quibus plerumque praemittebatur *oratio principis*, non quidem semper ab ipso principe, sed saepius (2) a *quaestoribus*, qui *candidati* vocabantur,

(2) In marmoribus saepe legimus QVAESTOR KANDIDATVS, Reines *Inscr. II*, 26. *VI*, 4. TAMIAΣ KANΔΙΔΑΤΟΣ Gruter. *Inscript. p. ccccxxv.* 2. Vocabantur ita, qui libris, epistolis & orationibus principum in senatu praelegendis praeerant. *L. 1. D. de offic. Quaest.* Dio Cass. *LIV.* p. 617. Tacit. *Annal. XVI.* 27. Suet. *Tit. VI*, eosque iam ab Augusto adhibitos constat ex Dione Cass. *LIV.* p. 539. & Sueton. *Aug. LXV.* Ideo vero dicti videntur candidati, quia post quaesturam statim praetores fiebant, & inde regebant prouincias. Lamprid. *Vit. Alex. XLIII.* Vnde haec dignitas ingressus erat & quasi primordium gerendorum honorum & sententiae in senatu dicendae. Immo recentiore aeuo saepe cum aliis dignitatibus coniungebatur haec quaestura. Sane Anicius Auchenius Bassus in marmore Romano praeter hanc quaesturam etiam alios gessisse honores dicitur. Reines *Inscript. VI*, 4.

ANICIO AVCHENIO BASSO. V. C. QVAESTORI CANDIDATO.

VNO EODEMQVE TEMPORE PRAETORI TVTELARI PROCONSVLI.

CAMPANIAE. PRAEFECTO. VRBI. TRINI MAGISTRATVS

INSIGNIA. FACVNDIAE. ET. NATALIVM. SPECIOSA. LVCE. VIRTVTIS. ORNATI.

Talis etiam est Inscriptio, posita

M. NVMMIO. ALBINO. V. C.

QVAESTORI. CANDIDATO.

PRAETORI.

tur, recitata. Briffon. *Antiq. Rom.* I, 17. p. 19.
Vnde saepe oratione Principis cautum dicitur, quod
erat Senatus consulto constitutum L. pen. D. ad
SC. Tertull. L. 8. pr. D. de transaction. L. 52. §. 10. D.
pro soc. L. 60. pr. D. de ritu nupt. L. 32. pr. §. 1. seq.
D. de don. int. vir. & vx. L. 1. L. 7. C. de praed. min.
non al.

XLVI. Etiam in libera republica fiebant
SCa: sed ea vim legum non habebant. Quam-
uis enim initio, pulsus regibus, aristocratiam
meditarentur patricii, & hinc apud Dionys.
Halicarn. VI, p. 329. legem esse dicerent iam
inde ab vrbe condita, quae omnia in senatus pote-
state ponat, praeter magistratum creationem, legum
lationem & bellum inferendi deponendique arbitrium:
id tamen non persuaferunt plebi, libertatis po-
pularis appetentissimae. Vnde non erat penes
senatum potestas legislativa: sed quaedam
tantum erant negotia, quae senatus populi iussu
ad curam suam reuocauerat, vt puta, aerarium
& pecunia publica, quae senatus arbitrio di-
spensabatur: controuersiae in Italia suscitatae,
publicaque obiurgatione vel grauiore decreto
componendae: legationes aut ad indicendum
bellum, aut alia grauiora negotia obeunda de-
cernendae, aut exterorum excipiendae: pro-
rogationes imperii & prouinciarum: conuo-
catio

XLVI.
Differen-
tia SC. in
libera
rep. & sub
Impera-
toribus.

PRAETORI. VRBANO. COMITI.
DOMESTICO. ORDINIS. PRIMI. ET
CONSVLI. ORDINARIO. ITERVM.

Reines. *Inscr.* VII, 132. Legendus de hac dignitate
idem Reines. *Var.* III, 16. p. 600.

E § .

(a)

catio populi: ac denique indictio feriarum & supplicationum. Haec enim omnia senatus solius curationi suberant, nisi tribuniciiis intercessionibus res devolveretur ad populum: cui praeclare suo more docet Polyb. *Hist. VI. 12. seq.* & ex eo Zamosc. *de Senatu Rom. II, p. 174. & seq.* De his ergo solis in libera republica SCA condebantur, ut recte observatum a Bachovio in *πρώτοις*, p. 38. *seq.* Sed maxime senatus potestas excellebat in trepidis rebus ac turbatis, quibus triste illud fieri solebat senatusconsultum: DARENT OPERAM CONSVLES, NE QUID RESPVBLICA DETRIMENTI CAPERET. Quod decretum summum ac latissimum in consules transferebat imperium, ut suo iure possent exercitum parare, bellum gerere, coercere, etiam iniussu populi, unde *extremum & ultimum hoc senatusconsultum* vocatur. Liu. *III, 4.* Sallust. *de bello Catilin. XXIX.* Cic. *Catilin. I, 2. & pro Milon. XXVI.* Caesar. *de Bello Civili II, 1.* Barn. Briffon. *de Form. II, p. 212.*

XLVII. Fiebant SC. non nisi in sacro auspiciisque dicato loco. (a) Romulus in templo Vulcani extra urbem Senatum coegit. Plutarch. *Quaest. Rom. XLVII, p. 276.* Tullius Hostilius

(a) Nam & haec non nisi peractis sacris captisque auguriis fiebant. Appian. *de bello civ. II, p. 216.* Exempla existant apud Liu. *XXII, 11. XXIV, 11.* Non addicentibus auib., negotium in alium diem differebatur. Cic. *Epist. X, 12.* Augustus hac molestia liberaturus senatores, instituit, priusquam consideret quisque, thure & mero supplicaret apud aram eius Dei, in cuius templo coiretur. Sueton. *August. XXXV.*

lius in curia Hostilia. Libera republica aedes Apollinis, Martis, Bellonae, Quirini, Castoris, Concordiae, Virtutis, Fidei, ut & curiae Hostilia, Pompeia, Iulia, senatui habendo inferuebant Gell. *Noct. Attic. XIV, 7.* Nam & in curiis templa erant per augures dedicata. Gell. *Noct. Att. VI, 7.* Ordinaria tamen senacula erant aedes Concordiae, aedes Bellonae, & locus ad portam Capenam. Fest. *voce Senaculum p. 431.* Conueniebat Senatus statis temporibus, hoc est, singulis Kalendis, Nonis & Idibus, exemptis tamen diebus comitialibus, (quibus conuenire nefas habebatur per legem Pupiam. Cicero *ad Fam. I, 4.*) nec non diebus atris, quibus senatum non nisi in rebus trepidis habere licebat. Dio Cass. *XLV, p. 278.* Et hi ordinarii conuentus *senatus legitimus* dicebantur. Si vero vel legatis vel aliis ob quamcunque causam senatus extra ordinem dabatur: ille vocari solebat *indignus*. Fr. Hotom. *de Senatu V.* Et tunc quidem conuocabantur plerumque senatores per edictum, quo olim frequentes adesse iuebantur QVI PATRES, QVIQVE, CONSCRIPTI: Liu. *II, 1.* postea vero edici coepit: QVI SENATORES, QVIBVSQVE IN SENATU SENTENTIAM DICERE LICET. Fest. *voce conscripti & senatores* ibique Dacer. *p. 496.* Gell. *Noct. Attic. XIV, 18.* Briffon. *de Form. II, p. 264.*

XLVIII. Frequens si aderat senatus, tum Consul, quem penes fasces eo mense erant, aut eo absente Praetor, aut Dictator, si quis erat, aut Interrex aut Praefectus urbi ad senatum referebat. Gell. *XIV, 7.* Si quando id recusaret consul:

XLVIII.
Relatio
facta a
Consule,
Dictato-
re, Prae-
tore.

cas

eas in se partes suscipiebat aliquis tribunus plebis, cui etiam ius erat, addere relationi consulis, quod ere videbatur, aut nouam de integro ordiri. Paul. Manut. *de senatu V. p. 859.* Relationibus plerumque praefari solebant sollemni illa formula: QVOD BONVM FAVSTVM, FELIX, FORTVNATVM SIT. Sueton. *Calig. XV.* deinde addebant: REFERIMVS AD VOS, PATRES CONSCRIPTI. Briffon. *de Form. II, p. 165.*

XLIX.
Rogatae
sententiae.

XLIX. Finita relatione, sententiam rogabantur senatores, (b) non uerbis precatuiis, qualibus in comitiis utebantur rogatores, sed imperatiuis; DIC. SP. POSTVMI, QVID CENSES; Liu. IX, 8. vel QVID FIERI PLACET? QVID VOBIS VIDETVR? Briffon. *de Form. II, p. 165.* Qua in re non idem semper, at plerumque is obseruabatur ordo, ut ante comitia princeps senatus; post comitia vero consules designati primo loco dicere iuberentur sententias. Sequebantur eos viri consulares, hos praetorii, tum aedilitii, quaestorii ac denique tribunicii, (c) e quibus tamen

(b) Qui rogabant, CONSVLERE, nec non PERROGARE SENTENTIAS dicebantur. Liu. XXII, 60. XXXIX, 19. Suet. *Aug. XXXV.*

(c) Tribuni plebis non erant olim senatores, nec ius iis erat, dicendae in senatu sententiae. Ante curiam itaque sedebant in subselliis, donec SCa ad se ferrentur, quae ipsi vel adprobabant deinde, vel reiciebant. Val. Max. II, 2. 7. At etiam senatoria dignitas iusque dicendi sententiam iis data sunt lege Atinia. Gell. *Noct. Att. XIV. ult.*

(d)

men reliquos anteibat, quem consul priorem rogasset, modo gradus magistratuum non turbarentur. Cic. *Phil. V*, 13. Solebant vero consules, quem ordinem initio magistratus instituerant, eundemque totum annum tenere, donec eum morem antiquum C. Julius Caesar migraret. Sueton. *Iul. XXI*. Immo Augustus omnem ordinem plane sustulit, promiscue perrogans sententias, ut magis quisque attenderet. Sueton. *Aug. XXXV*.

L. Sententiam singuli dicebant stantes, formula vti: QVOD C. PANSA VERBA FECIT DE DE EA RE ITA CENSEO. Brissot. *de Form. II*, p. 169. Integrae eiusmodi senatorum sententiae exstant apud Ciceronem. *Philipp. III*, 15. *V*, 4. *VIII*, 11. *IX*, 7. & apud Livium passim. Nec licebat consulibus interpellare dicentes, quamvis aliena multa immiscerent, quod data opera nonnunquam faciebant, qui senatus consultum fieri nollent. (d) Quum enim

L. Eademque ordine dicebat.

(d) Erant & aliae artes, quibus SC. impediabant Senatores. Postulare enim poterant, ut consulerentur singuli, vel, si tot non essent senatores, quot numero licebat perscribi SC. clamabant: *numera senatum*. Festus hac voce p. 338. Coelius apud Cic. *Epist. VIII*. 11. SC. enim a iusto paucioribus factum per INFREQUENTIAM FACTVM dicebatur, & inritum erat. Liv. XXXVIII, 44. Tempore Ciceronis ducenti senatores frequentem senatum constituere videbantur. Cicero ad Q. Fratr. *Epist. II*. 1. Postea ecce, quod sublatum ab Augusto. Dio Cass. *Lib. LIV*, p. 545. qui tamen se quente libro p. 550. eundem Augustum senatorum numerum secundum singulas SCi formas definiuisse ait.

(e)

enim ante & post occasum solis illud fieri non posset: Gell. XIV, 7. solebant *diem dicendo eximere*, vel *noctem postulare*, ut ita re infecta discedendum esset senatui. Cicero *Epist. ad Quint. Fratr.* II, 1. *Epist. ad Att.* IV, 2. Gell. IV, 10. Qui plura capita vna oratione complectebatur, is iuebatur **DIVIDERE SENTENTIAM**. Cic. *ad Famil.* I, 2. *pro Milon.* VI, Senec. *Epist.* XXI. Qui alterius sententiam sequebantur, **ADSENTIRI** se vnico verbo aiebant. Et hoc erat *verbo adsentiri*, quod opponitur alteri *multo adsensui*, quo quis *pedibus ibat in alterius sententiam*. Vtramque loquutionem iungit Liu. XXVII. 34. L. *Veturius & Licinius censes eum tonderi & squallorem deponere, & in senatum venire, fungique aliis publicis muneribus coegerunt, sed tum quoque aut verbo adsentiebatur, aut pedibus in sententiam ibat.* Nonnunquam non omnino adsentiebatur quis sententiis antea dictis, sed aliquid praeterea addendum censebat, & tum utebatur formula: **SERVILIO ADSENTIOR, ET HOC AMPLIVS CENSEO**. Cicero *Philipp.* XIII. 21. (e).

LI. Pronunciatio sententiarum factaque discessio.

LI. Dictis denique sententiis, consulis erat, vel pronunciare illas, vel easdem suppressere. Licebat ei in tanta varietate sententiarum, earum auctores & principes edere, simulque iubere, ut quisque ex pronunciatis senten-

(e) Aliquando etiam in altercationem abibant senatorum sententiae. Cuius rei exempla collegit Brissou. *de Form.* II. p. 184. seq.

tentiis vnam amplecteretur. Et id sibi vult sollemnis illa locutio: PRONVNCIARE SENTENTIAM, apud Cicer, *ad Famil. X, 12. 1, 2.* Formula, qua tunc utebatur consul, haec erat: QVI HAEC SENTITIS, IN HANC PARTEM, QVI ALIA OMNIA, IN ILLAM ITE, QVA SENTITIS. Quae verba lege praescripta explicat Plin. *Epist. VIII, 14.* His dictis senatores mutabant locum, & singuli eo discedebant, ubi recitata fuerat, quam probarent, sententia. In quamcunque vero partem frequentior concesserat senatus, de ea dicebat consul: HAEC PARS MAIOR VIDETVR, & in eam sententiam deinde conficiebatur Senatusconsultum. Briffon. *de Form. II p. 184.*

LII. Varro equidem apud Gellium. *Noct. Attic. III, 18.* Senatusconsulta vel per discessionem vel per exquisitas singulorum sententias facta scribit, quum contra Ateius Capito & Tubero nullum sine discessione SC. fieri potuisse censuerint. Sed salua res est. Ad omne SC. fiebat discessio: sed non semper singuli rogabantur sententias, & hinc illa demum SC. per discessionem facta dicebantur, ad quae non singulorum fuerant exquisitae sententiae Huber. *Digress. I, p. 87.*

LII. Senatus-consulta quotupli-
cia.

LIII. Denique SC. sollemniter scribebatur, ita, vt primo dies, deinde locus, ubi senatus habitus, tum porro, qui scribendo adfuerint, (f) postea

LIII. Scripta Senatuscons.

(f) Scribendo enim aderant aliquot Senatores. Nonnunquam si scribis publicis hoc committere nollent, ipsi viri amplissimi hanc in se operam suscipiebant, idque

postea, quis ad senatum retulerit, & denique, quid placuerit senatui, referretur. Integra SC. verbis suis legitimis perscripta exstant in *L. 20. §. 6. D. de hered. petit.* ubi tamen plura mendose scripta esse animaduertimus, & apud Ciceron. *ad Fam. VIII. 7.* Frontin. *de Aquaeduct. II.* Brisson. *de Form. II, p. 198.* Omnium vero integerrimum est SC. Marcianum de Bacchanalibus, egregie illustratum a viro amplissimo, Corn. van Bynkersh. *de relig. peregr. Diss. II, p. 259. Opusc.*

LIV. Confirmata a tribunis & illata aedi Cereis.

LIV. Verum ne sic quidem ratum erat SC. nisi tribunis etiam placuisset, qui, eo perlecto & probe expenso, litteram T, si e republica videretur, addebant. Valer. Maxim. II, 2, 7. Sin minus placeret: suo illo sollemni VETO intercedebatur, moraue fiebat SCo: AVCTORITATES perscribi solebant. Cicero *ad Attic. V, 2. ad Fam. VIII, 7.* Id est, vt explicat Dio Cass. *LV, p. 629.* ὁ μόντος καὶ τίλος τὶ ὡς κεκυρωμένη ἐλάμβανον, ἀλλὰ ἀκτῶντας ἐγίγνετο, non vim SC. obtinebat, sed auctoritas senatus dicebatur. Haec vero auctoritas non vim legis habebat, sed efficiebat, vt aedem de re iterum referri posset ad senatum. Coel. *apud Cic. Epist. VIII, 8.* Postremo scriptum SC. in aedem Cereris Liu. III, 55. vel in aerarium deferrebat, Sueton. *August. XCIV.* & tunc senatus dimittebatur formula sollemni: P. C. NEMO VOS TENET, vel NIHIL VOS MORAMVR. Cicero *ad Quint. Fratr. I, 2.* LV.

idque SC. TACITVM vocabatur. Iul. Capitolin. *Gordian. XII.*

(g)

LV. Eodem ritu etiam sub Imperatoribus condita sunt SC. nisi quod princeps orationem praemitteret, & senatores plerumque pedibus irent in principis sententiam. Quin eo prolapsa erat Senatorum adulatio, ut orationes principum aequae ac Senatorum, illis blandientium plerumque adclamationibus exciperent. *Plin. Epist. IV, 9.* quae etiam, ne periret adulationis memoria, in acta referebantur. *Idem. Panegy. LXXV.* Plura exempla occurrunt in scriptoribus historiae Augustae, quae colligit *Briffon. de Form. II, p. 187.*

LV. Hoc ritu Sc. etiam sub Imp. clementibus facta.

LVI. Enimvero, quemadmodum haec senatusconsulta non nisi ideo inuenerant Imperatores, ut viderentur veterem senatus auctoritatem libertatemque reipublicae tueri: ita ea fictione tantisper opus fuit, dum seruituti paulatim adiuuissent Romani. Hinc coeperunt sensim Imperatores rescribere, editisque constitutionibus leges veteres abrogare, novas inducere, irrogare privilegia, omniaque, ut paucis dicam, pro lubitu decernere. Rescriptis illis principum vel ad libellos siue magistratum, siue vniuersitatum, siue privatorum respondebatur, & tunc ista **EPISTOLAE** ieu **LITTERAE**; *L. 3. §. 1. D. de test. L. 31. D. de re iudic.* illa **SANCTIONES PRAGMATICAE**, *L. 7. §. 1. C. de diu. rescript.* (Graecis enim *παραγραφαὶ* dicuntur rescripta, uti Latinis *facta*: *Iul. Capitolin. in Macrin. Cap. XIII.*) haec denique **ADNOTATIONES** vel **SUBNOTATIONES** dicebantur. *L. 6. sequ. C. de diu. rescr. L. 1. C. de prec. Imp. offer.* Libellorum integra exempla

LVI. Rescripta principum.

pla exstant tum *L. 9. D. de lege Rhodia* tum in mare Romano apud Briffon. *de Form. III, p. 292.* Aliquando a principibus vel de plano decernebatur, vel sententia cum plena causae cognitione ferebatur: tum dicebantur INTERLOQVVTIONES vel DECRETA, quale exstat *L. 2. D. de his quae in testam. del.* Denique aliquando nouum ius constituebatur, & tunc dici solebant EDICTA (g) vel CONSTITVTIONES. De quo discrimine plura differunt iureconfulti.

LVII. Primus rescripsisse videtur Hadrianus Imp.

LVII. Primus ita rescripsisse videtur Vespasianus, cuius edictum exstat in *L. 4 §. 6. D. de legation.* At hic & successores rarius id ausi videntur: multo frequentius vero Hadrianus. Nam praeterquam quod sub eo principe noua quaedam forma iuri publico aequae ac priuato accessit, in tantum, vt Latin. Pacatus *Panegy. ad Theodos. II.* eum legibus imbuisse rempublicam dicat: nullius sane Principis antiquioris in Codice exstant constitutiones quam Hadriani, a cuius temporibus etiam Gregorianum codicem suum orsum esse, iam supra ostendimus. Plures Hadriani Epistolae & sententiae Graece etiamnum exstant, collectae a Dositheo Grammatico, ex quibus satis constat, quam rationem

(g) Id hic obseruari iuuabit, artificiose admodum Principes sibi potestatem leges per edicta ferendi sensim vindicasse. Initio enim ea quae Scis sanxerat Senatus edictis promulgabant, postea firmata satis auctoritate, etiam inconsulto Senatu, quid fieri placeret, edicere coeperunt. V. C. Burmann. *de Vestig. pop. Rom. VI. p. 113.*

(b)

nem in rescribendo tenuerit hic Imperator. Eius deinde exemplum sequuti sunt Antonini, ceterique Imperatores omnes, quorum rescripta quamplurima in codice Iustiniano, Theodosiano, vt & Gregoriani & Hermogeniani fragmentis existant.

LVIII. Neque tamen ob rescripta illa statim desierunt SC. fieri, quamuis ea ex eo tempore rariora esse coeperint. Sane sub ipso Hadriano, vt alia exempla praetermittamus, prodire SC. Iulianum, Apronianum, Tertullianum; sub M. Antonino Orficianum. Memoratur etiam Oratio Antonini & Commodi L. 16. D. de R. N. Orationes D. Seueri & Commodi L. 20. D. de iure dot. L. 23. & L. 32. D. de don. int. vir. & vx. L. 1. pr. D. de reb.edr. qui sub tut. Antonini Caracallae solius oratio L. 3. D. de donat. int. vir. & vx. Orationes vero principum pro SCIS accipi, supra §. XLV. monuimus. Recentius, quod de iure priuato agat, SC. mihi non succurrit. Et sane, qui ex eo tempore demum plane desuisse Senatusconsulta existimant, eis nos non inuiti nostram adiungemus sententiam.

LIX. Et hae sunt leges proprie sic dictae, quae Romae, tum libera adhuc republica, tum sub Imperatoribus, viguerunt. Iam etiam de aliis quibusdam rebus, quarum obiter hoc titulo meminit Imperator, quaeque ex antiquitatibus lucem aliquam desiderant, paucis agendum. Eadem enim §. 5. b. t. qua de Principum differit constitutionibus, etiam priuilegiorum. vt & legis regiae, qua populus imperium omne

LVIII.
Senatus-
consulta
tamen
etiam
post Ha-
driani
tempora
facta.

LIX.
Transitio
ad materiam de
priuilegiis & lege Regia.

in Principem transfulerit, facit mentionem. De utrisque nonnulla monere operae fuerit pretium.

LX. Pri-
uilegia
quid fue-
rint? tum
odiosa.

LX. Nonnunquam Imperatores quaedam statuebant, quae ad personam singularem pertinebant, neque trahenda erant ad exemplum, quae, siue poenam duriores irrogarent, siue quid alicui indulgerent ob meritum, *priuilegia*, adpellabantur, quasi *priuae leges* ut tradit Gell. *Noct. Att. X*, 20. Isidor. *Orig. V*, 18. Et olim quidem priuilegii vocabulum ferè semper in deteriorem partem acceptum videtur pro poena extraordinaria, quae certae personae tantum infligebatur. Lex sane sacra aequè ac decemuiralis dum PRIVILEGIA IRROGARI vetuit, poenas eiusmodi duriores quibusdam hominibus extra ordinem infligi prohibuit, ceu vel ex verbo IRROGARI colligas, quod ad poenas pertinere nemo ignorat. Vid. Ger. Nood. *ad Pandect. Tit. de legibus senatusc. & long. consu. p. 18*. Enenckel. *de Priuileg. iur. Ciu. I*, 1, 2. & 3. qui etiam obseruat, Ciceronem vocem priuilegium plerumque in deteriorem; rarius in meliorem partem accipere. Ast iam libera republica, saepius hanc legem migrabant tribuni plebis, & quicumque e ciuibus ad maiorem potentiam adspirauerant. In Milonis odium Pompeius; in Ciceronis Clodius multastatuerat, quae a legibus abhorrebant, quaeque ipse Cicero *priuilegia* vocat, in oratione *pro domo XVII*. Postea saepe eo iure utebantur etiam imperatores, eoque pertinet exemplum Hadriani, qui herae cuiusdam saeuitiam poena

na fatis rigida relegationis in insulam vindicauit L. 2. §. *fin. D. de his qui sui vel al. iur.* Id vero non mirum in herili imperandi ratione. Theodosius tamen iusserat, vt si Imperator odiosum eiusmodi priuilegium irrogaret, poena triginta dies differretur. L. 20. C. *de poen.* Quam legem auctore Ambrosio, occasione tumultus in ludis Circensibus Theſſalonicae excitati latam, illustrat Ad. Rechenb. *Dissert. Hist. polit. Tom. II. dissert. -X.*

LXI. Ast solebant tamen & beneficia vel certo statui, vel hominum generi concessa PRIVILEGIA vocari. Vnde saepe in iure nostro occurrunt *priuilegia creditorum, priuilegia fisci*, reliqua; quamuis ea a priuilegiis discernenda, & *beneficia* potius legum vel iura singularia dicenda existiment, qui paullo accuratius rem expendunt. Cuiac. *Obs. XV, 8.* Quin & singularibus hominibus concessa contra ius commune beneficia *priuilegia* audiunt, tum apud auctores, tum in iure nostro, in quo etiam adpellantur *pruata priuilegia*. L. 4. C. *Theod. de itiner. mun. vt & personalia rescripta* L. 5. *eod.* Talia Priuilegia fuerunt leges de Menandro L. 5. §. *ult. D. de captiu. vt & de Hostilio Mancino* L. 17. *D. de legationibus.* Conf. Iac. Gothofred. *ad XII. Tab. IX. p. 228.*

LXI. Tum
fauora-
bilis.

LXII. Reuera ergo extremis temporibus summa potestas legislatoria penes Principes fuit, quibus eam delatam esse per LEGEM REGIAM, consentiens est iureconsultorum opinio. Vlpianus L. 1. *pr. D. de constitut. princ. Quod principi placuit, legis habet vigorem: utpote*

LXII. Lex
Regia qua
potestas
legislatoria trans-
lata in
Principes.

quum **LEGE REGIA**, quae de imperio eius lata est, populus ei, & in eum, omne suum imperium & potestatem conferat. Quae totidem verbis repetit Imperator § 6. *Inst. b. t.* Meminit quoque eiusdem legis Alexander Imperator *L. 3. C. de testam.* ubi ait *Licet enim LEX IMPERII* solemnibus iuris imperatorem soluerit : nihil tamen tam proprium imperii est, quam legibus vivere. Legem enim Imperii hic eandem esse, ac legem regiam, iamdudum observantur eruditi. Adeo & *L. vn. §. 14. C. de caduc. tollend.* ubi **AVGVSTVM PRIVILEGIUM** adpellatur a Iustiniano.

LXIII. Va-
riae de
hac lege
senten-
tiae.

LXIII. Ast ea de lege dici non potest, quantae enatae sint inter eruditos controuersiae. Eam Hotomanus eandem esse putat cum ea, quae de regno Romuli lata fuerit, quam **REGIAM** etiam vocat *Lip. XXXIV, 6.* Ast eandem in Triboniani cerebro fuisse natam, suspicabatur Mart. Schookius in *diatrib. de lege regia Triboniani*, quam repetitis curis auctiorem edidit sub titulo *de quadruplici lege regia Francof. 1668. 12.* Quum enim Regium nomen perosi sint Romani, neque unquam Augustus titulo tam inuidioso se passus sit ornari, nec verosimile fiat, populum Romanum, qui Caesare interfecto, fessus civilibus discordiis, tolerabat magis monarchiam, quam perpetuam optabat, tam inimica libertati lege in seruitutem se ipsum addixisse : non abs re suspicari sibi videbatur Schookius, quidquid de lege regia in iure nostro legitur, ex Triboniani natum esse ingenio. Nec multo aliter sentiunt Connanus *Comm. 1, 26, 3.* Vultei, *ad §. 6. Inst. b. t.* Sed Hotomano iam

iam Scipio gentilis singulari *de lege regia* oratione; Schoockio abunde satisfecit. doctiff. Huberus. *Digress. I, 16. sequ.*

LXIV. Res ita se habet. Quum Augustus omnia intestinis fessa dissidiis non in principis in potestatem suam recepisset: Senatus aequae ac populus ei sensim plures honores decreuit, & modo hanc, modo illam τὴν κούριον partem detulit. Sic anno V. C. DCCXXIV. ei concessa tribunicia potestas per omnem vitam; cautumque, ut ad Augustum prouocare ius esset, utque ipse in omnibus iudiciis suffragium Minervae ferret. Dio Cass. *Hist. LI, p. 513.* Mox anno V. C. DCCXXVII. consulatu septimo, solutus est Augustus legibus, idque denuo repetitum anno V. C. DCCXXX. Dio, *LIII, p. 582. & LIV, p. 591.* Quod tamen non de omnibus omnino legibus, sed de lege Cincia intelligendum esse, recte monet Ger. Nood. *de iure summi Imp. & leg. reg. p. 777.* Porro anno V. C. DCCXXXI. eidem, undecimum consuli, permixtum est a senatu, ut procursus semper esset, liceretque ei, quotiescunque vellet, ad senatum referre, denique in prouinciis maior esset eius, quam praefectorum, auctoritas. Dio. *LIV, p. 594.* Quin anno DCCXXXV. facultatem ei dederunt, emendandi omnia suo arbitrio, ac leges, quas vellet, ferendi. Dio *LIV, p. 604.* Ut alia praetermittam huius generis complura, quae ab aliis ac potissimum Io. Fridr. Gronouio in *Orat. de lege regia* collecta sunt diligentius.

LXV. Haec itaque, aliaque SC. in gratiam Augusti subinde facta, postea repeti consueuerant

LXIV.
Quid de
ea vero
statuen-
dum.

LXV. Lex
Regia re-
petita.

quoties
Princeps
nouum
auspica-
batur im-
perium.

quotiescumque noui Imperatores inchoabant imperium. Sic de Vespasiano Tacit. *Hist. 1V, 3. Tum Senatus omnia, principibus solita, Vespasiano decreuit.* Quae de lege regia recte interpretatur Pichena. Vnde adparet, quaecumque sensim Augusto detulerat senatus, ea post Tiberio, aliisque principibus fuisse decreta. Omnia ergo illa SC, non vno eodemque tempore facta, saepiusque deinde repetita, simul sumta *lex imperii* vocari consueverunt a iureconsultis, vt & *lex regia*, exemplo, vt opinor, veterum Romanorum, qui, vrbe vix nata, Romulo supremam potestatem concesserant *LEGE REGIA*, cuius meminit Liu. *XXXIV, 6.* Quamuis Huberus *Digr. l. c.* posterius nomen Antoninorum demum temporibus alii adhuc serius inualuisse existiment. Conf. Io. Fridr. Gronou. *Orat. de leg. regia*, Ian. Vinc. Grauius *de Orig. iur. cin. CXIV. p. 139. sequ.*

LXVI.
An, hac
lege do-
minatus
Impera-
torum
stabilitas?

XLVI. Caue vero existimes, hac ipsa *lege regia* in seruitutem se addixisse Romanos, seque omni omnino abdicasse imperio. Minime gentium. Quamuis enim id vulgo colligant ex Dione *LIII, p. 582. L. 1. D. de Const. princ. & L. 31. D. de leg.* falsissimum tamen id esse, yniuersa docet historia. Sane post omnia illa SC, in gratiam Augusti facta, Caligulae Senatus vacationem legis Papiae Poppaeae caducariae dedit, teste Dione *LIX. 747.* Quid vero opus erat hac lege solutione vel indulgentia, si iam lege regia Imperatores legibus omnibus fuerint soluti? Ergo iis legibus soluti erant principes, quibus eos nominatim soluerat S. P. Q. R. vt paullo

paullo post ex fragmentis tabulae Capitolinae adparebit, Conf. Ger. Nood, *Dissert. III. de iure summi Imp. & lege reg.* p. 778. & *Obs.* I, 3. p. 411. seq. Jan. Vin. Graulina *de orig. iur. civ.* l. c.

LXVII. Ceterum regiae illius legis, sub auspicia Imperii Vespasiani repetitae fragmentum bene longum ac egregium exstat in tabula aenea Capitolina apud Gruter. *Inscript.* p. CCXLII, cuius *ὑπογράφει* in dubium a nonnullis vocatam Hotomanus, pluresque viri doctissimi, & nuper etiam clarissima Romanae antiquitatis lumina Blanchinus, Fabrettus, nec non postea Iustus Eccardus, qui ipse hoc monumentum descripsit & luculenta explicatione illustravit, agnouerunt. Illorum epistolae hanc in rem scriptae exstant apud Jan. Vincent. Grauin, *l. c.* p. 23 1. *sequ.* Ipsum vero illud legis fragmentum ita se habet;

LXVII,
Fragmen-
tum legis
Regiae,

FOEDVSVE. CVM. QVIBVS. VO-
LET. FACERE. LICEAT. ITA. VTI.
LICVIT. DIVO. AVG. TI. IVLIO.
CAESARI. AVG. TIBERIOQVE. CLAV-
DIO. CAESARI. AVG. GERMANICO.

VTIQVE. EI. SENATVM. HABE-
RE. RELATIONEM. FACERE. RE-
MITTERE. SENATVS. CONSVLTA.
PER. RELATIONEM. DISCESSIO-
NEMQVE. FACERE. LICERET. ITA.
VTI. LICVIT. DIVO. AVG. TI. IVLIO.
CAESARI. AVG. TI. CLAVDIO. CAE-
SARI. AVG. GERMANICO.

verissima

E 5

VTIQVE

VTIQUE. CVM. EX. VOLVNTATE. AVCTORITATEVE. IVSSV. MANDATVVE. EIVS. PRAESENTEVE. EO. SENATVS. HABEBITVR. OMNIVM. RERV. IVS. PERINDE. HABEATVR. SERVETVR. AC. SI. E. LEGE. SENATVS. EDICTVS. ESSET. HABERETVRQVE.

VTIQUE. QVOS. MAGISTRATVM. POTESTATEM. IMPERIVM. CVRATIONEMVE. CIVIS. REL. PETENTES. SENATVI. POPVLOQVE. ROMANO. COMMENDAVERIT. QVIBVSQVE SVFFRAGATIONEM. SVAM. DEDERIT. PROMISERIT. EORVM. COMITJS. QVIBVSQVE. EXTRA. ORDINEM. RATIO HABEATVR.

VTIQUE. EI. FINES. POMERII. PROFERRE. PROMOVERE. CVM. EX REPVBICA. CENSEBIT. ESSE. LICEAT. ITA. VTI. LICVIT. TI. CLAVDIO. CAESARI. AVG. GERMANICO.

VTIQUE. QVALECVNQVE. EX. VSV. REIP. MAIESTATE. DIVINARVM. HYMANARVM. PVBLICARVM. PRIVATARVMQVE. RERV. ESSE. CENSEBIT. EI. AGERE. FACERE. IVS. POTESTASQVE. SIT. ITA. VTI.

VTI. DIVO. AVG. TIBERIOQVE. IV-
LIO. CAESARI. AVG. TIBERIOQVE.
CLAUDIO. CAESARI. AVG. GERMA-
NICO. FVIT.

VTIQVE. QVIBVS. LEGIBVS. PLE-
BEIV. SCITIS. SCRIPTVM.
FVIT. NE. DIVVS. AVG. TIBERIVS.
VE. IVLIVS. CAESAR. AVG. TIBE-
RIVSQVE. CLAVDIVS. CAESAR.
AVG. GERMANICVS. TENEREN-
TVR. IIS. LEGIBVS. PLEBISQVE.
SCITIS. IMP. CAESAR. VESPASIANVS.
SOLVTVS, SIT. QVAEQVE. EX.
QVAQVE. LEGE. ROGATIONE. DI-
VVM. AVG. TIBERIVMVE. IVLIVM.
CAESAREM. AVG. TIBERIVMVE.
CLAVDIVM. CAESAREM. AVG.
GERMANICVM. FACERE. OPOR-
TVIT. EA. OMNIA. IMP. CAESARI.
VESPASIANO. AVG. FACERE. LI-
CEAT.

VTIQVE. QVAECVNQVE. ANTE.
HANC. LEGEM. ROGATA. ACTA.
GESTA. DECRETA. IMPERATA. AB.
IMPERATORE. CAESARE. VESPA-
SIANO. AVG. IVSSV. MANDATVVE.
EIVS. A. QVOQVE. SVNT. EA. PE-
RINDE. IVSTA. RATAQVE. SINT. AC.
SI. POPVLI. PLEBISVE. IVSSV.
ACTA. ESSENT.

SANCTIO.

S A N C T I O.

SI. QVIS. HVIVSCE. LEGIS. ER-
GO. ADVERSVS. LEGIS. ROGATIO-
NES. PLEBISVE. SCITA. SENATVS-
VE. CONSVLTA. FECIT. FECERIT,
SIVE. QVOD. EVM. EX. LEGE. RO-
GATIONEVE. PLEBISVESCITO. S.
VE. C. FACERE. OPORTEBIT, NON,
FECERIT. HVIVS. LEGIS, ERGO, ID,
EI. NE. FRAVDI. ESTO. NEVE. QVIT,
OB. EAM. REM. POPVLO. DARE.
DEBETO. NEVE. CVI. DE. EA. RE,
ACTIO. NEVE. IVDICATIO. ESTO,
NEVE. QVIS. DE. EA. RE, APVD,
SE. AGI. SINITO.

Hoc est monumenti illius quantiuis pretij
fragmentum, ex quo satis adparet, quod supra
ostendimus, legem regiam ex multis SC. in ho-
norem Augusti, Tiberii, Claudii aliorumque
Imperatorum factis, fuisse conflatam.

TIT. III.

D E

IVRE PERSONARVM.

Prima apud Romanos hominum diuisio erat
in *liberos & servos*. Illi iterum vel *ingenui*
erant, vel *libertini*. Hoc titulo de libertate &
servitute; sequentibus de ingenuis & liberti-
nis

libertinis agitur. Tametsi vero seruitus sit iuris gentium: Romanorum tamen serui in plerisque differebant a reliquarum gentium Mancipiis, ceu Germanorum Romanorumque comparatione ostendit Tacit. *de moribus Germ.* XXV.

I. Obseruandum ergo initio, Romanos captos bello hostes redegeisse in seruitutem. (a) Quemadmodum enim, qui, positis armis, ultro sese dedebant, sub iugum mittebantur, saluaque retinebant ingenuitatis iura: (quem ritum accuratissime, ut solet, describit Dionys. Halic. *Ant. Rom.* III. p. 159.) ita capti in acie, vel violenta urbium expugnatione, sub corona veniebant. Gell. *Noct. Attic.* VII, 4. Illi *dedititii*, hi *serui* vocabantur, quod essent in bello seruati, itemque *mancipia*, quasi manu capti §. 3. *Inst. b. t.*

I. Serui fiebant captiuitate.

II. Redacti ergo in hanc conditionem non pro personis, sed pro rebus, immo pro nullis habebantur. Hinc non solum in iure rebus Mancipi accensebantur: Vlpian. *Fragm.* XIX, 1. sed & Iuuen. *Sat.* VI. v. 221. alludens ad mores Romanorum scribere non dubitat: *O demens, ita seruus HOMO est?* ὡς περ βολικῶς ut solet, nec tamen sine ratione. Quamuis enim serui essent

II. Et quia non pro personis, sed pro rebus habebantur.

(a) Ita agebatur cum hostibus. Excipiebantur ergo bella ciuilia, in quibus capti non in seruitutem redigebantur, L. 21. §. 1. ff. *de capt.* & post l. sed *proscribebantur* a victoribus. Quam proscriptionem, ita dictam a tabula, qua nomina proscriptorum proponebantur, primus inuenit L. Sulla. Vellei. *Paterc. Hist.* II, 28.

(b)

homines, quamvis ratione status naturalis etiam *personae* dici possent: *L. 22. pr. D. de reg. iur.* non tamen erant *personae civiles*, & hinc dicuntur ἀπρώσωποι Theophilo *pr. Inst. de stip. seru. personam legibus non habentes*, Cassiod. *Var. VI, 8.* denique *sine capite*, οἱ ἐδουλίαν πάλας εἶχον κεφαλὴν, Theoph. §. 4. *Inst. de cap. demin.* Nihil ergo sibi acquirebant: non matrimonia contrahebant, sed in contubernio vivebant cum ancillis: nec gaudebant iure testamenti factionis & contractuum, nec vlla in personam seruilem cadebat obligatio, *L. 22. D. de reg. iur.* Vnde secundum genus hominum vocantur Floro *Hist. III, 20.*

III. Etiam
nascebantur ex an-
cillis.

III. Ex quo sequebatur, ut nec liberi seruorum melioris, quam mater, conditionis haberentur. Fructus enim, tanquam rerum accessiones, non secus ac ipsae res, ad dominos pertinere videbantur. Et eiusmodi quidem serui, domi nati, *vernae* adpellabantur.

IV. Et
erant in
commer-
cio.

IV. Porro & hoc inde fluebat, seruos aequae ac alias res posse legari, donari, immo & vendi: unde perpetua Romae erat seruorum nundinatio, quotidiana comparatio *L. 44. princ. D. de usurp. & usucap.* Qui seruos vendebant, promittere tenebantur eorum sanitatem *L. 43. §. 1. D. de contr. emt. L. 16. §. 2. & L. 31. D. de euict.* Nonnunquam tamen mancipii sanitatem explorabant accensi gagatis lapidis odore, maxime si seruum morbo caduco laborare suspicarentur. Apulei. *Apolog. I.* Sed & nudos venum exponebant seruos, ne quod vitium corporis latitaret. Seneca *Epist. LXXXI, & Controv. I, 2.* Immo de animi vitiis cauere solebat

in

in eiusmodi venditionibus seruorum. Horat. *Serm. II. 3. v. 285. sequ.* veluti, nec furem esse, nec fugitium, nec lenonem, noxis solutum esse, & quae sunt huius generis alia. Singulorum enim seruorum titulos scribi iusserat aedilis, ut quid cuique morbi vitiique esset, intelligeretur. Gell. *Noct. Attic. IV, 2.* Seneca *Epist. XLVII.* Turneb. *Adu. XXIII, 2.* Ceterum serui, quorum nomine nihil promittebatur, pileati veniebant. Gell. *Noct. Att. VII, 4.* quemadmodum bello capti sub corona. Varro *de re rust. II, 10.* trans mare aduecti cretatis vel gypsis pedibus, Plin. *Hist. Nat. XXXV, 17. & 18.* Tibull. *III, 3.* Alia quae in seruorum venditionibus obseruata sunt, explicauit Brissot. *de Form. VI, p. 492. sequ.*

V. Saepe & poenae loco in seruitutem detruhebantur facinorosi, veluti I. qui censum vel militiam subterfugerant, quippe qui bonis in aerarium redactis virgis caesi trans Tiberim veniebant Dionys. Halic. *IV, p. 221.* Cic. *pro Caecin. XXIV.* II. Damnati ad metalla vel bestias aliaque extrema supplicia. Hic enim serui poenae fingeantur. §. 3. *Inst. quibus modis ius patr. pot. solu.* Vid. infra *Lib. I. Tit. XVI. §. V.* III. Liberti ingrati, quippe qui etiam in seruitutem reuocabantur Suet. *Claud. XXV. (b)* IV. Mulieres liberae, amore seruorum alienorum bacchantes, quam poenam tamen earum commodo sustulit Iustinianus. *L. unic. C. de SC. Claud.*

V. Saepe & in poenamhebant serui.

(b) Plura de huius iuris historia notabimus infra *Lib. I. Tit. VI, §. 9.*

Claud. tollendo. V. Qui ab alio adserti, praestitaque cautione edictis citati per annum se haut stitissent. *L. 1. §. 2. C. de adsert. toll.*

VI. Libertas non erat in commercio,

VI. Quemadmodum vero nihil erat servitutis durius, nihil miserabilius: ita tantus erat libertatis fauor, ut illa non crederetur esse in commercio, neque adeo liceret ingenuis, se ipsos addicere in servitutem. (c) Multo minus rata habebatur venditio, si quis extraneus (d) hominem liberum venundasset. Sigon. *de antiquo iure cū. Rom. l. 6.*

VII. Servi tamen fiebant, qui se preui participandi causa venundari passi erant.

VII. Ast hic mirae fraudes. Solebant enim adolescentes male feriat se ipsos aliis vendendos dare, pretii participandi causa, ac deinde pro-

(c) Quod licebat Ebraeis, ut docet Selden. *de iure nat. & gent. VI, 7.* ut & Germanis, teste Tac. *de mor. Germ. XXIV.* non item fas erat Romanis. Unde errat Ræuard. *Coniect. II, 8.* fingens Tulcum vicum, ubi homines se ipsi vendiderint. Plautus equidem *Curcul. IV, 1. v. 19.*

Sub veteribus, ibi sunt, qui dant, quique accipiunt foenore!

Pone aedem Castoris, ibi sunt, quibus credas male: In Tusco vico, ubi sunt homines, qui ipsi sese venditant.

Et Horat. *Serm. II, 3. v. 228.*

- : Ac Tusci turba impia vici.

Sed ibi de improbis meretricibus & lenonibus sermonem esse; iam pridem observarunt eruditi. Vid. Taubmann. *ad Plauti Curcul. l. c.*

(d) Patribus equidem licebat filios, quos habebant in potestate, ter venundare: sed salvo tamen ingenuitatis iure. Manumissi enim ex ea servitute non libertini erant, sed ingenui. Vid. *infra Lib. I Tit. IV. n. 1.*

(e)

proclamare ad libertatem. Exemplum huiusmodi fraudis in scenam produxit Plaut. in *Perf.* I, 3. v. 55. III, 1. IV, 3. v. 9. Quare SCo deum cautum est, (e) vt, qui essent maiorennes, seque pretii participandi causa venundari siuissent, in seruitute manerent. L. 1. L. 3. D. *quibus ad libert. proclam. non licet.*

VIII. Quamuis vero in seruorum conditione nulla sit differentia: §. 5. *Inst. b. t.* reuera tamen alias discrimen haut vnum occurrit. Ratione munerum alii erant atrienses, alii dispensatores, alii medici, topiarii, pistores, capfarii vel *ἰματιοφύλακες*, scoparii, lecticarii, structores, scissores seu carptores, insularii, (f) & quae alia erant seruorum ministeria, de quibus accurate actum a Laur. Pignorio in libro *de seruis eorumque apud veteres ministeriis*, & Tito Popma in Tractatu *de operis seruorum* coniunctim editis *Amstelod.* MDCLXXII, 12. Ratione dominorum *priuati* alii erant, alii *publici*. Illi priuatis seruiebant, hi ad

VIII. *Va-*
ria ser-
uorum
ministe-
ria.

(e) SC. Clandiano hoc ius esse inuectum nescio quo auctore tradit Dionys Gothofr. *ad* §. 4. *Inst. b. t.*

(f) Et horum profecto diuersissima erat in domo conditio. Quum enim seruorum quidam lautius haberentur in familia: alii contra neruis ac compedibus vincti seruiebant. Tales erant ianitores & ostiarii, quos in catena fuisse docet Sueton. *de clar. Rhet.* III. Sic & ruri quidam vincti faciebant opus. Columella *de re rust.* I. vlt. Plin. *Hist. Nat.* XVIII 3. Seneca *de Benef.* VII, 10. Huc comparata erant ergastula domestica subterranea, quae diligenter exploranda esse a circumspcctis patribusfamilias monet Columella *de re rust.* I, 8. Conf. Barn. Briff. *Antiqu. Rom.* II, 9. p. 33. Lips. *Elect.* II, 15.

G

(a)

ad publica adhibebantur ministeria & potissimum magistratibus adparebant. Publici vel in poenam seruiebant, vel tanquam captiui redigebantur in seruitutem. Prior mos non caret exemplis, quamuis minus probaretur a recti exempli viris. Vid. Plin. *Epist.* X, 40. 41. Posteriore consuetudine nihil est frequentius. Et hi captiui, redacti in seruitutem, nomina plerumque accipiebant vel a prouinciis, vt *Brutiani Cyprii*, vel a victoribus, a quibus in acie capti, veluti *Gelliani, Clodiani*, Lips. *Elect.* I, 12. & *Adnot. ad Tacit. Annal.* 11. p. 95. Eorum alii erant tabelliones, alii actores, alii notarii populi Romani. Et longe tolerabilior erat eorum, quam priuatorum seruorum, conditio, siquidem & ante manumissionem iure gaudebant, pro parte dimidia testamentum faciendi, Vlpian. *Fragm.* XX, 16. P. Bithoeus *Schol. ad Collat. Leg. Mos. & Rom.* V, 2. p. 752. edit. Ant. Schulting. Denique alii erant serui proprie ita dicti, alii statu liberi, qui destinata in tempus vel conditionem habebant libertatem. L. 1. D. de statu liberis. Sane & hi serui diserte dicuntur. L. 9. pr. & L. 29. pr. D. de statu lib. L. 12. §. ult. D. famil. ercisc. Sic & serui rustici & vrbanus distinguuntur in L. 99. D. de legat. 3. Vbi videndus Merrill. 1. Obs. 111, §. pag. 143. Alii denique adscriptitii, vel glebae adscripti. Quamuis enim & hi quibusdam ingenui videantur ob L. vn. C. de colon. Thrac. eo quod iure connubii gauderent, & aliquid possent habere proprii: Thomaf. de usu pract. distinct. inter liber. & seru. 1, 16. seq. erant tamen in commercio. d. L. vn. C. ood. L. 21. C. de agric. & censit.

Vnde

Vnde saepe serui vocantur in iure nostro, nec a seruis differre, hinc inde dicuntur. *L. 21. fin. C. de agric. & censit. Nouell. CLXII. cap. 3.*

TIT. IV. ET V.

DE

INGENVIS ET LIBERTINIS.

Liberi homines subdividuntur in *ingenuos & libertinos*. Vtrorumque conditio denuo ex antiquitatibus Romanis eruenda est.

Ingenui erant Romanis, qui nunquam iustam I. Ingen-
seruiuerant seruitutem. Iniuste enim in seruitu- nui qui?
tem detrusi, impetrata libertate, non ad liberti-
norum, sed ad ingenuorum statum redibant. §. 1.
Inst. b. t. Idem obseruandum de filiis, quos pa-
tres in seruitutem vendiderant, quod ter facere
poterant ex instituto Romuli. Dionys. Hal. II,
28. Nam & hi manumissi non libertini erant
sed ingenui. Paull. *Recept. Sent. l. 1.* Et ita in-
terpretanda *L. 2. pr. Cod. Theod. de liberali causa.*
vbi Constantinus M. negat, *libertatem*, id est in-
genuitatem, *filiis eripi posse a parentibus*. Inge-
nuos enim κατ' ἐξοχὴν dictos esse *liberos*, ex *L. 4.*
ff. de iust. & iure patet. Immo ne ciuitatis qui-
dem iura penitus perimebantur hac venumda-
tione Cic. *pro Caecin. XCV.* nec iis iure postlimi-
nii opus erat si manumitterentur. Idem *de Orat.*
l. 181. Bynkersh. *Opusc. p. 149. seq.* Denique &
illi, qui ob aes alienum addicebantur creditori-
bus, itemque filii familias noxae dediti, seruie-
bant quidem, sed manumissi ingenuitatis iura

G 2

recu-

recuperabant. Quintilian. *Inst. Orat. VIII, 3.*
 & *Declam. CCCXI.* Iac. Cuiac. *Observat. XIII. 9.*
 (a)

II. Et
 quinam
 libertini.

II. Si qui vero e iusta seruitute erant manumissi, eos vocabant *libertinos*. Quamvis enim *libertini* vetustioribus auctoribus sint libertorum liberi, Suet. *Claud. XIV.* sequiore tamen aevo id maxime apud iureconsultos inualuit, ut & manumissi dicerentur libertini Casaub. *ad Suet. Aug. XXV.* Observatur tamen differentia, ut ratione patronorum dicantur *liberti*, ratione status *libertini*. Oisfel. *ad Caii Instit. I, 1. p. 7.*

III. Ritus
 manumissionis per
 censum.

III. Manumissiones antiquitus fiebant sollemniter I. *censu*, quando servus iussu domini nomen suum in censum lustralem conferebat. Ulpian. *Fragm. I, 8. p. 564.* Non sine causa vero Ulpianus meminit census lustralis. Non statim enim atque eum cenferi iusserat dominus plenam libertatem consequeretur, sed expectandum erat, dum lustrum conderetur: interim enim domino poenitere licebat, ceu ex Cic. *de Orat. I, cap. 40. ostendit* Lud. Charond. *annot. ad Ulpian. l. c. p. 564. edit.* Schulting. Adde *Adpend. Lib. I. §. 48.*

IV. Manumissionis per
 vindictam
 origo.

IV. Deinde quum Vindicius, Vitelliorum servus, coniurationem Brutorum aliorumque inuenum ad senatum detulisset, praemium ei decernebantur libertas & ciuitas. Vnde & II. fol-

(a) Signum ingenuitatis apud pueros & puellas erat bulla aurea, collo adpensa, postea toga praetexta Theodor. Marcil. *ad Pers. Sat. V. v. 35. p. 111.*

(b)

sollemni illi manumissioni, quae coram magistratu fiebat, *vindictae* nomen inditum Liu. II, 5. L. 2. §. 24. D. de orig. iur.

V. Fiebat haec manumissio coram Consule, (b) Praetore, Procos. adhibito lictore, qui serui percussio capite, eodemque in girum circumacto, inflictaque alapa, addebat verba: HVNC HOMINEM LIBERVM ESSE VOLO. (c) Hinc Persl. Sat. V, v. 75. de Dama seruo in girum acto:

V. Eiusdem ritus.

-- Heu steriles veri, quibus una Quirites

Ver-

(b) Et consules quidem etiam sequioris aevi statim, ut consulatum inierant, manumissiones solebant expedire ad renouandam manumissionis illius a Bruto factae memoriam. Id quod ex Cassiodori Var. VI, 1. p. 227. Ammiani Marcell. Hist. XXII, 9. aliisque locis egregie demonstrat P. Faber. Semestr. I, ult. p. 194. Pertinent huc illa Sidonii Carm. II. ad Anthim. v. 545.

Nam modo nos iam festa vocant, & ad Vlpia
poscunt

Te fora, donabis quos libertate Quirites:
Quorum gaudentes expectant verbera malae.

Ut & illa Claudiani Consul. IV. Honor. v. 613.

Adspice, mox laetum sonuit clamore tribunal.

Te iustos ineunte quater, sollemnia ludit

Omnia libertas, deductum Vindice morem

Lex celebrat, famulusque, iugo laxatus herili,

Ducitur & grato remeat securior istu.

Vbi conferri merentur Casp. Barthii Adnot. p. 706.

(c) Substituunt alii formulam: AIO TE LIBERVM MORE QVIRITIVM. Oiscl. ad Caii Inst. I, 1. p. 11. 12. edit. Schulting. Initio ipse dominus haec verba pronunciabat, postea tacente domino lictor, vel ea ut dicta accipiebantur. L. 23. D. de manum. vindict.

*Vertigo facit : hic Dama est, non tressis agaso,
Vappa & lippus, & in tenui farragine mendax.
Verterit hunc dominus, momento turbinis exit
Marcus Dama.*

Virga, qua caput percutiebatur, *vindicta* vocata est, ab eodem vt putatur, Vindicio. Et de ea idem Persius *Satyr. V, 88*:

Vindicta postquam meus a Praetore recessi.

Conf. Claud. *Paneg. de IV. Conf. Honorii v. 612.* De alapis in manumissione inflictis legi mere-
tur Calp. Barth. *ad Briton. Philipp. p. 406.* De
formula manumittendi Fest. voce *manumitti* &
Briffon. *de Form. VIII. p. 724.* Singulare est,
quod notauit Appianus, Labeonem morien-
tem seruum domi dextra adprehendisse & cir-
cumegisse. Ea sane manumissio non fuit haec
sollemnis per vindictam peracta, quippe quam
in iure fieri oportebat, sed alia priuata, & mor-
tis causa facta, quae tantum libertatem Latinam
tribuebat: vt rem recte explicat Merillius
Obs. VII, 14. p. 25.

VI. Ma-
numissio
per testa-
mentum.

VI. Accessit porro III. ex legibus XII. Ta-
bularum manumissio *per testamentum*, qua si qui-
bus libertas daretur verbis directis: DAVVS
SERVVS MEVS LIBER ESTO: liberti
eiusmodi vocabantur *Orcini* seu *Charonitae*,
quasi, qui nullum patronum, nisi in orco, ha-
berent. Iac. Cuiac. *Obs. III, 23.* Sin verbis pre-
catius vsus esset testator: ROGO HERE-
DEM MEVM, VT DAVVM MANVMIT-
TAT; heres fiduciarius retinebat iura patro-
natus. Sin denique in certum diem vel sub
conditione cuidam daretur libertas: is *statu li-*
ber

ber audiebat, nec plenam libertatem, nisi veniente die, vel existente conditione; consequabatur. *L. 1. pr. D. de statu lib.* Felt. voce *statu liber*.

VII. Et hi quidem sunt antiquissimi manumittendi modi. Loco manumissionis per censum Imperatores Christiani (d) introduxerunt aliud manumissionis genus quod fiebat in *S. S. Ecclesiis*, ubi recitatis iussu domini tabulis, a clero signatis, servus libertatem consequabatur. Ita ritum exponunt Augustin. *Serm. V.* a Sirmondo edit. Papinian. in *Respons. III.* p. 829.

VIII. Paulo ante ea tempora inualuerant manumissiones variae minus sollemnes, quales, *per epistolam & II. inter amicos*. Illa initio sine omni sollemnitate expediebatur, donec Iustinianus quinque testium exigeret subscriptionem *L. vn. §. 1. C. de Lat. libert. toll.* Haec ita fiebat, ut dominus servum, praesentibus amicis, vel liberum esse iuberet, vel III. convivio adhiberet. Glossae nomicae Labbaei, *πὸς μυστὰν ἐλευθέρια, ὅταν συνεαθῇναι μοι κεύσω τὸν δούλον μῦ, Per mensam libertas est, si tecum epulari servum iussero*. Indecorum scilicet olim habebatur, cum servis vilibusque hominibus accum-

VII. Et in sacrosanctis ecclesiis.

VIII. Nec non per epistolam, inter amicos, & per convivium.

(d) Et quidem Constantinus M. ceu patet ex *L. 1. §. 2. C. de his qui in eccl. manum.* Conf. Sozom. *Hist. eccl. I.* 9. Videtur tamen Constantinus exemplum gentilium sequutus, qui & ipsi subinde vel in templis ad aras Deorum, vel in publicis populi coetibus manumittebant, ceu praeclare observat. Iac. Gothofred. *ad L. vn. C. Theod. de manum. in S. S. ecclesiis.*

cumbere, iisque non lecti, sed subsellia erant parata. Hinc parasitus apud Plaut. *In Stichō III, 4. v. 32.*

*Haut postulo equidem, me in lecto accumbere
Scis tu, me esse imi subsellii virum.*

Et in eadem comoedia serui duo: *V, 4. v. 21.*

- - - *Potius in subsellio*

Cynice accipiemur, quam in lectis.

Quod si ergo servus iuberetur accumbere: signum hoc erat datae libertatis. Plin. *Epist. VII, 16.* Quo & locus Luc. XII, 37. a nonnullis refertur. Sed & hic Iustinianus quinque amicorum, tanquam testium, exegit praesentiam *L. vn. C. de Lat. lib. toll.* Sunt & alii modi innumerabiles Latinae libertatis, ut ait Iustinianus *L. vnic. C. de Latin. libert. toll.* sic imposita puero bulla & praetexta, manumissus credebatur puer. Sueton. *de clar. Rhetor. cap. I.* Manumissus censebatur servus, quem dominus actis interuenientibus filium vocauerat, quamvis id non sufficeret ad adoptionem. §. 12. *Inst. de adopt.* Item, si ancilla a domino matronali habitu donata fuisset, vel servus domino volente signasset tabulas. Quintilian. *decl. XXXIV.* Immo & mortis causa datam esse eiusmodi libertatem, ex l. 15. *D. de manumiss.* probat. Merill. *Obs. L. VII, cap. XIV.*

IX. Servi nonnunquam ipso iure libertatem sunt consecuti.

IX. Denique & ipso iure, nolente licet domino, servis nonnunquam libertatem dandam fuisse nouimus. Causas a Iustiniano fere inuentas accurate recenset Thomas. *Diss. de usu, pract. distinct. hom. in ingen. & libert. I, 12.*

X.

X. Ceterum antiquissimis temporibus vna erat eademque omnium manumissorum libertas: siquidem manumissione non solum libertatem, sed & ciuitatis iura consequiebantur, idque instituerat Seruius Tullius, qui & ipse libertinae fuerat conditionis. Dionys. Halic. IV, p. 126. Quam in rem Cicero pro Corn. Balbo XXIV. *Servos denique quorum vis & fortunae conditio infima est, bene de republica meritos, persaepe libertate, id est, CIVITATE, publice donatos videbamus.* Ciuitatem ergo vna cum libertate consequiebantur serui, sed ita, vt in quatuor urbanas tribus, tanquam ignobiliores, describerentur. Flor. Epit. Liu. XX.

X. Libertinorum vnum initio genus.

XI. Enimuero quum ciuitas deinde tota scelestissimorum hominum colluie impleretur, nequissimique homunciones, a dominis manumissi, ciuium iura inuaderent: (Dionys. Hal. l. c. p. 228.) primum sub Augusto lege Aelia Sentia cautum est, ne serui sceleris causa publice caesi, vincti, aut torti, aut stigmate iniusti, (e) impetrata a dominis libertate, melioris

XI. Quod mutatum lege Aelia Sentia.

(e) Solebant enim serui ob leuia crimina flagellis caedi, dominisque reddi. L. 10. princ. D. de poen. L. ult. D. de iniur. Paull. Sent. Recept. V, 4. 22. Nonnunquam etiam ea lege reddebantur dominis, vt aliquamdiu in vinculis haberentur. Paull. l. c. & V, 18. 1. Fugitiuis vero seruis epigramma in facie inurebatur, & talibus quidem plerumque litteris: F. H. E. L. T. *Fugitiuus hic est L. Titii.* Quibus de notis multa congersere Oisell. ad Caii Inst. l. 1. 3. p. 16. seq. Lips. Eleff. II, 15. Rader. ad Martial. Epigr. II, 25. & VIII, 70. Rad. Forner. Rer. Quotid. VI, 26. Tit. A'opina. de operis seru. Ioan. Rhod. ad Scribon. Largum. cap. 23 l. 10. Nicol. de Sigl. vet.

ris essent conditionis, quam dedititii. Sueton. *Aug. LX.* Dio Cass. *LV, p. 556.* Vlp. *Fragm. l, 11.* Caius *Instit. l, 1. 3. p. 15.*

**XII. Et
postea le-
ge Iunia
Norbana.**

XII. Postea A. V. C. DCCLXXI. M. Iunio Silano & L. Iunio Norbano Balbo Coss. lata est lex Iunia Norbana, qua constitutum, ut manumissi per epistolam aut inter amicos, aliisque modis minus sollemnibus, de quibus supra §. VIII. non ciuitatis sed Latinorum tantum iura consequerentur. Vlpian. *Fragm. l, 10.* Cai. *Instit. l, 1. 2.* & ibi viri docti. Hinc non desunt exempla manumissionum per epistolam aut inter amicos, per vindictam deinde ideo confirmatarum, ut liberti iura ciuitatis consequerentur. Plin. *Epist. VII, 16.* Nonnunquam & ab Imperatoribus Latini Iuniani iura Quiritium impetrabant. Plin. *Epist. X, 4.* Introducti subinde & alii modi, quibus iura Quiritium consequerentur Latini Iuniani, veluti, si quis uxorem duxerat, testatione interposita, quod *liberorum quaerendorum causa* id fecerit, ex eoque matrimonio natus erat filius: si quis Romae triennio inter vigiles militauerat: si naue X. M. modiorum frumentum Romam deportauerat. Suet. *Claud. XIX.* si aedificium Romae construxerat. Vid. Vlpian. *III, 2. sequ.*

XIII.

XXV. Stigmata eiusmodi vultibus imprimi vetuit Constantinus *L. 17. C. de poen.* ex eoque tempore seruis fugitiuis circumdata collaria, vel laminae collis adpensae, quibus epigrammata inscripta. Delinneas eiusmodi lamellas dedit Iac. Spon. *Miscell. Erud. Antiq. p. 300. 301.*

(f)

XIII. Ex eo ergo tempore trium generum erant libertini. Alii enim fiebant *cives Romani*, alii sola consequebantur iura Latinorum, dicti hinc *Latini Iuniani*. Alii denique utriusque iuris expertes ad *dedititiorum* tantum conditionem adspirabant. Iac. Cuiac. *Obs. IV*, 5.

XIII. Hinc libertini alii *cives*, alii Latini Iuniani, alii *dedititii*.

XIV. Iura ciuitatis quatenus fuerint, inter omnes constat, & infra ostendetur accuratius. Latini Iuniani eiusdem erant conditionis cum Latinis in colonias deductis. Vlpian. *XIX*, 4. *Fragm. Regul. ex vet. Iureconf. VIII*, p. m. 805. quales coloniae passim in orbe Romano exstabant etiam aeuo Imperatorum. Ez. Spanh. *Orb. Rom. Exerc. I*, 9. Libertate igitur gaudebant, participes erant commerciorum & mancipationum cum ciuibus, Vlp. *XIX*, 4. & familiae emtores & testes & libripendes fieri, (Vlp. *XX*, 8.) quin & fideicommissum capere poterant: (Vlp. *XXV*, 6.) Sed tamen nec testari iis licebat, (f) nec ex testamento quidquam capere, nisi intra centum dies a cretione iura Quiritium consequerentur. Vlp. *XVII*, 1. Hinc vulgo dicitur, vixisse Latinos Iunianos ut liberos, decessisse ut seruos. *L. vn. C. de Lat. lib. toll.*

XIV. Quinam Latini Iuniani?

XV. *Dedititii* vero vix umbram libertatis consequebantur. Nam & iuris commerciorum,

XV. Quales *dedititii*.

(f) Videntur tamen & Latini Iuniani testari potuisse volentibus concedentibusque patronis. Nam & domini permittere poterant ipsis seruis testamenti factionem, seu adparet ex Plin. *Epist. VIII*, 16.

(g)

rum, mancipationum, erant expertes, & testamenti factione tum actiua tum passiu plane carebant, & quae miserrima erat eorum conditio, nulla ipsis spes supererat, vlllo modo ad ciuium Romanorum, vel Latinoꝝ saltem, conditionem adspirandi, Suet. *Aug. XL. Caius Inst. l. 1. 4.* adeoque eiusdem erant conditionis cum populis dedititiis. (g)

XVI. An
ea diffe-
rentia sub-
lata ab
Antonino
Caracalla?

XVI. Et haec differentia libertinorum fuit etiam sub imperatoribus insequentibus obseruata. Quamuis enim Antoninus Caracalla in nota illa lege *in orbe Romano L. 17. D. de statu hom. ciuitatis iura cum omnibus*, qui in orbe Romano viuerent, communicarit: id tamen beneficium non ad libertinos, sed ad ingenuos pertinuit; vt recte obseruarunt. Ez. Spanh. *Orb. Rom. 11, 5.* Ant. Schulting. *ad Caii Inst. l. 1. 2. p. 13.*

XVII. Iu-
stinianus
eam pri-
mus sus-
tulit.

XVII. Primus Iustinianus discrimen istud sustulit, *L. vn. C. de dedit. lib. toll. L. vn. C. de Lat. lib. toll.* quibus constitutionibus omnibus libertinis iura ciuitatis indulsit. Quin immo, quae erat Flauii nostri liberalitas, denique omne discrimen inter ingenuos & libertinos sustulit, salvo

(g) Qui se, diuinaque & humana omnia dedebant, mittebantur sub iugum, de quo ritu videndus Dionys. Halic. *Ant. Rom. 111, p. 159.* Qua formula deinde facta fuerit deditio; ex Liu. 1, 38. ostendit Barn. Briffon. *de Form. 1V, p. 354.* Pet. Fab. *Semestr. 1, 7. p. 36.* Effectus vero erat, vt populi eiusmodi ingenuitatis quidem iura retinerent, at nullo modo ad ciuitatis commoda adspirarent. Conf. Car. Sigon. *de antiq. iur. Ital. l. 1. p. 47.*

(b)

saluo tamen iure patronatus, omnibusque libertis ius aureorum annulorum & natalium restitutionem (b) dedit. *Non. LXXVIII.* Quam prudenter id consilii ceperit Imperator, alii ostenderunt. Vid. Wissenb. *ad Tit. C. de iure aur. p. 360.* Thomaf. *de usu pract. dist. hom. in ingen. & libertin. l. 31. seq. p. 18.*

XVIII. Certum praecipuum id erat insigne libertinorum, quod veste alba & annulo donarentur a patronis. Tertull. *de resur. cap. LVII.* & deinde pileati & capite raso incederent. Et capillos quidem radere solebant in templo Feroniae (i). De quo ritu videndi Taubm. *ad Plaut. Amphitr. l. 1. extr.* Alex. ab Alex. *Genial. dier. IV, 20.* Dalechamp. *ad Plin. l. 55.* Adsumebant etiam praenomen, nomenque patroni suo addebant. Vid. infra *Lib. III. Tit. VIII. §. 1.* Quo alludens Persius *Sat. V. v. 77. Verterit hunc dominus: momento turbinis exit* MARCVS Dama Add. Arrian. *Diff. Epictet. II, 1.* Ceterum, quia iam libertatem consequuti non amplius pro rebus, sed pro personis habebantur; hinc in iure nostro qui statum mutant, & vel ex servis liberi, vel ex liberis servi facti, non iidem censentur, sed vocantur *noni homines,*

XVIII. Insignia libertinorum.

(b) De iure aureorum annulorum & restitutione natalium a principe impetrari solitis vid. Lips. *Elect. II, 8. 10.* Kirchmann. *de annulis. XV. XVI.* Thomaf. *de usu pract. dist. in ingen. & libert. l. 26. 27. p. 14. seq.*

(i) Qui mos ponendi capillos utrum ad exemplum naufragorum introductus sit, an ab Atheniensibus Romam manarit, disputat Briffon. *Ant. Fem. l. 11. p. 13.*

(a)

homines L. 27. §. 1. *D. de adim. vel transfer. leg.*
Itemque *alii homines*, L. 98. §. 8. *D. de solution.*

TIT. VI.

DE

QVI ET EX QVIBVS CAVSSIS
MANVMITTERE NON POSSVNT.

Licentia manumittendi restricta primum est per legem AELIAM SENTIAM, cuius adeo historia, occasio & materia ex antiquitate erunt explicandae.

I. Lex
Aelia Sen-
tia quan-
do lata.

I. Lata ea lex, imperante Augusto Sex. Aelio Cato, (ita enim cognomen ex vetustis monumentis primus restituit Henr. Noris. *Cenot. Pis. Diff. III. cap. IX.*) & C. Sentio Saturnio Coss. anno ab V. C. DCCLVII. Dio Cass. *LV*, p. 557. Vnde fallitur Mynsingerus *Comment. ad Instit. h. t.* dum mentionem huius legis fieri putat a Cicerone in *Top. II*. Illa enim lex *Aelia Sentia*, cuius Cicero meminit, si genuina esset vulgaris lectio, a nostra foret diuersissima. Sed acute coniicit Norisius, ab indocti scribae manu esse alterum *Sentia*, legem uero Aeliam in loco Ciceronis non aliam esse, quam *ius Aelianum* vel Aelii *tripartita*, de quibus supra in *proem. §. VIII*.

II. Ratio
huius le-
gis.

II. Occasionem legi dedit nimia manumittendi facilitas, qua fiebat, ut vrbs pessimorum vilissimorumque ciuium colluie adflueret. Quod quanto cum dedecore fuerit coniunctum,

iunctum praeclare ostendit Dionys. Halic. *Antiq. Rom. IV, p. 228.* *Talis est nostro tempore confusio, & sic ad sordes atque ignominiam degeneravit Romanorum, probitas, ut nonnulli a latrocinii, parietum perfossionibus, prostitutionibus, omnibusque aliis sceleribus pecunia collecta libertatem redimant statimque, se Romanos faciant: alii conscii dominis, & socii veneficiorum, homicidiorum facinorumque, tum contra Deos, tum contra rempublicam susceptorum, eam ab illis gratiam recipiant: quidam ideo manumittantur, ut acceptum e publico frumentum menstruum, & si qua alia liberalitatis in egenos ciues conferuntur a Principibus, dent his, a quibus sint facti liberi.* Accedebant aliae causae manumittendi parum honestae. Saepe domini seruos omnes manumittebant in fraudem creditorum. Tacit. *Ann. XV, 55.* Saepe serui a minoribus, quorum amores adiuuerant, libertatem sibi loco mercedis stipulabantur. Cuius rei exempla multa depingunt Terentius & Plautus.

III. Eam licentiam, quum indigna videretur Augusti saeculo, lata hac lege coercendam putabat princeps prudentissimus. Qua de re Sueton. *Aug. XL.* *Manumittendi modum terminavit.* Et paucis interiectis: *Quum & de numero, & de conditione ac differentia eorum, qui manumitterentur, curiose cauisset: hoc quoque adiecit, ne vinctus umquam tortusque quis ullo libertatis genere ciuitatem adipisceretur.* Prius Augustus lege Fusia Caninia; posterius Aelia Sentia praestitit. Quin tam necessariam tamque dignam saeculo suo hanc legem existimabat Augustus, ut inter mandata extrema, quae Tiberio senatuique & populo

III. Plura
huius legis
capita.

populo Romano dederat, huius quoque legis commendaret custodiam. Qua de re Dio Cass. *Hist. LVI. p. 541.* Καὶ τὸ τέταρτον ἐντολὰς καὶ ἐπισκήψεις τῷ τιβερίῳ καὶ τῷ κοινῷ, ἀλλὰς τε καὶ ὅπως μὴ ἀπελευθέρωσι πόλλας, ἵνα μὴ πανταδαπῶς ὅχλος τὴν πόλιν πληρώσῃσι, μὴ ἂν ἐς πολιτείαν συχνὰς ἐσγράψωσιν, ἵνα πολὺ τὸ διάφορον αὐτοῖς πρὸς τὸ ὑπἰκοον ἦ. *Quarta mandata Tiberio & reipublicae data, interque alia, ne multos manumitterent, ne promiscua turba urbs impleretur, neque multos iure ciuitatis donarent, quo magnum inter ipsos & subiectos discrimen remaneret.* Constabat vero ea lex capitibus quamplurimis, quae non nisi sparsim ex auctoribus colligi possunt.

IV. De dedititiis.

IV. Primo enim seruos flagitiosos, stigmate inuitos, tortos & ad ferrum datos vetuit fieri ciues Romanos, voluitque eos ad dedititiorum tantum conditionem redigi. Vlp. *Fragm. I, 11. p. 566.* Caius *Inst. I, 1.3.* de quo capite actum ad titulos antecedentes.

V. De aetate dominorum manumittentium & seruorum manumittendo-rum.

V. Deinde & impedimentum ea lex excitauit ex aetate, tum seruorum tum dominorum. Nam neque seruus triginta annis minor vindicta manumissus ciuis Romanus fiebat, nec dominus XX. annis minor manumittere poterat; nisi allegata probataque causa apud consilium. Suet. *Aug. XL.* Dio Cass. *LV, p. 557.* Vlpian. *Fragm. I, 12. 13.* Inter has causas §. 5. *Inst. h. t.* etiam refertur manumissio propter matrimonium. Sed haec non ex lege Aelia Sentia est, (tunc enim nondum ciuibz licebat ducere libertinas,) sed ex SC. quodam *L. 13. fin. D. de manum. vind.* quod hanc manumissionem ex ratio-

rationibus legis Iuliae & Papiae admisit. Apud Gruterum *inscr. p. DCXXI*, nominatur PER-SICVS SERVVS MANVMISSVS AD CONSILIVM. Consilium vero erat Romae confessus decemviro- rum litibus iudicandis, id est, quinque Senatorum totidemque Romano- rum equitum: in prouinciis XXV. recupera- torum, ciuium Romanorum. Vlp. *l. c. Iac. Raeuard. Protribun. XVIII, & XIX. Ger. Noodt. de iurisd. & imp. l. 1, 12.* Et tale est τὸ συμβέλιον, cuius mentio fit Actor. XXV, 12.

VI. Porro hac lege vetabantur manumif- siones, quae fierent in fraudem creditorum, i. e. quae obligatos seruos creditoribus dolo malo eximerent, partemque detraherent pignorum, aut portionem solutionis creditori aut here- ditatis patrono imminuerent. Vlp. *l. c. §. 14. Cai. Inst. l. 1, §. 1.* Intelligendum hoc caput esse de Manumissionibus non minus inter viuos, quam vltima voluntate factis, egregie probat Schulting. *ad Caii Inst. l. c. p. 21.* Vbi tamen fraudulentus animus non concurrebat: vale- bat manumissio inter viuos facta. Et huc per- tinet exemplum apud Tacit. *Ann. XV, 55.* vbi Sceninus libertatum & pecuniarum in seruos collatarum rationem hanc reddit, *quia tenui iam re familiari, & instantibus creditoribus, testamen- to diffideret.*

VII. Porro eadem lege adempta sunt do- minis iura patronatus, qui libertos inopes alere negligenter. *L. 33. D. de bon. libert. L. 6. D. de lib. agnosce.*

VI. De manumif- sione in fraudem credito- rum facta.

VII. Con- tra domi- nos liber- tos ino- pes alere recusant- tos.

H

VIII.

VIII.
Contra
dominos
mercedem
sibi
a libertis
stipulan-
tes.

IX. Con-
tra liber-
tos ingra-
tos,

X. Contra
dominos
libertos,
prohiben-
tes vxores
ducere.

XI. Cur
licuerit
dominis
obaeratis
seruum
vnum he-
redem
necessa-
rium in-
stituer.

VIII. Eadem lege iuribus patronatus ex-
cidebant, qui libertos ad mercedem operarum
promittendam induxerant. *L. ult. D. qui & a
quib. manum. liberi non sunt.*

IX. Proditæ etiam hac lege est actio aduer-
sus liberos ingratos, non quidem ut in Serui-
tutem reuocarentur, (quod postea demum
Claudius Imp. inuexit. (a) Sueton. *Claud. XXV.*)
sed ut in lautumias darentur ad perpetuas ope-
ras. Vid. Dosithe. *Sent. & Epist. D. Hadriani III. 3.*
*p. m. 862. seq. Iac. Cuiac. Obs. X, 33. Vinc. Gra-
uina. de Leg. & SCtis p. 528. seq.*

X. Accedit & aliud caput, quo iure patro-
natus exuuntur, qui hac lege manumifere, ut
ne liberti vxores ducerent, aut liberos tolle-
rent. *L. 6. D. de iur. patr.*

XI. Et hæc quidem sunt potiora legis Ae-
liae Sentiae capita, quorum auctores & iura no-
stra meminere. (b) Sed quod ad caput tertium
§. VI.

(a) Non videtur Claudius expressa quadam constitu-
tione vel SCo definiuisse, in Seruitutem liberos ob in-
gratitudinem a patronis reuocari posse, sed extra or-
dinem quosdam ingratos liberos ita mulctasse. Sane
temporibus Neronis quum ad senatum referretur, ut
liberti ingrati reuocarentur in seruitutem, id plerisque
displicuit, additumque nihil aliud laeso patrono con-
cedi, quam ut vicesimum vltra lapidem in oram Cam-
paniae libertum possit relegare. Tacit. *Annal. XIII.*
26. Eoque iure vli videntur Romani, donec Commo-
dus Imperator, quod extra ordinem fecerat Claudius,
edita constitutione induceret. *L. 6. D. de agnosce. lib.*
Conf. Iac. Raenard. Coniectan. I, 11. p. 23. seq.

(b) Aliud huius legis caput commemorat Iustin. *Nov.*
CXII, 1. edit. Haloandr. de donatione facta inter virum

§. VI. a nobis recensitum attinet: illi adiecta erat exceptio. Licebat enim domino obaerato servum suum cum libertate heredem initi- tuere, ea lege, ut ei heres esset solus & necessa- rius. Eo ipso enim nihil amittebant creditores. Sed dominus tantum id lucrabatur, ut ne bona suo nomine possiderentur a creditoribus. Id enim veteribus ignominiosum videbatur. *L. 23. D. b. s. Cic. pro P. Quinct. XV. Franc. Hotom. Quaest. illustr. 26. Confer infra Lib. II. Tit. XVIII. XIX. n. XI.*

XII. Scripseramus haec olim. At postea XII. Lex maiora ausi ipsius legis fragmenta non modo Aelia Sen- diligenter conquisiuimus, verum etiam ea suo tia ordi- & integri- ordini suaeque integritati restituere conati su- tati suae- mus, ductu praecipue Ulpiani, & Iulii Paulli, restituta. quorum ille quatuor; hic tribus libris hanc legem celeberrimam illustravit. Huius dili- gentiae nostrae ut fructum capiat lector, to- tam legem una cum probationibus hic exhi- bemus:

SEX. AELIVS. - - - CATVS. ET. C.
SENTIVS. C. P. C. N. SATVRNINVS. COS.
POPVLVM. IVRE. ROGAVNT. POPV-
LVSQVE. IVRE. SCIVIT. IN. FORO. PRO.
ROSTRIS. TRIBVS.
PRINCIPIVM. EVIT. PRO. TRIBV.
PRIMVS. SCIVIT.

CAP. I.

& mulierem. Sed textum in mendo cubare, & pro lege *Sentia* legendum *Cincia*, iam monuit Gothofredus.

H A

(4)

CAP. I. a)

DE IIS, QVI MANVMISSI
DEDITITII FIVNT.

Qui servus, quaeue ancilla poenae causa b) a Domino c) VINCTVS VINCTAVE d) aut in custodiam datus datae, e) quibusue vestigia scripta, f) itemque qui quaeue propter noxam tortus tortae nocens inuentus inuentaue, g) item qui quaeue, ut ferro, aut cum bestiis depugnaret, h) damnatus damnataue aliove supplicio adfectus adfectaue i) fuit: is eae, quoquo modo l) manumissus manumissaue istam libertatem non consequitur, m) sed dedititiorum numero esto. n)

PROBATIONES.

- a) Caput hoc primum fuit procul dubio, partim quia praecipuum, partim, quod VLPIANVS libro I. *Comment. ad L. Ael. Sent.* de eo egit. *L. 216. ff. de V. S.*
- b) Non ergo ob aliam causam victus vinctaue, veluti ob furorem. Paull. *Rec. Sent. IV. 12. 7.*
- c) Vel eius iussu a Procuratore. Paull. *ibid.* §. 8. non si solum servum Dominus adprobet, antequam victum sciret: Paull. *ibid.* nec si communi seruo vnus altero non adprobante iniecisset vincula: Idem *ibid.* §. 5. nec si servum oppignoratū vinciuerit creditor: *Id.* §. 6. *L. 24. §. ult. D. de pignor. act.* nec si seruo, quem manumittere iussus erat, vincula iniecerat heres Paull. *ib.* §. 4.
- d) Legitimum hoc fuisse vocabulum discimus ex Vlpian. *Lib. I. L. 216. de V. S.* vbi id non intelligendum esse monet de eo, qui carceri mancipatus, sed qui ibi vinculis constrictus fuit, quamvis alias, vbi de fauore victi quaeritur, & in carcerem coniectus, pro victo habeatur. *L. 9. ff. ex quib. caus. mai. 25. ann. in int. rest.*
- e) Ita Vlpianus *Fragm. tit. I. 11.* Sed annon sibi ipse

ipse contrarius, quum paullo ante negare eum viderimus in custodiam datum pro vinclo haberi? Negamus, quia in *L. 216. de V. S. de priuato carcere*; qui non nocebat sine vinculis: hic autem de carcere publico loquitur. Vid. Iac. Cuiac. ad Vlp. *l. c.*

- f) Vlp. *ibid.* §. 11. Cai. *Instit. l. 1. 3.* nec opus videtur emendatione in textu Vlpiani, vbi pro *vestigia* quidam rescribi iubent *stigmata*.
 g) Vlpian. *ibid.* non ergo si tortus de nulla culpa fuerat confessus. Paull. *Rec. Sent. ibid.* §. 3.
 h) Ferro depugnant gladiatores, cum bestiis arenarii. Cuiac. ad Vlp. *Fragm. tit. l. 11.* De vtrisque plura nos in *Comm. ad L. lul. 6 Pap. Lib. 11. Cap. 1. 6 2.*
 i) Immo & virgis caesi publice. Cai. *Instit. l. 1. 3.*
 k) Vlpian. *ibid.* Apud Suetonium *Aug. cap. 40.* est: *nullo libertatis genere ciuitatem adipiscerentur, id est, nec censu, nec vindicta nec testamento.*
 m) Suet. *Aug. cap. 40.* Vlp. *ibid.*
 n) Vlpian. *Fragm. l. 11.*

CAP. II. a)

DE AETATE MANVMITTENDORVM PER VINDICTAM.

Minor XXX annorum seruus ancillane censu b) vindictane manumissus manumissane ciuitatis Romanae ius, nisi causa apud consilium probata, ne consequitur.

PROBATIONES.

- a) Caput hoc secundum fuit, quia & aetas pertinet ad qualitatem manumittendorum, de qua curiose cauisse Augustum tradit Sueton. *l. c.* Meminit huius capitis Dio *LV. p. 557.* eiusque sententiam seruauit Vlpian. *Fragm. tit. l. 12.*
 b) *Census* non meminit Vlpianus *l. c.* quia eius aetate ab usu pridem recesserat. Ast *Fragm. Reg. vet. 1 Cti* Pariatori *LL. Mos. & Rom.* subiunctum §. 17. *Et qui*

in censum manumittitur, si XXX annos habeat civitate Romana potitur. Ergo non minor XXX annis.

CAP. III. a)

DE AETATE ET CONDITIONE MANVMITTENDORVM PER TESTAMENTVM.

Minor XXX annorum b) testamento manumissus manumissusque, quamvis in libertate moretur, liber tamen & civis Romanus ne esto. c)

PROBATIONES.

- a) Hoc caput a priore seiungi non potuit. Hinc coniunxit etiam utrumque Vlpian. *Fragm. l. 12.*
- b) Nisi libertas in hoc tempus data. Hinc frequens in testamentis formula: LIBER ESTO, SI ANNO-RVM XXX ERIT. *L. 30. fam. erc. L. 46. de manum. test. l. ult. ff. de reb. dub. l. 13. de statu lib. item QVVM PER LEGES LICEBIT, LIBER ESTO. l. 38. de man. test.*
- c) Servi itaque erant, quamvis in libertate morarentur, nec servire eos pateretur Praetor. Post Legem Iuniam Norbanam omnes iustam libertatem per manumissionem haut consequuti, praeter dedititios Latini erant, adeoque & hi eiusdem conditionis censebantur. *Vlp. ib. & ad b. l. V. C. Ant. Schultingius.*

CAP. IV. a)

DE CONDITIONE EX HVIVS MODI PARENTIBVS NATORVM.

Ex his, qui quaeque iustam libertatem non consequuntur nati nataeque, cives Romani & in parentum potestate ne sunt. Sin civis Romanus huiusmodi mulierem, quasi cinem, per errorem duxerit, siue civis Romana per errorem

errorem ei, qui dedititiorum numero erit, nupta fuerit; causa apud consilium probata ciuitas tam liberis, quam parentibus, b) praeter eos, qui dedititiorum numero erunt, redditor, illique in patria potestate sunt.

PROBATIONES.

- a) Hoc quoque caput a superioribus sciungi non potuit. Expressimus illud ex Vlpiani *Fragm. l. 11. 4.* Idem caput in mente habuit Caius apud *Pariat. LL. Mos & Rom Tit. XVI.* dum scripsit: *Idem iuris est de his, quorum nomine ex L. Aelia Sentia vel ex SC. post mortem patris causa probata in potestate eius futuri essent.*
- b) Probanda ergo causa erat viuis parentibus. At postea ex SCo etiam post mortem patris fieri poterat probatio. Cai. *ib.* Vnde miror, de sententia huius SCi, & an eo diuersum quid a Lege Aelia Sentia cautum sit, disputare ad Caii locum viros doctos.

CAP. V. a)

DE MINORE XX ANNIS
MANVMITTENTE.

Minori XX annis b) non aliter, quam per vindictam, c) causaque apud consilium probata, d) manumittere ius esto. e)

PROBATIONES.

- a) Egere de hoc capite Vlpianus *Lib. 11. l. 16. ff. de man. vind.* Paullus *Lib. 1. l. 27. de manum. vind. l. 15. eod.* Vnde id a superioribus proximum locum tenuisse patet. Vti enim prima legis parte de conditione manumittendorum; ita secunda de manumittentibus actum. Sententiam capituli habemus apud Cai. *Inst. l. 1, 7.* Vlpian. *Fragm. l. 13.* & in §. *Inst. qui ex quib. caus. man. non poss.*
- b) Coeptum tamen annum XX pro completo habitum, collegiis ex *L. 74. §. 1. ff. de SC. Treb.*

- c) Attamen, qui vindicta possunt apud consilium manumittere, possunt etiam heredem sibi necessarium testamentum scribere. PAVLL. *Lib. I. L. 27. de man. test.*
- d) Modo causa ex affectu, non ex luxuria descendat, VLP. *Lib. II. L. 16. de man. vind.* Qualis est sanguinis conjunctio VLP. *Lib. II. L. 12. eod.* item conditionis implementum. PAVLL. *Lib. I. L. 15. ff. de man. vind.* Aliae causae recensentur in *L. 9. 11. 12. sequ. ff. eod. C. §. 5. Inst. h. s.* Sunt tamen quaedam non ex hac lege, sed ex SCis, de quibus *L. 13. fin. de man. vind. L. 4. C. qui man. non poss.* Add. Cuiac. *Obs. XV. 13.*
- e) Quid si minor XX annis servum alii dederit, ut manumitteretur? Vid. *L. 7. §. ult. L. 16. §. 1. ff. de man. vind.*

CAP. VI, 2)

DE FEMINA MANVMIT-
TENTE.

Ne feminae, nisi auctoribus tutoribus suis, b) libertatem servis dare ius esto. c)

PROBATIONES.

- a) De hoc quoque capite egit PAVLLVS *Lib. I. L. 16. ff. de auct. tut.* Sententiam eius servavit *Fragm. Vet. Icti post Pariat. LL. Mos. & Rom. §. 15.*
- b) Etiam si coeci sint tutores. PAVLL. *Lib. I. L. 16. de auct. tut.* Si femina per epistolam manumittebat, disputabatur, utrum, dum scriberet illa epistolam, an tunc, quando eam servus acceperit, interponenda sit auctoritas? Vid. *laudat. Fragg. §. 15.*
- c) Nisi iure liberorum per legem Papiam Poppaeam tutela liberaretur. *Fragm. Vet. Icti §. 15. Vlpian. Fragg. II. §. ult. Addatur Comment. noster ad Leg. Iul. & Pap. Lib. II. cap. 11. p. 233. sequ.*

CAP. VII.

CAP. VII. a)

DE MANVMISSIONE IN FRAV-
DEM CREDITORVM.

Qui in fraudem b) creditorum manumisit, nihil egisse censetur, c) & manumissus manumissum feruus ancillam manento.

PROBATIONES,

- a) De hoc quoque capite PAVLLVS adhuc *Lib. I. Commentarii* sui egit. Sententia existat apud Cai. *Inst. I. 1. §. Vlpian. Fragm. I. 14. in pr. Inst. b. 1. L. 16. §. 2. ff. qui & a quib. man. lib. L. 1. C. qui man. non poss.*
- b) Quid vero est in fraudem manumittere? *L. 10. ff. qui & a quib. man. lib. non sunt. L. 79. ff. de R. I. Hac lege nec miles solutus. L. 29. §. 1. ff. de test. mil. L. 8. §. 1. ff. qui & ex quib. caus. manum.* Non tamen legem violat, qui minor XX annis heredem rogauit, vt seruum proprium manumitteret. *L. 34. §. 1. ff. de fideic. libert.*
- c) Si id vrgeant creditores. Antea enim manumissus in eorum fraudem veluti statu liber erat. *L. 1. pr. de statu lib.* Inde est, quod libertas huiusmodi per Legem Aeliam Sentiam dicitur RESCINDI, *L. 5. §. 2. ff. qui & a quib. manum. RETRAHI, L. 45. §. 3. de iure fidei. REVOCARI, L. 1. C. qui manum. non poss.*

CAP. VIII. a)

DE SERVO NECESSARIO HE-
REDE INSTITVTO.

Attamen ei, qui soluendo non est, b) vnum seruum, quem velit, c) per testamentum manumittere, & heredem instituire d) ius est: & tunc manumissus liber heresque necessarius esto.

H §

PRO-

PROBATIONES.

- a) Caput hoc a superiore proximum fuisse, cum res ipsa, tum Paulli fragmenta ad caput sequens adferenda docent.
- b) Etiam minori XX annis. *L. 27. de man. test.* Quid si, qui soluendo est, necessarium heredem instituat, & is abstineat, an libertates debentur? *L. 32. ff. de manum. test.*
- c) Licet minorem XXX annis: Vlpian. *Fragm. l. 14.* etiamsi in ea causa sit, ut dedititius fieri deberet. Vlp. *ibid.* Heres enim esse non posset, nisi iustam consequutus libertatem. Aliud dicendum, si impedimentum non ex lege Aelia Sentia sit, sed ex alia lege, SCo vel constitutione Principis. *L. 83. pr. de her. inst.*
- d) Quid si obaeratus servum heredem necessarium instituerit, eique substituerit tamen liberum hominem? *L. 57. ff. de her. inst.*

CAP. IX. a)

QVID SI IN FRAVDEM CREDITORVM PLVRES MANVMISSI?

SI. DVO. PLVRESVE. EX. EADEM. CAVSSA. HEREDES. SCRIPTI. ERVNT. VTI. QVISQVE. PRIMVS. SCRIPTVS. ERIT. liber & HERES. ESTO. b)

PROBATIONES.

- a) Legitima haec fuisse huius capituli verba adparet ex *L. 70. ff. de her. inst.* SC. vero ad hanc legem facti meminit. *L. 83. §. 1. eod.*
- b) Quid si duo Apollonii instituti? *L. 42. ff. eod. Paull. Lib. l. L. 43. eod.* Quid si primo loco servum cum libertate instituerit, & cum substituerit, cui libertas debebatur ex fideicommissio? Paull. *Lib. l. L. 55. ff. eod.*

CAP. X.

CAP. X. a)

DE SERVO IN FRAVDEM FOE-
NERATORVM MANVMISSO.

In fraudem foeneratorum manumissus, tametsi in libertate moretur, libertatem tamen iustam ne consequatur. b)

a) Huius capitis solus meminit Auctor *Fragm. Vet. Icti* §. 16. *Obstat enim libertati Lex Aelia Sentia, quae vetat servum foeneratorum causa manumissum ciuem Rom. fieri; sed Latinum.* Nisi itaque dicere malimus, auctorem huius fragmenti ius omnibus notum plane ignorasse: dicendum sane erit, legem Aeliam Sentiam distinxisse, in creditorum fraudem quis manumissus sit, an in fraudem foeneratorum, in quorum odium lex passa est servum in eorum fraudem manumissum in libertate morari.

b) Atqui Latinum factum esse ait Auctor fragmenti. Factus omnino, sed demum ex *L. Iunia Norbana*, quae omnes Latinos fecit, quos iustam libertatem consequi non patiebatur *L. Aelia Sentia*. Videantur, quae notauimus ad Cap. III.

CAP. XI. a)

DE MERCEDE MANVMIS-
SIONIS.

Si quis eum eamue, quem quamue manumissurus est, ad mercedem manumissionis praestandam obligauerit b) iuribus patronatus priuator.

PROBATIONES.

a) Haecenus de manumittendis & manumissionibus. Iam de prohibitis manumittendi conditionibus, de quibus PAVLLVM *Libro Comment. II.* egisse, patet

cx

ex L. 6. ff. de iur. patr. Ceterum sententiam capitis servat. L. ult. ff. qui & a quib. manum.

- b) Non ergo prohibet Lex mercedem a liberto capere, sed eum obligare. *L. ult. §. 1. qui & a quib. manum.* Nec haec prohibitio pertinet ad speciem si patronus sibi operas centum, aut in singulas quinos aureos stipulatus sit. *PAVLL. Lib. II. L. 6. §. 1. ff. de iur. patr.*

CAP. XII. a)

DE IVRE IVRANDO LIBERTORVM DE LIBERIS NON TOLLENDIS.

Qui libertum, ut ne uxorem ducat, b) vel libertam, ne nubat, liberosue tollat, c) iureiurando adigeret, d) is quoque iuribus patronatus priuator. e)

PROBATIONES.

- a) De hoc quoque capite egit *PAVLL. Lib. II. L. 6. ff. de iur. patr.* Eius autem sententiam habes in *L. 15. ff. eod.*
- b) Nec tamen incidit in legem patronus, qui castratum iurare coegit, se uxorem non ducturum. *PAVLL. Lib. II. L. 6. §. 2. eod.* Incidit autem, qui adigit, ne intra certum tempus liberos tollat, neue aliam uxorem ducat, quam de qua patronus senserit, vel non nisi collibertam, aut patrono cognatam. *L. 3. §. 5. de suis & legit. hered.*
- c) Quid si patronus libertam adegerit, ut sibi nuberet? *PAVLL. Lib. II. L. 6. §. ult. de iur. patr.* vel ne illi cito nuberet? *L. 1. §. 5. de suis & legit. her.* vel ne ea liberis impuberibus nuberet? *L. 31. qui & a quib. man.* Nullo horum casuum patronus iure suo excidit. At excidit illo omnino, qui ipse non ducturus adigit tamen libertam, ne aliam quam sui nuberet. *PAVLL. Lib. II. L. 6. §. 2. de iur. patr.*
- d) Item qui iusiurandum non prohibet. Exemplum vide apud *PAVLL. Lib. II. L. 6. §. 2. eod.*
- e) Immo & liberi eius *L. 15. eod.* Unde nec ad legitimam

nam hereditatem admittuntur. *L. 3. §. 5. de suis & leg. her.* Interim tamen salua per hanc legem man-
fictiurisiurandi religio. Verum iurisiurandi etiam hu-
iusmodi gratiam libertis libertabusque fecit Lex Iu-
lia & Papia Poppaea. PAVLL. *Lib. II. L. 6. §. 4. de iur. patr.* Diximus ea de re plenius in *Comment. ad L. Iul. & Pap. L. II. cap. XVI.*

CAP. XIII. 2)

DE EO QVOD IN FRAVDEM
PATRONI FACTVM.

Si quid dolo malo liberti factum erit, b) quo minus, quam pars debita bonorum, ad patronum eiusue liberos perveniat, id, quod in fraudem legis factum erit nullum est, quod in fraudem patroni; reuocatur. c)

PRŌBATIONES.

- a) Egit de hoc capite PAVLLVS *Libr. III. L. 11. §. quid in fraud. patr.* Sequitur itaque vltima pars le-
gis de patronorum libertorumque officiis.
b) Non est dolus, si patronus consentit. PAVLL. *Lib. III. L. 11. eod.* nec si libertus dotem dat filiae. *L. 1. §. 10. eod.* nec, si vivus amicis bene merentibus do-
navit. *L. 9. eod.* Alias nihil interest, quocunque
modo fraus legi facta. *L. 4. pr. L. 1. §. 1. 3. §. 13. 18. sequ. eod.*
c) Quid si, quod in fraudem patroni alienatum, non
existet? *L. ult. eod.* Quid vero intersit inter alie-
nare in fraudem legis, & patroni, fufe PAVLLVS
explicasse vid. *Libro III. eoque refero L. 17. qui & a quib. man. L. 66. de V. O.*

CAP. XIV. 2)

DE LIBERTIS INGRATIS.

Quem libertum libertamue patronus b) ingratum esse conuincet, is in lautumias detur. c)

PRŌBA-

PROBATIONES.

- a) Égit de hoc capite VLPIA. *Lib. IV. L. 30. qui & a quib. man.* Sententiam eius debemus Dosith. *Sentent. Hadr. cap. III. §. 3. p. 862. Conf. Cuiac. Obs. X. 33.*
- b) Quis accusare possit vel non possit libertum ingratum, fusc docet Vlp. *Lib. IV. l. 30. ff. qui & a quib. man. l. 70. ff. de V. S.*
- c) Dosith. *ibid.* qui tamen falli videtur dum cognitionem hanc dat *παράγω τῆς γαζοφυλακίης*: quam fuisse penes Praefectum urbi patet ex *L. I. §. 10. ff. de off. Praef. urb.*

CAP. XV. a)

DE PATRONI OFFICIO ERGA
LIBERTVM.

Si qui patronus, si qua patrona, libertum libertamve inopem non alet, is eae iuribus patronatus priuator. b)

PROBATIONES.

- a) De capite hoc habes testimonium Modestini. *L. 6. pr. de agn. & al. lib. L. 33. de bon. libert.*
- b) *d. L. 6. & 33.*

XIII. An caput 2. legis Aeliae Sentiae prouiderit sustulerit Iustinianus?

XIII. Denique obseruandum, caput legis Aeliae Sentiae de manumisso minore XX annis (§. V.) incaute sustulisse Iustinianum, argumento vsum sane perquam ridiculo, *quod libertas sit res inaeestimabilis. § 7. Inst. b. t.* Inaeestimabilis enim non est ratione domini, sed serui, qui ad illam adspirat. *Conf. Thomaf. Diff. de usu pract. doct. de imped. manumiss. l. §. XXXIX, seq.*

mod. de ararū

TIT,

TIT. VII.

DE

LEGE FUSIA CANINIA TOL-
LENDÆ.

AD coercendam manumittendi licentiam comparata etiam erat lex FUSIA CANINIA, de qua quum nihil dicat Imperator, nisi quod eam sustulerit, res paullo altius ex antiquitatibus Romanis est repetenda.

I. De genuina huius legis ætate mira est eruditorum dissensio. Sunt, qui latam hanc legem existimant Q. Fusio Caleno & P. Vatinius Coss. anno ab V. C. DCCVI. & renouatam deinde sub Augusto, rogante C. Caninio Coss. anno V. C. DCCLI. Vnde dicta etiam sit ea lex Fusia Caninia. Iac. Raeward. *Coniect.* II, 1, Oiscl. *ad Caii Inst.* I, 2. 1. p. m. 14. Sed quum Dionys. Halicarnasseus adhuc sua ætate de nimia manumittendi licentia conqueratur, & Suetonius *Aug. XL.* Augustum primum de numero manumissorum cauisse, dicat: credibile vix est, legem hanc esse tam vetustam. Praeterea vix in antiquitate occurrit exemplum legis, a duobus consulibus diuersorum annorum cognominatae. Hinc procul dubio lata hæc lex Sex. Furio (a) Camillo & C. Caninio Gallo Coss. anno V. C. DCCLI. Hoc enim

I. Lex
Fusia Caninia
quando
& a quibus
lata?

(a) Furii enim olim dicti *Fusii*, quemadmodum *Papirii Papisii*. Vid. *Proemio. l. not. b.*

(a)

enim anno C. Caninium Gallum consulem suffectum produnt *Annales* Steph. Vin. Pighii *Lib. XVIII. p. 530.* & Onuphr. Panuin. *Fast. II, p. 185.* Quin & ex numo eius consulatum restituit Hub. Golz. in *Fastis p. CCXXII.* Conf. Schulting. ad *Cai. Inst. I, 2. 1. p. 24.* Ephr. Ger. *Diff. de lege Fus. Canin. §. VII.*

II. Ratio
huius legis.

II. Causa latae legis eadem fuit, quae Aeliae Sentiae, maxime vero, quod morientes domini saepenumero integras familias manumitterent, tantum, ut eo plures liberti pileati lecticam prosequerentur. Egrege hanc irrem Dionys. Halic. *IV, p. 228.* Scio, inquit, qui tota servitia testamento libera esse iuberent, ut benignitatis laudem ferrent post mortem, & in funeris elatione lecticam eorum magna pileatorum prosequeretur frequentia in qua pompa quidam erant, ut a scientibus audiui, recens dimissi e carcere, malefici, mille supplicia meriti. Istos impuros urbis pileos plerique cum stomacho adspiciant & respuunt eorum consuetudinem, indignum facinus clamitantes, populum, rerum dominum, & usurpantem sibi orbis imperium, talibus contaminari ciuibus. De ea pompa funebri conferri etiam merentur Iac. Cuiac. *Obs. III, 23.* Io. Kirchmann. *de Fun. Rom. II, 7.* Huic ergo licentiae manumittendi, qua populus rerum dominus contaminabatur, obuiam itum est hac lege Fusia Caninia, qua certus numerus est constitutus, ultra quem non valeret manumissio. Et de ea lege etiam intelligendus Sueton. *Aug. XL.* ubi utraque legem, Fusiam nimirum Caniniam & Aeliam Sentiam, sub Augusto conditas coniungit.

III.

III. Ipsam legis sanctionem nobis seruauit Vlpian. in *Fragm. l. 24. Paull. Sent. IV. 15. Cai. Inst. l. 2, 1.* E duobus scilicet vsque ad quinque seruis duo manumitti poterant, ex sex & septem, tres; ex octo & nouem quatuor; e X. vsque ad XVII. quinque, ex XVIII. ad XX. sex; ex XXI. ad XXIII. septem; ex XXIV. XXV. XXVI. octo; e XXVII. XXVIII. XXIX. nouem; e XXX. ad XLIV. decem; e XLV. ad XLVII. vndecim; ab XLVIII. ad LI. duodecim; e LII. ad LV. tredecim, e LVI. ad LIX. quatuordecim, e LX. ad LXIII. quindecim, e LXIV. ad LXVII. sedecim; e LXVIII. ad LXXI. septendecim; e LXXII. ad LXXV. octodecim; e LXXVI. ad LXXIX. nouendecim: ex LXXX. ad LXXXIII. viginti: ex LXXXIV. ad LXXXVII. viginti & vnus: ex LXXXVIII. ad XCI. viginti duo; ex XCII. ad XCV. viginti tres; ex XCVI. ad C. viginti quatuor; ex C. ad CXXIX. viginti quinque; ex CXXX. ad CXXXIV. viginti sex; a CXXXV. ad CXL. viginti septem: & sic consequenter pars quinta. Sed vltra centum manumittere nemo poterat, si familia vel XX millibus seruorum constaret, quales Romae fuisse familias, testantur Sen. *de Tranqu. anim. VIII. Athen. Diognos. VI, 137.*

IV. Quemadmodum vero haec lex ad solas manumissiones testamentarias pertinebat: ita inter vivos integrae familiae manumitti poterant, nisi aliae leges obstarent. Cai. *Inst. l. 1, 4.* Neque enim verendum erat tam facile, ne hic

III. Legis
materia.

IV. Anea
ad manu-
missiones
inter vi-
uos perti-
nuerit?

quis iusto esset liberalior. Vnde mira fuit Taciti Imp. religio, qui *manumisit*, intra *centum tamen*, ne *Caniniam* transire videretur. Vopisc. in *Tacit* X. quasi Caninia ad manumissiones inter viuos pertinuisset.

V. Quid factum, si plures manumissi quam lex permitteret.

V. Si plures, quam lex permiserat, essent manumissi: illi tantum, qui priores erant nominati, aut certe descripti, libertatem consequabantur. Si plures manumissi, nemo nominatus aut descriptus: omnes in seruili conditione permanebant. Quod & tunc eueniebat, si testator in fraudem legis nomina seruorum in orbe tereti aut *ἐν ᾠδῇ* scripsisset. Cai. *Inst.* I, 1. 2. quem scribendi modum praeclare exponit Merrill. *Obs.* VII, 40.

VI. An prudenter eam sustulerit Iustinianus.

VI. Enimuero hanc quoque legem, sane vtilissimam, sustulit Iustinianus, quasi illa esset libertati inuida, absurdumque videretur, a viuis integras familias manumitti posse, non item a moribundis. Vid. *Inst. b. t.* & ibi Vinnius.

TIT. VIII.

DE

HIS QUI SUI VEL ALIENI IURIS SVNT.

ALtera personarum diuisio, cuius quidem mentio fit in Institutionibus, ea est, qua aliae *sui iuris*; aliae *alieno iuri subiectae* dicuntur, qui nec patri nec domino subsunt, iique etiam *paterfamilias* in iure nostro vocan-

late

tur. Ergo qui alterutrius in potestate sunt, veluti *serui & filii familias*, alterius iuri subiecti dicuntur. De potestate dominica hoc titulo; de patria sequente agitur.

I. Potestas dominica duo potissimum iura complectebatur: alterum, quod domini per seruos acquirerent, alterum, quod iure vitae & necis in eos vterentur. De priore agitur ad *Tit. IX. Libri II.* De posteriore iam nonnulla ex antiquitate monenda sunt.

II. Ius vitae & necis in seruos, quum iuri naturae & gentium haut repugnet: (a) non mirum profecto est, quod & Romae id dominis competeret, quibus serui non personarum sed rerum loco esse videbantur, vti supra monuimus. *Tit. III. §. II. Conf. Seneca de Benef. III. 23. §. 1. Inst. h. t.* Hinc & Hispo apud M. Senec. *Controu. X, 4. in seruum NIHIL NON domino licere*; ait.

III. Sed quo magis Romae a virtute descitum, eo durius immaniusque cum seruis actum, in quos veluti per ludum & iocum fauebant domini truculentissimi. Vt enim non dicam de durissimis castigandi modis, vlmis, stimulis, laminis, crucibus, compedibus neruis, catenis, carceribus, numellis, pedicis, boiis, tororibus, suspensis e pede centupondiis, &c. de quibus

I. Potestas dominica in quo consistit?

II. Gaudebant domini iure vitae & necis.

III. Quo iure deum abusi sunt Romani.

(a) Dummodo non intelligas promiscue in seruos fauendi licentiam, sed tale ius vitae & necis, quali gaudet magistratus; nihil inuenies, quod iuri naturali repugnet. Vid. *Senec. de Clem. I, 18. Thomaf. Fund. iur. Nat. & Gent. III, 4.*

quibus Plaut. *Afin.* III, 2. Io. Meurs. *Auctar. philol. ad librum de gloria.* XXII. eo prolapsa demum fuit dominorum truculentia, ut exquisitissimis seruorum suppliciis oculos pascere. Exemplarum exstant apud Senecam *de Ira* III, 40. *de Clement.* XVIII. Plin. *Hist. nat.* IX. 23. Iuuenal. *Sat.* VI, v. 218. *seq.* Tertull. *de pallio in fin.* Vulgare supplicium crux erat, in quam ob leuissima delicta ibant serui. Nec quidquam miseros eripiebat cruciatibus, nisi se ad aras Deorum vel principis reciperent statuum, sibi que deprecatores pararent. De quo ritu videndus Wowerus *ad Petron.* p. 148. Vnde reipublicae intererat dominos, in seruilia corpora impune saeuientes, latis legibus coerceri.

IV. Hinc Augustus saeuitiam dominorum compescuit.

IV. Factum id primum sub Augusto, qui praefecto urbi id dederat negotii, ut dominorum saeuitiam ac libidinem & in praebendo victu sordes atque iniquitatem compesceret: si recte diuinavit. Lips. *ad Sen. de Benef.* III, 21. De seruorum sane querelis Praefectum Urbi cognouisse, satis patet ex Vlpiani L. I. §. 1. 8. D. *de off. praef. urb.*

V. Quod & factum SC. Claudio & lege Petronia.

V. Deinde & Claudius Imperator dominorum, seruos aegrotos exponentium, vel plane necantium crudelitatem SCto coercuit, illosque seruorum amissione, hos ordinaria homicidii poena multauit Suet. *Claud.* XXV. Dio Cass. *Hist.* LX. p. 788. Porro non multo post lata *lex Petronia* anno V. C. DCCCXIV C. Petronio Sabino Turpiliano & C. Caesonio Paeto

to Consulibus, (b) qua vetitum ut ne liceret dominis seruos suo arbitrio ad bestias depugnandas tradere, sed causa prius a iudice cognosceretur. *L. 11. §. 1. 2. D. ad L. Corn. de sicar.*

VI. Tum postea Hadrianus dominorum crudelitatem rescriptis legibusque quam plurimis inhibuit. Sic Umbriciam matronam, quae leuissimis de causis acerbius tractauerat ancillas, in quinquennium relegauit. *L. 2. §. fin. D. h. t.* Idem & renouauit legem Petroniam, ergastula seruorum & libertorum sustulit, & seruos, nisi cognita iudicibus causa, occidi plane vetuit. *Spartian. Hadr. XVIII. & ibi Casaub.*

VI. Hadriani seueritas in dominos immanes.

VII.

(b) In dubium tamen id vocat Petrus Faber. *Semestr. 11. p. 134.* qui negat, hanc legem vocandam *Petroniam*, sed dici eam mauult *Paetiniam*, latam quippe a Paetinio & Cassio Aproniano Coss. A. V. C. DCCCLXXV. idque primo ideo, quia Lex Petronia de longe alia re, puta de praeuaricatione & calumnia egerit *L. 16. C. ad L. lul. de adult.* Deinde quia de Hadriano referat Spartianus, cum seruos a dominis occidi vetuisse, eosque damnari voluisse per iudices. Sed ut plures potuerunt esse leges Petroniae, ita in vna harum de seruis quaedam cauta esse, patet ex *L. 24. D. de manumiss.* & *Paull. Sent. IV, 12 §.* Idem deinde Hadrianus confirmare potuit, & seuerius sancire, quod ab antecessoribus statutum, in desuetudinem venerat, aut obsoleuerat penitus. Semper sane haec lex Petronia, nunquam Paetinia vocatur. Immo non obscurum est, diuersas plane leges confundi a Petro Fabro. Prior enim de praeuaricatione dicitur *lynia Petronia*; haec autem dicenda esset *Petronia Caesoniana*. De his Coss. vid. Henr. Noris. *Epist. Consul. p. 418.*

VII. Con-
stitutio D.
Pii.

VII. Successit porro constitutio D. Pii, qua dominis in seruorum suorum vitam non plus potestatis concessit, quam in alienorum, poenam legis Corneliae minatus iis, qui seruos sine iusta causa occidissent. *L. 1. §. 2. L. 2. D. h. t.* Idem Imp. venire iussit seruos, qui acerbius tractati a dominis ad statuas principum confugerant. *§. 2. Inst. h. t. Conf. Collat. leg. Mos. & Rom. III, 2. p. 742.*

VIII. Vt
& Con-
stantini
M.

VIII. Postremo Constantinus M. sanxit, ut qui seruum suum occidisset castigando, poenam legis Corneliae de sicariis non subiret. Sin tormentis aut destinato consilio id fuisset factum, dominus ordinaria homicidii poena plecteretur. *L. un. C. de emend. seru. Conf. Iac. Gothofr. ad L. 1. & 2. C. Theod. de emend. seru. Lib. IX, 12.*

TIT. IX.

DE

PATRIA POTESTATE.

ALieno quoque iuri subiecti sunt filii filiaeque familias, & hinc iam de patria potestate ex antiquitatibus agendum.

I. Patria
potestas
Romano-
rum aliis
gentibus
incogni-
ta.

I. Recte Imperator *§. 2. Inst. h. t. Ius*, inquit, *potestatis, quod in liberos habemus, proprium est ciuium Romanorum. Nulli enim alii sunt homines, qui talem in liberos habeant potestatem, qualem nos habemus.* Quamuis enim apud Perlas (a) etiam parentes in

(a) Etiam Atheniensibus ius vitae & necis in liberos fuisse

in liberos imperium satis durum & vere tyrannicum exercuerint, filiis suis tanquam seruis vfi, teste Arist. *Eth. VIII*, 10. Romani tamen adeo gentes omnes reliquas hac in re superarunt, vt patria eorum potestas melioribus auctoribus non immerito vocetur *patria maiestas* Val. Max. *VII*, 7. 5. Quintil. *Declam. CCCLXXV*. Erant enim liberi in DOMINIO iuris Quiritium, & hinc poterant vindicari. *L. 1. §. 2. D. de rei vind.* iis surreptis locum habebat actio furti *L. 14. §. 13. & L. 38. D. de furt.* Mancipabantur etiam, tamquam res Mancipi. Cai. *Inst. 1, 6. 3.* Conf. Bynkersh. *de iure occidendi liberos* I, p. 145. Immo durior in quibusdam apud Romanos erat liberorum, quam ipsorum seruorum, conditio: certe non multo tolerabilior, vt fatentur Liban. *Declam. XXXVII*. Senec. *Contr. III*, 9. & 18. Lactant. *Diuin. Instit. IV*, 3. Seruius ad Virgil. *Aeneid. XI*, v. 143. vnde & *seruire patri* dicuntur liberi. Lactant. *Did. Inst. IV*, 3. Ger. Nood. *Probab. II*, 9. p. 64. Quae omnia satis euincunt, liberos ratione aliorum hominum fuisse *personas*; ratione ciuitatis *ciues*:
at

fuisse concessum, ex Sext. Empir. *Pyrrh. Hypot. III*. probari posse existimat Oisellius ad Cai. *Inst. 1, 2. 2. p. m. 31*. quideo Romanam illam legem Athenis arcessit. Sed nihil fuisse in Solonis legibus iuri isti Romano simile, luculenter ostendit Dionys. Halic. *II*, p. 96. vbi ex instituto vtriusque gentis leges inter se contendit. Conf. 10. Meurs. in *Solon. XXII*, p. 79. & in *Themid. Att. 1, 2. §. 3.* Huber. *Digress. II*, 6. Thomas. *de usu pract. doct. de patria pot. I*, 13. 14.

at ratione patris *res*, aequae ac seruos. Vid. *Elem. Iur. Ciu.* §. 135. *sequ.*

II. Eius
auctor
Romulus.

II. Auctorem huius iuris esse Romulum, testis locupletissimus est Dionys. Halic. *II. p. 96.* & hinc ipse Papinianus apud auctorem *collat. leg. Mos. & Rom. Tit. IV, 8.* eius potestatis originem refert ad legem regiam. Nec obstat, quod Ulpianus patriam potestatem MORIBVS receptam dicit, *L. 8. D. de his qui sunt sui vel alieni iur.* Respicit enim eo ipso ad XII. tabulas, in quas illud ius receptum, non tanquam lex regia, (leges enim regiae omnes statim ab eiectione Tarquinio Superbo exoleuerant, *L. 2. §. 3. D. de orig. iur.*) Sed tanquam mos vetus. Non ferebat scilicet insigne illud Romanorum odium, quo regium nomen prosequiebantur, ut quidquam Regibus acceptum ferre vellent, Conf. Schulting. *ad Collat. Leg. Mos. & Rom. IV, 8. p. 749. seq.*

III. Eam
patres
perpetuo
retine-
bant.

III. Primo ergo patria potestas non secus ac dominorum e Romuli instituto erat perpetua, durabatque per omnem patris vitam, nec quisquam liberorum, viuo & inuito parente, sui iuris fiebat, etiam si tractaret rempublicam, magistratus gereret, summamque studii erga patriam laudem esset commeritus. Dionys. Hal. *II, p. 96.* Interim tamen hoc ius patriae potestatis cedebat dignitati, immo interquiescebat tantisper & conuiebat, uti docet Gell. *Noct. Att. II, 2.* Quo etiam referendae *L. 13. §. 5. & L. 14. D. ad SC. Trebell.* quas egregie illustrat V. A. Corn. van Bynkersh. *Obs. I, 1. 18. p. 75.*

IV.

IV. Deinde huic patris imperio non solum filii & filiae, sed & illorum liberi & nepotes suberant, quamvis filii essent milites *L. 7. C. b. t.* Eam vero potestatem non vterque parentum habebat, sed solus pater, ideo *familiae princeps* vocatus ab Vlpiano *Fragm. IV, 1.* quo defuncto demum liberi sui iuris esse coeperunt.

IV. Etiam in nepotes.

V. Denique iura ipsa, quae illa patria maiestas complectebatur plane erant singularia. Et I. quidem huc pertinet *ius vitae & necis*. Licebat enim patri filium, tanquam rem suam, non solum exponere (b), in carcerem detrudere,

V. Complectebatur ius vitae & necis.

re,

(b) *De partus expositione* & nece apud veteres eruditissimus existat commentarius Gerardi Noodii, quem *lulium Paulum* ipse inscripsit. Nos inde huius inhumanis consuetudinis historiam quasi per indicem, dabimus. Ex Romuli lege non licebat exponere masculos, nec ex sequiore sexu filias primigenias, nisi ex quinque vicinorum sententia monstrosi, debiles, aut insignes ad deformitatem essent iudicati Dionys. Halic. *Ant. Rom. II, p. 88.* Quae Romuli lex etiam in XII. tabulis cum aliis migravit. Cic. *de legib. III, 8.* At vtraque lex adeo sensim exolevit, ut etiam sub Imperatoribus nihil esset ea expositione frequentius. Suet. *Octav. LXV. Calig. V. Tacit. Histor. V, 5.* Tertull. *ad nation. I, 15.* Idque nec SC. Planciano nec altero, quod sub Hadriano prodiit, mutatum fuisse, docet Ger. Noodt. *Iul. Paul. III, p. 350.* qui etiam *cap. IV. V. VI.* observat, sub Diocletiano adhuc & Maximiano, immo & sub Constantino licuisse infantes exponere: primosque eam truculentiam inhibuisse Valentinum, Valentem & Gratianum, *L. 2. C. de Infant. exposit.* Sed huic sententiae intercessit amplissimus Bynkers. in libello *de iur. occid. liberos*, ubi citius hoc cacoethes legibus vetitum statuit, quumque multo post sententiam suam tueretur laudatus Noodius singulari Epist.

re, flagris cadere, vinctum ablegare ad operas rusticas, sed & quouis supplicio, si meruisset, necare. Dion. Hal. *II*, p. 96. 97. Simplic. *Comment. ad Epiet. Enchir. XXXVII. L. II. D. de liberis & postum. hered.* Vnde mirum est, Libanium *Decl. XXI.* hunc veteris iuris rigorem benigniore interpretatione emollire, patribusque tantum concedere τὴν ἀπειλὴν τῆς θνήσκουσας, *comminationem mortis*. Aliud enim docent tot exempla, ex quibus patet, patres domi, adhibitis in consilium necessariis, virisque principibus, liberorum causas cognovisse, (c) iisque pro rei gravitate poenas & supplicia inflixisse, Val. Max. *V*, 2. Sen. *de Clem. I*, 15. Hunc in modum a patribus necati dicuntur Cassius, Val. Max. *l. c.* (quamvis id argumentis solidis in dubium vocet Dionys. Halic. *Ant. Rom. Lib. VIII.*) Fabii Eburni filius apud Quintil. *declamat. III.* Scaurus apud Val. Max. *ibid.* Fulvius, apud Sallust. *de bello Catil. XXXIX.* Titus vero Arius eodem iure filium exfilio damnauit, apud Sen. *l. c.*

VI. *Ius*
ter ven-
numdan-
di libe-
ros.

VI. Eadem patria potestas complectebatur II. *i. ter venumdandi filios*. Si enim prima vice venditus in seruitutem filius, manumissione libertatem recuperasset; iterum vendi poterat

ea de re nuper edita: sequuntur sunt viri amplissimi, Bynkershoekii *Curae secundae*, id est, notae & stricture ad illam amicam Noodtii Responsionem. Rem conficere videtur locus Tertull. *ad Nation. l. 15.*

(c) Hinc pater appellatur *iudex domesticus* apud Senec. *Controu. II*, 3. *domesticus magistratus* apud Sen. *de benef. III. 11. censor filii* apud Suet. *Claud. XVI.*

(d)

rat a patre. Iterum manumissus, denuo in potestatem patris recidebat, vendique adeo poterat tertium. Sed impetrata tertium libertate, e patria demum potestate exhibat. Dionys. Halic. II, p. 97. Simplic. *comment. ad Epictet. Enchirid. XXXVII.* Et quamuis Iac. Raeward. *ad XII. Tab. III.* Alexander *ad Caii Inst. I, 6. 3. p. m.* 56. & Iac. Gothofr. *ad LL. XII. Tab. IV, p. 202.* erroris arguant Dionysium, eamque Romuli legem de imaginaria illa trina venditione, quae in manumissione obseruabatur, intelligendam arbitrentur: hos ipsos tamen in eo fugit ratio. Ritus enim ille imaginariae venditionis fuit legis actio. Legis vero actiones demum e XII. Tabulis natae sunt. Ipsis quoque Alexandri & Gothofredi argumentis abunde satisfactum a Theod. Marcil. *Interpr. XII. Tab. XXV.* Ant. Schulting. *ad Vlp. Frag. X, 1. p. 592.* Bynkersh. *de iure occ. lib. VI, p. 177.* & Cel. Thomasio *Diff. de usu pract. Tit. Inst. de patr. pot. I.* Ceterum ea lex Romuli primum a Numa paululum restricta est, negatumque patribus ius vendendi filios illos, quibus uxores ducere permisissent. Dionys. Halic. II. p. 98. Postea ea in ipsas XII. tabulas migravit, ubi his fere verbis legebatur: ENDO LIBERIS IVSTIS IVS VITAE NECIS VENVMDANDIQUE POTESTAS EI ESTO. SI PATER FILIVM TER VENVMDVIT, FILIVS A. PATRE LIBER ESTO: Vlp. *Frag. X, 1.* Iac. Gothofr. in *quat. font. iur. civ. de LL. XII. Tab. IV.*

VII. Denique & III. ius acquirendi per liberos patria potestate continebatur. Sext. Empir.

VII. Ius acquirendi per liberos.

pir. *Pyrrh. hyp. III, 24. Legum Romanarum auctores liberos in manu parentum ad instar seruorum esse voluerunt, neque suorum bonorum ipsos esse dominos, sed parentes, donec manumittantur eo modo, quo mancipia solent. Sed de hoc iure infra ad Libr. II. Tit. IX. dicemus.*

VIII. Ius
vitae &
necis qui-
bus gra-
dibus ob-
soleuerit?

VIII. In his omnibus vero sensim nonnulla mutata sunt cultioribus reipubl. temporibus, maxime quum ista domestica maiestas statui monarchico sub Imperatoribus parum consentanea videretur. Et primo quidem quod ad ius vitae & necis attinet, ea mutatio non facta ante exactos reges, ut visum Ræuardo *ad XII. Tab. cap. III.* nec tempore Augusti, ceu creditum Franc. Balduino *ad Leg. Rom. XVII, p. 24.* nec denique sub Diocletiani tempora, ut existimauerunt Theod. Marci. *Interpretam. leg. XII. Tab. XXIV.* vel sub Constantini, ut credidit Giphani. *ad L. ult. C. de patr. potest.* multo minus sub Valentiniani, Valentis & Gratiani imperio quae Lipsii *Epist. ad Belg. I, 85.* sententia est: sed a temporibus Traiani, qui filium male contra pietatem a parente adfectum emancipauit, nec eo defuncto patri bonorum possessionem concessit. *L. ult. D. si a parente quis manum. sit.* Eius exemplum deinde sequutus Hadrianus patrem, qui filium ob adulterii suspicionem in venatione occiderat, in insulam deportari iussit, *L. 5. ad L. Pompei de parricid.* Hinc ab Alexandri Seueri temporibus inualuit sensim mos, filios grauius delinquentes offerendi magistratibus, quibus tamen ipsi parentes praescribebant sententiam, in filiis exequendam. *L. 13. §. ult. D. de re milit. L.*

3. *C. de patria pot. L. 2. D. ad L. Corn. de fcar. L. 11. fin. D. de lib. & post. hered. inst.* Denique ne id quidem relictum parentibus, vt filios immorigeros abdicarent *L. 6. C. de patr. pot.* Ergo totum illud ius vitae & necis quod patribus olim competierat, paullatim restrictum, a Constantino M. sanctione poenali sublatum *L. vn. C. de his qui par. vel lib.* ac in magistratum denique translatum est per constitutionem Valentiniani, *L. vn. C. de emend. propinqu.* Conf. Thomasi *Diss. de usu pract. Tit. inst. de patr. pot. l. 22. sequ. p. 9. seq.*

IX. Multo minus trinam liberorum venditionem saluam esse passi sunt imperatores. Hi enim, (non vt Balduinus putat, libera resp.) id ius parentibus ademerunt. Primus, non Hadrianus, sed vt videtur, Diocletianus liberos vlllo titulo alienari vetuit, *L. 1. C. de patrib. qui fil. suos distrax.* Deinde Constantinus parentibus, cum extrema inopia conflantibus, liberos sanguinolentos (d) tantum vendere permisit, ea tamen lege, vt liceret & patri vendenti, & filio vendito aut cuicunque alii, pretio aut mancipio reddito, ad ingenuitatem prouocare. *L. 1. C. de patr. qui fil. distrax.* Immo ne & hac venditione

IX. Vt &
trina liberorum
venditio.

(d) Filii sanguinolenti sunt recens nati, & adhuc ab utero rubentes. Eos enim vendi permiserat Constantinus ob periculum expositionis. Fufius hoc demonstrat. Huber *Digress. II, 5.* Solebant enim partus sanguinolenti vel ad necem in solitarium locum abiici, vel ad loca quaedam populi Romani publica deferri, & talis fuit Lactaria columna, de qua Festus *p. 303. Lactaria columna in foro olitoris dicta, quod ibi infantes lacte alendos deferrebant.* Conf. Ræuard. *Comest. l. 17. p. 33.*

(a)

tione sanguinolentorum esset opus: paullo post idem imperator sanxit, vt inopes parentes alimenta e publico acciperent. *L. 1. & 2. C. Theod. de aliment. quae inop. parent. e publico petere debent Lib. XI. Tit. XXVII.*

X. Quid circa adquisitionem per liberos aliaque iura mutatum?

X. In tertio iure acquirendi per liberos quid mutatum sit paullatim, infra suo loco, id est, *Lib. II. Tit. IX. n. II.* dicemus. Iam addimus & alia parentum iura fuisse sublata, vel restricta saltim fuisse. Sic sane quum olim & filii filiaeque familias noxae dari possent a patre: id ius iis ademptum esse docet Iustinianus. *§. ult. Inst. de nox. act.* Quam parum patris arbitrio relictum in exheredandis liberis: infra ad eum titulum explicabimus. Nec receptum amplius, vt patri filius sit heres necessarius. Quae omnia olim aliter se habuisse; suis locis patebit.

TIT. X.

DE

NVPTIIS.

Patria potestas constituitur vel per iustas *nuptias*, vel per *legitimationem*, vel per *adoptionem*. De nuptiis & legitimatione titulo hoc X. de adoptione sequente agitur. Non abs re vero hic titulus in Pandectis inscribitur *de ritu nuptiarum*, videnturque veteres Icti probe intellexisse, quantum intersit studiosi iuris, ritus illos nuptiarum nosse. Hinc procul dubio illo titulo de ritibus nuptiarum adcurate egerunt.

runt. Sed Tribonianus, retenta in pandectis veteri rubrica, rem ipsam omisit, neque vllum titulo isti inseruit fragmentum, quod ad illustrandos illos veteres ritus faceret. Vid. Thomas. *de usu pract. doct. Inst. de nuptiis. l. 1. p. 1.* Ergo ex antiquitatibus supplendus hiatus; quod iam ante nos tentarunt Barn. Brissonus libris *de ritu nuptiarum & iure connubiorum.* Ant. Hotomanus *de vetere ritu nuptiarum*, &, qui fere omnium industriam superauit, Thomafius, laudata *dissertatione.*

I. Fiebant nuptiae apud Romanos vel ita, I. Diuersi
vt vxor conueniret in manum, & fieret *mater-* nuptia-
familias, vel vt sine in manum conuentione do- rum ritus.
talia conficeret instrumenta, & non materfa-
milias, sed *matrona* haberetur. Gell. *XVIII, 6.*
Prius non sola fiebat *confarreatione & coemptione*,
sed & *usu* vt diserte tradit Cicero *pro Flacco cap.*
34. Itaque tres istos modos distincte recensent
Arnob. *adu. gent. IV. Seru. ad Virg. Georg. I. Boeth.*
ad Cicer. Topic. III. & e recentioribus Brissopius,
& Hotomanus, *libris allegatis.* Ast non
desunt, qui *confarreationem & coemptionem*
pro vno eodemque ritu habent.

II. *Confarreatio* a Romulo inuenta, (a) fuit II. Con-
ritus farreatio
quid?

(a) In dubium id vocat Iac. Raeuard. *ad XII. Tab.*
XXI, p. 95. ob locum Plinii *Hist. Ant. XVIII, 2.* in
quo vltus farris in sacrificiis a Numa demum inuen-
tus dicitur. Sed falsum id esse, ex Catonis fragmen-
to patet apud Seru. *ad Virg. Aeneid. X, v. 541.* ex
quo constat, *Latini boves IMMOLATOS*, prius-
quam caederentur, *profugisse in siluam.* Quum vero
immolare idem sit ac *mola salsa* & farre confecta in-
spargere:

ritus nuptiarum antiquissimus, quo certis verbis, & testibus decem praesentibus, & sollempni facto sacrificio, in quo panis quoque farreus adhibebatur, vxor conueniebat in matrum mariti. Dionys. Halic. II, p. 95. Vlp. *Fragm.* IX, 1. XI. 13. XXII, 14.

III. An
ea solis
Pontifici-
bus &
Flamini-
bus pro-
pria.

III. Erat vero hic ritus non pontificibus flaminibusque proprius, vt nonnulli recentiorum existimant Boeth. *ad Cic. Topic.* III, Alex. ab Alex. *Genial. dier.* II, 5. Dalechamp. *ad Plin. Hist. Nat.* XVIII, 3. sed ciuibus Romanis omnibus communis. Praeterquam enim, quod id disertis verbis testatur Dionys. Halic. l. c. ipso sane loco Tacit. *Ann.* IV, 16. quem tamen pro se allegant dissentientes id non obscure confirmatur. Nihil enim rari aut inusitati fuisset illa patrimonum & matrimonum inopia, de qua conqueritur Tacitus, si soli flamines ac Pontifices hoc ritu iniissent matrimonium.

IV. Eius
effecta 1)
sacrorum
commu-
nio.

IV. Effecta confarreationis erant, 1) sacrorum communio. Dionys. Hal. II, p. 95. γυναῖκα γαμετὴν κατὰ νόμους ἱερὰς συνελθούσαν ἀνδρὶ κοινωνόν ὅσων ἑῶν εἶναι χρημάτων τε καὶ ἱερῶν; Mulierem nuptam, quae iuxta leges sacras conuenerat cum viro, Romulus participem esse voluit omnium bonorum & sacrorum. Vnde Modestinus L. 1. D. de ritu nupt. Nuptiae sunt coniunctio maris ac feminae, consortium omnis vitae, DIVINI & humani iuris communicatio. Scilicet in ipsis veterum aedi-

spargere: Heins. *epist. ad Balsac.* p. 185 facile patet iam ante Romuli tempora farris usum in Latio fuisse receptissimum.

(b)

aedibus erant Penates cuius familiae proprii, & eo ipso differebant a Laribus, quippe qui erant communes omnibus. Illi in cubiculo, porticu, atque atrio; hi etiam in compitis, viis, immo & in castris & nauibus colebantur: unde & Lares *domestici*, & *compitales*, & *militares* & *marini*; Lares item *comitio potentes*, *publici*, *viales*, *ciuitatum rurales* in marmoribus & apud veteres auctores occurrunt. Grut. *Inscript. p. LXXVIII*, 1. p. *CVI*. 12. & 4. p. *X*, 2. Reines. *Inscr. Class.* 1, 140. 153. & 159. Desid. Herald. *ad Tertull. Apol.* 1, 25. Idem in *Aduers.* 1, 7. Io. Meurs. *Auctar. philol. ad libr. de Gloria* 11. Vtrisque & simulacra dedicata erant, caninis induta pellibus Plutarch. *quaest. Rom. Ll. pag.* 276. & arae positae ac foci, res in domo sanctissimae, a quibus adeo nemo poterat sine ingenti sceelere abstrahi. Cic. *pro domo* 1. & *pro Rege Deiot.* XV. (b) Quemadmodum vero ad haec sacra non nisi illi admittebantur, ad quos aliquando transitura esset sacrorum hereditas: ita non arctior poterat esse coniunctio, quam qua quis in alterius gentem & sacra tranfierat. Unde eiusmodi sacrorum communio rescindi non poterat, nisi auctores fierent Pontifices, nec certiorerat spes successionis, quam illa sacrorum *μίσθσις*. Et hinc etiam patet ratio cur in his nuptiis tam necessaria fuerit domum deductio, multis facta solemnitatibus, quas describit Barn. Briffon. *Antiq.* 1, 18. p. 20. & *de Ritu nupt.*

(b) Et hinc etiam lucem accipit *Lex* 18. *D. de in ius vocando*; de qua infra erit dicendi locus.

coniunctio

K

(c)

nupt. p. m. 223. sequ. Fixa enim erant Penatium sacra, ac hereditaria; hinc, nemo per confarreationem uxorem accipere poterat, nisi cui esset domus ac lararium, in quo uxor cum eo communibus sacris frueretur.

V. II) Li-
beri pa-
trimi &
matrimi.

V. Deinde & singulare id erat confarreationis effectum, II) quod ex confarreatis parentibus nascerentur *patrimi* & *matrimi*, quorum magna erat in sacris prerogatiua. Tacit. *Hist. IV, 53.* Fest. voce *Flamin. p. 289.* & *patrimus. p. 358.* Ergo erant qui patrimos & matrimos eos vocant pueros, quorum parentes sint superstites. Vid. Pith. *ad Collat. Leg. Mos. & Rom. XVI, 2. p. 790. edit. Schulting.* Quamuis enim & id requireretur in sacris, boni ominis causa, ut recte a Pithoeo obseruatum est: patrimi tamen & matrimi proprie erant, confarreatis parentibus nati. Nec aliter Festus, qui falso plerumque pro vulgari significatione allegatur.

VI. III)
Uxor in
manum
conueni-
ens, ma-
terfami-
lias in po-
testate
mariti.

VI. Adhaec id sequebatur effectum, III.) ut uxor, quae confarreatione in manum conuenerat, heret materfamilias, & filiae loco haberetur, adeoque esset heres sua. Dionys. *l. c.* Vlp. *l. c.* Gell. *XVIII, 6.* Quae hic solet, an uxor per confarreationem liberata patria potestate in viri potestatem tranfierit? Affirmat, Ant. Hotom. *de rit. nupt. XX, p. 298.* Sed negant alii. Vid. Thomasius. *Diss. alleg. 1, p. 22.* Verum licebit hic, cum Hotomano facere. Auctores sane omnes latentur I) uxorem conuenisse in manum. *Manum* vero in iure significare potestatem, tralatitium est. Immo II)

Gel.

Gellius Noct. Att. XVIII, 6. multo disertius vxorem eiusmodi in mancipio fuisse statuit. In mancipio vero esse procul dubio includit potestatem, (Vlp. Frag. X. rubr. & ibi Schulting. & Tit. XX, 18. XXIV, 23.) immo & ipsum dominium iuris Quiritium: Bynkersh. de iure occid. lib. 1. Idemque sibi volunt auctores, quando vxorem marito SERVIRE dicunt. Virg. Aen. IV, v. 103.

Liceat Phrygio servire marito
ad quae verba videndus Servius: nec non quando mariti ab vxoribus vocantur DOMINI. Serv. ad Virgil. Aen. IV.

Connubia nostra
Reppulit ac DOMINVM Aeneas in regna re-
cepit.

Add. Non. cap. IV, n. 121. III) Observandum, confarreatas vxores in sacris mariti fuisse. Sacrorum vero communio inferebat potestatem. L. IV. D. de lib. & postum. Vnde formulae: in parentum sacris esse constitutum, in gentem & sacra alicuius transire, sacris paternis absolui &c. Vid. Barn. Briffon. de verb. sign. p. 1814. ed. non. Accedit IV) quod Vlpianus in manum conventionem inter genera capitis deminutionis refert. Tit. XL, 13. Quomodo vero capite deminuta dici posset vxor, si vel sui iuris vel in patria potestate mansisset? Nec V) id omittendum, vxores antiquissimis temporibus adsumsisse nomina maritorum, tanquam filias. Qui mos etiam sub Imperatoribus, quum iam obsolevisset confarreationis ritus, mansit. Hinc in lapidibus occurrunt ANTONIA DRVSI DOMITIA

MITIA BIBVLI, MESSALINA NERONIS, DOMITIA DOMITIANI, Rupert. *Epist. XLI*, ad Reines. *lap.* 156 235. 237. Gruter. *Inscr.* p. DXXCIV, 11. p. DCXVIII, 9. p. DCCCLXXIX, 7. Plura exempla dabit V. C. Iac. Perizon. *Dissert. de diuina conslit. Deut. XXV*, 5. 6. Praeterea VI) re ipsa potestatem summam in vxores, non secus ac in filias, exercebant mariti. Quidquid adquirebat vxor, marito adquirebat. *Omnia enim, quae eius erant, viri fiebant dotis nomine.* Cic. *Topic. IV.* (c) Ius quoque vitae & necis competiisse maritis in vxores adulteras, vinosas, aliisque se sceleribus polluentes, notum est ex Dionys. Hal. *II*, p. 96. Gell. *II*, 23. ex quibus patet maritos domi suae tanquam iudices de vxorum criminibus cognouisse. Exempla vide apud Plin. *Hist. Nat. XIV*, 13. Mansit etiam sub Imperatoribus pristini moris vestigium, teste Sueton. *Tiber. XXXV*. Tacit. *Ann. II*, 1. *XIII*, 32. Denique VII) ex insigni loco Caii apud Pariatorem L. L. Mos. & Rom. tit. XVI. patet, *sororis loco liberis fuisse matrem aut nouercam, quae per in manum conuentionem apud patrem eorum IVS FILIAE consequuta sit.* Quare negandum haud videtur, vxores, quae confarreatione in manum venerant, in potestate maritorum fuisse. Conf. Ger. Nood. *Probab. II*, 9. p. 64.

VII. IV)
Bona
vxoris ad
maritum
delata.

VII. Quartum effectum erat, IV) quod maritus bona omnia vxoris nomine dotis accipe-

(c) Hinc & peculium habebant matres familias, tamquam filiae & seruae. Vid. Plaut. *Casim. II*, 2. 26.

(d)

ciperet. Cic, *Topic. IV.* & id quidem procul dubio, quia illa erat in mariti potestate, ceu paullo ante diximus. Vnde Terent. *Andr. I, 5.*

Te isti virum do amicum, tutorem, patrem;

BONA nojira haec tibi COMMITTO, & tuae mando fidei:

Hanc mihi in manum dat. Ex quo facile patet, quatenam sit dotis dominii origo, de quo infra *Lib. II. Tit. VIII.* dicendum erit pluribus.

VIII. Quantum effectum erat V) quod VIII. V)
connubium eiusmodi dissolui non posset, nisi Coniugi-
diffarreatione quae, quum teste Festo *voce diffarrea-*
tio, esset genus sacrificii, procul dubio non nisi um eius-
auctoritate pontificum fiebat, & hinc erat rarif- modi sola
sima, & difficillima. Quin primis reip. tem- diffarrea-
poribus non exstabat diuortii exemplum us- tione so-
que ad annum V. C. DXX. Dionys. *II, p. 56.*
Plut. in *Romul. p. 39.* & in *Numap. 77.* Valer. Max. lubile.
II, 1 Gell. *IV, 3.*

IX. Enimuero hic ritus confarreationis ob IX. Con-
incuriam virorum & feminarum, difficultates- farreatio-
que caeremoniarum, studium item conseruan- nis ritus
dae patriae potestatis, impensarum magnitudi- cur obso-
nem, & maxime denique ob gratissimam vtris- leuerit?
que diuortiorum licentiam ita sensim obsole-
uit, vt Tiberii tempore non amplius reperiri
possent tres flaminei candidati, confarreatis
prognati parentibus Tacit. *Annal. IV, 16.*

X. Diutius paullo vixit secundus nuptia- X. Coem-
rum ritus, videlicet *coemtio*. (d) Et sane videtur tio an a
coemtio iam in confarreatione fuisse adhibita, confar-
tanquam ritus accessorius. Ast postremis tem- reatione
poribus Romani, neglecto primario confarrea- diuersa?

tionis ritu, solum accessorium, id est, coemptionem, retinuerunt, & inde factum, vt multis secundus hic modus ab illo primo non videatur discrepare Cic. certe *pro Flacco XXXIV.* modos recensens, quibus in manum conueniatur, confarreationis plane non meminit, sed coemptionis & usus; eam sane haut omisurus, si re ipsa inter confarreationem & coemptionem quaedam fuisset differentia.

XI. Ritus
iste coc-
mendi.

XI. Fiebat coemptio non solum a sponso, sed & a sponsa. De illo marmor vetustum luculenter testatur quod ita se habet: PVBL. CLAVD. QVAEST. AER. ANTONINAM VOLVMNIAM VIRGINEM VOLENT. AVSPIC. A PARENTIBVS SVIS COEMIT. ET. FAC. IIII. IN. DOM. DVXIT. De hac Nonius *de propriis. serm. XII, 50.* ita refert: *Veteri lege Romana asses tres ad maritum veniens solebat adferre, atque vnum quem in manu tenebat, tanquam emendi causa, marito dare; alterum quem in pede habebat, in foco Larium familiare ponere; tertium; in sacciperio quem condiderat, compito vicinali solere resonare.* (c) Primo ergo assis fiebat coemptio

viri

(c) Immo sollemnis hic ritus fuit gentibus tantum non omnibus. De Ebraeis vid. Gen. XXXI, 14. XXXIV, 12. 1. S. XVIII, 24. De Graecis Euripid. *in Medea* 9, 232. Aristot. *Polit.* II, 8. De Germanis Tacit. *de mor. Germ.* XVIII. Conferri meretur Gundl. *diff. de coemt.* tit. IX, cap. 1.

(c) Quid sit in compito vicinali resonare, paullo obscurius videtur. Sed salua res est: in compitis etiam erant aediculae Laribus sacrae. Ouid. *Fast.* II, v. 616

- - qui compita seruant
Et vigilant nostri semper in urbe Lares.

Conf.

virī more Quiritium, id est aere & libra, adhibitis quibusdam verbis sollemnibus. Seru. *ad Virg. Aeneid. IV, v. 211.* Petr. Fab. *ad L. 16. de Reg. lar. p. 97. sequ.* Secundo vxor sibi veluti coeuebat Lares & Deos penates vt sacrorum fieret particeps. Tertio sibi veluti aditam patefaciebat in mariti domum. Nam sponsa domum deducenda in horto aliquamdiu commorabatur, donec diruta maceria in domum mariti transfiret. Et hanc maceriam Nonius vocat *compitum vicinale* ceu post Perrenon *Animaduers. I, 6.* docuit Gundling. *ibid. I, 14.* qui etiam huc refert responsum Ceruidii Scaeuolae *L. 66. §. 1. D. de donat. inter vir. & vxor.* & verba Terentii *Adelph. V, 7.* *Atque hanc in horto maceriam iube dirui Quantum potest: huc transfer, vnā fac domum. Tra-duce & matrem & familiam omnem ad nos.* Ceterum quāenam fuerint illa verba coemptionis sollemnia, non constat. Necessaria ea fuisse, docet Cicero *de Orat. I, 56.* sed qualia fuerint, non commemorat. Boethius *ad Cic. Top. III.* ait, quaesuisse virum, *an mulier sibi materfamilias esse velleret?* hanc respondisse, *se velle.* Eodem modo & interrogasse matremfamilias, & respondisse virum. Quae si recte se habent, coemptio illa procul dubio interueniente stipulatione facta est. Sed haec forte Boethius sine auctore. Cicero *pro Muraena XII.* ait, mulieres in sollem-

nibus

Conf. Suet. *Aug. XXI.* *Loco resonare lege resignare,* & sensus erit planissimus sponsam tertium allem, quem in sacciperio condiderat; ante Lares compitales resignare, & ibi deponere Sueuile.

nibus istis verbis *Caia* esse vocatas. Et hinc procul dubio ad illam formulam respicit: VBI TV CAIVS, IBI EGO CAIA, cuius meminit Plutarchus. *Quaest. Rom.* p. 620.

XII. Effecta coemptionis.

XII. Effecta coemptionis erant eadem, quae confarreationis. Nam & hoc modo in manum conueniebant vxores, & matres familias vocabantur. Huber. *Digress. Part. II*, 1 17. p. 528. Thomas *diff. de usu pract. doctr. Inst. de nupt. I*, 7. p. 26. 28. Vnde simul ratio reddi poterit, cur concubina apud Gruterum *Inscr. p.* 10 ccc, 21. vocetur *uxor gratuita*, utpote quae coemta non esset, nec aqua aut igne accepta.

XIII. Quo ritu eiusmodi nuptiae dissolutae?

XIII. Quemadmodum vero nuptiae confarreationis ritu contractae diffarreatione; ita factae per coemptionem *remancipatione* dissoluebantur, ceu ex Festo erudite probat Raeuardus *ad leg. XII. Tab.* p. 98.

XIV. Vfus, qualis nuptiarum ritus.

XIV. Tertius modus contrahendi matrimonium erat *usus*; qui in eo constitit, quod sine confarreatione & coemptione maritus vxorem vfucaperet. Si enim haec auctore tutore cum viro consueuerat annum vnum, nec ante finem anni vfurpatum iuerat, id est tribus noctibus a viro non abfuerat, videbatur vfucapta & possessione quaesita. Gell. *III*, 2. Quemadmodum itaque vfucapio est modus acquirendi dominium iuris Quiritium: ita dubitari nequit, quin & usu vxor conuenerit in manum & veluti in dominium Quiritarium mariti vel eiusdem potestatem redacta sit. Cic. *pro Flacc. cap. XXXIV*. P. Pith. *ad Pariat. LL. Mos. & Rom. tit. XVI*. Si itaque vxor nollet in manum conuenire: instrumenta

menta quidem dotalia conficiebantur, & domum deducebatur, sed dabat operam, ut saltem tres noctes a marito abesset. Sic enim per usurpationem interrompebatur singulis annis usucapio, adeoque vxor vel in potestate patris manebat, vel in tutela agnatorum manebat, sine quorum auctoritate in manum conuenire non poterat. Cic. *pro Flacc. ibid.* Contracto itaque hoc ritu matrimonio, vxor non conueniebat in manum mariti, neque adeo fiebat materfamilias, sed matrona. Gell. XVIII, 6. Et hinc neque succedebat ab intestato marito, neque hic vxoris bona omnia dotis nomine accipiebat. Vocabatur tamen vterque coniux ad bonorum possessionem edicto: VNDE VIR ET VXOR.

XV. Requisita iustarum nuptiarum prae-
ter I) *pubertatem & viri potentiam*, de cuius examine ad *Lib. I. Tit. XXII.* dicemus, erant II) *consensus patrum*, quorum in potestate erant sponsi. Quamuis enim pater filiam elocatam reuocare, nuptiasque rite contractas soluere non posset: (ceu ex Plutarchi *Numa*, Dionysio Halicarnasico, Paulli *Sent. II*, 19. Vlpiani *L. I. §. ult. de liberis exhibendis* accurate demonstrat Thomas. *de usu pract. doct. Inst. de nupt. I*, 13 p. 48. 49.) poterat tamen id facere, si filia eo invito cuidam nupsisset, ceu contra Ræuardum *Var. VI*, 16. Cuiac. *Obs. III*, 5. idem demonstrat Thomasius *l. c.* Sin filia patria potestate siue per emancipationem, siue patris mortem exiisset, sub perpetua debebat tutela, adeoque & tutorum auctoritas adhibenda erat. Cicero *pro Flacco XXXV.* Auctoritatem vero & expressam esse, & praecedere

XV. Re-
quisita iu-
starum
nuptia-
rum I)
pubertas
II) con-
sensus pa-
trum.

nuptias debuisset, aequè ac iussu, notum est ex
ICTIS. Nec obstat L. 25. §. 4. D. de adquis. hered.
quam accurate explicauimus & à Iac. Gotho-
fredi correctione vindicauimus in *Element. iur.*
ciu. § 250.

XVI. III)
ciuitas
Romana.

XVI. Requirebatur etiam III) ut uterque
contrahentium esset & liber & ciuis Romanus.
Inter seruos enim, liberosque & seruos non
connubium erat, sed contubernium. Cum La-
tino etiam vel Latina peregrino vel peregrina,
non erant iustae nuptiae nisi concessum esset.
(f) Vlp. *Fragm. V, 4. § 5.* Paull. *Sent. II, 19. 6.*
vnde notum quantum inuidiae Antonino nu-
ptiae cum Cleopatra conflauerint. Sed post
constitutionem Antonini Caracallae promiscua
fuerunt inter gentes connubia, & ita intelligen-
dus Prudent. *adu. Symmach. II, 6. 612.*

Disantes regione plagae, diuisaque ponto

Littora conueniunt nunc per uadimonia ad unum

Et commune forum, nunc per commercia & artes

Ad caelum celebrem, nunc per genialia fulcra

Externi

(f) Concedebat olim eiusmodi nuptias populus, le-
ge singulari, ut docent exempla apud Lium Hist.
XXXVIII. 16. XLIII. 3. Postea imperatores hu-
iusmodi dabant privilegia. Exempla hinc inde in
marmoribus sunt, apud Gruter. DLXXXIII. 2.
DLXXXIV. 5. DLXXV. 1. Iac. Spon. *Miscell. eru-
dir. Antiq. p. CCXLIV.* ubi militibus. QVI PE-
REGRINAE CONDITIONIS PROBATI ERANT,
datur CONNYRVM CYM VXORIBVS, QVAS
TVM HABVSSENT. Conf. Ez. Spanhem. *Orb.*
Rom. II, 22. De reliquis prohibitionibus dicemus
infra, ubi de iure Quiritum & ciuitatis in Adpendice
agemus.

(g)

Externi ad IVS CONNVBII. Nam sanguine mislo.

Texitur alterius ex gentibus una propago.

Et Rutilius Numantinus. l. i. r. v. 63. sequ.

Fecisti patriam diuersis gentibus unam,

Profuit iniussis, te dominante, capi.

Denique offers victis proprii CONSORTIA iuris,

Vbi Urbem fecisti, qui prius orbis erat.

XVII. Accedit IV) consideratio graduum cognationis, tanquam quartum iustarum nuptiarum requisitum. Quæ graduum (g) prohibitio quo usque extendatur. Icti ostendunt & maxime illustri. Thomas. *diff. alleg. l. 18. sequ. p. 59.*

XVII. IV)
Graduum
prohibi-
torum
cuius.

sequ.

XVIII. Denique V) polygamia, erat, apud

Romanos prohibita, quam lege stabilire, au-

ctore, ut putabatur, Cesare, conabatur Helius

Cæcina, Tribunus plebis; sed ea lex ne pro-

mulgata quidem, nedum perlata fuit. Sueton.

Jul. LII. Primus Antonius ex Romanis duas

in matrimonio vxores habuit, teste Plutarcho

in vit. Anton. Postea & Valentinianus iunior

lege sanxerat, ut liceret cuius viro duas vxores

dúcere Socrat. *Hist. eccl. IV, 30.* Niceph. *Hist.*

eccl. II, 33. Sed nec ea quidem constitutio, amo-

liendae faci proprii turpitudini inferuitura, va-

luit apud posteros. Brillon. *de iure connub.*

p. 292.

ADPENDIX

(g) Graduum equidem supputationem ad solam do-

ctrinam de successione pertinere, putant. Vid. illu-

stris Thomas. *l. c. p. 61.* sed & veteres et gradus

numerarunt in doctrina de iuribus. Exemplum

Vlpiani est in *Collat. Leg. Mos. & Rom. VI, 2.*

(a)

ADPENIX HVIVS TITVLI.

DE

LEGITIMATIONE.

ALter modus constituendi patriam potestatem est LEGITIMATIO, de qua quum Imperator tantum §. 13. h. t. aliqua commemoret: licebit nobis eam doctrinam huic titulo tanquam adpendicem subnectere.

XIX. Qui-
nam libe-
ri legiti-
mi, &
spurii.

XIX. Soli liberi ex iustis nuptiis nati, in patria erant potestate, & hinc vocabantur LEGITIMI. Reliqui omnes ILLEGITIMI dicebantur, & a priscis Romanis duabus litteris SP. signari solebant, quia erant *sine patre*. Plutarch. *Quaest. Rom.* p. 316. Cai. *Inst. l.* 4. 8. p. 41. Vlpian. *Fragm. IV*, 2. p. 576. Conf. tamen Aegid. Menag. *Amoen. iur. civil. XXXIX.* p. 358. Exemplum elegans huius moris exstat apud Gruter. *Inscript. p. CCCCXXXIV*, 4. C. MAMERCIO. SP. F.

IANVARIO. Q. AED. PRAET. II VIR.
Q. ET.

P. PACCIVS. IANVARIVS. FILIO. NATVRALI. ET. MAMERCIA. GRAPTE.

MATER. INFELICISS. FILIO. ET. COGNATAE. PISSIMIS. FECERVNT.

Hic enim C. Mamercius Iannuarius, Paccii Iannuarii non spurius, sed filius naturalis, & in dignitate constitutus adpellatur S. P. F. id est *sine patre filius*. Quod monumentum plane egregium accu-

curate enucleauimus in *Com. ad L. Iul. & Pap. Lib. II, Cap. IV. p. 169. sequ.* Aliud eiusdem generis exemplum est apud Reines. *Inscr. Class. IX, 4* Postea vulgo quaesiti spurii dici coeperunt.

XX. Erant illegitimi quatuor generum. Alii enim naturales ex concubina vel vidua aut virgine stuprata; alii spurii ex meretrice; alii ex adultera; alii denique ex incestuosis amplexibus fuerant nati. Franc. Hotoman. *de spur. & legitim. II, p. 474.* XX. Illegitimorum diuersa genera.

XXI. Nulli horum erant infames, ast leuis tamen notae macula spurios adsperebat vulgus, multoque magis adulterinos & incestuosos, saltem postremis temporibus reip. Vid. Zach. Hub. *Cas. enucl. Quaest. III, §. VIII.* Naturales participes quidem erant omnium iurium, honorumque capaces, ceu contra Iac. Gothofredum luculenter ostendit Thomas. *de usu pract. doctrinae Inst. de legitimat. I, 3. p. 3. sequ.* & ex inscriptione paullo ante adlata patet, in qua C. Mamercius Iannarius, quamuis S. P. FILIVS tamen in colonia sua Quaestor, Aedilis, Praetor, & Duumvir Quinquennalis iterum fuisse dicitur: iuris tamen agnationis (a) carebant, neque sub patria potestate erant,

(a) Vnde nec gentile patris nomen ferebant spurii, vt contra Robertelli *Emend. I, 20.* recte ostendit Car. Sigon. *Emendat. II, 7.* Sane tamquam singulare quiddam de Caesare refert Sueton. *Iul. LII.* quod natum e Cleopatra filium adpellari nomine suo passus sit. Ast Dio Cass. *L. p. 479.* addit inter alia, quae Octavianus Caesar obiecerit Antonino, etiam hoc fuisse maxime, ὅτι τὸν Καίσαρ ὠνόμαζεν ὕψω, καὶ ἐς τὸ τῷ καίσαρι

SEQVENS MATRIMONIVM. Meminit eius constitutionis Zeno Imp. L. 5. C. de natur. lib. & Iustinianus Nov. LXXXIX. princ. Sed quum ipsa non tulerit aetatem: obscura nobis est legislatoris sententia. Id saltem certum, non voluisse Constantinum M. constitutionem suam ad eos, qui in posterum ex concubinis nascituri essent, porrigi, sed eum ante illam constitutionem natis duntaxat id beneficium indulgisse, non alio consilio quam vt parentes, in concubinato viuentes, hoc privilegio pelleret ad iustum ineundum matrimonium, adeoque his tuniculis concubinatum subrueret. Vid. Def. Herald. Rer. Quotid. 1. 4. 2. & quae nos differuimus in Comm. ad L. Iul. & Pap. Lib. 11, Cap. V. p. 173. sequ.

XXIV. Deinde & Theodosius iunior addidit legitimatorem II) PER OBLATIONEM CURIAE. L. 3. 4. C. de nat. lib. Quum enim adeo omnes abhorrerent a decurionum munere, vt iam Traiani temporibus multi inviti fierent decuriones, Plin. Epist. X. 114. & saepe Christiani poenae loco, curiis addicerentur; Baro. Brissón. Antiqu. IV. 18. & hinc, aufugientibus decurionibus, curiae paene exhaustae essent: Iac. Gothofr. ad Tit. C. Theod. de decur. privilegio alliciendi videbantur homines ad id munus eo libentius suscipiendum. Hinc constitutione cautum, vt si quis curiae offerret filium vel filiam naturalem, ita vt ille in ordinem decurionum aliquando recipi se pateretur, haec decurioni nuberet, eo ipso illi non amplius naturales, sed legitimati haberentur. Interim soli

XXIV. Theodosius inuentor legitimatorem II) per oblationem curiae,

foli patri hi fiebant liberi, non agnatis reliquis agnati *L. 9. C. de natur. lib.* In causam tanti decurionatus odii acute, ut solet, inquit Thomaf. *diff. alleg. 1, 8. p. 21. sequ.* ubi solide ostendit, homines voluptate, ambitione & auaritia in transuersum actos, dignitatibus aulicis, militiaeque palatinae & ordinibus sacris, quam muneribus eiusmodi, laboriosis, & ob onera curiarum, sumtusque, in spectacula impendendos non admodum pinguibus, inhiare maluisse. Iam id addo, non putandum esse, curiae oblatos confestim factos esse, decuriones. Sed Curiae adscribebantur, eique seruiebant periculo suarum facultatum. *L. 4. C. de nat. lib. L. 50. L. 55. L. 64. C. de decur.* Hinc nec militiae nomen dare, nec ruri extra municipium viuere poterant, curiae quippe, tanquam glebae, adscripti, *L. 17. C. eod. L. vn. C. si curial. reliq. cju.* Quae omnia luculenter ostendit V. C. Em. Merrill. *Obs. VII, 26. p. 109.* Quum itaque curiae oblati quodammodo essent adscriptitiae conditionis, nec alterius iis esset spes honoris, quam decurionatus, sane parum lucrosi: non profecto mirandum, tam paucis saluam mouisse splendidam illam curialium miseriam, ut & liberi illegitimi priuilegio essent alliciendi ad suscipiendum aliquando decurionatum.

XXV. Zenonis Anastasii & Iustiniani constitutiones de primo modo legitimandi.

XXV. Sequentes Imperatores duo ista legitimisationis genera aliquamdiu retinuerunt, variisque legibus explicarunt. Sic Zeno Imperator sanxit, ut si pater, nulla legitima sobole alia superstite, concubinam uxorem duxerit, liberi utriusque sexus post nuptias in patria potestate

testate constituerunt, & siue soli, siue cum fratribus postea natis patri ex testamento vel ab intestato succederent. Attamen eam constitutionem ipse quoque exemplo Constantini valere tantum voluit ratione liberorum ante hanc legem ex concubinis ingenuis natorum; eos vero, qui postea ex concubinato prodituri essent, tanti beneficii noluit esse participes. *L. 5. C. de natur. lib.* Liberalior Anastasius cum omnibus etiam postea nascituris hoc beneficium communicauit. *L. 6. C. eod.* Id denuo restringit Iustinus Imp. *L. 7. C. eod.* sed postea suo more iterum latius extendit Iustinianus. *L. 10. & 11. C. eod. Conf. §. 2. Inst. de hered. quae ab intest. Nouell. XII, 4. XVIII, 11. LXXIV.* Quamuis vero his fere omnibus locis Iustinianus exigat instrumenta dotalia vel nuptialia: ea tamen non ad substantiam huius legitimationis pertinere, sed pro eorum temporum conditio-
netantum signum fuisse legitimi connubii, iam alio loco ostendimus, & iam pridem demon-
strauit Cuiac. *Obs. XIII, 4.*

XXVI. Eodem modo & alterum legiti-
mandi modum per oblationem curiae variis
constitutionibus illustrarunt Imperatores. e. g.
Leo & Anthemius. *L. 4. C. de natur. lib. & Iu-
stinianus L. 9. C. eod. Nou. LXXXIX. cap. 11.*
seq.

XXVII. Accessit tertius modus legiti-
mandi III) *per arrogationem*, ab Anastasio inuen-
tus *L. 6. C. de nat. lib.* Quum enim naturales
liberi non essent in patria potestate, sed sui iu-
ris: poterant profecto a parente naturali arro-

L

gari.

XXVI. Le-
onis, An-
themii &
Iustiniani
Consti-
tutiones de
modo se-
cundo.

XXVII.
Legitima-
tio III) *per*
arrogationem
inuenta
ab Ana-
stasio,

gari. *l. ult. D. de adopt.* Facta ergo ea arrogatione legitimi censebantur. Sed eum modum non sine ratione sustulit Iustinus, *L. 7. C. eod.* approbante id Iustiniano *Nov. LXXXIX, 7. Nov. LXXIV, 3.*

XXVIII.
Legitima-
tio IV)
per re-
scriptum
principis
& V) per
testamen-
tum in-
uenta a
Iustinia-
no.

XXVIII. Denique Iustinianus, ne & ipse minus videretur ingeniosus, adiecit IV) *legitimationem per rescriptum principis, Nov. LXXXIX, 9. LXXIV, 2.* ac postremo legitimationem V) *per testamentum Nov. LXXIV, 2. 1. LXXXIX, 10.* Quo ipso tamen totum inuentum legitimationis eum destruxisse, obseruat Thomasius *de usu pract. doct. de legitim. I, 12. p. 44.*

TIT. XI.

DE

ADOPTIONIBVS.

Tertius modus constituendi patriam potestatem erat ADOPTIO, quae quum fuerit actio legis, certis formulis, ac sollemnitatibus peragenda: genuina eius ratio ex antiquitatibus pernosceda erit.

I. Adop-
tionis
Romae
tam fre-
quentis
caussa
prima.

I. Cur inuenta a Romanis sit adoptio, & cur ea Romae frequentius, quam vsquam terra-
rum, sit vsurpata, paullo altius est repetendum,
quum alias vniuersa huius instituti ratio intelli-
gi nequeat. Obseruauimus iam supra, (*Lib. I. Tit. X. §. 4.*) Romanas familias habuisse sua
sacra priuata, suos focos & aras domesticas, fu-
as porro ferias, de quibus conferri merentur
Macrobi.

Macrobi. *Saturn.* I, 16. Iac. Guth. *de iure Pontif.* II, §. Vinc. Gravina: *ad XII. Tab. num.* LXXVI, p. 416 *seqn.* De iis sacris quum esset lege decemviraliter constitutum: SACRA PRIVATA PERPETVO MANENTO: omnia sane agebant Romani, ne sacra illa gentilia interirent. (*) Quare Clodium etiam hoc nomine graviter reprehendit Cicero, *pro Domo XII.* quod effecerit *ut sacra Clodiae gentis interirent.* Hinc, si qui ex fustis vxoribus liberos haut fustulissent, ii adoptabant extraneos; qui tunc *in sacra & gentem transire dicebantur* [Briffon: *de verb. signif.* p. 1814. Conf. Vopisc. *Valerian.* XIV.]

II. Deinde

(*) Aliquando tamen id agebant, ut sacra priuata interimerentur, eamque in rem Icti inuenerant senes sacra coementes. Excogitauerant enim eam rationem, ut heres senibus venderet ea bona, quae qui haberent, sacris adstringerentur, venditione imaginaria per aes & libram, addita stipulatione, vel fiducia, ut senes illi bona venditori vel heredi non ut hereditatem, sed ut res singulares, sacris liberassent, redderent. Rem accurate primus ex loco obscuro Cic. *pro M. Pupio XII.* explicauit & in lucem protraxit V. C. Jo. Fr. Gronou. *de pecun. vet.* IV, 7. quem deinde sequutus Io. Ge. Graeuus *Not. ad Cic. l. c.* uterque monuit, perperam cum his senibus ad interimenda sacra adhibitis confundi, senes coemtionales apud Plaut. *Trucul.* IV, 9. & Cic. *ad Famil. Epist.* VII, 29. quum hi fuerint mancipia reuicula & veterana, quae quod non adeo facile emtorem inuenerent, vel plura vix vendebantur, vel tanquam manissa, adiciebantur melioribus. Iidem monuerunt, nihil hos senes coemtionales facere ad coemtionem nuptialem. Ad quam quum nos eam retulerimus in prioribus editionibus, hic errorem nostrum fateri ac emendare non dubitamus.

Ad M. Pupio XII.

(a)

II. Causa
secunda.

II. Deinde altera accessit ratio, poenae nimirum orbitati praemiaque *τῇ ἐπολευσίδι* proposita, qualia & ante legem Papiam Poppaeam in libera republica fuisse, patet ex Dione Cass. *LVI. p. 660.* Ne ergo parentes *ἀπαίδης* aut orbi vel praemiis istis exciderent, vel poenas darent: alios adoptabant, idque iam sua aetate reprehendit P. Scipio, censor, in oratione apud Gell. *Noct. Att. V, 19.* Quin adeo fraudulentè postea hac in re egerunt Romani, ut quum per legem Papiam trium liberorum parentes reliquis in honorum petitione praerferrentur, ii, quibus iste liberorum numerus deerat, per adoptionem sibi quaererent liberos, eosdemque deinde, ne oneri essent, ubi honoribus potiti erant, statim emanciparent. Vnde condito denique Scto cautum est, *ne simulata adoptio in ulla parte muneris iuuaret.* Tacit. *Annal. XV, 19.* Vlpian. *L. 2. §. 2. D. de excusat. munerum.* Add. *Comment. nostr. ad L. lul. & Pap. lib. II. Cap. 7. p. 201. seq.*

III. Causa
tertia.

III. Accedebat tertia ratio aequè fraudulenta. Si quis enim patricii ordinis tribuniciam potestatem ambiret: ut voti fieret compos, plebeio cuidam se adoptandum dabat. Exemplum huiusmodi fraudulentæ adoptionis praeiuit P. Clodius, de cuius absurda adoptione videri possunt Suet. *Tiber. II.* Dio Cass. *XXXVIII, p. 72.* Cic. *orat. pro domo XIII.* Simile dedit Dolabella, qui ob eandem causam in gentem Liuiam plebeiam transiit. Dio Cass. *XLII, p. 198.* Et haec sunt verae illae ac genuinae causae, cur tam frequentes essent Romanae adoptiones.

liberorum multitudine

IV. Erant

IV. Erant verò adoptiones duorum generum. Aliae ADROGATIONES: aliae ADOPTIONES strictiore sensu dicebantur. Vlpian. VIII, 1. *sequ.* Illis homines sui iuris; his liberi alieni in alterius potestatem, gentem, nomen & sacra transibant.

IV. Adoptio quotuplex?

V. Antiquissima fuisse videtur ADROGATIO, non ab interrogatione patris & filii adoptivi ita dicta, ut putat Cai. *Inst.* I, §. 1. L. 2. *pr. D. de adopt.* sed a *rogatione* ad populum lata. Fiebat enim arrogatio in comitiis curiatis auctoritate pontificum, teste Gell. *Noct. Att.* V, 19. Adtipulatur huic Gellii etymologiae Menag. *Amoen. iur. cap. XXXIX*, p. 259. eamque ipsa vocabuli analogia confirmat, quamvis Caii causam agat Cuiac. *Obs.* IX, 37.

V. Arrogatio unde dicta?

VI. Cur in comitiis curiatis de arrogatione tanquam de publica populi causa actum sit, eius rei hanc rationem adsignat Vinc. Gravina *ad XII. Tab. n. LXXXV*, p. 45 i. quod interfuerit populi, ut fraudes, supra numeris II. & III. relatae, prohiberentur. Sed prius procul dubio arrogationes in comitiis factae sunt, quam fraudum istarum exstarent exempla. Melior ratio videtur, quia arrogati sperabant hereditatem. De hereditate vero in alios transferenda solum populum cognovisse, vel inde patet, quod & testamenta olim in comitiis calatis fierent. Accedit, quod per arrogationem caput et tribus censualibus eximeretur, & in alterius redigeretur potestatem; id quod inconsulto populo fieri iniquum videbatur. Hinc in legibus Decemviralibus Tab. IX erat lex: DE CA-

VI. Cur ea peracta in Comitiis curiatis?

PITE CIVIS, NISI PER MAXIMUM COMITIATVM NE FERVNT. Cic. *de Legib. III.* in qua lege capitis adpellatione, non modo vitam, sed & libertatem, ciuitatem, familiaeque ius exaudiri debere, eleganter demonstrat in Notis Iac Gothofred. p. 230. Hinc ergo in comitiis res erat explicanda, & quidem in curiatis. Gell. V, 19. Et hinc arrogatio fieri dicebatur *lege curiata*, Tacit. *Hist. I, 15.* κατὰ νόμον κυριατῶν. Appian. *de Bell. Cim. III.* κατὰ νόμον τῶν φυλακτικῶν Dio Cass. *Lib. XIV.*

VII. Cur auctoritate pontificum fuerit opus?

VII. Pontificum vero auctoritate opus videbatur, non ob iurisiurandi religionem, quo adrogatio ab omni calumnia & fraude pura praestaretur, vt coniecit idem Vinc. Graulina l. c. p. 452. sed quia adoptiui, relictis sacris familiae, in alterius gentis sacra transibant Cicero *pro domo XIII.* *Quid sacra Clodiae gentis? Cur intereunt, quod in te est? Quae omnis NOTIO PONTIFICVM, quum adoptaret, esse debuit.*

VIII. In quid inquisuerint pontifices?

VIII. Dispiciebant ergo Pontifices, an adoptans ea esset aetate vt alterum filium habere posset? an nulla ei spes prolis superesset? an coniugio inito foecunditatem fuerit expertus? quae causa sit adoptionis? Gell. *Nat. Attic. V, 19.* Cic. *pro domo X. & XIII.* Vlpian. l. 15. §. 2. 3. & l. 17. *princ. D. de adopt.* Neque enim facile permittebatur iis, qui iam liberos procreauerant, vt alios vel arrogarent vel adoptarent, quippe quod ne in Imperatoribus quidem, reprehensione carebat. Perizon. *Animadv. Hist. cap. III, p. 125.* Deinde ne pro monstro esset patrem filio vel natu minorem vel aequalem

lem esse, sed adoptio naturam imitaretur: merito disquirebatur, an adoptaturus saltim plena pubertate filium antecederet. *L. 40. §. 1. D. de adopt.* Et hinc veteres rident adoptionem Alexandri Imp. ab Elagabalo factam, quum ille duodecim, hic quatuordecim circiter annorum esset. Herodian. *Hist. V, 7.* Praecipue autem providendum sibi existimabant, ne adoptio vel arrogatio filio esset exitio, aut ei aliquid adferret detrimenti. Et inde est, quod tutori fas non esset, pupillum arrogare, *L. 17. pr. D. eod.* nisi quod cognati a tutore propinquo. *L. 17. §. 1. D. eod.* & priuigni a tutore vitrico ex rescripto Antonini Pii possent arrogari. *L. 32. §. 1. D. eod.* Exemplum Voconii Romani a vitrico adoptati est apud Plin. *Epist. X, 3.* Eundem tamen vitricum & tutorem fuisse priuigni sui, quod suspicatur Cuiac. *Obs. 11, 38.* ex isto quidem loco non constat.

IX. Quum vero ii tantum arrogarentur, qui sui iuris erant: oportebat eos ipsos auctores fieri. *Gell. l. c.* Interrogabatur ergo is, qui arrogabat, velletne eum, quem adoptaturus esset, iustum sibi filium esse? & vicissim is, qui arrogabatur, an id fieri pateretur auctorque esset? *L. 2. D. de adopt.* Formulam prodit Cicero *pro domo XXIX.* Credo enim, quamquam in illa adoptione legitime factum est nihil, tamen te esse interrogatum: AVCTORNE ESSES, VT IN TE P. FONTEIVS VITAE NECISQVE POTESTATEM HABERET, VTI IN FILIO? Neque tamen has interrogationes &

IX. Quaestiones
patri &
filio pro-
positae?

responsiones stipulationes fuisse, recte notat Cuiac. *Obs. IX, 37.*

X. Rogatio ad populum lata.

X. Causa cognita, in comitiis curiatis sequebatur sollemnis rogatio: VELITIS IVBEATIS, QVIRITES, VTI L. VALERIUS L. TITIO TAM IVRE LEGEQVE FILIVS SIBI SIET, QVAM SI EX EO PATRE MATREQVE FAMILIAS EIVS NATVS ESSET: VTIQVE EI VITAE NECISQVE IN EO POTESTAS SIET: HAEC ITA, VTI DIXI ITA VOS QVIRITES, ROGO. Gell. *Noct. Att. V, 19.* Hinc annuente populo & XXX curiis in suffragia missis ita iuventibus perfecta erat adrogatio Cic. *pro domo ibid.*

XI. Effecta arrogationis,

XI. Arrogati ergo tam iure legeque filii erant eius, qui adoptauerat, ac si ex eo patre matreque familias eius essent nati. Hinc arrogati aequae ac adoptivi fiebant agnati ratione familiae adoptantis non tamen cognati eius uxori. L. 23. pr. D. de adopt. Quare adoptionem sequebatur hereditas nominis, pecuniae, sacrorum, teste Cicerone *pro domo XIII.* Vbi exigitur Clodius a Fonteio adoptatus, quod in ea adoptione nihil legitime factum sit, siquidem neque Fonteius esset, quod esse debebat, neque Clodius patris adoptivi beres, neque amissis sacris paternis in adoptivum pervenerit. Inimmo, quemadmodum patricii, adoptati a plebeiis, ad plebem transibant: ita plebei, adoptati a patriciis, horum consequentur nobilitatem ac privilegia. Quod tametsi neget Io. Corasius *ad L. 35. D. de adopt.* tamen demonstratur exemplo Cn. Cornelii Cossi,

Cossi, qui ex Licinia, plebeia familia, adoptatus in patriciam Corneliam, tribunus militum consulari potestate fuit, ad quam dignitatem anno demum sequente plebeis via patuit, teste Livijs V, 12. Demonstratur idem exemplo Liviae quam Tacitus *Annal. V, 1. NOBILITATIS per Claudiam familiam & ADOPTIONE Livijs Juliorumque clarissimae* fuisse ait, & Augusti de quo Ovidius *Fast. IV, v. 21.*

Hic ad te magna descendit origine mensis,

Et fit ADOPTIVA NOBILITATE

tus.

Conf. Huber. *Digress. Instin. II, 24.* Iac. Perizon. *Dissert. ad Constit. divin. Deut. XXV, 5. 6. p. 83. seq. & Comm. nostrum ad L. Pap. Lib. II, cap. I, p. 113.*

XII. Et hinc facile reddi poterit ratio, I) Cur soli ciues Romani arrogare potuerint? Soli enim participes erant comitiorum. II) Cur caelibes arrogare nequiverint? Erat enim arrogatio in solatium orbis, non caelibum, inuenta Cic. *pro domo cap. XIII, L. 15. §. 2. D. de adopt.* III) Cur senibus tantum sexaginta minimum annorum arrogare licuerit *d. L. 15. §. 2. D. de adopt.* Sperari enim antehac poterat proles IV) Cur nec muti & surdi arrogarent; nec V, feminae? Neque enim illi iure comitiorum gaudebant: & feminae praeterea neminem poterant habere in potestate. Quare parum legibus consentanea erat adoptio Candidiani, de qua Lactant. *de Mort. Persequunt. Cap. L. Idem Candidianum, quem Valeria, ex concubina genitum ob sterilitatem adoptauerat, necari iussit.* Sed

L 5

quid

XII. Cur
quidam
nec arro-
gare nec
arrogari
potue-
runt?

quid sibi non permittebant eius aevi principes?
 VI Cur porro nec pupillus nec femina, nec peregrinus, nec mutus vel sardus arrogari potuerint? Pupilli enim ipsi auctores fieri non poterant, cum reliquis nulla erat comitiorum communio. Gell. *Noct. Att. V*, 19. VII) Cur denique adrogatio Romae tantum fieri potuerit? Vlp. *Fragm. VIII*, 4. Romae enim, non alibi, curiata comitia haberi poterant. Liu. *V*, 52.

XIII.
 Quam diu
 vetus iste
 adrogan-
 di ritus
 obtinuerit?

XIII. Haec arrogatio, per populum in comitiis facta, satis diu, id est, stante libera republica obtinuit. Nam ita sua memoria a Cn. Aufidio Oresten, a M. Pupio Pisonem, a P. Fonteio Clodium arrogatum scribit Cic. *pro Dom. cap. XIII*. Quin & Augustus Agrippam & Tiberium adoptauit in foro lege curiata. Suet. *Aug. LXV*. Et Neronis adoptionem, quamvis Patres censuerint, populus tamen, (lege procul dubio curiata) iussit. Tacit. *Ann. XII*, 25. Postea Imperatores, legibus quippe soluti, veteres adrogationis ritus saepius neglexerunt. (Vid. Tacit. *Hist. I*, 14. 17. Spartian. *in Hadr. III*. IV. XXIV. *in Ael. Ver. III*. Iul. Capitolin. *Antonin. IV*.) Mansit tamen ad Galbam usque vetus sollemnitas inter priuatos. Hinc Galba: *Si te priuatus, lege curiata, apud Pontifices, ut moris est, adoptarem*. Tacit. *Hist. I*, 15.

XIV. Ad-
 optio stri-
 ctius dicta
 cur &
 quando
 inuenta?

IV. Haec de arrogatione. Quum vero hic adoptandi modus ad homines tantum sui iuris pertineret: inuenta & alia actio legis, qua liberi, in sacris paternis constituti, cuiuscunque sexus & aetatis, in aliam familiam transferent,

rent, isque modus dictus ADOPTIO sensu strictiore. Eum iam in libera republica obtinuisse, constat ex Cicerone *de finib.* 1, 7. Valer. Max. VII. 7. 2. Dione Cass. XXXIX. p. 98.

XV. Erat hæc adoptio actio legis, & hinc inter præsentēs, adhibitis certis sollemnitatibus, peragenda apud Prætores aut Præsides, (a) aut

XV. Adoptandi ritus per aes & libram.

(a) A principibus, quos multa sibi in arrogationibus indulgisse probat Dodyvell. *praelect.* XVIII. ad *Spartian.* p. 553. & domi adoptari poterat per aes & libram, Suet. Aug. LXIV. *Caium & Lucium adoptavit DOMITI, per aes & libram, emtos a patre Agrippa.* Fortassis & priuatis idem licebat, si ad eos venire vellent Magistratus. Adoptio enim erat actus voluntariae iurisdictionis, quales actus nec tribunal, nec locum certum requirunt. *L. 36. pr. D. de adoption.* Et tunc adoptionis sollemnitas aut in cubiculo aut in atrio, coram lecto geniali perficiebatur. Quod patet ex loco Plin. *Paneg.* VIII, *haec non tua in CVBICULO, sed in templo; nec ante GENIALEM TORVM, sed ante puluinar Iouis optimi maximi, adoptio peracta est.* Erant vero geniales lecti, qui in nuptiis sternerentur in honorem genii, unde & geniales adpellati. Festus voce *genialis* p. 292. Et hinc etiam lecti aduersi dicebantur, quia in atrio ex aduerso ianuae erant collocati. Eupl. *Elect.* 1, 17. Scaliger ad Fest. voce *Putus* p. 143. Torrent. ad Horat. *Epist.* 1, 4. v. 87. Non tamen inde collegerim ego, in adoptione matremfamilias partum simulasse, qualem ritum inter barbaros receptum fuisse, docet locus Diod. Sic. *Biblioth.* IV, 40. *Illam adoptionem (Herculis) hoc modo factam perhibent. Uxor, lectum ingressa, Herculem corpori suo adoptum, ut uxorem imitaretur partum, subter vestes ad terram demisit, quem in hoc usque tempus adoptionis ritum BARBARI observant.* Exemplum eiusmodi adoptionis observare mihi videor Genes. XXX, 3. ubi adoptionis quamdam speciem etiam deprehendit

aut quemcunque magistratum, apud quem erat legis actio. Vlpian. *VIII*, 1. L. 4. D. de adopt. Gell. *Noct. Att.* V, 19. Ritus adoptandi consistebat in trina venditione, adhibito aere & libra. Scilicet praesentibus patre naturali & adoptiuo filioque adoptando, nec non libripende, antestato & testibus, primo pater filium patri adoptiuo mancipabat, verbis: MANCIPPO TIBI HVNC FILIVM, QVI MEVS EST. Tum pater adoptiuus, aes tenens, simulque adprehendens filium adoptiuum, HVNC EGO HOMINEM, inquit, IVRE QVIRITIVM MEVM ESSE AIO, ISOVE MIHI EMTVS EST HOC AERE, HAC AENEAQVE LIBRA. Tum aere, seu vt olim vocabatur, *raudusculo* id est, sestertio nummo percutiebat libram, illudque aes dabat patri naturali, quasi pretii loco. Caius *apud* Boeth. *Comment. in Cicer. Topic. III.* Ant. Schulting. *Iurisp. antiqu. anteiusf.* p. 54. Ea mancipatio ter erat repetenda, (b) Quo facto, pater naturalis in iure cedebat filium, & tum adoptio

V. C. 10. Clericus in *Not. ad Pentat.* p. 222. Apud Romanos vero nihil horum inuenimus, nec poterat ibi hic ritus observari, partim quod matres neminem haberent in potestate, partim quod adoptio non tribueret iura cognationis. Dissentit tamen vir doctissimus, Euerhardus Otto in *Papiniano*, qui sane eruditissime hanc causam agit, *Cap. VII*, p. 103. *sequ.* (b) Si scilicet filii loco deberet esse adoptiuus, Nam si quis in locum nepotis adoptaretur, vniqa mancipatione actus absoluebatur. Vlp. *Fragm. XII.* id quod etiam deinde in feminis observatum Cuiac. *Enarrat. ad d. l. ult. C. de adopt.*

(c)

erat perfecta. Gell. l. c. *Adoptantur autem, quum a parente, in cuius potestate sunt, tertia mancipatione in iure ceduntur, atque ab eo, qui adoptat, apud eum, apud quem legis actio est vindicantur.* Et hoc quidem ritu per aes & libram adoptavit Augustus Caium & Lucium. Suet. Aug. LXIV.

XVI. Quandoquidem ergo haec adoptio non in comitiis, sed coram magistratu, fiebat: factum est inde, ut & sexagenariis minores adoptare possent, nec masculi solum, sed & feminae adoptarentur. Cai. Inst. l. 1, §. 2. Gell. V, 19.

XVI. Qui potuerint adoptare & adoptari?

XVII. Et id quidem in antiqua illa liberaeque republica obtinuit. Postea variae sensim acciderunt mutationes. Et primo quidem, comitiis cessantibus, Principes rescriptis suis adrogationes solebant concedere pariter & confirmare. Quod vel ideo iure facere poterant, quia simul erant Pontifices maximi, quorum erat, de arrogationibus dispicere. Ræuard. de auctor. prudent. VI. Factum id esse exemplo Galbae, qui primus veterem ritum neglexit, non abs re suspicatur Ant. Schulting. ad Ulpian. Fragm. VIII, 2. p. 589. Certe iam Antonini Pii tempore adrogationes factas esse auctoritate principum patet ex L. 38. D. b. t. Hac vero mutatione semel admissa, etiam feminae (L. 11, D. b. t.) & pupilli (c) (Vlp. Frag. VIII, §.) &

XVII. Adrogatio per Rescriptum principis.

(c). Multa requisita hic erant observanda. Inquirebatur in adrogationis rationem, ne qua turpis causa subesset. L. 17. pr. L. 20. §. 1. D. b. t. Expendebantur facultates tum arrogantis tum arrogandi, eiusque

& quidem plures simul (*L. 25. §. 3. D. b. t.*) poterant adrogari. Sed non sine causae cognitione, & obseruatis requisitis quam plurimis. Desierunt etiam antiquae sollemnitates & formulae, quas tamen notio edicto, nescio an actum agens, sustulit Iustinianus. *L. ult. C. de adopt.*

XVIII.
Adoptio
per testa-
mentum.

XVIII. Erat & modus adoptandi per testamentum, non ab Imperatoribus demum, ut vulgo putant, inuentus, sed iam tum libera adhuc republica receptus. Iam ab antiquissimis enim temporibus sollemne erat Romanis, heredes suos non in bona tantum, sed & nomen adsciscere. *Adsciscere* autem erat vocabulum adoptionis, de quo Ioh. Fridr. Gronov. *Diatr. ad Stat.* p. 26. Cicero *de offic.* III, 18. Basilii meminit, qui M. Satrium, sororis filium, nomen suum ferre voluerit, eumque fecerit heredem. *Et in Bruto cap. LVIII.* laudat Crassum, Liciniae filium, Crassi testamento adoptatum. Atticum quoque testamento morientis Caecilii fuisse adoptatum, adparet ex Corn. Nep. *Attic. V.* Et

Caesar

que simul vita antea curiose excutiebatur. *L. 17. pr. D. b. t.* Exigebatur cautio, bona salua fore proximis agnatis, si pupillus intra pubertatis annos cessisset. *L. 18. 19. 20. b. t.* Arrogator porro mancipare non poterat arrogatum, nisi causa cognita, & redditis, quae habuerat, bonis insuperque quarta bonorum suorum relicta. *L. ult. D. si quid in fraud. patr.* Idque etiam in exheredatione erat obseruandum. *L. 15. D. de inoff. test.* Quae omnia ab Antonino re inuenta videntur, ut sensim in desertudinem rei adrogatio impuberum. Vid. Vlpian. *Fragm. VIII, 2.* Thomas. *diss. de usu pract. Tit. Inst. de adopt. l. 18. p. 84.*

(d)

Caesar ita instituerat Octavium, Suet. *Iul.* LXXXIII. Appian. *Bell. Civil.* II, p. 518. qui etiam, cognita auunculi nece, statim Iulii nomen adsumsit. Dio. XLV. p. 307. Qua de re etiam Ovid. *Metamorph.* XV. fab. 51. v. 74.

Vt Deus accedat coelo, templisque colatur,

Tu facies natusque tuus, qui nominis heres,

Impositum feret unus onus.

Eodem exemplo Augustus Liuiam & Tiberium, heredes testamento scriptos, nomen suum ferre iussit. Suet. *Octau.* CI. Ex eo tempore frequentissima occurrunt eiusmodi adoptionum exempla. Ita enim a M. Gallio Senatore testamento adoptatus est Tiberius. Sueton. *Tiber.* VI. a Galba iam ante sollemnio-rem arrogationem Piso Frugi. Idem in *Galba* XVII. Conf. Tacit. *Ann.* V, 1. L. 7. & L. 63. §. 10. D. ad SC. *Trebell.* Sed ea heredis institutio proprie adoptio dici vix poterat, quum nemo ea redigeretur in patriam potestatem. Cuiac. *Obs.* VII, 71. Nominis heredes erant: sed eos liberti paterni & alia familiae iura non sequebantur, quod tamen in aliis adoptionibus fiebat. Cuiac. *Obs.* VII, 1. Vnde mirum non est, quod adoptio per testamentum facta nonnunquam repetita, & more maiorum vel lege curiata, vel per aēs & libram iterum facta legitur. Augustus sane testamento adoptatus a Caesare, eam adoptionem lege curiata confirmandam curauit, ut auctoritate legis accederent, quae testamento nactus non erat. Appian. *Bell. Civil.* III, p. 586. Et Tiberius, licet testamento nomen Augusti ferre iussus, ab eodem tamen post Caii

Caii & Lucii Caesarum mortem rite adoptatus fertur. Sueton. *Tiber. XV.* Immo quum libera republica mulieres adoptare nondum possent: solebant eae tamen iam eo tempore heredes ea lege instituere, ut nomen suum ferrent. Exemplum est apud Ciceron. *Epist. ad Att. VII, 8.* quod sane cum aliis argumento est, non veram fuisse hanc adoptionem, sed adoptionis simulacrum quoddam, quod praeter nomen & hereditatem nihil iuris in adoptivum devoluit. Plura de hac adoptione per testamentum dabunt Briss. *de Form. VII, p. 601.* Huber. *Digress. I, 2. 23. 2.* & huius filius amplissimus Zach. Huber. *Dissert. Iurid. & philol. V, 2.*

XIX. Adoptivi olim in potestatem & gentem alienam transibant.

XIX. Caeterum patria potestas olim erat effectum adoptionis etiam stricte sic dictae. Vnde & adoptivi cognomini suo, leuiter inflexo, illius gentis, in cuius sacra transierant, nomen adiciebant, quamuis id non semper nec eodem modo factum esse animaduertamus, quum aliquando patris naturalis & adoptivi nomen promiscue ferrent. Perizon. *Diss. I, p. 97.* & *Animad. Hist. p. 131.* Spanhem. *de usu & praestant. numis. Tom. II, p. 77.* Quum Scipio Africanus minor ex Aemilia gente in Corneliam per adrogationem transisset: vocatus est *P. Cornelius Scipio Aemilianus.* Et qui antea *C. Octavius* erat, adoptatus a Caesare, dictus est *C. Iulius Caesar Octavianus* Dio Cass. *XLVI. p. 322.* Solebant tamen etiam naturalis patris nomen nonnunquam suo adscribere honoris causa, immo eundem adhuc patris vocabulo dignari in sermone familiari Terent. *Adelph. V,*

7. 3. Exempla collegit V. C. Iac. Perizon.
Dissert. ad divin. Constat. Deut. XXV, 5. p. 89.

XX. At extremis temporibus Iustinianus totum illum adoptionis ritum turbavit, iubens ut adoptatus ab alio quam adscendente, non transiret in alienam familiam & potestatem, & tamen ius successionis ab intestato consequeretur, *L. 10. princ. §. 1. 2. C. h. t.* Quo ipso in eam conditionem redacti sunt patres adoptivi, ut sine summa imprudentia adoptare non possent. De qua mutatione satis lepida vid. Thomas. *Diss. alleg. I, 26. p. 40. seq.*

XX. Iustiani mutatio.

TIT. XII.

QVIBVS MODIS IVS PATR.

POT. SOLVITVR.

Patriam potestatem ordinarie fuisse perpetuam, iam supra TIT. IX. ex Dionysio Halicarnasseo ostendimus. Nihilominus tamen proditi erant quidam modi, solvendi patriam potestatem, de quibus hoc titulo agendum.

I. Et primo quidem MORS, quoniam omnia iura personalia tollat, non poterat non & liberos patria potestate liberare. Neque tamen morte aut nepotes liberabantur, si pater esset superstes, sed tunc in huius potestatem recidebant, nisi is forte antea ab ayo esset emancipatus. Vid. *Caus. Inst. I, 6. princ.* Quia enim patria potestas erat dominium Quiritarium, (vid.

I. Patria potestas soluebatur 1) morte naturali.

N

supra

supra *Tit. IX. §. 1.*) non poterat non iure hereditario ab auo in patrem deuolui.

II. Et II)
ciuili.

II. Quum vero ex principiis iuris Romani & ii, qui CAPITIS DEMINVTIONEM vel maximam vel mediam fuerant passi, ciuilitur mortui viderentur: *L. 63. §. fin. D. pro socio factum est*, vt vel patre, vel filio capite deminuto, patria potestas solueretur. Erat enim haec propria ciuium Romanorum. Maxima vero capitis deminutio seruos, media ἀπόλειπας efficiebat. Atqui serui & peregrini nec habere nec esse poterant in patria potestate. *Plin. Epist. X, 6.*

III. Quae
tamen iure post-
lim. & re-
stitutione tolle-
batur.

III. Hinc captiuitate, seruitute poenae, aquae & ignis interdictione, deportatione siue patris siue filii, potestas patria cessabat. (a) Priori tamen casu illa postliminio; (*Caii Inst. l. 6. 3.*) posterioribus restitutione plenaria poterat recuperari. *L. 1. C. de sent. pass. Ant. Schult. ad Caii Inst. l. §. 1. p. 47.*

IV. Nec
non III)
adoptio-
ne.

IV. Exspirabat etiam potestas patria AD-
OPTIO-

(a) Ergo durante captiuitate ius patriae potestatis non in suspensio erat, vt loquitur. *Vlp. Fragm. X, 4. §. 5. Inst. b. t.* sed plane perimebatur; & postliminii demum iure recuperabatur, quia fingebatur, postliminio reuersum nunquam in captiuitate fuisse. *d. §. 5. Inst. b. t. L. 16. D. de capt. & postlim.* Hinc captiuo patre, liberi vix valide nuptias contrahere, testari, hereditates adire poterant. Vbi vero pater postliminio patriam potestatem receperat, filii ex nuptiis illis procreati in potestatem aui veniebant, bona a filiis acquisita eius erant, testamentaque eorum nulla erant, at nuptias tamen rescindere pater non poterat. *Thomai. diff. ad b. t. l. §. p. 5. sequ.*

(b)

OPTIONE : non quod filius sui iuris fieret, sed quod in aliam gentem aliaque sacra transferebat. Vid. supra Tit. XI. 19.

V. Sed praecipuus modus, quo patria potestas quam sollemnissime soluebatur, erat EMANCIPATIO, quae ob triplicem, quae subinde facta est mutationem, in VETEREM, vel legitimam, ANASTASIANAM, & IVSTINIANEAM diuiditur. §. 6. *Inst. b. t.*

v. Et IV)
emanci
patione.

VI. VETVS illa erat actus legitimus, & hinc certis adhibitis formulis & sollemnitatibus coram eo magistratu, apud quem erat legis actio explicanda. Quum vero leges Romuli ac Decemviorum ter venundandi filios potestatem indulgissent patribus: statuissentque simul, ut tertium manumissus filius sui iuris fieret; (*Supra Tit. IX, 6.*) commodissimum visum est Romanis, trina venditione imaginaria liberos e potestate dimitti. Quum vero omnes venditiones rerum Mancipi per Mancipationem fierent, id est, adhibito aere & libra: Vid. Aleand. & Schulting. *ad Caii Inst. l. 6. 3. p. 31. sequ.* consequens erat, ut & illa liberorum imaginaria venditio eodem ritu fieret. Et hinc dicta est EMANCIPATIO, de cuius vocabuli usu & significatione conferendi Barn. Briffon. *de verb. signif.* & Io. Frid. Gronov. *ad Senec. Epist. XLV. p. 27.*

VI. Cur
dicta e-
mancipa-
tio?

VII. Quoties ergo fiebat emancipatio, adhibendi erant non minus quam quinque testes; Romani ciues, (b) & puberes, & praeterea alius eius Testes

VII. E-
mancipa-
tionis ve-
teris ritus.

(b) Ita Caius apud Boeth Comment. ad Top. Cic. III, sed

praesentes. Libripens Antestatus.

eiusdem conditionis, qui libram teneret aeneam, unde & *Libripens* adpellabatur, nec non alius qui *Antestatus* audiebat. Fit eius mentio etiam a Prisciano *Lib. VIII. apud Putseb. p. 792.* ubi verba Liuii: *Impubes libripens esse non potest, neque antestari*: nec non in marmore apud Gruter. *p. MLXXXI.* ubi narratur, donationem & mancipationem factam **LIBRIPENDE CLAUDIO DATIVO, ANTESTATO CORNELIO VICTORE.** Ex quo lapide adparet, diuersum a libripende fuisse *antestatum*. Quum vero *antestari* fuerit, *tactis auriculis alterum testem aduocare*, & dicere: **MEMENTO, QVOD ET MIHI IN ILLA CAVSSA TESTIS ERIS:** Horat. *Serm. I, 9. v. 76.* & ibi Acron & Porphyry. *in Schol.* isque ritus non solum in ius vocationi, sed & mancipationibus adhiberetur: (c) non abs re suspicantur viri docti, *antestatum* vocatum, qui testes conuocabat, eorumque fidem, tacta auricula, obtestabatur. Merill. *Obseru. VIII, 37.* Fr. Brummer. *de Leg. Cinc. XIII. XIV.*

VIII. IV) pater naturalis.
V) pater fiduciarius.

VIII. Praesentem porro adesse oportebat non solum patrem *naturalem*, sed & emtorem, filii, quem Caius patrem *fiduciarium* vocat. (d)

Hic

sed tamen & *Latinos Iunianos* testes admitti consueuisse, docet Vlpian. *Fragm. XX, 8.*

(c) Certe etiam in testamentis, quae fiebant aere & libra adhibitae fuisse *ωτορ ἐπιδουεσ*, *aurium tactiones*, patet ex Clem. Alex. *Strom. V, p. 575.* Conf. Brumm. *de Lege Cinc. XIII. XIV.*

(d) Vix nomen hoc quadrat emtori filii. Mancipatione enim emtor non fiebat pater, sed dominus, *Fiducia*

cia

Hic enim non idem videtur fuisse, ac antestatus, quum & ceteroquin emtor in mancipationibus ab antestato differret. Dictus autem pater *fiduciarius* a contractu *fiduciae* qui in tertia mancipatione interponebatur, vel ex novis legibus tacite interpositus censebatur. §. *ult. Inst. de legit. agn. success. Fiduciam autem*, (inquit Boeth. *Comment. ad Cicer. Topic. IV.*) *accipit, cuicumque res aliqua mancipatur, ut remanipet.*

IX. His ergo praesentibus, naturalis pater filium suum emtori mancipabat, id est, manu tradebat additis verbis: MANCVPO TIBI HVNC FILIVM, QVI MEVS EST. At ille contra ea, HVNC EGO HOMINEM EX IVRE QVIRITIVM MEVM ESSE AIO, ISQVE MIHI EMTVS EST HOC AERE, HAC AENEAQVE LIBRA: statimque, percussa libra, sesterrium numum (e) dicis causa tradebat ei, a quo filium acceperat, quem

IX. VI)
Trinae
mancipationes.

cia quoque in tertia demum mancipatione contrahabatur. Tunc ergo demum emtor iste *fiduciarius* vocari coepit. Sed Anianus fortassis hic Caium turbavit. Vid. Schulting. *ad Cai. Inst. l. 9 p. 55.*

(e) Apud Caium est: *Vnum aut duos numos.* Id vero procul dubio ab Aniano est. In mancipationibus semper requirebatur *numus unus, quatuor affiui*, id est, sesterterius. Testantur inscriptiones apud Grotium, & Spon. *Miscell. p. CCXCLII.* in quibus semper in mancipationibus mentio fit SESTERTEII NVMI VNIVS. Testantur veteres Auctores, veluti Vitruv. *Architell. l. 4.* *Nuno sesterterio mancipio dedit.* Testatur scriptum ius nostrum *L. ult. C. de donat.* ubi conferri merentur Cai. *Obs. X, 37. XIX, 31.* Ant. Augustin. *Emend. II, 7.* Fridr. Brummer. *de Leg. Cinc. XIV,*

VII) Ad-
ditum pa-
trum fi-
duciae.

quem deinde sollemniter manumittebat emtor. Quandoquidem vero ex principiis iuris Romani filius semel iterumque manumissus in potestatem patris recidebat: Dionys. Hal. II, p. 96. non poterat non imaginaria ista venditio ter repeti. Vbi postrema fiebat mancipatio, contractus fiducia accedebat, paterque naturalis haec verba addebat: EGO VERO HVNC FILIUM MEVM TIBI MANCVPO, EA CONDITIONE, VT MIHI REMANCVPES VT INTER BONOS BENE AGIER OPORTET, NE PROPTER TE TVAMQVE FIDEM FRAVDER. Cic. de officiis III, 15. ad famil. Epist. VII, 12. Sigon. de iudic. I, 5. Ille contra statim, recepto testertio, filium patri naturali remancipabat. Quod ideo a Romanis excogitatum fuerat, vt ne, si a fiduciario manumitteretur, hic iura patronatus retineret, & naturalem patrem hereditate excluderet. Cai. Inst. I, 6. p. m. 59. Remancipatum ergo sibi filium pater naturalis denique manumittebat, & quidem ordinario vindictae ritu, additis alapis. Vnde emancipatio olim μετ' ὕβριων καὶ βλαπτμάτων cum iniuriis & alapis facta dicitur. Nonell. LXXXI praef. Hosce ritus omnes debemus Caio in Inst. I, 6. 3. sed pessime habito ab Aniano, vnde pleraque ex doctorum virorum notis, & maxime Fr. Brummeri victuro opere de lege Cincia, vel emendanda vel supplenda fuerunt.

X. Cir-
cumstan-
tiae tem-
poris.

X. Poterant porro trinae istae mancipationes vel eodem die, iisdem testibus, vel interiectis aliquot diebus, aliisque adhibitis testibus

stibus, seorsum fieri. Paull. *Recept. Sent. I.*, 25. 2.

XI. Opus quoque his sollemnitatibus ter repetitis erat duntaxat in emancipatione filii, quum filiae & nepotes vnica tantum emancipatione patria potestate exirent. Addebatur tamen & hic fiducia de remanicipatione, vt ne pater naturalis successionem ab intestato amitteret. Cai. *Inst. l. c.* Vlpian. *Fragm. X.*, 1.

XI. Vnica emancipatio sufficiebat in emancipatione filiae & nepotum.

XII. Et haec est vetus illa ac sollemnis emancipatio, quae, vt aliae formulae ac sollemnitates, displicere posteritati coepit. Quare ANASTASIUS Imperator nouum inuenit emancipandi modum, qui solum Principis rescriptum iudici insinuandum exigeret, & omnia tamen veteris emancipationis effecta haberet. *L. 5. C. de emanc. lib.*

XII. Emancipatio Anastasiana.

XIII. Deinde IVSTINIANVS, & has aboliturus ambages, Anastasianam quidem emancipationem non sustulit, sed tamen patribus permisit, vt statim adirent magistratum competentem, & coram eo consentiente filio declararent, quod filium sint e potestate dimissuri. *L. ult. C. de emancip. lib.* Idque, teste Harmenopulo, hac fiebat formula: HVNC SVI IVRIS ESSE PATIOR, MEAQVE MANVM MITTO. Harmenop. *Prompt. I.*, 17. 8. Sed posterioribus his speciebus nomen EMANCIPATIONIS vix quadrare, satis adparet.

XIII. Emancipatio noua, vel Iustinianca.

XIV. Postrenus modus, quo patria potestas soluebatur, erat DIGNITAS. Et quauis Dionysius Halic. *II*, p. 96. nullam dignita-

XIV. Dignitas olim non soluebat patriam

potesta-
tem.

tem patria potestate liberasse contendat: iam ab antiquissimis tamen temporibus Flamines Diales & Virgines Vestales patria potestate liberabantur. Vlpian. *Fragm. X, §. Gell. Noct. Attic. I, 12.* Id quod tamen non tam ob dignitatem, quam ideo potius factum videtur, quia tum Flamines Diales, tum Vestales virgines a pontificibus manu capiebantur. Quum ergo capti ex principiis iuris Romani capite deminui dicerentur, & hinc iure patriae potestatis exirent: mirum non est, utrumque etiam hoc sacerdotium eam potestatem soluisse. De ritu capiendi Vestales vid. Dionys. *Hal. II, 68.* apud quem, quod obiter moneo verbum *disponitur* Sylburgius parum accurate vertit *optandi*, quum vertendum fuisset *capiendi*. Gell. *I, 12.* Lips. *de Vesta & Vestal. V.* Flaminis Dialis capti meminit Liu. *XXVII, 8.* ubi conf. lac. Guther. *de vet. iur. Pontif. I, 32.* Quin & uxores Dialium patria potestate exibat, quod Scito demum restrictum tempore Tiberii. Tacit. *Annal. IV, 16.*

XV. Iustini-
anus ta-
men p. p.
exire vo-
luit Patri-
cios.

XV. At Iustinianus postea & *Patriciatus* dignitatem immunem esse iussit a patrio imperio. *L. fin. C. de consul. §. 4. Inst. b. t.* Iam ante Iustinianum enim patriciatum a patria potestate non liberasse, idque frustra ex Cassiodori *Var. VI, 2.* colligi contra Vinn. *ad §. 4. Inst. b. t.* & Bachou. *in Diss. ad Treutl. Vol. II. Diss. 2. th. ult.* accurate eicit V. C. Reinold. *Var. Cap. XIX.* Cane vero hic intelligas antiquos illos patricios quos in libera republica plebeiis oppositos constat. Constantinus enim Magnus praecipuos

puos rerum administratos vocare solebat patricios, ut se quasi principum patres esse meminissent. Ii ipsos Praefectos Praetorio ordine antebant, Zosim. *Hist.* II, 40. nec minor, quam horum in imperio erat auctoritas. Quemadmodum enim Praefecti proponebant Edicta, quae deinde in unum corpus collecta τῶν ἰσχυρῶν nomine veniebant: ita idem iusserat Patricius, quorum edicta collecta τὰ Πατρικία dicebantur, sicuti ipsorum principum βασιλεὺς. Vid. Cuiac. *Obs.* VI, 10. Vnde parum accurate Dionys. Gothofred. in *Nomenclatore Graecar. iur. diction.* ad *Harmonopol.* p. 447. τῶν μαγιστρῶν ἀρχόντων, *consilium* *Romani* *imp.* *aut* *potius* *Commentarius* *magistri* *ad* *Romani* *Constitutiones*, *aut* *certe* *liber* *a* *magistro* *Romani* *nomine* *compositus* *suisque* *titulis* *distinctus*, *aut* *potius* *aliud* *πατρικίον*, *aliud* *τὰ* *τῶν* *μαγιστρῶν* *ἀρχόντων*. Vbi sane dum plures coniecturas repraesentat, a re plane aberrat vir doctissimus. Ceterum & posteris ea dignitas summa semper & splendidissima visa est. Vid. Cassiodor. *Var.* VI, 2.

XVI. Idem beneficium deinde Iustinianus cum Episcopis, quin & cum aliis, qui magistratuum honoratorum dignitate pollebant, veluti cum Consulibus, Consularibus, Praefectis Praetorio, & Urbi, Magistris militum & patris Eisci communicavit. Nouell. LXXXI.

XVI. Episcopos.

XVII. Accedebant quaedam causae, ob quas parentes etiam iniuri cogerebantur liberos e potestate dimittere, de quibus passim iure consulti. Cont. Thom. *Dissert. de usu praet. b.*

XVII. De causis emancipandi necessarius,

Provinciarum

*ius tit. I, 15. & 16. quae nos diximus in Elem.
Iur. Ciu. §. 198.*

TIT. XIII. VSQVE AD XV. ET
XVII. VSQVE AD XX.

DE

TVTELIS TESTAMENTARIA,
LEGITIMA, FIDVCIARIA,
DATIVA.

Sequitur tertia personarum diuisio, aut subdiuisio potius personarum sui iuris. Harum enim *quaedam* in TVTELA *aliae* in CVRATIONE sunt, *quaedam* NEVTRO IVRE *tenentur*, *Princ. Inst. h. t.* Ipsa tutela curaque eorum, qui per aetatem vel imbecillitatem intellectus se ipsi defendere nequeunt, est iuris gentium, & hinc apud omnes peraeque gentes recepta. Vid. Selden. *de uxore Ebr. 11, 3* Puffend. *Iur. Nat. & Gent, 17, 4.* Sed Romani in multis a simplicitate ista iuris naturalis deflexerunt. Vnde apud eos alia tutela IMPVBERVM alia curatio MINORVM aliorumque, qui rebus suis ipsi superesse non poterant, alia tutela FEMINARVM. De omnibus ex antiquitatibus Romanis nonnulla monenda.

TIT. XII.
I. Tutela
Romae
antiquis-
sima.

I. TVTELA IMPVBERVM tam antiqua est, ut & sub Regibus eius exemplum reperiamus. Ancum enim Marcium filiis tutorem dedisse L. Tarquinius Priscum, adparet ex Liu. I, 46. Quum ergo Tarquinius nec agnatus fuerit, nec eo tempore leges de tutela dativa exstarent,

rent adeoque ea tutela procul dubio testamentaria fuerit: sequitur, vt haec sit reliquis antiquior.

II. Certe & legibus XII. Tabularum ea tutelae species confirmata est, prospectumque, vt patri de liberorum tutela in testamento disponendi facultas esset. Legitima verba ex Auctore ad Herennium, Cicerone, Vlpiano & Paulo ita restituit Iac. Gothofredus *de Leg. XII. Tab. V. 1.* PATER FAMILIAS, VTI LEGASSIT SVPER PECVNIAE TVTELAEVE SVAE REI, ITA IVS ESTO. *Legare* hic non solum singulas res testamento relinquere, sed & omne testamentarium negotium denotat, idemque adeo est, ac *testari, testamento statuere, vel decernere*. Est enim *legare*, ceu syllabae primae quantitas docet, a Graeco vetusto *λάχειν* vel *λήγειν* unde futurum, *λήξω*, quod verbo *λαγχάνω* tribuunt grammatici, *ληξίς hereditas & ληξίαρχος magistratus Atheniensium*. — In primis autem *legare* Latinis erat legis modo disponere, mandare, legem dicere, rebus suis, *νομοθετεῖν*, ceu infra ad titulum *de Legatis* docebimus. *Super pecuniae tutela* *εὐε ἀρχαῖκῶς* dicitur. Non enim rarum fuit apud antiquos, casum secundum pro sexto adhiberi. Sic in marmore Salernitano apud Grut. p. CCCXLIII, 2.

TIT. XIV.
II. Lex
XII. Tabularum
de tutela
testamentaria.

ACERRIO. FIRMEO. LEONTIO. PRIMARIO. VIRO. ET. EDITORI. MVNERIS. SVI. CVM. FERARVM. LIBYCARVM. QVI. VIXIT. ANN. XXX. DIGNISSIMO. FILIO.

CON-

CONSACRABERVNT.

Pecunia porro non solum numos, sed & omnem substantiam testatoris, immo & iura complectitur. *Quidquid enim homines possident in terra, quorum dominii sunt, PECUNIA vocatur, seruis sit, (vix) ager, arbor, pecus: quidquid horum est, pecunia vocatur,* inquit Augustin. *De Discipl. Christi. VI, p. 585. Tom. VI. op.* plane iuridice, vti patet ex *L. 222. D. de verb. signif.* Denique *SVAE REI* dum additur, id sanè referendum ad ipsos liberos, (a) qui iure veteri erant in dominio *Quiritario*, adeoque *RES MANCIPI* (*Lib. II. Tit. 13. XV.*) Sensus ergo est, quamcunque legem paterfamilias in testamento suo dixerit, & quocunque modo disposuerit, & de rebus suis, & de ipsis bonis ac facultatibus eorum, (scilicet per substitutionem pupillarem) ita ratum post mortem futurum. Quum enim antea sub regibus, calatis comitiis testamenta fierent, adeoque heredum tutorumque institutio a populi magis arbitrio, quam voluntate testatoris, penderet: mutatum id est lege decemuirali, permissum-

(a) Vnde non est, quod lectionem hanc sollicitet V. C. Gerard. Noode. *Obs. II, 19.* vbi legi iubet: *Super tutela pecunieque suae, additque tutelam suam* idem esse ac tutelam eius, qui suus testatori heres sit. Nemo enim temere ita loqueretur. Nec obstat, tutelam non habere locum in liberis, dum sunt *res suae*, id est, in patria potestate constituti. Legat enim pater de tutela suae rei, sed in eum calum, quo liberi futuri sint capita libera.

(b)

missumque patrifamilias cuius, de tutela pecuniaque suae rei liberrime disponere.

III. Si quis ergo paterfamilias liberis quos in potestate habebat, siue liberos siue seruos suos, hos tamen cum libertate, tutores dederat: (b) si sine satisfactione atque inquisitione admittebantur, ipsosque excludebant legitimos; dummodo essent ciues. Nam Latini Iuniani, quamuis cum iis esset testamenti factio, tutores tamen dari non poterant per legem Iunianam. *Ulpian. Fragm. XI. 16.* Quia vero fundamentum huius tutelae testamentariae erat patria potestas: consequens erat, ut & nepotibus, qui in patris potestatem defuncto auctore non essent recasuri, & exheredatis impuberibus tutores testamento constitui possent. *Vid. L. 4. & 26. §. 2. & L. 31. D. de test. tut.* Et inde simul patet ratio, cur mater tutores testamento dare non posset, *L. 2. D. de confirm. tut.* quamuis tutor ab ea datus confirmari solet cum inquisitione, modo ea pupillum simul heredem instituisse. *L. 4. D. de test. tut. L. 4. D. de conf. tut. L. 7. §. 1. L. 8. D. eod.* Quae confirmatio & aliis casibus quibus tutoris dationi vitii quid inesse videbatur, accedere solebat, ceu Icti pluribus docent in libellis suis.

IV. Quum vero contingere posset, ut intestatus saltem quod ad tutelam decederet paterfamilias: iisdem legibus decemviralibus fuerat

III. Tutelae testamentariae in doles.

III. Tutelae testamentariae in doles.

TIT. XV. IV. Lex XII. Tab. de Tutela

agnatorum legitima.

(b) Formulas quibus in testamentis usi Romani, si tutores dare vellent, colligit Brillon. *de Form. VII. pag. 616.*

(c)

constitutum : AST SI INTTESTATO MORITVR, CUI SVVS HERES NEC ESCIT, AGNATVS PROXIMVS TVTELAM NANCITOR. Gothofred. *ad XII. Tab. V, 4.* Et ab hac lege *legitima* dicta est tutela, ad quam agnati ab ipsa lege vocabantur.

V. Origo
huius tu-
telae.

V. Quenam sit huius legis origo, eruditis nondum liquet. Veteres legislatores mirifice hic discreparunt. Solon agnatos a tutela prohibuit, veritus procul dubio, ne hereditatem, quam sperarent, capere mallent, quam exspectare. Hinc potius cognatis credidit pupillos, nec proximis tamen semper, sed quoscumque Archontes idoneos iudicassent Diog. Laert. I, 56. *Petit. de leg. Attic. VI, 7.* Charondas contra, seiuncta educationis bonorumque cura, illam penes cognatos, hanc penes agnatos esse voluit, quum nec illi tollendi e medio pupilli, nec hi dissipandarum facultatum villam haberent causam Diod. Sic. *Biblioth. XII, 8.* Denique Lycurgus agnatos proximos ad tutelam vocavit, forsan, quod in tanta Spartanorum continentia & paupertate non admodum metuerentur insidiae. Exemplum sane legitimae agnatorum tutelae Spartaee receptae, est apud Herodot. I, 65. ubi ipse Lycurgus dicitur *ἐπιτροπύσας λιωβώτιω, ἀδελφίδης μὲν ἰωῦτι, βασιλεύοντος δὲ Σπαρτινίων.* Tutor & idem patruus Leoboti Spartiatarum Regis. Add. Crag. *de Rep. Lac. II, 11.* Spartanos ergo imitati videntur decemviri. Lacedaemoniorum sane non minus, quam aliorum Graecorum, instituta in XII. tabulas migrasse, iamdudum obseruarunt Athenaeus.

VI, p. 273. Symmach. *Epist.* III, 11. Ammian. Marcellin. XVI, 5.

VI. Satisne vero prudenter eam Spartanorum legem ciuitate donarint decemuiri, alii viderint. Non sane tanta erat Romanorum, quanta Laconum, continentia, non idem vtrouque diuitiarum contentus. Hinc tot iniquissimi heredipetae, quorum characterem egregie expresse runt Pers. *Sat.* II, v. 12. 13. Horat. *Serm.* II, 5. Iuuenal. *Sat.* V, v. 98. VI, v. 38. XII, v. 93. Martial. *Epigr.* VI, 63. VIII, 17. Conf. Thomaf. *Dissert. de iniusto iure heredipet.* §. XIV. sequ. Bynkersh. *de capt. instit.* p. 303. sequ. An religioni sibi duxerint homines tam lucri cupidi, pupillum, cuius proximi heredes erant, interimere? Vnde mirum est, legislatoriam decemuirorum prudentiam hac in re quosdam tantopere admirari.

VII. In iisdem porro XII. tabulis erat constitutum: SI LIBERTVS INTESTATO MORITVR, CUI SVVS HERES NEC ESCIT, AST PATRONVS PATRONIVE LIBERI ESCINT, EX EA FAMILIA IN EAM FAMILIAM PROXIMO PECVNIA DVITOR. Gothofr. *ad XII. Tab.* VI, 2. Et ex hac quidem lege defuncto sine prole liberto patronus, vel, hoc praemortuo, eiusdem liberi in capita succedebant ab intestato, remotioresque excludebant. L. 13. §. 1. *D. de bon. libert.* VI. pian. *Fragm.* XXIX, 1. Quum ergo iam dudum Romae valuisset regula: *Vbi successionis emolumentum; ibi & tutelae onus esse debere*: aequum visum est iureconsultis, vt etiam in tutela patronorum

VI. Tutela legitima occasionem dedit fraudibus heredipetarum.

TIT. XVII. VII. Origo legitimae patronorum tutelae.

norum essent libertorum liberi. *L. 3. pr. & §. 1. D. de legit. tut.* Et hinc nata legitima patronorum tutela, quam per consequentiam ex lege duodecim tabularum introductam, recte ait Vlpian. *Frag. XI, 3.*

TIT. XIX.
VIII. Ori-
go legiti-
mae pa-
rentum
tutela.

VIII. Diximus supra Tit. XII. §. IX. patrem naturalem, emancipantem liberos, ultimae mancipationi addidisse pactum *fiduciae*: EGO VERO HVNC FILIVM MEVM TIBI MANCVPO; EA CONDITIONE, VT MIHI REMANCVPES, VT INTER BONOS BENE AGIER OPORTET NE PROPTER TE TVAMQVE FIDEM FRAVDER. Diximus etiam, tunc emptorem, seu patrem fiduciarium, filium sibi mancipatum patri naturali remancipasse, a quo demum fuerit per vindictam manumissus. Diximus denique id ideo factum esse, vt pater naturalis iura patronatus coniunctamque cum iis spem succedendi ab intestato retineret. Vid. supra *Lib. I. Tit. XII, 8. §. 9.* Quum ergo penes patrem, tanquam patronum, spes remaneret successionis: ex prudentum interpretatione deferenda etiam ei videbatur tutela legitima, si filius emancipatus adhuc esset impubes. Mortuo porro patre, fratres istius emancipati natu maiores, si essent maiorennes, ad tutelam vocabantur. Quum vero hi non essent heredes ab intestato tutela illa non poterat dici legitima. Vocata ergo est *fiduciaria*, ab illo pacto *fiduciae*, quod in emancipatione intercesserat. Quamvis ex Vlpiano pateat, olim non legitimam fratrum sed parentum tutelam dictam esse *fiduciariam*: idque

TIT. XIX.
vt & tute-
lae fidu-
ciariae.

que vel ideo concinnius sit vocabulum, quod pactum illud fiducia non frater, sed pater emancipans interposuerit. Ita tamen & Modestinus hanc tutelam vocat *L. 4. D. de legit. tut.* nisi & eam in legem falcem immisit Tribonianus. Vid. Ant. Schulting. *ad Vlpian. Fragm. XI, §. p. 595.* Huber. *Digress. I, I. 4.*

IX. Enimuero, quum non deessent casus, quibus & testamentarii & legitimi tutores deficerent: visum & Romanis, noua lege cauere, vt impuberibus tunc tutores darentur. Factum ergo ea de re plebiscitum, quod LEGIS ATILIAE (c) nomine in iure laudatur. Tempus huius legis latae incertum est, nisi quod eam ante annum ab V. C. DLXVII. conditam doceri possit ex Liuiio XXXIX, 6. Vid. Car. Sigon. *de antiquo iure cin. Rom. I, 13.* Inuenimus sane, *Atilium Longum*, Trib. plebis fuisse anno V. C. CCCIX. *L. Atilium* anno CCCXLIII. Liu. IX, 30. sed neutrum hanc legem tulisse verosimile est quoniam tunc nondum erat Praetor. Annum V. C. CCCCLX. quo praetor fuit M. Atilius Regulus, huic legi adsignat Steph. Vin. Pigh. *in Annal. ad ann. CCCCLX.* sed

TIT. XX.

IX. Lex

Atilia de

tutore

datiuo

quando

lata.

(c) ATILIA non ATTILIA dicitur haec gens apud Liuium, Tacitum, Ciceronem, & maxime in numis & marmoribus. Vid. Fulv. Ursin. *de famil. Romanorum ex numism.* p. 42. edit. Patini. Erat ea gens Romae nobilissima in tres potissimum diuisa familias, quarum vna *Regulorum*, altera *Serranorum*, tertia *Calatinorum* cognomen ferebat. Gentis totius seriem accurate dedit Iac. Perizon. *Animad. Hist. Cap. I, p. 26.*

N

(d)

fed & hunc non magis auctorem legis esse arbitramur: maxime, quum Praetores plebiscita ferre non solerent. Procul dubio lata est anno CCCCXLIII. a L. Atilio Regulo, Trib. pleb. cuius meminit Liu. IX, 30.

X. Quid
ea lege
sancitum?

X. Hac vero lege cautum est, ut pupillis, & feminis, quibus nec testamentarius, nec legitimus tutor esset, tutor daretur a praetore & maiore parte tribunorum plebis (d). Exemplum est apud Liu. XXXIX, 9. ubi Fecennia Hispala post patris mortem, quia nullius in manu esset, tutorem a tribunis & praetore petiisse dicitur. Dicitur eiusmodi tutor *Atilianus*, nec non *dativus*, a formula, qua uti Praetores solebant: DO TE TUTOREM. Briffon. *de Form. V*, p. 408.

XI. Lex
Iulia &
Titia.

XI. Sed quum ea lex Romae tantum haberet locum: (Vlpian. *Fragm. XI*, 18.) anno V. C. DCCXXII. Augusto III. & M. Titio M. F. Rufo Coss. lata est lex Iulia & Titia. Henr. Vales. *ad Excerpt. Peirescian. p. 61. Tacit. Ann. III*, 25. Quia enim antea diu in sola Sicilia fuerat moribus receptum, ut praetores τοῖς ὀρφανοῖς καὶ γυναῖξιν ἐνέμοις συγγενῶν pupillis & feminis agnatorum cura destitutis, tutores darent; Diodor. Sic. in *Excerpt. Peiresc. p. 397.* factum est ut illud ius hac lege

(d) Id vero ideo videtur sancitum, quia aliquando una cum praetore edicta conscribebant tribuni, aut certe hi a praetoribus in consilium adhibebantur. Vid. Cic. *de offic. III*, 20. Ceterum hic id singulare est, quod plura Tribunorum plebis suffragia vincerent pauciora, quum alias singulis esset ius intercedendi turbandique reliquorum decreta. Observatum id iam a Fr. Hotomano. & Arn. Vinnio *ad pr. l. jst. de Atil. tut.* (e)

lege etiam cum aliis prouinciis communicaretur, iuberenturque praefides etiam in prouinciis tutores dare. *Vlpian. Fragm. l. c.*

XII. Sed tamen haec tutoris datio non vnam postea subiit mutationem. Quum enim tribuni & praetores negligentius forsitan eo munere fungerentur : sancitum est *Scito Claudiano*, ut pupillis extraordinem tutores a consulibus darentur. *Suet. Claud. XXIII.* Hinc ad Traiani vsque tempora tutores a consulibus datos legimus apud *Plin. Epist. IX, 13.* Horum ergo erat, simul inquirere in tutoris conditionem atque indolem, ne quid res pupilli detrimenti caperent. §. 3. *Inst. h. t.* Quaestiones in ista inquisitione propositas recenset *Iac. Cuiac. in Papinian, ad L. §. C. de cons. tut. p. 296.*

XIII. Mox tamen & consulares tutelae displicuerunt. Vnde ius dandi tutores praetoribus constitutione restituit *M. Antoninus Imp.* ita tamen, ut singularem faceret *Praetorem*, quem ab officio *tutelarem* vel *pupillarem* adpellabant. *Iul. Capitolin. vid. Marci. X. §. 3. Inst. h. t.* Haec Praetura satis diu Romae mansit. Nam *ANICII AVCHENII BASSI, PRAETORIS TUTELARIS* mentio fit in marmore apud *Reines. Inscr. VI, 4.* Alia monumenta, in quibus huius Praetoris fit mentio, collegit *Ios. Castalio. Var. Lect. XX.*

XIV. Paulo post moribus inualuit, ut Romae praefectus vrbi & praetor secundum suam iurisdictionem, in prouinciis vero Praefides immo & Legati Procons. ex speciali lege, id est ex *Oratione D. Marci* tutores ex inquisitione

XII. Tutoris datio consulibus *Scito Claudiano* iniuncta.

XIII. Praetor tutelaris factus ab *Antonino.*

XIV. Praefectus & Praetor quando tutores dederint?

tione darent, qui tamen etiam inferiori magistratui id negotii dare poterant, si non adeo magnae erant pupillorum facultates, §. 4. *Inst. b. t. L. 1. pr. §. 1. L. 3. L. 19. pr. §. 1. D. b. t.* Erant autem *Defensores ciuitatum*, qui & *ἐκδμοι*, & *Vindices* adpellati, similes tribunis plebis Romanorumque erat plebis iura aduersus magistratus tueri. *L. 1. C. de off. iurid. Alex.* Vnde eos cum *τοποτηρηταίς*, *seruatoribus locorum*, *locorum iudicibus*, *vicariis* qui iuris dicundi causa a Praefectis praet. mittebantur, non confundendos monet Cuiac. *Obseru. III, 14. (e)* Quae loca cum *L. 8. D. de tut. & curat. datis ab his.* diligenter, vt solet, contendit Ger. Nood. *de Iurisd. II, 8. p. 162.*

XV. Iustiniani
noua
Constitutio.

XV. Denique Iustinianus sanxit, si pupilli vel adulti facultates vsque ad D. solidos valeant, Defensores ciuitatum vna cum episcopo, vel alii magistratus, etiam non expectata Praefidis iussione, vel Iuridicus Alexandrinus tutores vel curatores darent. *L. 30. C. de Episc. aud. §. 5. Inst. b. t.*

XVI. Tutelae mulierum origo.

XVI. Haec tralatitia sunt. Antiquitatum vero studiosis porro est obseruandum, non solum pupillos tutelae, iure veteri Romano, subfuisse, sed & feminas. Et Athenis quidem idem fieri consueuerat, vbi noti mulierum tutores, quos *κυρίως* adpellabant. Vid. Guil. Budaei

(e) Obseruata tamen differentia, vt, si Praefides ipsi tutores darent, id fieret cum inquisitione: sin magistratus municipales; cum satisfactione. Qua de re infra.

dae*i Comment. Graec. Lingu. p. 44. 45. Pfeiffer. Antiqu. Graec. IV, 5. p. 616. Salmas. de mod. usurar. IV, p. 165.* Sane enim in negotiis omnibus a feminis Graecis adhibendi erant tutores, Cic. *pro Flacc. XXX.* adeo ut contrahere non possent sine illis *πέρα μέδῖμου καὶ θύον ultra modium bordei.* Dio Chrylost. *Orat. LXXV.* & alii veteres, quos excitarunt Meurs. *Them. Att. II, 9.* & Salmas. *de mod. usur. cap. X. p. 425.* Nec agere vel conueniri Athenis poterat mulier sine tutore, & hinc illa vox Praeconis in iudiciis Atticis: *ἡ δέῖνα καὶ ὁ κύριος, Citatur haec mulier, eiusque tutor.* Vid. V. C. Eu. Otto *Diff. IV. cap. I. §. 6.* Inde itaque est, quod nonnulli mulierum istam tutelam e iure Attico in Romanum permanasse existimant. Schilter. *Exerc. ad Pand. XXXVIII, 227. p. 691.* Vinc. Graulina *de leg. & senatuscons. p. 550.* Sed praeterquam quod illa tutela plane diuersa a Romana fuisse probatur a Meursio *Attic. Lect. III, 24.* videtur etiam ista propter infirmitatem consilii iam inde ab ipsa urbis origine Romae recepta. Quamuis enim id non sequatur ex loco Plutarchi *in Numa p. 66.* ubi Vestalibus id priuilegii concessisse Numa dicitur, ut a tutela essent immunes, (ex quo loco alias colligunt, mulieres iam tum ab eo tempore sub tutela fuisse) (f) certius tamen id colligere

(f) Id priuilegium Vestalibus non concessit Numa, quidquid dicat *Plutarchus.* Ius enim trium liberorum, quod ibidem ait Vestalibus concessum, Numae temporibus erat incognitum. Praeterea ad Augustum hoc Vestalium priuilegium refert Dio Cass. *lib.*

ligere licet ex loco Catonis apud Liu. XXXIV, 2. *Maiores nostri nullam, ne priuatam quidem rem, agere feminas sine auctore voluerunt, in manu esse parentum, fratrum, virorum.* Conf. & Cicero (g) *pro Muraena XII.*

XVII.

LVI. p. 578. Iust. Lips. *de Vesta & Vestal. XII.* Sed adde tamen, quae scripsimus in *Comment. ad L. Iul. & Pap. Lib. I. cap. 2. p. 27.* vbi Plutarchi locum vna littera mutata ita emendauimus; Τιμας δὲ μεγάλας ἀπιδόσαν (pro ἀπιδόσαν) ἱερᾶς παρθένους, ὅν τις καὶ τὰ διάδοχα ζῶντος ἱεῖναι πατρός, καὶ τὰλλα πράττειν αὐτοῦ προσάτη, διαγύσας, ὥσπερ αἱ τρέτταιδες. *Tribuerunt (non Numa sed Romani) Vestalibus ingentes honores, inter quos testamenta vel superstiti patre nuncupandi ius, & sine tutore liberum suarum rerum arbitrium, ut, quibus tres sunt liberi. Multa enim Plutarchum data occasione per πρόληψιν referre solere, ibidem ostendimus.*

(g) Verba Ciceronis sunt: *Nam quum per multa praeclare legibus essent constituta, ea iureconsultorum ingeniiis pleraque corrupta sunt. Mulieres omnes propter infirmitatem consilii maiores in tutorum potestate esse voluerunt; hi inuenerunt genera tutorum, quae potestate mulierum continerentur.* Locus hic ab ipsis interpretibus parum intellectus est. Fr. Sylu. p. m. 635. ait, iureconsultos inuenisse tutelas, quibus non mulieres sub tutorum, sed hi sub mulierum potestate essent. Sed haec numeris Platonice obscuriora, Phil. Melanchth. p. 672. & Io. Benignus p. 744. intelligunt tutelam maternam liberorum, Sed ea non est illorum temporum, ut patet ex Nou. CXVIII, 5. Ioach. Camerarius p. 700. plane ἰσχύει. Sed certissimum est, intelligi tutores ab ipsis mulieribus electos. Mulieres conuentione in manum liberantur a tutela, & filiarum familias loco habebantur. Quum ergo pater familias iure posset testari de tutela: factum

XVII. Erat vero haec mulierum tutela *vel pupillaris vel perpetua*, Boeth. in *Topica Cic. IV.* quarum hanc illi praeferebant veteres, teste Gellio *Noct. Att. V, 13.* *Pupillarem* pubertas finiebat; *perpetua* ne maiorenitate quidem expirabat. *Pupillarum* tutores & negotia gerebant, & auctoritatem interponebant. *Adultarum* vero negotiis tutores tantum auctoritatem interponebant non vero gerebant. Hinc verbi causa recte mulieri adultae poterat solui. *Cic. Topic. XI.* At auctoritate tutorum opus erat, si illa lege aut legitimo iudicio agere vellet, si se obligaret, si negotium civile gereret, si rem mancipi alienaret. *Cic. pro A. Caecin. XXV.* *Ulpian. Frag. XI, 25. 27.* Quin & nuptias contrahere, vel in manum conuenire non poterat. *Cic. pro Flacc. cap. XXXIV.*

XVII. Ea
vel pupil-
laris vel
perpetua

XVIII. Erat porro perpetua illa tutela mulierum vel *testamentaria*, vel *legitima* vel *praetoria*. Ista erat in potestate mariti, qui moriens uxori, quae in manum conuenerat, tanquam filiaefamilias, tutorem dabat testamento. Id quod non solum ex loco Ciceronis paullo obscuriore *pro Mur. cap. XII.* Sed & ex hoc testimonio clarissimo *Liuii XXXIX, 19.* patet, ubi *Hispalae Fecenniae SC.* data dicitur *gentis enuptio*, &

XVIII.
Perpetua
vel testa-
mentaria,
vel legi-
tima vel
praetoria.

statum est, ut & morientes mariti testamentis de tutela vxorum disponerent, & ita quidem disponerent, ut iis darent optionem, quem vellent, tutorem sibi eligendi. Exemplum praeclarum est apud *Liuium XXXIX, 19.* Hoc quum contra veteres leges inuexissent iureconsulti, inuenerunt genera tutorum, quae potestate, id est, optione mulierum continerentur.

& TUTORIS OPTIO, *quasi ei VIR TESTAMENTO DEDISSET.* Vid. *Comm. ad L. Iul. & Pap. Lib. II. Cap. XI. p. 237.* Illa erat ordinaria: haec a praetore Urbano & tribunis plebis dabatur, si femina cum tutore legitimo lege aut legitimo iudicio agere vellet, ut eo auctore ageret, vel tutorem legitimum non haberet, vel is pupillus esset. Nam & pupillis tutelam legitimam iure veteri delatam esse, iam Cuiac. *Obs. XVII, 28.* demonstravit. Vlpian. *Fragm. XI, 24.* Quum vero legitima tutela, quasi res iure Quiritium propria in iure posset cedi: is, cui tunc cedebatur, vocabatur *tutor cessicius*, (b) cuius administratio tamen cessabat; simul ac legitimus vel obiisset, vel capite esset deminutus. Vlpian. *Fragm. XI, 7.* Fiebat autem illa cessio, ne agnatus eo onere perpetuo obrueretur, & quidem plerumque alteri agnato, si recte coniecit Iac. Gothofred. *ad L. 2. C. Theod. de tutorib. & curat. creand.*

XIX. An
mariti tu-
tores vx-
orum?

XIX. Quæri etiam solet, an & mariti tutelam vxorum suscipere potuerint? Adfirmat id Scipio Gentilis ad *Apuleii Apolog. n. 1020.* Sed Domitiana erit quaestio, siue proponatur de iis, quæ in manum conuenerant, siue de illis; quæ tantum erant in matrimonio. Illæ non erant in tutela, sed in manu & mancipio maritorum, adeoque non magis poterant tutores habere,

(b) Est quidem apud Vlpian. *Fragm. XI, 7.* vox *cessicius*, sed procul dubio legendum *cessitius*, quemadmodum & tutela ibidem vocatur *cessitia*. Vid. Io. van der Water *Observ. III, 2.*

bere, quam filiaefamilias, quum non essent capita libera. (Vide supra *Lib. I. Tit. X. n. VI.*) hae sui iuris & rerum suarum dominae erant, at in tutela non maritorum, sed agnatorum, vivebant, quia sine horum auctoritate nihil poterat de tutela legitima deminui, vti paullo post demonstrabimus. Hinc apud Gruter. *Inscript. p. DLII, 2.* occurrit monimentum, quod mulier fecit SIBI CONIVGI, ET TVTORI SVO. Si vxores in tutela maritorum esse dicerentur: procul dubio id intelligendum esset improprie de iis, quae in manum conuenerant, quemadmodum & hodie nonnunquam parentes a Ictis satis inconcinne naturales filiorum tutores adpellantur. Ex loco sane Ciceronis *pro Flacco XXXIV.* (i) maritalis ista tutela frustra colligi videtur a Schiltero *Exerc. XXXVII, 229.* Immo posterioribus temporibus tantum abest, vt maritus esse posset vxoris tutor, vt ne curatela

(i) Locus Ciceronis est: *In manum, inquit, conuenerat. Nunc audio. Sed quaero, usu an coemptione? usu non potuit, nihil enim potest de tutela legitima sine omnium tutorum auctoritate deminui. Coemptione? Omnibus ergo auctoribus? In quibus certe Flaccum fuisse, non dices. Relinquitur illud, quod vociferare non destitit, non debuisse, quum praetor esset, suum negotium agere, aut mentionem facere hereditatis.* Hic sane nihil habetur de tutela vxorum in maritos translata. Nec colligi id potest ex verbis; *nihil potest de tutela legitima sine omnium tutorum auctoritate deminui.* De tutela enim legitima non deminuitur aliquid ita, vt maritus loco agnatorum tutor fiat, sed vt vxor in manum conueniat, adeoque tutela ei plane non opus sit, vel vt marito dotem sine auctoritate tutorum constituat.

telam quidem minorennis vel furiosae suscipere posset. Orationem D Marci factumque eam in rem SC. huic curationi obstitisse nouimus ex *L. 14. D. de cur. fur. L. 4. & L. 17. C. de excus. tut.*

XX. A tutela nonnullae priuilegio libertatae.

XX. Sed obsoleuit sensim ista mulierum tutela: Et primo quidem priuilegium illustrioribus nonnullis feminis concessum, vt sine tutorum auctoritate res suas gererent. Virginius Vestalibus eam libertatem indulserat non Numa (vt ex Plutarcho in *Numa p. 66.* colligunt) sed Augustus, sub quo postea etiam Octauiae & Liuiae idem beneficium praestitit Senatus Dio Cass. *XLIX. p. 44.*

XXI. Legis Papiae Poppaeae sanctio de tutela mulierum.

XXI. Neque tamen eo ipso plane sublata tutela mulierum: si quidem lege Papia Poppaea cauerat Augustus, vt a Praetore urbis tutor daretur ei mulieri virginiae, quam ex hac ipsa lege nubere oporteret, ad dotem dandam, dicendam, promittendamue, si legitimum tutorem pupillum haberet. Vid. *Comm. nostr. ad L. lul. & Pap. Lib. II. Cap. 13. p. 253. sequ.* Immo postea & Senatus censuit, in prouinciis a praesidibus ex eadem causa dandos esse tutores. Vlpian. *Fragm. XI, 20.*

XXII. Priuilegium indultum mulieribus, quae ter quaterque pepererant.

XXII. Eadem tamen lege Papia Poppaea inuectum est ius trium & quatuor liberorum, quod etiam a tutela liberabat ingenuas, quae ter; libertinas, quae quater peperissent. Dio *Lib. LVI, p. 578.* Vlpian. *Fragm. XXIX, 2. & 3. Fragm. regul. ex veteri ICo subiectum Collat. Legum Mos. & Rom. n. XV. p. m. 807.* Id vero ius quum saepius etiam steriles & orbi vtriusque sexus

sexus beneficio Principis impetrarent: Dio Cass. *LV*, p. 549. Plin. *Epist. II*, 13. *VII*, 26. X, 95. Paull. *Sent. IV*, 9. 26. facile patet, rariores ex eo tempore factas esse mulierum tutelas.

XXIII. Successit SCTum Claudianum, quo tamen non omnis in vniuersum sublata est tutela mulierum, ceu visum est Iac. Cuiacio *ad L. vn. C. ubi tutor. vel curat* & Marco Vertran. Mauro *de iure trium liber. XXXI*. Sed tantum *cessitia*. Nolebat enim Claudius tutelas mulierum aliis cedi, id quod antea fieri consueuerat; sed oportebat proximos agnatos eas ipsas administrare. Et ita intelligenda esse verba Vlpiani *Fragm. XI*, 8. erudite docet Ant. Schultingius *in Adnot. p. 596 sequ.*

XXIII. An SC. Claudianum tutelas mulierum sustulerit?

XXIV. Mansit ergo ea mulierum tutela sub Antoninis, quorum temporibus exemplum exstat Pudentillae, vxoris Apulei, quae, tutore auctore, praedium emerat. Apulei. *Apol. II*, p. 327. Mansit tempore Vlpiani, quem ad Alexandri Seueri tempora vixisse constat. Mansit sub ipso Constantino, ceu adparet ex *L. 2. C. Theod. de tut. creand.* Mansit denique sub Leone Imp. cuius constitutionem de tutela mulierum *L. 3. C. de legit. tut.* a Triboniani interpolationibus vindicauit Schilter. *Exerc. XXXVII*, 239. Sensim tamen ex eo tempore obsoleuit, adeo, vt Iustiniani temporibus illius nec vola nec vestigium superesset. Vnde & multa in Pandectis & Codice latent fragmenta, quae, quum de tutela mulierum loquerentur, a Triboniano in sensum prorsus alium detorta sunt,

XXIV. Quam diu durauerint?

TIT.

TIT. XVI.

DE

CAPITIS DEMINVTIONE.

Q Via agnationis ius capitis deminutione perimitur, & proinde etiam tutela legitimamorte ista ciuili perit: visum est Triboniano, doctrinam illam de CAPITIS DEMINVTIONE loco plane alieno interferere, eamque subiicere *titulo XV. de legitima agnatorum tutela*. Nos, quum omnes tutelarum species coniunxerimus, iam & de capitis deminutione agemus, non quod eum ordinem putemus concinnum, sed quia Iustiniani institutiones sequi constituimus.

I. Origo
capitis
deminu-
tionis
quae?

I. Origo capitis deminutionis, quam nemo adhuc pro dignitate exposuit, a censibus Romanis videtur repetenda. Notum est, Seru. Tullium Regem vniuersum populum Romanum in sex classes & CXCIII. centurias descripsisse, in quibus constituendis non regionum vrbs aut communium sacrorum, sed opum & facultatum iniit rationem. Vnde in *primam* classem coniecit qui CM. aeris, aut maiorem censum haberent; in *secundam*, qui infra centum usque ad LXXV. millia possiderent. *Tertiae* classis L. millium censum esse voluit, *quartae* XXV. millium *quintae* XI. millium. In *sextam* denique classem coniecti egeni & tenues, qui vel *proletarii* dicti, vel *capite censi*. Illi quod propaganda tantum alendaque prole rempublicam

eam iuarent, hi quod praeter caput & nomen nihil admodum in censu profiterentur, id nomen adepti sunt. *Liv. l. 42. seq. Dionys. Halicarn. Antiq. Roman. IV, 22. Gell. Noct. Attic. XVI, 10.* Quemadmodum ergo *capite censi* dicebantur, qui saltim iure libertatis & ciuitatis gaudebant, adeoque in censuales tabulas referri poterant: ita serui, peregrini, filii familias, *capite destitui* dicebantur, quod non possent in censum suo nomine referri. De seruis certe reliqua est in iure nostro phrasis, eos *caput non habere* §. 4. *Inst. b. t.* Et filiis familias opponi *libera capita*, ex *L. I. D. de tutel. Gell. V, 30. Vlpian. Fragm. XI, 5.* constat. Sed & *capitalis* poena Romanis dicebatur, non tantum illa, quae ultimum inferebat supplicium, sed quae censu eximebat, adeoque vel libertatem, vel ciuitatem perimebat. Barn. Brissou. *de Verb. signif. voce capitalis.* Quoties ergo quis quacunque de causa a tabulis censualibus delebatur; toties *caput de ciuitate dicebatur eximi*, ut loquitur *ICTUS L. 2. D. de publ. iud.* & inde eiusmodi status mutatio *capitis deminutio* adpellabatur. Hinc recte Claudius apud Liuium XLV, 15. contendit, *mouere omnibus tribubus, nihil aliud esse, quam libertatem ciuitatemque eripere, & CENSU EXCLUDERE.*

II. Hanc ergo capitis deminutionem iureconulti in MAXIMAM, MEDIAM ET MINIMAM diuidunt, (a) pro triplici

II. Et
quotaplex?

(a) Equidem nonnunquam veteres duplicem tantum faciunt capitis deminutionem, maiorem & minorem

plici hominis statu, qui Romae poterat mutari.

III. Maximam patiebantur I) incensu.

III. Si quis non ciuitatis tantum, sed & ipsius libertatis fecisset iacturam: deminutionem capitis MAXIMAM dicebatur passus §. 1. *Inst. h. t.* Et hoc quidem contingebat I) *incensu*, id est, iis, qui censum vel militiam subterfugerant, quos iam Seru. Tullius victos & caesos trans Tiberim venundari iusserat (b). Dionys. IV, p. 221. Cic. *pro A. Caecina* XXIV. Vlpian. *Fragm.* XI, 11. Id quod per fictionem quamdam contigisse, quum alias libertas adimi nemini posset, egregie docet Ger. Nood. *Probab.* III. 12. p. 85.

IV. II) Capti ab hostibus.

IV. Deinde maximam istam capitis deminutionem patiebantur II) *capti ab hostibus*. Nam & hi, quum essent in seruitutem detrusi, omnia & libertatis & ciuitatis ipsaque agnationis iura amittebant. Poterant tamen ab his pristina iura recuperari *iure postliminii*, si in ciuitatem reuertissent. Cic. *in Top.* VIII. Fingebatur enim tunc, eos, qui capti fuerant, semper in ciuitate fuisse.

rem. vid. L. 1. §. 4. D. *de suis & legit. hered.* L. 1. §. 3. D. *de extraord. cognit.* Sed in verbis esse differentiam, in re nullam, luculenter ostendit Ger. Nood. *Obseru.* II, 22. p. 468. *sequ.*

(b) Quando itaque Liui. I, 44. ait: *Censu perfecto, quem maturauerat metu legis, de incensis latae, cum vinculorum minis mortisque edixit, ut omnes ciues Romani, equites peditesque in suis quisque centuriis in campo Martio adessent?* procul dubio intelligit mortem istam ciuilem. Non enim credibile est, actionis supplicii metu lustrum, quam ipsum censum, maturasse Seruium, (c)

fuisse. §. 5. *Inst. quib. modis patr. pot. soln.* POST-LIMINIVM vero id ius adpellabatur, non ideo, quod captivus ex hostico ad *limina* vel fines imperii reuertisset, vt ait Tribonianus *d. §. Inst.* quamvis eam *ἐτυμότητα* erudite defendat Menag. *Amoen. Iur. Ciu. Cap. XXXIX, p. 327.* sed a limine, aedium parte. Reuersi enim ex captiuitate, non per limen admittebantur in aedes, si iam diem eos obiisse nunciatum fuerat, quia id mali ominis putabatur, sed post limen per tegulas & impluuium intro se ipsos demittebant, teste Plutarch. *Quaest. Rom. V.*

V. Eiusdem conditionis habebantur III) v. III)
Serui poenae. Quicunque enim atroci sententia Serui poenae.
 ad extremum supplicium veluti ad ignem, ad metalla, bestiasue depugnandas fuerant damnata, libertatis simul ac ciuitatis iura amittebant. Hinc Tertullianus *Apolog. XXVII.* *Vice rebellantium ergastulorum, seu carcerum vel ergastulorum, vel metallorum, vel hoc genus POENALIS SERVITVTIS erumpunt aduersus nos.* Et Plinius *Epist. X, 40.* refert. *Nicomediae & Niceae quosdam, qui vel in opus damnati, vel in ludum similiaque his genera poenarum, PVBLICORVM SERVORVM officio ministerioque defunctos.* Quaedam de hac seruitute dabunt Cuiac. *Obseru. XV, 22.* & Gothofr. Arnold. *Hist. Christ. damnat. ad metall. §. VIII. apud Thomaf. Hist. Sap. & Stultit. Tom. III. 1693. p. 130.* Eam quoque seruitutem perfictionem natam docet Ger. Nood. *Probab. III, 12. p. 86.* Capitali enim supplicio veteri iure nemo ciuium plecti poterat. Commisso vero flagitio, quod morte expiandum videbatur, Quae-
sitores

sitores non ciuem capitis damnabant, (nec enim fas erat,) sed ciuem esse negabant, seruumque vocabant, poenae, vt vitam non tamquam ciuis amitteret, sed tamquam seruus. *L. 29. D. de poen. L. 6. §. 6. D. de iniusto rupto, irrito facto testam.* Attamen hi quoque pristina iura recuperabant, si per omnia in integrum principali indulgentia restituerentur. *Paull. Recept. Sent. IV, 824.* Postea vero hanc seruitutem poenae, quatenus cognatorum interesse visum, aboleuit Iustinianus. *Nou. XXII, 8.*

VI. IV)
Liberti
ingrati.

VI. Porro etiam hanc miseram conditionem subibant IV) *liberti ingrati*, quos Claudius Imp. reuocabat in seruitutem, qua de re dictum supra. ad *Lib. I. Tit. VI. §. 9.*

VII. V)
Qui se venundari
passi.

VII. Nec minus libertatem amittebant V) *maiores XX annis*, qui se pretii participandi causa venundari passi fuerant, de quibus itidem dictum. *Lib. I. Tit. III. n. 7. 8.*

VIII. VI)
Mulieres
seruili amore haec
chantes.

VIII. Nec melioris conditionis erant VI) ingenuae mulieres, quae in serui alieni amplexus ruebant. (c) Quod si enim Domino inuito, & hoc, vel pupilli tutore, vel procuratore domini ter denuntiante, in eodem contubernio perseuerassent; *ancillae*; siue, illo consentiente, *libertae* efficiebantur, decreto & adiudicatione praeto-

(c) Tales mulieres notat Petron. *Satyr. p. 127. Quaedam feminae sordibus calent, nec libidinem concitant, nisi aut seruos viderint, aut statores altius cinctos. Harena aliquas accendit, aut perfusus puluere mulio, aut bistrio, scenae ostentatione traductus. Ex hac nota domina est mea.*

(d)

praetoris. Vid. Paull. *Sent. Rec. II, 21. A. 1. p. m.* 305. Tertull. *ad vxor. II, 8.* Auctor huius iuris Claudius Imperator fuit, vt patet ex Tacito *Ann. XII, 53.* ex quo simul discimus, Pallantis liberti id esse inuentum, cui ideo insignia praetoria & centies quinquagies sestertium decreuit senatus. Plin. *Hist. Nat. XXXV. cap. penult.* & alter Plinius *Epist. VIII, 5.* Denique senatusconsultum illud in vsum reuocauit Vespasianus, si ita intelligendus iocus Suet. *Vesp. XI. (d)* Ast hanc quoque poenam sustulit non Alexander Seuerus, vti visum est Strauchio *Diff. Instit. XI, 39.* (nam *L. 3. C. de lib. causf. de maribus seruorum*; non de feminis seruorum amore calentibus agit,) sed Iustinianus *L. vn. C. de SC. Claud. toll.* parum certe prudenter, siquidem ingenuis mulieribus viam eo ipso ad impares & impudicas maximum coniunctiones muniuit. Cuiac. *Obj. XXI, 16.*

IX. MINORE siue MEDIA capitis diminutione ciuitatis tantum iura, salua libertate, perimebantur, adeoque ii, qui erant in hanc conditionem delapsi, *ad peregrinitatem redigebantur.*

(d) Nisi forte dicere malis, Vespasianum ea de re ad senatum retulisse, non tamquam imperatorem, sed tamquam consulem, aut, si mauis, senatorem laticlavium. Consulatum sane gessit sub Claudio, Suet. *Vesp. Cap. IV.* fortean cum Barea Sorano quem eo ipso anno V. C. 1355. quo SC. illud factum Cof. designatum fuisse refert Tacit. *Ann. XII. 53* Et hinc facile conciliari poterunt Tacitus & Suetonius, quorum ille Claudio, hic Vespasiano hoc SC. tribuit. Ingenio-fa haec est obseruatio Petri Fabri *Semestr. I, 25. p. 140. sequ.* vti pleraque, quae faber ille edolauit.

1) Exsules.

tur. (e) §. 2 *Inst. b. t.* Et huius quidem conditionis habebantur 1) *exsules*, quibus aqua & igne fuerat interdictum. Magna scilicet Romae erat inter *exsilium* & *relegationem* differentia. Illa iura ciuitatis perimebat, quum relegatus ea salua haberet. Hinc Ouid. *Trist.* II.

Quippe RELEGATVS, non EXSVL
dicor in illo,

Parcaque fortunae sunt tibi verba meae.

Quam differentiam alibi ita describit: *Trist.* V, 2.

Nec vitam, nec opus, ius nec mihi ciuis ademit,

Nil nisi me patris iussit abesse focis.

Ipsē RELEGATI non EXSVLIS utitur
in me

Nomine.

Conf. L. 2. D. de Publ. indic. Ad exsilium quod attinet, ciues ad illud adigebantur A Q V A E ET IGNIS INTERDICTIONE, qui ritus paullo altius videtur repetendus.

X. Quid aquae & ignis interdicio?

X. Antiquissimum hoc erat iuris Romani principium, neminem posse inuitum iura ciuitatis amittere. Cicero *pro domo*: XXI. Hoc iuris a maioribus proditum est, ut nemo ciuis Romanus aut libertatem aut ciuitatem possit amittere, nisi ipse AVCTOR factus sit. Idem iuris publici axioma multis verbis inculcat Cic. *pro A. Caecin.* c. XXXIII. docetque ideo Aretinorum proscriptionem, Sulla viuo,

(e) Vnde nec toga amplius iis licebat uti. Plin. *Epist.* IV, 11. Suet. *Claud.* XIV. De ipsa peregrinitatis conditione conf. Briss. *Ant.* I, 13. 15.

(f)

viuo, irritam fuisse, quod contenderat Cicero, *ciuitatem adimi non potuisse*. Quamuis itaque ciuitatis iuribus nemo inuitus priuaretur: attamen ea statim amittebantur, simul ac quis in aliam se ciuitatem adscribi passus esset, quum ex veteri iure duarum ciuitatum cinis nemo esse posset. Idem *pro domo LXXXI*. Ezech. Spanhem. *Orb. Rom. I, 1. 6. p. 11*. Vnde notum est ex Nepot. *Attic. III*. noluisse Atticum Athenis ciuitatis iura suscipere, ne Romanam ciuitatem amitteret. Quod si ergo quemquam e ciuitate electum vellent Romani: eum non vi expellebant, quod ex principio supra adlato fieri non poterat, sed illi tecto, aqua & igne interdicebant. Quibus necessariis vitae subsidiis ademptis, vltro exsilium eligere cogebatur damnatus. Quum itaque a nemine recipi posset: necessario in aliquam ciuitatem exteram se conferebat, eoque demum facto, ciuitatis iura amittebat. Hinc denuo Cicero *pro domo XXX*. *Qui erant rerum capitalium condemnati, non prius hanc ciuitatem amittebant, quum erant in ea recepti, quo vertendi, hoc est, mutandi, soli causa, veniant. Id autem vt esset faciundum, non ad emtionem ciuitatis, sed tecti & aquae & ignis interdictione faciebant.* Ergo si accurate loqui velis, non aquae & ignis interdictione eximebatur caput de ciuitate, vt ait Paullus *L. 2. D. de iudic. publ.* (poterat enim, si vellet in ciuitate mori,) sed adscriptione in aliam ciuitatem, in quam exsul discesserat. Barn. Briffon. *Ant. Rom. III, 5. p. 48*. Quae obseruatio, ne cui sola λογισμαρία videatur, tanti profecto momenti est, vt Cicero oratione allegata

gata neget, se aquae & ignis interdictione ciuitatis iura amisisse, quia nulli se populo adiunxisset, sed delituisset apud amicos. Addantur Vlr. Huber. *Digress. l. 3. 8. p. 192. sequ.*

XI. De-
portati.

XI. Deinde huic aquae & ignis interdictioni addebatur (f) DEPORTATIO, qua ipsa quoque iura ciuitatis eodem modo amittebantur. Auctor illius instituti Augustus, (g) cui, ab exsulibus hinc inde dispersis periculum imperio suo metuenti, Liuia suaferat, vt illos patria extorres insulis includeret. Ita enim apud Dionem LV. p. 562. Liuia : τί γὰρ ἂν ἀδικήσῃ τις , ἐς ἡῶσον κατακλιθεῖς , ἢ καὶ ἐν ἀγρῷ πόλει τινὶ , ἢ ὅπως ἂν πλῆθος οἰκετῶν καὶ χρημάτων , ἀλλὰ καὶ μετὰ φρενῶς ἂν , ἂν γὰρ καὶ τότε δέηται.

Quid

(f) Non enim *deportatio* in locum illius aquae & ignis interdictionis successit, vt Icti aiunt, L. 2. §. 1. *D. de poen. l. 3. D. ad. Leg. lul. pecul.* Mansit potius illa antiqua aquae & ignis interdictione etiam post inuentam deportationem. Tacit. *Ann. VI. 30.* Adiecere tantum Imperatores, vt exsules isti non, vbi liberet, sed in certa quadam insula, viuerent Huber. *Digress. l. 3. 9. p. 195.*

(g) Non Iulius Caesar, ceu ex Suet. *lul. LXVI.* probare satagit Oisfel. *ad Caii Iust. l. 6. 1. p. m. 47.* Supplicium enim, quod nullis minatur Caesar, non fuit deportatio, (non enim eos in certam insulam missum iri ait,) sed poena quaedam extraordinaria. Haec enim sunt Caesaris verba: *Desinant quidam quaerere ultra, aut opinari, mibique, qui compertum habeo, credant; aut quidem vetustissimae nauis impositos, quocumque vento, in quasunque terras iubeo auehi.* Frequentatum postea hoc supplicium inflictumque delatoribus a Tito, Suet. *Tit. cap. 8.* & Traiano: Plin. *Paneg. cap. 34.* immo & Christianis a tyrannis, ceu docuit Cafaub. *ad Suet. lul. p. 92.*

(b)

Quid enim mali fecerit is, qui in insulam conclusus, aut in agro vel in urbe aliqua non modo sine copia servorum, & pecuniarum, sed etiam sub custodia, si hoc res exigeret, haberetur? Ex eo tempore inualuit deportatio. Quam denuo constitutione quadam firmavit Augustus, apud eundem Dion. Cass. LVI, p. 187 Et hinc postea nihil fuit ista in insulas deportatione frequentius. (b) Tac. Ann. III, 68. VI, 30. IV, 21. IV, 13. Fiebat vero deportatio ita, ut rei compedibus vinclis impostique nauibus, servis publicis, qui eos deportarent, traderentur. Oitel. ad Caii Inst. I, 6. 1. p. m. 47. Molesta imprimis erat vel relegatio vel deportatio in Gypsum, Aegypti Insulam, in quam tempore Iustiniani & Iuridicus Alexandriae & Praeses Thebaidos relegare poterant, Cuiac. Obs. XX, 31. itemque in Gyaros, fumo notabiles, Arrian. Diff. Epict. I, 25. & II, 6. & Oasin inter Aegyptum & Cyrenas, muscis & culicibus famosam: de quibus lobis Cuiac Obs. VIII, 27. Omnes autem exsules teste Lactantio Div. Inst. II, perinde habebantur, ac si essent, qui eam sententiam exceperant, morte mulctati. Unde & diem quo ab exsilio quis redierat, NATALEM

(b) Distinguenda tamen haec deportatio a relegatione in insulam, qualis fuit illa, quam passus est Ovidius, in Pontum relegatus Conf. L. 7. *De si quis cautioni in iudicio sistendi causa facti. non obtemperavit.* Suet. Tiber. I. Huic opponitur lata fuga, cuius mentio fit L. 5. *De interd. relegatis & deport.* Ammian Marcell. XIX, 12. vel, ut Iulio Capitol. vit. Marci Anton. XXVI. & Vulcatio Gall. vit. Auid. Cassii. IX. vocatur: *exsiliium & libera vagandi potestas.*

LEM vocabant, tamquam quo vitam primum receperant, Cic. post *Redit. in Senat. cap. XI.* itemque *alterius vitae initium.* Id. *Epist. ad Att. IV, 1.* Quin Cotta ab exilio reuocatus se bis genitum vocat in oratione apud Sallust. in *Frasm. p. m. 500.* Ita & Athenienses patriae restitutos exules *διωτερογενείς*, quasi qui *secunda fata orfos* adpellasse obseruat vir, cui haec debemus doctissimus, Io. Fridr. Gronou. in *Diatrib. ad Stat. Papin. Cap. XII, p. 69.*

XII. Mi-
nima ca-
pitis de-
minutio.

XII. MINIMA denique capitis diminutio iura familiae atque agnationis tollebat. Quum enim census fieret secundum facultates, ut supra dictum: patriis facultatibus cum iure familiae amissis aut in alium translatis, capitis quaedam diminutio fieri credebatur. Id vero factum esse in *manum conuentione, adoptione, & emancipatione*, ex iure notum est, quamuis de emancipatione, an ea inter capitis diminutiones referenda sit, subdubitent Icti tum veteres tum recentiores. Paullus sane non ideo capite diminui putabat, quod ex patria potestate exirent: (ita enim potius fiebant capita libera, & membra ciuitatis,) sed quod emancipatio vetere ritu fieri haut posset, nisi *deducerentur in imaginariam seruilem causam.* L. 3. §. 1. D. de cap. minut. Attamen ne sic quidem omnia in aprico sunt. Si enim ob hanc causam emancipatio est species capitis diminutionis: cur non maxima potius quam minima vocatur? Vid. Huber. *Digress. III, 6.* Thomas, *Schol. & non. addit. ad Huberi Praelect. Inst. p. 47.*

TIT.

TIT. XXI.

D E

AVCTORITATE TVTORVM.

TVtorum erat *auſtoritatem* interponere, quemadmodum curatorum, *conſenſum* commodare De qua TVTORVM AVCTORITATE quum ſingulari titulo agat Imperator: de ea quoque nonnulla ex antiquitatibus Romanis videntur adnotanda.

I. Antiquiſſimum hoc erat iuris Romanſ principium, *alieno nomine agere poſſe neminem*, neque *promittere*, *tertium quid facturum daturumue*. Ergo nectutor pupilli nomine quidquam aut agere aut promittere poterat. Quum tamen lubrica pupillorum aetas conſiliiſque infirmitas non paterentur, pupillis liberam permitti rerum ſuarum adminiſtrationem: tutoribus plus poteſtatis concedendum diſtinguendumque exiſtimabant Romani, infansne eſſet pupillus, an iſtos infantiae annos ſuperarit. Si infans eſſet, tutor omnia agebat non pupilli ſed ſuo nomine. Proſpiciebat pupillo eiſque matri de alimentis & cultu exhibitionis. *L. 13. §. 2. D. de adminiſtr. & peric. tut.* Pupillo herede cum cretione inſtituto bonorum poſſeſſionem petebat, *L. 11. D. h. t.* hereditatem enim cernere & adire pupilli nomine non poterat, quia Cretio & aditio erat aclus legitimus. *L. 4. §. C. de iure delib.* Iac. Gothofr. *Comm. ad C. Theod. tit.*

I. Origo auſtoritatis tutorum.

Quando tutor dictus adminiſtrare & gerere.

de cretione p. 330. Denique bonorum pupilli curam ita gerebat, ut *loco domini* haberetur. *L. 27. D. eod.* Et id quidem tutoris munus, quo tum personae pupilli, tum bonorum eiusdem curam gerebat, vocabatur GESTIO vel ADMINISTRATIO. Cic. *Top. Cap. XI.* Quamvis tam late plerumque hoc vocabulum accipiat a iureconsultis, ut & *auctoritatem* completatur.

II. Quando interponere auctoritatem.

II. Sin infantiae annos superasset pupillus ipse omnes actiones legis, omnesque contractus poterat explicare, ita tamen, ut tutor, perfecto negotio, praesens statim AVCTOR fieret, & hinc vocabatur AVCTORITAS. Quemadmodum enim populus iubebat, Senatus AVCTOR fiebat: Liu. *l. 17.* ita pupillus agebat & contrahebat, tutor interponebat AVCTORITATEM, sine qua validum haut erat negotium, si quidem deterior eo ipso fieret pupilli conditio. *princ. Inst. h. t.* aut si adeunda esset hereditas, aut petenda bonorum possessio, aut suscipienda ex fideicommissio hereditas §. *1. Inst. h. t.* Ad ea enim, quae sollemnitate iuris desiderabant, explicanda, tutore auctore opus esse, ait Paullus *L. 19. D. de auct. tut.*

III. Interponebatur ea sollemni formula.

III. Non ergo auctoritas erat nuda approbatio nec iussus; sed actus legitimus & sollemnis, certaue formula explicandus. Vnde & conditionem non admittere dicitur *L. 8. D. h. t.* Procul dubio, ubi pupillus verbi causa in cretione hereditatis verba legitima pronunciauerat, interrogabatur tutor: AVCTORNE ESSET, UT PVPILLVS HEREDITATEM ADIRET

ADIRET CERNERETQVE? eoque adfirmante, rata erat pupilli actio. Sane eodem modo auctor fiebat, qui adrogabatur ab alio. Cic. *Orat. pro domo XXIX*. Et interrogationis hoc in negotio factae diserte meminit Paullus *L. 3. D. de auct. & consensu tut. & curat.* quamvis eam non existimet absolute necessariam. Interponebatur vero auctoritas statim in ipso negotio: sed ita tamen, ut non prius auctor fieret tutor, quam pupillus id egisset, a quo substantiam capiebat negotium. Et hinc est, quod *auctoritas PERFECTO NEGOTIO* interponi dicitur in *L. 25. §. 4. D. de adquir. hered.* ibi praeter necessitatem rescribi: *prout negotio contra* Iac. Gothofredum *Comm. ad L. 29. D. de R. I.* docuimus in *Elem. iur. civil. §. 250*. Disputavit de eadem quaestione Cuiac. *Obs. XIII, 31*.

IV. Vnde simul adparet, quid interfuerit discriminis, inter *CONSENSVM* curatoris & tutoris *AVCTORITATEM*. Sine hac actus erat nullus, sine illo rescindendus. Illa interponenda erat statim a tutore praesente, §. 2. *Inst. h. t.* Erat enim actus legitimus, qui non admittebat procuratorem, conditionem & diem. Hic interiecto demum tempore accedere poterat.

IV. Quid consensus Curatoris?

V. Si negotium inter tutorem & pupillum vel mulierem intercederet: auctoritatem adhibere non poterat tutor. Nullus enim tutor poterat in rem suam auctor fieri. *L. 1. §. 7. D. h. t.* Solebat ergo tunc a praetore alius tutor dari, qui *praetorianus* vel *praetorius* vocabatur, ideo, quod a solo Praetore non adhibita in consi-

V. Quid tutor praetorianus?

lium maiore parte Tribunorum plebis dabatur. Meminit eius ipse Imperator §. 3. *Inst. b. t.* multoque luculentius Vlpianus *Fragm. XI, 24. Moribus tutor datur mulieri, pupillone, qui cum tutore suo lege aut legitimo iudicio agere vult, ut auctore eo agat: (ipse enim tutor in rem suam auctor fieri non potest,) qui praetorianus tutor dicitur, quia a praetore urbis dari consuevit.* Vnde inter Tribonianum emblemata referenda est tutoris in curatorem mutatio. *L. 3. §. 2. L. 4. & 5. D. de tutel. L. 24. D. de testam. tutel. L. 9. §. 4. D. de tutel. & ration. distrab. L. 1. 2. 3. ult. C. de lit. dand. tut. vel curat.* ceu iam obseruauit Hub. Giph. *ad §. ult. Inst. b. t.*

VI. Is
postea
mutatus
in cura-
torem.

VI. Nimirum postea inualuit, ut loco tutoris praetorii adiungeretur curator, quoad actio illa duraret, vel etiam perpetuus. *Novell. LXXII, 2.* Quamuis id contingat paullo rarius, quia iure nouissimo pupilli debitor vel creditor, tutor fieri non potest. *Nov. LXXII, 1. Nou. XCIV. & Auth. Minoris debitor C. qui dari tut.*

TIT. XXII,

DE

QVIBVS MODIS TVTELA FINITVR,

QVibus modis finiatur tutela, satis accurate ad hunc titulum docent Interpretes. Et de morte quidem, & capitis deminutione nullum est dubium: at de pubertate & aliis nonnullis modis, quibus tutelam olim finitam
con-

constat nonnulla ex antiquitatibus monenda videntur.

I. Ad PUBERTATEM quod attinet ipse Tribonianus hoc titulo antiquitatum Romanarum prae se fert notitiam, dum observat, veteres pubertatem non solum ex annis, sed & ex habitu corporis in masculis voluisse aestimari. Quod quum Iustinianus indignum iudicavit castitate suorum temporum, statuisse eum, sancta promulgata constitutione, ut masculi completo anno aetatis XIV. puberes; feminae duodecimo viri potentes haberentur.

princ. Inst. b. t. (a)

II. Sed Tribonianum hic antiquitatis prode ignorantiam, multi existimant. Neque enim Iustinianus primus istos pubertatis terminos fixit, iam dudum quippe in iure receptos. Sane duodecim annorum puellas iam viri potentes esse Augustus lege Papia Poppaea, censuerat ut patet ex Dione Cass. LVI. *δωδέκα καὶ ταῖς κόραις ἐς τὴν τῷ γάμῳ ὥραν ἔτι πλήρη νεμίζεταί.* Duodecim annos puellis ad nuptias sufficere statuit. Adde sis Comm. nostrum ad L. Iul. & Pap. Popp. Lib. II. cap. V, p. 177. sequ. Quatuordecim vero anni ad pubertatem masculorum iam secundo post Christum saeculo requirebantur, etiam

I. Locus Institutio-
num de
ritu anti-
quo aesti-
mandi
puberta-
tem.

II. Iam
diu ante
Iustinia-
num certi
anni pu-
bertatis
erant
praefiniti.

(a) Ipsa illa sancta Iustiniani constitutio exstat. L. ult. C. quando tut. esse des. INDECORAM OBSERVATIONEM in examinanda marium pubertate rescantes, iubemus, quemadmodum feminae post impletos XII. annos omni modo pubescere iudicantur, ita & maiores post excessum quatuordecim annorum puberes existimantur, INDAGATIONE CORPORIS INHONESTA cessante,

(b)

etiam ex mente Proculianorum. Tertull. *de veland. virg* XI. & *de Anima* XXXVIII. Macrob. *Saturnal.* VII, 7. & in *Somn. Scipion.* I, 6. (b).

III. Nunquam veteres pubertatem inspectione corporis explorant.

III. Deinde nec alterum videtur per omnia verum esse, quod veteres Romani masculorum pubertatem *indecora observatione, inhonestaque indagatione explorarint*, ut loquitur Imperator *L. ult. C. quando tut. esse des.* Nulla enim istius indecorae inspectionis vel vola vel vestigium apud antiquos occurrit. Et quamvis Huberus *Digress. III, 14. p. 210.* & vir amplissimus, Corn. van Bynkersh. *Observ. III, 24.* excusandum putent Iustinianum, credantque, si non in quaestione de finienda tutela, at certe in nuptiis nonnunquam isti inspectioni locum fuisse: tamen ne id quidem satis, ut opinor excusat Imperatorem. Non enim quaestionem de viri potentia, qualis aliquando in nuptiis occurrit, tractat in *d. L. ult.* quippe ad quam definiendam sola aetas parum faceret, sed quaestionem de tutela finienda. Nec verosimile est, Triboniano Imperatoris sui constitutiones tam fuisse parum familiares, ut sanctam illam, quam

(b) Quin & leges id docere poterant Tribonianum, veluti *L. 2. princ. D. de pupill. & vulg. subst. §. D. qui testam. fac. poss. L. 4. C. eod.* ex quibus patet, saltem Vlpiani & Diocletiani temporibus eosdem pubertatis annos fuisse definitos. Neque tamen dubito, quin olim antiquissimis reip. temporibus quinto decimo demum aetatis anno exacto puberes habiti sint adulescentes. Tunc enim eos togam virilem sumsisse, non anno XVII, ut vulgo existimant, nec anno XIV, ut visum Lipsio *ad Tac. p. 312.* docet Noris. *Cenotaph. Pisani. Diss. II, 4.*

quam tantopere laudat, legem in institutionibus aequae ac codice ad materiam de tutela retulerit, quae de singulari tantum casu nuptiali egisset. Quare adhuc probabile videtur, Iustinianum hic cum Iarvis pugnasse, ritumque aboleuisse, cuius numquam Romanis in mentem venerat. Vid. Iac. Raeuard. *Varior. IV*, 10. p. 667. *Tom. I. Operum.*

IV. Vt ergo adpareat, quid in errorem induxerit Iustinianum: sciendum, non conuenisse inter antiquos Iureconsultos, quos pubertati terminos figerent. Quum plerique in Stoicorum scholis profecissent, hi vero adolescentum pubertatem XIV. puellarum viri potentiam XII. annis aestimarent: (Plut. *Placit. Philos. V*, 24) eandem sententiam plerique Icti & inprimis Proculeiani, amplectebantur. Sed aliud longe videbatur Cassio Longino, cuius sectarii non annis, sed habitu corporis, aestimandam esse pubertatem arbitrabantur. Denique Priscus Iauolenus quasi conciliaturus utramque sententiam, eum demum puberem esse dicebat, in quem & numerus annorum, & habitus corporis concurreret. Diserte Vlpian. *Fragm. XI*, 28. *Puberem autem Cassiani quidem eum esse dicunt, qui HABITVS CORPORIS pubes adparet, id est, qui generare potest; Proculeiani autem eum, qui quatuordecim annos expleuit. Verum Priscus eum puberem esse, in quem utrumque concurrat, & HABITVS CORPORIS, & numerus annorum.* Eandem controuersiam Ictorum, sententiamque Prisci Iauoleni, in animo habuit Seruius, qui ad illa Virgilii *Aen. VII*, v. 53.

IV. Origo
huius er-
roris.

Iam

Iam matura viro, iam plenis nubilis unnis,
 addit: *Non est iteratum., sed* SECUNDVM
 IVS dictum, in quo & ANNORVM ratione, & ex
 HABITV CORPORIS aetas probatur. Idem
 ad Virgil. Eclog. VIII, v. 34. *Beue cum ann's iun-*
git HABITVM CORPORIS nam & IN IVRE
 pubertas EX VTROQUE colligitur. Ex quibus
 patet, Seruium in Prisci discessisse sententiam.
 Denique Isidorus Orig. XI, 2. Cassianorum
 sententiam amplexus: *Quidam, inquit, ex annis*
pubertatem aestimant, id est, eum puberem esse, qui
quatuordecim annos expleuerit: quamvis tardissime
pubescat. Certissimum autem, puberem esse, qui
 EX HABITV CORPORIS pubertatem ostendat,
 & generare iam possit. In tanta ergo iureconsul-
 torum incertitudine ex sententia Em. Merillii
 Obs. V, 16. saepe parentes testamentis solebant
 definire annum, quo puberes haberi deberent
 liberi, modo annum decimum quartum, vt L.
 49. D. de legat. 1. modo decimum octauum L. 101.
 §. 3. D. de cond. & demonstr. modo decimum sex-
 tum L. 34. §. 2. D. de legat. 3. Vnde lux affulget loco
 Paulli Gal. IV, 2. vbi heres tutoribus subesse di-
 citur ἀγος τῆς προδομίας τῷ πατρὶ. Quum ve-
 ro Iustinianus, aut Tribonianus potius, animad-
 uerteret, pubertatem nonnullos HABITV
 CORPORIS aestimari velle: facile sibi persua-
 sit etiam vsu receptam olim fuisse hanc Cassia-
 norum vel Prisci sententiam quum tamen mul-
 ta huius generis disputarint veteres Icti, quae
 in forum nunquam admissa constat, quaeque
 ad ius constituendum magis, quam constitu-
 tum, pertinuerunt. Fingamus itaque, Cassianos
 cen-

censuisse pubertatem aestimandam esse *φοσειν*, & inspectione *τῶν ἀνδρῶν*, quum tamen *habitus corporis* & alio modo naturalem generandi facultatem prodat: non tamen vlllo veterum testimonio constat, id in foro esse frequentatum, vel vlllum iudicem vnquam fuisse tam Cassii vel Prisci sententiae addictum, vt adolescentem, qui curatorem peteret vestibis spoliari inspici- que nudum iusserit. At credidit id tamen Iul- tianus, & hinc rem constitutione aboleuit, quam nemo veterum in foris Romanorum de- prehendit. (c)

V. Feminarum tutela perpetua non puber- tate, sed aliis quibusdam modis finiebatur, ve- luti *Conuentione in manum*. Quum enim ea, ceu supra diximus, esset capitis deminutio, qua in manum & potestatem mariti redigebantur mu- lieres: non poterat non tutela finiri dummodo omnes tutores fierent auctores. Cicero *pro Flac- co* XXXIV. Boeth. ad *Topica* Cic. III.

V. Finie- batur etiam tu- tela femi- narum conuen- tione in manum.

VI. Finiebatur etiam mulierum tutela *inre trium vel quatuor liberorum*, ceu supra LIB. I. TIT. XIII. n. 22. obseruauimus. Nam con- stat ex Vlpian. *Fragm.* XXVIII, 3. ingenuis feminis *tribus*; libertabus opus fuisse *quatuor liberis*, si tutela exire vellent.

VI. Vt & iure trium libero- rum.

TIT.

(c) Interim non nego, Graecis eiusmodi inspectionem vsitatam fuisse, de qua Scholiastes & Florens Christianus ad Aristophan. in *Vesp.* v. 578. nec non Gundlin- giana *Part. XXIV*, 2. §. VII, p. 347. seq. Sed non- dum demonstratum, de exploratione pubertatis quid- quam cautum fuisse in XII. tabulis, vt verosimile fiat, hunc ritum Athenis Romam migrasse.

(a)

TIT. XXIII.

DE

CVRATORIBVS.

Quemadmodum *tutores* personis; ita CVRATORES rebus dabantur, quorum origo erit ex antiquitatibus repetenda.

I. Cura-
tores
quotupli-
ces?

I. Curatores aut LEGITIMI erant, aut HONORARII. Illi legibus XII. Tabularum; hi edicto praetoris debebant originem. Vlpian. *Fragm.* XII, 1. *Testamentarii* non erant, quia Lex XII. Tabularum patri familias *de tutela*, non autem de *curatione* legare vel testamento dispo-
nere permiserat.

II. Cura-
tio furio-
rum &
prodigo-
rum.

II. Ex legibus XII. Tabularum (a) curato-
res accipiebant FVRIOSI & PRODIGI.
Quam legem decemviralem ex Cicer. *Quaest.*
Tusc. III, 11. & *de Inuent.* II, 59. ita restituit Go-
thofredus *ad XII. Tab. Tab. V.* SI FVRIOSVS
AVT

(a) Verosimile tamen est, eum morem iam ante le-
ges XII. Tabularum Romae viguisse. Moribus sane
ita furiosorum prodigorumque curatio tribuitur. *L. 1.*
D. de curat. furios. & apud Paull. *Recept. Sent.* III, 4.
Quod quum intelligi haut possit de moribus, post ea
tempora demum receptis: (Siquidem Vlp. *d. L. 1. de*
cur. furios. hanc curationem quidem ex XII. Tabulis
arcessit, sed initium tamen eiusdem tribuit moribus,)
procul dubio iam sub regibus furiosis dati sunt cura-
tores. Est ea sententia Iac. Cuiacii, Iac. Gothofredi,
aliorumque virorum doctorum, quam male impugnat
V. C. Iam. a Costa *ad §. 1. Inst. de I. N. G. & C. §. 3.*
Inst. h. t. Vid. Schulting. *ad Paull. l. c. p. 341.*

(b)

AVT PRODIGVS EXSISTAT, AST EICVSTOS NEC ESCIT, AGNATORVM GENTILIVMQVE IN EO PECVNIAVE EIVS POTESTAS ESTO. Quamuis adhuc quaeri possit, vtrum ex verbis Decemviro- rum, an ex eorundem interpretatione nata sit curatio prodigorum.

III. Quum vero initio & prodigi & furio- si ipso iure agnatorum gentiliumque curationi subessent: *L. 1. pr. D. de cur. furios.* prodigi pos- tea tum demum curatorem accipiebant, si pos- tulantibus agnatis (Vid. Valer. Max. VIII 6.) iis a praetore interposita sententia bonis esset interdictum. *L. 1. D. de cur. furios. Vlp. Fragm. XII, 2.* Vnde Horatius *Sat. II, 3.*

- - Interdicto huic omne adimat ius

Praetor, & ad sanos abeat tutela propinquos.

Ex quo simul patet ratio, cur furor contractus statim ab initio reddiderit irritos, quamuis fu- riosus agnatorum curationem nondum subiis- set, prodigus vero, priusquam ei esset bonis interdictum, valide contraxerit.

IV. Formulam, qua bonis interdicebat praetor, servavit nobis Paullus, *Recept. Sent. III, 4. A. 7.* QUANDO TIBI BONA PATER NA AVITAQVE NEQVITIA TVA DI- SPERDIS, LIBEROSQVE TVOS AD EGESTATEM PERDVICIS: OB EAM REM TIBI EA RE (b) COMMERCIOQVE INTER.

III. Pro- digis cu- rator da- tus post interdi- ctionem bono- rum.

IV. For- mula in- terdicen- ti bonis.

(b) Legunt nonnulli AERE. Cuiac. *ad Paull. l. c. lac.* Menard. *ad Cicer. Att. Verrin. V.* sed nihil hic mu- tandum esse, docent V. A. Cornel. van Bynkersh. *Obs. III, 21.* Schulzing. *ad Paull. l. c. p. 342.*

P

(c)

INTERDICO. Quo facto statim agnatorum, aut, hisce deficientibus, gentilium (c) curationi committebatur prodigus. Exempla sunt apud M. Senec. *Controv. III. praef.* Val. Max. *III, 5. VIII, 6.* Dion. Cass. *LVII, p. 710.*

V. Quo-
modo
haec cu-
ratio fi-
nita?

V. Ast tum furiosus tum prodigus, recepta mentis vitaeque sanitate, curatione liberabatur, quamvis & hic prodigo decreto Praetoris esset opus. Paull. *Sent. III, 4. A. 12. p. 343.* & ibi Schulting. *L. 1. D. de cur. furios.* Henr. Bern. Reinold. *Var. cap. XLI, p. 291.*

VI. Origo
curatio-
nis mino-
rum.

VI. Quum ergo initio furiosis ac prodigis tantum obtruderentur curatores: factum inde est, ut cum aliquo famae detrimento coniuncta videretur curatio. Iniquum enim habetur, *ingenuis hominibus non esse liberari rerum suarum alienationem.* *L. 2. D. si a parente quis manumiss.* Ergo praeter furiosos & prodigos nemo inuitus accipiebat curatorem, & ne minor quidem, quamvis infirmum esset in tam lubrica aetate consilium, cuiusquam curationi suberat, antequam *lex Laetoria* ea in re adolescentibus prospiceret. Quando lata sit ea lex, nondum constat. Antiquissimam esse, vel ex eo patet, quod iam Plautus *Pseudol. I, 3. v. 68.* eius meminit sub nomine legis *quinaenicensariae*. Quum ergo M. Laetorius Plancianus an. V.C. ccccxc. tri-

(c) Qui sint agnati, qui gentiles, infra Lib. III. Tit. II. explicabitur. Iam nota originem adagii, quod in homines stultos dicitur; *Ad agnatos & gentiles.* Vid. Varr. *de re rust. l. 2.* Columell. *X. .1* Horat. *Sat. II, 3.*

tribunus plebis fuerit, & postea anno cccxcvii. praeturam gesserit: verisimillimum est, hoc anno latam esse legem Laetoriam. Vid. Gundling. *Pand. Lib. IV. Tit. IV. §. V.* Ceterum hac lege cauebatur, vt adolescentibus viginti quinque annis minoribus, petentibus curatores, caussa cognita, darentur. Iul. Capit. *Vit. Marci Ant. XI.* Deinde & eadem lege vindicabatur circumscriptio adolescentum, rescissis fraudibus versutorum hominum, qui lucrum aliena ex Imbecillitate captabant. Cic. *de offic. III, 15.* Denique & stipulationes ab adolescentibus & actiones creditorum aduersus minores hac lege Laetoria sublatae sunt. Vnde Suetonius *in libris praetorum* apud Priscian. *Lib. XVIII. Laetoria, quae vetat minorem annis XXV. stipulari.* Et apud Plautum *l. c.* Callidorus adolescens:

Perii, an non tum lex me perdit quinavicennaria?

Metuunt credere omnes.

VII. Ex eo ergo tempore, quum quibusdam tantum minoribus, petentibus puta ac causam probantibus, curatores darentur, adeoque existimatio adolescentum ea curatorum datione etiam post legem Laetoriam laedi videretur: postea edixit Praetor, se non modo in integrum restitutum minores, (a) *quoties lubri-*

VII. Ea
demum
edicto
Praetoris
inducta.

(d) Talis restitutionis si iam mentio fit apud Terent. *Phorm. II, 4.* satis apparet, iam saeculo ab V. C. sexto praetorem id ius condidisse. Sed vereor, ne ibi Terentius potius de restitutione patris, quo absente filius uxorem duxerat, quam filii, qui se a Phormione

lubrico aetatis capti essent : (quod beneficium TVTELA MINORVM dicitur, L. I. pr. D. de min.) sed & curatores iisdem datūrum, dummodo eos a se peterent. L. 13. §. 2 D. de tut. & curat. dat. Vnde proprie curatio minorum sine causae cognitione data ex edicto Praetoris deriuanda est. Idem Praetor etiam curatores dabat libertinis prodigis, itemque ingenuis, qui ex testamento parentis heredes facti, male dissipabant bona. His enim curator ex lege dari non poterat, sed iis, qui ab intestato heredes facti essent (f) patri. Vlpian. *Fragm. XII, 3.*

VIII.
Quid M.
Antonius san-
xerit?

VIII. Demum & M. Antoninus Philosophus statuit, ut omnes minores, salua existimatione, acciperent curatores, causa non cognita. Iul. Capitolin. *in vita Marci XI. De curatoribus vero, quum ante non nisi ex lege Laetoria, vel propter lasciuia vel propter dementia darentur, ita statuit, ut omnes adulti curatores acciperent, causis non redditis.* Iuuabit hunc locum a plerisque male intellectum, & qui me quoque huc vsque decepit, expendere paullo accuratius. Paucissimi enim, si nonnulli, vident, quid sanxerit Mar-

ad id coactum dicebat, loquatur. Verba Comici sunt. v. 10.

*Sic hoc videtur: quod TE ABSENTE hic filius
Egit, restitui in integrum aequum est & bonum,
Et id impetrabis.*

(e) Lex ergo XII. Tabularum de prodigorum curatione intelligenda tantum de illis prodigis, qui iure ciuili ab intestato parenti erant heredes. Vid. Iac. Gothofr. *ad XII. Tab. probat. Tab. V. p. 98.*

(a)

Marcus Antoninus, & qua in re eius constitutio a lege Laetoria discreparit. Lege XII. Tabularum soli furiosi & prodigi accipiebant curatores. Hinc ignominiosa quodammodo erat curatio & proinde non inuitis Minoribus curatores obtrudebat lex Laetoria, sed petentibus eos causa cognita dari iubebat. Quamuis enim vulgo ex loco hoc Iulii Capitolini colligant lege Laetoria tantum *adolescentibus dementibus & lasciuis* datos esse curatores, vti ipse quoque in antecedentibus editionibus scripseram: facile tamen patet, ita nihil noui sanxisse Legem Laetoriam, quum iam pridem furiosis & prodigis prospectum esset XII. tabulis, nec dubitari posset, quin adolescentibus lasciuis & dementibus huiusmodi curatores dari deberent, quum & maiores XXV. annis in curatione sint, si dementes vel lasciuus esse viderentur. Itaque non est hic sensus Iulii Capitolini. Potius inter se contendit iura de curatione, ante Antoninum recepta & quae ab isto Imperatore sint inuenta. *Antea*, inquit, curatorum non nisi tria genera erant, *quum nonnisi ex lege Laetoria* minoribus petentibus & causam probantibus, *vel secundo propter lasciuiam* prodigis, quibus Praetor bonis interdixit, *vel propter dementiam* furiosis & mente captis curatores darentur. Quid vero Marcus Antoninus? Is *ita statuit*, vt non solum petentes, *sed omnes adulti curatores acciperent etiam non redditis causis*. Ex hac demum paraphrasi perspicue patet, quid Lex Laetoria, quid M. Antoninus Imp. iusserit, quidque sibi velit Iulius Capitolinus.

IX. An ex
eo tem-
pore cu-
ratores
inuitis a-
dolescen-
tibus da-
ti?

IX. Nimirum Lex Laetoria dari voluerat curatores adolescentulis petentibus & causam probantibus: Praetor a se petentibus curatores promiserat daturum, etiamsi causa non reddita. Marcus denique Antoninus statuit ut & omnes acciperent, nec causae redderentur. *Atqui*, inquires, adhuc Iustiniani aeuo *inuiti adolescentes curatores non accipiebant*, §. 2. *Infl. h. t.* An itaque cum *Raeuaro Var. 1, 17.* inscitiae arguamus Tribonianum, ius antiquum pro nouo & recepto obtrudentem? An cum *Vultio ad d. §. 2. Infl. h. t.* eum locum de curatore in litem interpretabimur? Neutrum ego facere ausifim. Vtrumque enim verum videtur, non inuitos accipere curatores, & omnes tamen accipere. Prius non solum Iustinianus dicit, sed & alii Icti Antonino iuniores confirmant. *L. 13. §. ult. D. de tut. & cur. dat. L. 2. §. pen. & ult. D. qui pet. tut.* posterius ex verbis Iulii Capitolini clarum est. Seruauit itaque Marcus Antoninus vetus illud principium, curatorem dari, oportere non inuitis, sed petentibus: at inuenit tamen modum, quo omnes petere cogerentur. Non prius enim rerum suarum administrationem a tutoribus recipiebant adolescentuli, quam petitis constitutisque curatoribus. Luculenter id patet ex *L. 33. §. 1. D. de admin. & per. tut. L. 28. §. 1. eod. L. 31. eod. L. 1. §. ult. D. de min.* Sunt, qui nobis obuertunt exempla adolescentum, qui sine curatorum auxilio res suas dicuntur administrasse. *L. 7, §. 2. D. de min. L. 3. C. de in int. rest.* Verum ea loca non ad ius, sed ad factum, pertinere, nemo non videt. Nam
&

& impuberes aliquando negligentia eorum, qui tutores petere debuissent, sine custodibus erant, uti ex toto *titulo D. qui pet. tut. vel cur.* colligimus: nec tamen inde sequitur, ut in arbitrio impuberum fuisse, existinemus, sine tutoribus agere mallent, an custodibus subesse. Sed plura hanc in rem habes in *Elem. nostris iur. civ. §. 271. sequ.* & in *Additionibus nostris ad Vinn. §. 2. Inst. b. t. p. 116. sequ.*

X. Finiebatur curatio minorum anno aetatis XXV, circumacto, *L. 3. §. 3. D. de minor.* Quum enim longissimum vitae humanae tempus centum annis circumscriberent iure consulti: *L. 76. D. de indic. L. 56. D. de usufr.* eo in quatuor aetates diuiso, iuventuti XXV. annos putabant assignandos uti acute coniicit Gundlingius *ib. §. IV.* Id quod eadem lege Laetoria factum esse, non modo inde patet, quod *Quinanicennaria* a Plauto dicitur, verum etiam ex *L. 2. C. Theod. de donat* manifestum est. Nunquam tamen iuvenes impetrabant *veniam aetatis*, quod beneficium Principes dabant adolescentibus XX. puellis XVIII. annorum si frugi esse probarentur, *L. 2. C. de his qui ven. aet.*

X. Cura minorum quando finita?

XI. Ipse tutor, si valetudine impeditus negotia pupilli maxime in iudicio gerere non posset, nec curatorem, nec procuratorem constituere poterat. Hunc enim solus constituebat dominus. *L. 1. D. de procur.* Quare noua inuenienda erant nomina. Rogatu ergo tutoris eiusque periculo Praetor ei substituebat alium, qui, si ad agendum esset datus, ACTOR;

XI. Quid Actor & adiutor?

fin ad alia negotia ADIVTOR vocabatur. L. 24. D. de administr. tut. & L. 13. §. 1. D. de tutel. Actores, non vt Theophilus existimat, ideo dicti sunt, quod *ad acta* constituerentur, sed ab *agendo*, vnde & *πραγματευται* dicuntur Graecis. Translatum vero hoc nomen est ad vicariam tutelam ex institutis veterum domesticis. Domini enim e seruis quemquam praeficere solebant rei familiari, qui & ipse ACTOR vel *πραγματευτής* nec non *δικηντής πείνης ἐπίας* vocabatur. L. 8. D. fam. ercisc. L. 40. §. 7. D. de statu lib. L. 41. §. 4. D. de fideicom. libert. Et talem se esse simulabat Leonidas apud Plaut. *Afin.* II, 4. v. 53.

Nam si scies noster senex, fidem huic non esse habitam,

Succenseat, cui omnium rerum ipsius summam credidit.

Talis quoque est, quem describit Lucas *cap.* XII, 44. Add. Ræuard. *Var. Lect.* V, 20. & Wower. *ad Petron.* p. 149. qui *actores, dispensatores*, vel *arcarios* accurate distinguit. Sed & in fundos mitti solebant serui, qui ceteris tamquam vicarii dominorum, imperarent, fundumque domino colerent, & hi ipsi etiam dicti *actores* L. 32. D. de pign. Plin. *Epist.* III, 19. Paull. *Rec. Sent.* III, 56. 47. 48. Quemadmodum ergo qui in aedibus vice domini rem familiarem curabat, ACTOR dici consueuerat: ita idem nomen conuenire eis visum est, qui pro tutore agerent. Vjd. Melch. Goldast. *Adnot. ad Dosithei sentent.* & *Epist. Hadr.* III, 10. p. 868. edit. Cl. Schultingii.

TIT.

no & An-
tonino ea
de re fa-
cta.

neglexissent a tutoribus & curatoribus exigere cautionem, vel minus idoneos admisissent fideiussores. Qua de re Dioclet. & Maximianus Augusti L. 5. C. de magistr. conu. In magistratus municipales, tutorum nominatores, si, administrationis finito tempore, non fuerint soluendo, nec ex cautione fideiussionis solidum exigi possit, pupillis quondam in subsidium indemnitatis nomine actionem utilem competere ex S.C. quod auctore dno Traiano, Parente nostro, factum est, consisist. Eam actionem deinde D. Pius etiam ad ipsos magistratuum heredes extendit, si culpa magistratuum lata intercessisset. L. 6. D. de magistr. conuen. L. 2. C. eod.

III. Quo-
modo fa-
tisdatum?

III. Ipsa satisfactio fiebat oblati fideiussoribus, (nec enim alia poterat esse cautio praetoria L. 7. D. de stipul. praet.) a quibus vel ipse pupillus, si dari posset, vel, si non posset, seruus siue proprius, siue publicus, vel Tabularius stipulabatur, REM PUPILLI SALVAM FORE. Vlpian. L. 2. D. rem. pup. salu. fore: Si pupillus absens sit, vel dari non possit, seruus eius stipulabitur: si seruum non habeat, amendus ei seruus est: sed si non sit, unde ematur, aut non sit expedita emptio: profecto dicemus, seruum publicum apud praetorem stipulari debere. Solebat & praetor nonnunquam dare, cui fideiussores stipularentur. L. 3. eod. Nimirum seruus proprius stipulatione sua domino, id est, pupillo adquirebat. §. 2. Inst. de stip. seru. Nec minus publicus seruus recte stipulabatur pupillo, quia erat in dominio reip. Publico vero nomine & alteri stipulari licebat. L. 3. D. de praetor. stip. L. 1. §. 4. D. ut legator. Iac. Gothofr. Comment. ad tit. de rog. imp. p. 322. Dicitur eiusmodi stipulatio

latio facta τῇ ταβυλλαρίῳ apud Theop. §. 3. *Inst. de adopt.* Quam loquutionem eleganter explicat Amaya *ad L. 3. C. de Tab. scrib. logograph.* Formula stipulationis procul dubio fuit: FIDE TVA PROMITTIS, REM PVPILLO SALVAM FORE? FIDE MEA PROMITTO?

TIT. XXV.

DE

EXCVSATIONIBVS TVTORVM
VEL CVRATORVM.

TVtela iure Romano erat munus publicum. *princ. Inst. h. t.* Quemadmodum vero alia munera, excusationibus prolatis, amoliri a se poterant ciues & municipes: ita etiam fuerunt EXCVSATIONES, quibus tutelam & curationem possent recusare. Immo & caussae erant, propter quas arcebantur a tutela etiam illi, qui eam non recusarant, quas ipsas quoque excusationibus tutorum & curatorum accensent Icri, quibus EXCVSARI dicuntur, etiam qui non admittuntur. *L. 1. §. D. de postul.* Propria itaque ICTis est haec vocabuli notio, & tam ab usu remota, ut Graeci, quum verba παρατείδαι, ἀπολογείσθαι, ἀποφασίζεσθαι illam non exhaurire animaduerterent, verbum Latinum ἐκκυσάμεν adoptare non dubitarent. Harmenop. *Enchir. II, §. 6. l. 30. 80.* Add. V. A. Corn. van Bynkersh. *Obs. IV, II. p. 385. sequ.* & *Elem. nostra iur. civ. §. 288.* Ex quo simul patet, in
L. II.

L. II. D. de *decurion*, non esse quod pro EXCVSARE rescribamus EXCVRIARE cum Cuiac. *Obs. XXVI*, 38. Vnde iam excusationes merito in *voluntarias*, *necessarias* & *mixtas* distinguuntur.

I. Excusabat I. numerus liberorum.

I. Prima causa, eaque voluntaria, est NUMERVS LIBERORVM, quorum *tres* Romae excusant, in Italia *quatuor*, & in provinciis *quinque* pr. *Inst. h. t.* Hoc quum ad famosum illud ius trium quatuor & quinque liberorum pertineat: quale illud fuerit, ex antiquitatibus Romanis erit paullo altius repetendum.

II. Cur Romani a nuptiis & procreatione liberorum abhorreant?

II. Plurimi Romanorum, dici non potest, quantum a nuptiis abhorruerint. Causae huius rei variae, amores furtivi, (a) luxuria matronarum, de qua eleganter Plaut. *Mil. Glorios.* III, 1. v. 92. *sequi.* & praecipue illa orbitatis praemia, quae toties celebrant veteres. Colebantur eiusmodi *μισογάμοι* ab omnibus, viaque ipsis ad honores & commoda patebat, nemine illis negante suffragium, ob hereditatem, quam quisque spe deuorauerat. Vnde lepide senex ille

(a) Hanc causam ipse obseruat Augustus Imp. apud Dion. Cass. VI, p. 576. ubi inuectus in caelibes: *Οὐ γὰρ δὴ δῖου Μεναιλίου χάριτες, ἢ ἀνὴρ γυναικῶν διάγῃτε. ἢ τε ἔστιν, ὅστις ὑμῶν ἢ σιτέται μόνος ἢ καθύδου μόνος, ἀλλ' ἐξουσίαν καὶ ὑβρίζειν, καὶ ἀσιλγάνειν ἔχειν ἐδίδοτε. Neque adeo vos solitudo viuendi capit, ut absque mulieribus degatis, ac non quilibet vestrum mensae lectique sociam habeat, sed licentiam libidini ac lasciuiae vestrae quaeritis,*

(b)

ille Periplectomenes apud Plaut. *Milit. Glorios.*
III, l. v. III. sequ.

*Quando habebo multos cognatos, quid opus mihi
 sit liberis?*

*Nunc bene vivo ac fortunate, atque ut volo, at-
 que animo ut lubet.*

*Mea bona morte cognatis dicam, inter eos par-
 tiar.*

*Illi apud me edunt, me curant, visunt, quid
 agam? ecquid velim?*

*Priusquam lucet, adsunt, rogitant, noctu ut
 somnum ceperim?*

*Eos pro liberis habeo; quin mihi mittunt ma-
 nera;*

*Sacrificant: dant inde partem maiorem mihi,
 quam sibi:*

*Adducunt ad exta: me ad se ad prandium, ad
 coenam vocant:*

*Ille miserrimum se retur, minimum qui misit
 mihi.*

*Illi inter se certant donis: ego hoc missito me-
 cum:*

*Bona mea inbiant, certatim mittunt dona &
 munera.*

Sed & de suo tempore conqueritur Plin. *Hist.*
*Nat. XIV. proem. coepisse orbitatem in auctoritate
 summa & potentia esse, captationem in quaestu maxi-
 mo. Et Seneca Consolat. ad Marciam XIX. In
 ciuitate nostra plus gratiae orbitas confert, quam eripit.
 Adeoque senectutem solitudo, quae solebat destruere, ad
 potentiam ducit, ut quidam odia filiorum simulent, &
 liberos eiurent, & orbitatem manu faciant. Addi-
 merentur Petron. *Satyr. p. 106. vbi Romano-*
*rum**

rum mores sub Crotoniatarum nomine sale satyrico defricat, vt & Tacitus *Annal. XIII. § 2. de Moribus Germ. XX.* Ammian. Marcellin *XIV. 19.* Denique & erant, qui philosophiae caussa abstinebant a matrimonio exemplo veterum Thaletis, Pythagorae, Democriti, Platonis, Zenonis Cittiei, Epicuri. Ita sane & recentiores in orbe Romano philosophi sibi putabant faciundum, veluti Apollonius Tyanensis, Epicte-tus, Plotinus, Porphyrius, Proclus. Vid. Philo-strat. *Vit. Apollon. I. 10.* Marin. *vit. Procli Cap. XVII. p. 59.* & ibi Cl. Fabric. Quae quum ita se haberent, non mirum profecto est, adeo abhorruisse Romanos a nuptiis quaerendisque liberis, vt praemiis essent ad coniugia ineunda inuitandi. Fusius haec illustrauimus in *Comment. ad L. Iul. & Pap. Lib. I. cap. II. p. 35. sequ.*

III. Poenae caelibatus & praemia foecunditatis in libera rep.

III. Equidem iam libera republica & poenas caelibatus, & foecunditatis praemia fuisse, certissimum est. Legum eiusmodi & a senatu & a populo conditarum meminit ipse Augustus oratione ad caelibes apud Dion. Cass. *Hist. LVI. p. 660.* Solebant & censores dare operam ne caelibes essent in vrbe, atque hinc mulctam exigere ab iis, qui, nulla ducta vxore, ad senectutem peruenissent. Ea mulcta dicebatur *aes vxorium*. Festus *voce vxorium. p. 478.* Vxorium *pendisse dicitur, qui, quod vxorem non habuerit, aes populo dedit.* Qua in re rigida inprimis ac seuera fuit censura M. Furii Camilli & M. Postumii Albin Regillensis, anno V. C. cccL. de qua Plutarch. *vit. Camilli p. 129.* & Valer. Max. II. 9.1. Ita & anno Io cxxii. Q. Caecilius Metellus Macedonicus

nici omnes vxores ducere coegit liberorum quaerendorum causa & tum habuit orationem, cuius partem seruauit Gellius *Noël. Attic. I, 6.* quaeque digna visa Augusto, quam in senatu repeteret, quum suaderet Legem Iuliam de maritandis ordinibus. Suet. *Aug. LXXXIX.* Nonnunquam censores caelibes etiam in quatuor tribus urbanas, ceteris inhonestiores, maritos & parentes in rusticas, tanquam nobiliores, describebant. Liu. XLV, 15. Nec poenis tantum, sed praemiis, ea in re utebantur veteres, & inprimis honoribus ciues inuitabant ad ducendas vxores, eeu patet ex insigni oratione P. Scipionis, Censoris, anno V. C. DCLIII. apud Gell. *Noël. Att. V, 19.* vbi etiam ille prauus mos reprehenditur, *quod filius adoptiuus patri adoptatori inter PRAEMIA patrum prodesset.*

IV. At paullo post tamen & Iulio Caesari legibus promouenda visa est πολυπαιδία ciuium. Iam in consulatu, quem cum Bibulo gessit, agrum Campanum diuisit extra sortem XX. millibus ciuium, quibus terni pluresue liberi essent. Suet. *Iul. XX.* Appian. *de Bello ciuil. II, p. 433.* Postea, vbi bellum ciuile detonuerat acto censu, tantam deprehendit in vrbe solitudinem, vt teste Appiano *de Bello cin. II, p. 492.* dimidio minus capitum censeretur, quam ante bellum ciuile. Vnde denuo praemia proponenda existimabat iis, quibus plures essent liberi. Dio Cass. *Hist. XLIII, p. 256.* Suet. *Iul. XLII.* Sed eo paullo post interfecto, non diu admodum leges istae saluberrimae viguerunt.

IV.
Praemia
πολυπαι-
δίας a
Iulio Cae-
sare pro-
posita.

V. At

V. Prima
Augusti
rogatio
de poenis
caelibat-
us &
praemiis
πολυπαι-
διας.

V. At multo magis haec cura Augusti subiit animum, qui tamen non nisi post multa molimina solitudini isti inuenit remedium. Primum id egit anno V.C. DCCXXV. quo census cum Agrippa, tamquam Praefectus morum, egit. Grut. *Inscript. p. CCXXX*. Nam ex eo demum tempore sexto inito consulatu, potentiae securus, quae triumviratu iusserat, aboleuit, deditque iura, quae pace & principe vterentur. *Arctiora ex eo vincula, inditi custodes & lege Papia Poppaea praemiis inducti*. Tacit. *Annal. III, 28*. Ex quibus tamen verbis Lips. in *Excess. ad Tac. Ann. Lib. III. litt. C.* male colligit, iam sexto illo consulatu Augustum rogationem ad populum tulisse. Incertum enim hoc esse ostendimus in *Comm. ad L. Iul. & Pap. Lib. I. Cap. III. pag. 41*. Saltem si quid sexto consulatu egit Augustus, tum quidem nihil profecisse videtur.

VI. Lex
Iulia de
maritan-
dis ordi-
nibus.

VI. Decennio post A. V. C. DCCXXXVI. denuo eandem rem egit, lata celeberrima illa lege Iulia de maritandis ordinibus, qua & innuptis arctiores poenas statuit, & nuptiis liberorumque procreationi proposuit praemia Dio Cass. *Hist. LIV. p. 608*. Dici non potest, quantis cum difficultatibus tunc colluctandum esset Augusto. Quamvis enim orationem Metelli, de qua supra, in Senatu haberet: Suet. *Aug. LXXXIX. Epit. Liu. LIX.* magno tantem patrum consensu ei occlamatum est, teste Dione Cassio, sequutum tamen SC. de ferenda lege, de quo Horat. *Epod. XVIII. v. 17*.

Dina

Dina, producas sobolem, Patrumque.

Prospere decreta super ingandis

Feminis, prolisque nouae feraci

Lege marita.

Sed licet tum Augustus tam certus esset de successu huius rogationis, vt legis huius in antecessum meminerit in luculenta Inscriptione apud Grut. p. CCCXXVIII, t. quam nos suppleuimus illustrauimusque in *Comment. ad L. Iul. & Pap. ibid. p. 43. seq.* Legem tamen perferre ne tum quidem potuit prae tumultu recusantium. Sueton. *Aug. XXXIV.* Eoque respicit Propertius II, 7.

Ganisa est certe sublata Cynthia lege,

Qua quondam edicta, flemus uterque diu,

Ne nos divideret.

Repetitis tamen aliquoties rogationibus, ita demum perlata est, vt adempta lenitae parte poenarum, auctisque praemiis, vacatio triennii concederetur. Sueton. *Aug. XXXIV.* Triennio vero illo circumacto, denuo biennii data est vacatio, adeoque lex illa de maritandis ordinibus demum anno DCCLVII. Sex. Aelio & C. Sentio Saturnino Coss. perlata, annoque DCCLXII. per legem Papiam Poppaeam confirmata, vires suas exserere coepit, Dio LVI, p. 661.

VII. Nimirum vicerat caelibatus orbitasque amor, adeo, vt A. V. C. DCCLX. equites Romani magnopere de abroganda hac lege laborarent. Tunc quidem Augustus insignes illas habuit orationes tam ad caelibes quam ad coniuges, quas seruauit Dio Cass. LVI, p. 656.

Q

sequ

VII. Lex
Papiae
Poppaeae
& praemia
polu-
miae
παυδίας

sequ. Add. Suet. *Aug.* XXXV. Ast statim anno V.C DCCLXIII. ferri iussit legem Papiam Poppaeam quae in iure nostro etiam lex Iulia & Pappia adpellatur, quia in eam Iuliae istae rogationes pleraeque confluerant. Tulerunt hanc legem ad populum M. Papius Mutilus & Q. Poppaeus Secundus, consules suffecti (b) quorum neuter vel uxorem habebat, vel liberos, Dio Cass. *LVI*, p. 662. ex quo, quam fuerit haec lex necessaria facile intelliges. In ea capita haut pauca agebant de praemiis *πολυμαχίας*. Sic e pluribus candidatis praeferebatur is, qui plures sustulisset liberos. Tacit. *Annal.* XV, 19. Plin. *Epist.* VII, 16. E consulibus quoque prior sumebat fasces, qui collegam liberorum multitudine anteibat. Gell. *Noct. Att.* II, 15. Latini porro ob filium filiamue anniculum anniculamue, Latinae vero ob ternos partus ius Quiritium consequencebantur. Vlp. *Fragm.* III, 1. Liberti ob multitudinem liberorum ab operis; ingenuae & libertae a tutela liberabantur L. 37. *D. de oper. libert.* Plut. in *Numa* p. 66. Dio *Hist.* *LVI*, p. §78.

(b) In plerisque fastis hoc par consulum desideratur. Sed rem expediunt fragmenta Capitolina apud Pighium *Annal.* p. XIX. In quibus huius anni consules ita recensentur: C. POPPAEVS. Q. F. Q. N. SABINVS. Q. SVLPICIVS. Q. F. Q. N. CAMERINVS. EX. K IVL. M. PAPIVS. M. F. M. N. MVTILVS. Q. POPPAEVS. Q. F. Q. N. SECVNDVS. Exstant quoque vtriusque numi apud Golzium in *Fast.* p. CCXXIX. *seq.* ubi tamen Poppaeus non *Secundus* sed SECVNDIVS cognominatur De gente Pappia videndus Patin. *de famil Rom.* p CCCXXIX. & de vtraque *Comment. noster ad L. Iul. & Pap. Lib.* l. Cap. IV.

(c)

578. *Fragm. Regul. ex vetere Icto. §. VI.* Vlpian. *Fragm. XXIX, 2. 3.* Iuuabant etiam liberi in hereditatibus & solidi capacitate. Vlp *Fragm. tit. XV, XVI.* Immo & honoratior in theatro locus dabatur iis, qui plures haberent liberos. Gothofred. *ad Leg. Pap. Popp. cap. VII. sequ. p. 280.* In primis vero hac lege fuerat cautum: ut qui secundum hanc legem liberos tres, Romae natos, superstitites, qui quatuor in Italia, qui quinque in prouinciis haberet, omnium munerum personalium immunitatem haberet *pr. Instit. b. i. L. 1. C. & ult. qui num. lib. L. 18. D. de excus. tut.*

VIII. Hinc ergo natum famosum illud ius trium, quatuor & quinque liberorum, quod tamen & liberis orbi, immo & steriles nonnumquam beneficio principum, obtinebant. Exempla sunt apud Plin. *Epist. II, 13. VII, 16. X, 95.* immo & in inscriptionibus, veluti in illa apud Grut. p. cix LXXXI. ubi laudatur STATIA IRENE, IVS LIBERORVM HABENS, & in aliis, in quibus frequentissima litterae I. L. H. id est IVS LIBERORVM HABENS. Brummer: *de Lege Cinc. XIV.* Apud eundem Grut. p. cccxxii, 8. mentio fit Albiae Flaminicae. CVI IMP. IVS COMMVNE (c) LIBERORVM CONCESSIT. & p. DCXXXI, 2. Persicus libertinus sepulcrum se condidisse testatur C. CORNELIO. PERSICO F. HABENTI EQVVM PVBLICVM, & CORNELIAE, ZOZI.

(c) Legendum forsan IVS COMMVNIVM LIBERORVM, ob quod solidum capiebant inter se coniuges, Vlp. *Fragm. XVI, 1.*

Q²

(d)

ZOZIMAE, MATRI EIVS, HABENTI
IVS QVATVOR LIBEROR. BENEFICIO
CAESAR. Plura de hoc iure commentatus
est M. Vetranius Maurus singulari libro *de trium
liberorum iure*, (d) in quo tamen multa potius,
quam bona & solida reperies.

IX. Pro-
fessio li-
berorum
apud
praefe-
ctum ae-
rarii.

IX. Quinam liberi profuerint ad capienda
πολυτεχνίας praemia, de eo copiose satis dispu-
tant iure consulti. Nos addimus, ne fraus legi
fieret, cautum fuisse a Marco Antonino Impe-
ratore, (e) vt professio liberorum intra diem
tricesimum fieret apud praefectum aerarii, alte-
rumque exemplum tabularum domi; alterum
apud aerarium adseruaretur: id quod idem
Imperator etiam in provinciis fieri iussit. Iul.
Capitolin. *vit. Marc. Anton. IX.* Et huc perti-
net exemplum Gordiani, de quo idem Iul. Ca-
pitolin. *Gord. IV.* nec non lepida illa adulteri
excusatio apud. Iuuenal. *Sat. IX, v. 84. sequ.*

Tollis

(d) Librum hunc frustra a se bibliothecis quaesitum,
ait Brummer. *ad. Leg. Cinc. XIV.* Sed facile eum re-
perire potuisset in *Traclatu Traclatum Tomo VIII.*

(e) Ita rem refert Iul. Capitolinus. *Vit. Marc. Ant.
Cap. IX.* Sed tamen iam ante ea tempora clarorum
virorum ortus in acta publica referebantur, vt ex Sue-
ton. *Tiber. V. & Calig. VIII.* patet. Iuuenal. *Sat.
IV, v. 82. sequ.* Fortassis ab omnibus & ob liberales
causas id fieri iussit Antoninus, quod antea illustriores
tantum familiae facere consueverant. Plura nos in
Comment. ad L. Iul. Pap. Lib. II. Cap. IX. p. 213. vbi
& de natalis & censualis professionis discrimine,
quarum mentio fit in *L. 6. C. de fid. instur. & L. ult.
C. sine censu vel reliq.*

Ω

*Tollis enim, & LIBRIS ACTORVM spar-
gere gaudes*

*Argumenta viri: foribus suspende coronas,
Iam pater es, dedimus, quod famae opponere possis,
Iura parentis habes, propter me scriberis heres.*

Adde Brisson. *Antiqu. Rom. I, §. p. 7.*

X. Voluntariis porro excusationibus ac-
censenda II. *Administratio rei fiscalis*. Libera re-
publica redditus omnes influebant in aerarium.
At sub Imperatoribus separatae erant rationes
fisci atque *aerarii*, τῷ βασιλεὺς καὶ τῷ ταμίῳ. Hoc
ad populum, ille ad Principem pertinebat. Hinc
saepe cum in iure, tum apud auctores iunguntur
iura fisci & populi. Paull. *Sent. Recept. V, 12. L. 1. D. de
bon. dam.* Lamprid. *Alex. Sen. XII*. Hanc differen-
tiam primus Augustus vel certe Tiberius reperit.
Sane sub Tiberio diuersum a fisco fuisse aerarium
patet ex Tac. *ann. VI, 2*. A fisco iterum distincta
erat *ratio Caesaris*, id est priuatum Principis pa-
trimonium, de quo *L. 6. §. ult. D. de iure fisci*.
Vnde toties memorantur PROCVRATORES
HEREDITATIVM PRIVATI PATRIMO-
NII, & similes apud Fabret. *Inscr. cap. III.* &
Phil. a Turre in *Monim. Vet. Ant. Cap. VI*. Vt
iam non commemorem, quae ex Gruteri &
Reinesii Thesauris eam in rem depromi pos-
sent. Ast senescente iam sub principibus im-
perio, nullum erat amplius inter fiscum & ae-
rarium discrimen, nisi quod publica pecunia *sa-
crarum largitionum*; priuatum Principis patri-
monium *priuatarum rerum* nomine veniret.
Vnde tituli *C. de comit. sacr. larg. & de com. rer. pri-
uat.* Iam Dioni sane *Lib. LIII, p. 511*. vix liquet,

X. Fisci &
aerarii vt
& ratio-
nis Caeſa-
ris diffe-
rentia.

quid inter Augusti & publicum interfit aerarium, & Glossae recentiores promiscue scribunt: *Ταμείον, fiscus, aerarium*. Paucissimi sane Principes Helvium Pertinacem imitabantur qui Imperatoriis possessionibus nomen suum inscribi prohibebat, non esse illas dictitans imperantium proprias, sed communes Romanorum & publicas. Herodian. *Hist. II, 4.*

XI. Aerario qui praefuerint?

XI. Aerario initio praecerant Quaestores, quos Tacitus *Annal. XI, 22.* & Ulpianus, *L. 1. pr. D. de off. quaest.* Gracchani Iunii auctoritate, paene tam antiquos faciunt, quam ipsam urbem. Sed eosdem a Valerio Poplicola deum creatos, scribit Plutarchus *vit. Valer. Popl. p. 103.* Immo Pomponius eos ipsis Tribunis plebis Aedilibusque recentiores facit. *L. 2. §. 22. D. de Orig. iur.* Sed quemadmodum de Pomponio hic non multum laboramus: ita Ulpiano facile conciliabis Plutarchum, si Quaestores iam sub regibus fuisse, Valerium vero illum magistratum a Tarquinio Superbo abrogatum restituisse reipublicae, dixeris. Quod & Tacitus *l. c.* non obscure indicat, qui simul monet, consulibus initio mansisse potestatem quaestores deligendi, donec eum quoque honorem populus mandarit. Initio duo creati, ut rem militarem comitarentur: dein duo additi, qui Romae curarent, mox duplicatus numerus, stipendiaria iam Italia & accedentibus provinciarum vectigalibus. Post lege Sullae viginti creati, supplendo Senatui, cui ille Dictator iudicia tradiderat. Prolixe haec omnia Tacitus *l. c.* His ergo aerarii potissimum cura demandata fuerat
a po.

a populo. Afcon. Paedian. in *Verrin. II. p.* 1839. Ast A. V. C. Io ccix aerarii administratio, iubente Caesare, a Quaestoribus ad Aediles translata. Dio Cass. XLIII, p. 269. Augustus, ubi aerarium militare instituerat, eius curam demandabat viris praetoriis, quos primum a Senatu lectos, deinde sorte ductos, ac demum ab ipso Imperatore nominatos, constat. Suet. *Aug. XXXV.* Quaestoribus porro curam aerarii Saturni reddidit Claudius. Suet. *Claud. XXIV.* Denique administratio aerarii iussu Neronis fuit penes Praefectos aerario, (f) qui tamen etiam de causis fiscalibus iudicabant. Gell. *XIII, 24.* Tacit *XIII. 28.* Iac Guth. *de offic. Dom. Aug. III, 32.* Quum vero ab Augusti temporibus duplex esset aerarium, Saturni alterum, ita dictum a templo, Opis & Saturni in quo custodiebatur, alterum *militare*: duo quoque erant Praefecti aerario, vel diuersa saltim officia, vni aliquando personae demandata. Exemplum suppeditat marmor apud Gruter. p. MXXVIII, 5.

XII. Fisco praeerant Procuratores, Aduocati, Patroni fisci, quorum passim in iure nostro mentio fit. Sunt etiam PRAEFECTI FISCIS GERM. CAES. IMP, apud Grut. *Inscript. p.*

XII. Qui
fisco &
patrimo-
nio Cae-
sarum

CCCCXCVIII.

(f) Quum vero ex lege Papia in aerarium & paullo post in fiscum etiam influerent vicissimae hereditatum: iis administrandis praefuerunt PROCURATORES XX. HEREDITATIVM & PROMAGISTRI XX. HEREDITATIVM, quorum mentio fit in marmoribus apud Gruter. p. ccccxxxvii, 7. ccccxxvi, 1. CCCCLIV, 8.

ccccxcviii, 10. A COMMENTARIIS FISCO ASIATICI, apud Reines. *Inscr.* IX, 33. PROCURATORES FISCO ASIATICI apud eundem *Class.* IX, 60. Immo creare Nerua coepit *Praetorem fiscalem*, qui de rebus fiscalibus ius diceret. *L. 2. §. 18. D. de orig. iur.* Patrimonia Principum Procuratores Caesarum administrabant. Denique postremis temporibus fiscum Comes sacrarum largitionum; patrimonium principis Comes rerum priuatarum administrabat, de quibus videndi Gutherius *de offic. Dom. Aug.* 111, 1. 16. 25. 32. & qui egregia multa hanc in rem collegit Gundlingius *Diss. de principe herede cap. IV.*

XIII. Rei
fiscalis ad-
ministra-
tio excu-
sationem
dedit vo-
lunta-
riam.

XIII. Quicumque ergo res fiscales administrabant, excusari poterant a tutela, non tanquam bona eorum fisco obligata erant, ut plerisque videtur: quam quod privilegio se possent defendere. Hinc dicitur, *excusari eos posse §. 1. Inst. h. t. eos vacationem habere L. 10. C. h. t. privilegio defendi L. ult. C. qui dari tut. poss.* Vnde patet, non necessariam fuisse hanc excusationem, sed voluntariam. Thomas. *Not. ad Inst. h. t. p. 110.*

XIV. Po-
testas
quae a
tutela ex-
cusat
quid.

XIV. Eadem de causa excusantur III. *qui cum potestate sunt.* Potestas vero diuersimode accipitur ab antiquis. Nonnunquam magistratibus urbanis opponuntur potestates in provinciis apud Sueton. *Claud. XXIII. Iurisdictionem de fideicommissis quotannis, & tantum in urbe delegari magistratibus solitam, in perpetuum; atque etiam per provincias potestatibus demandavit.* Nonnunquam etiam in ipsa urbe a magistratibus seiungebantur potestates. In urbe enim erant, qui

qui ius dicerent, quamvis non essent magistratus ordinarii, veluti *Praefectus annonae*, *praefectus vigilum*, quos magistratus ideo esse negat Pomponius, L. 2, §. 33. *D. de orig. iur.* etiam hi dicebantur habere potestatem. Porro potestas distinguitur aliquando ab imperio, adeoque tribuitur iis magistratibus, qui neque vocationem neque prehensionem habebant, veluti Quae- storibus. Vid. infra *Lib. IV. Tit. VI. §. 5.* Nulla harum significationum hic inuenit locum. Cum potestate enim hic esse dicuntur, quicumque sunt cum imperio, id est, magistratus maiores, vel maioribus auspiciis & lege curiata creati. Gell. *Noct. Att. XIII*, 14. L. 1. *pr. D. si quis ius dicenti non obtemp.* Huber. *Praelect. ad Instit.* I, 25. 4. Vnde ne Aedilitas quidem excusabat L. 17. §. 4. *D. b. t.* Nam Aediles nec coercere poterant, nec iubere in carcerem duci, nec prehensionem habebant, sed ipsi in ius vocabantur. Gell. *Noct. Att. XIII*, 15. Postremo tamen participes huius beneficii facti sunt Senatores, L. 15. §. 3. *b. t.* immo & ἀρχοντες τῶν πάλαιων, id est, Duumviri. L. 6. §. 16. *b. t.*

XV. De (V) paupertate: (VI) trium telarum onere, ut & (VII) imperitia litterarum nihil est, quod ex antiquitate monendum sit. Ast quum (VIII) & professio liberalium artium excusarit; huius quae fuerit Romae conditio, ostendendum erit paullo accuratius.

XVI. Grammatici, quos initio LITTE-
RATOS, vel LITTERATORES adpellabant, (f) serius Romae docuerunt. Ludimagistris, qui primis litterarum elementis imbuebant

XV. De aliis excusandi causis.

XVI. Professio artis Grammaticae.

bant pueros, semper quidem procul dubio vſi ſunt Romani: ſed ab his diuerſi grammatici erant, id eſt, poetarum interpretes, Suet. *l. c.* Vnde & in iure noſtro a ludi litterarii magiſtris diſcernuntur. *L. I. pr. & §. 6. D. de extraord. cognit.* Grammaticam olim Romae ne in vſu quidem, nedum in honore fuiſſe, rudi ſcilicet ac bellicoſa tum ciuitate, docet Sueton. *de illuſtr. Gramm. I.* ex quo etiam diſcimus, mediocre eius exſtiſſe initium, proſitentibus eam artem non niſi ſemigraecis, immo & libertinae conditionis hominibus. Sane L. TITINIVS L. L. AMAZON GRAMMATICVS memoratur apud Reineſ. *Inſcr. Claſſ. I.* 228. p. 216. M. POMPILIVS M. L. FORTVNATVS GRAMM. apud Gruter. *Inſcr. p. MXXXV.* 6. vt alia iam exempla praetermittam, quae & ipſe Suetonius ſuggerit. Primus hoc ſtudium in urbem intulerat Crates Malleotes, qui miſſus ad ſenatum ab Attalo Rege, inter ſecundum & tertium bellum Punicum, quum fracto crure decumberet, adſidue diſſerendo, Romana ingenia excitauit. Sequuti eum ſunt alii, praecipue poſt Q. Metelli tempora poſt quae adeo ſenſim creuit grammatices honor, vt ne clariffimi quidem viri ab ea ſe abſtinerent, & aliquando ſuper viginti celebres ſcholae in vrbe florent. Suet. *de illuſtr. Gramm. III.* Sed plerique docebant priuatim, aut certe magno virorum illuſtrium aere conductioni. Primus centena in annum

(f) Teſte Sueton. *De Illuſtr. Gramm. IV.* vbi erudita ſunt, quae adnotauit Iſ. Caſaub. p. m. 732.

annum sestertia accepit Verrius Flaccus sub Augusto & Tiberio Suet. *de Gramm.* XVII. Postea sensim inualuit, vt & Grammatici publicis inuitati stipendiis docerent. Ael. Spartian. *Vit. Hadr.* XVII. adeo vt stipendium eorum ordinarium temporibus Luciani essent *μύριας δραχμαί*, id est sestertia quadraginta, aurei quadringenti, vel mille coronati monetae nostrae Belgicae. Vid. Gronou. *de pecun. vet.* LIV. cap. XI, p. 729. Immo & annona iis quotannis coepit distribui, quam aliquoties iis deminutam restitutamque esse, patet ex Symmach. *Epist.* I, 33. Cassiodor. *Epist.* IX, 21. vt & L. 11. C. *Theod. de Medic. & Professor. Lib. XIII. Tit. III.*

XVII. Serius multo, immo & difficilior XVII. Professio
Romae recepti sunt rhetores, quippe quos an- rhetori-
no V. C. IOXCII. C. Fannio Strabone & M. Va- ces.
lerio Messala Coss. SCo; deinde anno V. C. IO
CLXI. a C. Domitio Ahenobarbo & L. Licinio
Crasso censorio edicto vrbe expulsos constat.
Suet. *de clar. Rhet.* I. Postea & rhetoricam priua-
tim docere coeperunt plures, quorum aliquot
recenset Sueton. *de clar. Rhet.* III. *sequ.* Primus
vt diserte notat Euseb. *in Chron. n. MMCIV*, pu-
blice Romae docuit, salariumque e fisco acce-
pit Quinctilianus, idque sub Domitiano. At
iam Vespasianum Latinis Graecisque rhetori-
bus annua centena id est, aureos mille e fisco
constituisse, tradit Sueton. *Vesp.* XVIII. Poste-
riores Imperatores ea in re modo liberaliores
modo tenaciores fuerunt. Sub Marco enim
rhetorum stipendium fuere drachmarum de-
cem millia, Luci. *Eunuch.* id est, aurei cccxxxiii.
&

& regales IV. ceu rationes init Theod. Marcil. ad Suet. *Vesp. cap.* 18. vel cccc. vti Gronouius. Tatianus qui sub Commodio floruit sexcentos aureos philosophis scribit datos, ex quo & salaria rhetorum sexcentorum aureorum fuisse videntur Theod. Marcil. ad Suet. *Vesp. l. c.* Immo Eumenius rhetor liberalitate Principis salarium sexcentorum millium nummum sese accipere gloriatur, in *Orat. pro restaur. schol.* XI, qui ex Gronouii calculo conficiunt XLV. millia florenorum Hollandicorum.

XVIII.
Professio
philosophiae.

XVIII. Eadem paene Romae philosophorum fata fuerunt. Ii quoque cum Rhetoribus pulsi A. V. C. DXCII. Idem saepius factum, cum antea, tempore Catonis, tum etiam sub Domitiano, Suet. *Domit. cap.* X. sub quo Epictetus quoque Roma excedere iussus est. Interea tamen semper priuatim floruit philosophiae studium. Primus philosophis stipendia & honores concessit Antoninus Pius. Iul. Capitolin. *Vit. Anton.* XI. vt & post eum D. Marcus, qui vti ipse serio philosophabatur, ita omnis generis doctoribus annuam mercedem constituebat. Xiphilin. LXXI. p. 814. Hoc quoque salarium annuum ordinarie DC. aureorum fuisse, ex Tatiano colligimus cum Casaub. *Not. ad. Sueton. Vesp. cap.* 18. At nonnullis tamen minus datum est. Luciani enim tempore singula philosophorum genera acceperunt decem millia drachmarum, id est, cccc aureos Lucian. *Eunuch.* p. 161. Tomo IV. Tantundem datum fuit Theodoto Sophistae apud Philostr. *Vit. Sophist.* 11.

XIX.

XIX. Medicina Romae fero coli, & in aliquo pretio haberi coepit. Seruos solos ac libertos artem hanc fecisse negat quidem Carolus Sponius *dans les recherches d'antiquité Dissert. XXVII.* sed eum artis suae amore falli, satis patet ex Sueton. *Calig. VIII. Quintil. Inst. VII, 2. Senec. de Benef. III, 24. Varr. de re rust. I, 16.* Ipsi lapides nobis plura exempla seruant. Apud Reinesium *Inscr. Class. XI, 8.* est Q. CLODIVS, Q. L. NIGER, MEDICVS OCVLARIS. Apud Grut. *p. MCXI, 6. Fabret. Inscr. cap. IV. p. 300. Spon. Misc. Erud. Ant. p. 143. & Maluaf. Marm. Felsin. p. 219.* TIBERIVS (ILLVSTRIVS,) TI. CAES. AVG. SER. CELADIANVS MEDICVS OCVLARIVS, alia marmora, quae Gruterianus Index in titulo: *officia domus augustae & priuatae* facile vnicuique suggeret, hic praetermittimus. Immo & seruas & libertas fecisse medicinam, patet ex marmoribus apud Gruter. *Inscr. p. DCXXXVI.* vbi occurrit IVLIA, Q. L. SABINA, MEDICA, MINVCIA. C. L. ASTE, MEDICA, SENTIA ELIS, MEDICA. Tales etiam erant obstetrices, quae medicamenta dare solebant, *L. 9. pr. D. ad L. Aquil.* veluti SVAVITAS L. AGREPINAE, OBSTETRIX, apud Grut. *Inscr. p. DCXXXVI, 4.* Ceterum primus medicos ciuitate donauit Iulius Caesar; Suet. *Iul. XLII.* Augustus vero Antonii Musae, liberti, opera e graui ac periculoso morbo restitutus, Musaeius aureorum annulorum, vniuerso medicorum ordini immunitatem dedit Dio Cass. *LIII. p. 592.* Hinc multis Vespasiani, Hadriani, alio-

XIX. Professio medicinae.

aliorumque rescriptis confirmatum est illud privilegium *L. ult. §. 30. D. de mun. & bon.* Postea quum nimis multi medicinam professi immunitate fruerentur certum definiri numerum placuit. *L. 6. §. 2. D. de excusat.* Alexander porro medicis annonam addidit. Lamprid. *Alex. XLII.* Posteriores vero Imperatores eorum immunitatem auxerunt ac confirmarunt plurimis constitutionibus, quae etiamnum existant in *C. Theod. tit. de medic. & profess.* Brissou. *Ant. Sel. II, 3.* qui etiam sequente capite ostendit *χρυσός* simul fuisse plerosque medicos. Hinc & vulnerarii vel *vulnerum medici* vocantur. Plin. *Hist. Nat. XXIX, 1.* nec non *medici chirurgi* in Marmore hoc apud Manut. *Orthogr. 243.*

CARESTE. CONSERVAE. ET. CON-
IVGI,

GELADIVS. ANTINOVS. DRVSI.

MEDICVS CHIRVRG.

BENE. MERENTI. FECIT. EA. VI-
XIT. ANN. XVII.

Apud Grut. *Insc. p. CCCC, 7.* laudatur MEDICVS CLINICVS. CHIRVRGVS. OCVLARIVS. Celebres etiam fuere *iatrialiptae*, seu medici vnguentarii, de quibus Plin. *Hist. Nat. XXIX, 1.*

XX. Pro-
fessio iu-
rispru-
dentiae.

XX. Iurisprudentiae studium Romae semper floruit. Primus tamen illud professus est Tiberius Coruncanus. *L. 2. §. 2. D. de O. l.* Quem deinde alii sequuti sunt, qui vero, ut Cicero ait in *Bruto XLI.* nullum sibi ad eam rem tempus ipsi seponabant, sed eodem tempore & discipulis satisfaciebant, & consulentibus. Sic verbi gratia Q. Scat.

Scaeuola, quanquam nemini se ad docendum dabat, tamen consulentibus respondendo, studiosos audiendi docebat. Cic. *Brut.* LXXXIX. Vid. supra *Proem.* n. 42. 43. Neque tamen certi quidam atque ordinarii erant iuris professores, sed, ut quisque studiorum suorum habebat fiduciam, ita consulentibus aequae ac discipulis se videtur dedisse. Postremo & iureconfulti publice, certo stipendio conducti, Romae docere coeperunt, eaque schola iuridica Romana in occidente vnica tam frequens fuit, ut ex omni occidente eo iuuenes confluerent. Sic Rutil. Numant. *in itinerar. Lib. 1, v. 109.*

Facundus iuuenis, Gallorum nuper ab armis

Missus, Romani discere iura fori.

Constantius in *vita S. Germani Cap. III.* *Vt in eum professio litterarum plena consueret: post auditoria Gallicana intra urbem Romam IURIS scientiam plenitudini perfectionis adiecit.* Plura de hac schola Romana iuridica dabunt Io. Sauaro *ad Sidon. Apollin. Epist. 1, 6.* ubi Sidonius Romam *domicilium legum* vocat, Franc. Iuret. *ad Symmach. Epist. 1X, 83.* & Dadin. *Alteserra Rer. Aquit. III, 5.*

XXI. Florentissima ergo Romae fuit schola, in auditorio Capitolino, in qua Theodosii & Valentiniani aeuo docuerant Rhetores Latini tres, Grammatici Latini decem, Sophistae Graeci quinque, Grammatici Graeci decem, Philosophus vnus, iurium professores duo Conring. *Antiq. Acad. Dissert. 1, p. 22.*

XXII. In prouinciis quoque floruerunt scholae, Augustoduni, Burdegali, Tholosae, Nar-

XXI. Quales fuerint Romae scholae publicae.

XXII. Quales scholae per prouincias.

Narbonae, Mediolani, Carthagine, & in plerisque ciuitatibus honoratioribus, in quibus tamen non nisi rhetores & grammatici vtriusque linguae docuisse videntur. Conring. *l. c. pag. 16. sequ.* In oriente alia quodammodo fuit scholarum conditio. Alexandriae enim iam inde ab Antoninorum aetate floruit schola *ἱατροσοφιστῶν*, id est medicorum, tantae celebritatis, vt ad commendationem medici illud satis esse videretur, si fuisset Alexandriae aliquamdiu comoratus. Ammian. Marcellin. *Hist. XXII, 43.* Conring. *Medicin. Hermet. IX.* Beryti vero & Constantinopoli etiam ius ciuile traditum. Et Beryti quidem iam saeculo tertio exeunte studia iuridica floruerunt, *L. 1. C. qui aetat. vel profess. se excusf.* eandemque scholam eodem tempore obseruante Menagio *Amoenit. iur. XXIV.* magnopere celebrauit. Gregor. *Thaumaturg. Paneg. Origen. p. 57.* Tacita sane huius scholae fuit celebritas, vt eam *μητέρα τῶν νόμων matrem legum* adpellare non dubitet Eunap. *vit. Proaeres. p. 150.* τὸ ἔδος χαρίτων, *Gratiarum sedem* Ioannes in *Anthol. Lib. I. cap. 68. epigr. 29.* πῶλιν ῥωμαϊκωτέραν, καὶ τῶν νόμων τέτων παιδευτήριον, *ciuitatem plane Romanam, & legum Romanarum Gymnasium* Gregorius Thaumaturg. *l. c. δίκης πίδον αἴτιον θεμιστῶν*, iuris domicilium & urbem iureconsultorum. Non. in *Dionysiac. Lib. XLII.* Legum denique *nutricem* Iustinianus. *Constit. omnem §. 7. ad Antecess.* Beryto euocari consueuisse iuris peritos, qui adfiderent magistratibus vt sine fauore & odio cognoscerent, ex vetere chorographo obseruat Iac. Gothofred. ad *L. 1. C. Theod. de adfess. domest.*
Docebant

docebant ibi Antecessores quatuor, ceu ex d. *Const. omnem, ad Antecessores* colligit Menag. *Amoen. Iur. Cap. XXIV, p. 134.* Sed vrbs, quae in iure nostro *pulcherrima & splendidissima*, immo *metropolis* vocatur, paullo post Iustiniani tempora terrae motu euerfa est, Agath. *II, p. 285.* Quam ruinam epigrammate non vno defleri videas in *Anthol. I, 68. Epigr. 19. & sequ.* Constantinopoli iuris professores duos reliquis addidit Theodosius, philosophiae vero doctorem adiecit Iustinianus, vt adeo schola Constantinopolitana Romanae illi per omnia fuerit similis. Conring. *Antiq. Acad. Diss. I, p. 21. sequ.* Alibi, quam Romae, Constantinopoli & Beryti ius Romanum doceri, & maxime Alexandrinos & Caesarienses antecessores iuris habere, vetuerat Iustinianus. *Const. Omnem. §. 7. ad Antecessores.*

XXIII. Omnes ergo Grammatici, rhetores & medici Romae docentes, aut in patria has artes exercentes, qui intra numerum erant, a tutela & cura habebant vacationem §. 15. *Inst. b. t. L. 6. §. 1. D. b. t. & tit. C. de profess. & medic.* Iisdem & philosophi accensentur. *L. 6. §. 5. D. b. t. nec non iureconsulti Romae docentes. L. 6. §. 12. D. eod. immo omnes vbique artium professores. L. 6. C. de profess. & med.* Minus vero eo priuilegio gaudebant hydraulae, poetae, aliique quibus nullis in scholis publicis erat locus. Vinn. *Comm. ad §. 16. Inst. b. t. p. 139.*

XXIII.
Immunitas a tutela
lis professoribus
concessa.

TIT. XXVI.

DE

SVSPECTIS TVTORIBVS VEL
CVRATORIBVS.

Non solum excusari, sed & remoueri a tutela & curatione nonnulli poterant, si vel dolose vel segniter pupillorum minorumque res administrare & curare dicerentur, vel vlla malae fidei in eos caderet suspicio. Tales dicebantur SVSPECTI, & de his ad hunc titulum agendum.

I. Suspecti
crimen c
XII. Tab.
bulis.

I. Suspecti crimen ex lege XII. Tabularum descendere, ipse agnoscit Imperator *princ. Inst. b. t.* vt & Vlpianus *L. 1. §. 2. D. de susp. tut.* nec obscure id testatur Cic. *de offic. III, 15.* In iis tabulis cautum fuerat: SI TVTOR DOLO MALO GERIT, VITVPERATO, QVANDOQVE FINITA TVTELA ESCIT, FVRTVM DVPLIONE LVITO. Gothofr. *Leg. XII. Tab. VII.* Quamuis vero *suspecti* vocabulum in hac lege, si ita concepta fuit, non occurrat: praecipue tamen veteribus *suspicio* esse dicebatur, vbi dolus malus videbatur metuendus. Hinc Terentius *Eunuch. III, 3.*

- - - *iam tum erat suspicio,
Dolo malo haec fieri omnia.*

Quum ergo de eo tutore in lege ageretur, qui minus ex fide tutelam gereret: iureconsulti eum vocarunt SVSPECTVM, quemadmodum

dum & actionem ipsam *crimen suspecti* (a) adpellabant. *princ. Inst. h. t.* Quamvis autem ex XII. Tabulis sit hoc crimen: Decemuiri tamen illud, sicut & alia iura, ab Atheniensibus acceperant, apud quos nota erat ἡ τῆς ἐπιτροπῆς γράφη, quam cuius instituere licebat aduersus tutorem qui pupillum vlla adfecerat iniuria. Iul. Pollux *Lib. VIII. cap. VI. Segm. 35.*

II. Suspecti postulari poterant omnes tutores, siue dati ex lege Atilia, siue testamentarii, siue legitimi. *L. 1. §. 5. D. h. t.* Immo & patroni huic iudicio eatenus erant obnoxii, vt eorum famae parceretur, *L. 1. §. 5. D. §. 2. Inst. h. t. L. 9. D. de obsequ. par. & patr.* id quod etiam in agnatis obseruari, ipsius pupilli videbatur interesse: vnde & his potius curator adiungi solebat. *L. 9. D. h. t.* Praeterea & omnes postulare suspectos poterant promiscue, vnde & *quasi publica* erat haec accusatio §. 3. *Inst. h. t. L. 1. §. 6. D. h. t.* Quamvis enim vere publicum non esset hoc iudicium, quum causa ne quidem criminalis haberetur, & hinc apud magistratus qui iurisdictione tantum gaudebant, e. g. apud Praetorem institueretur: in multis tamen imitabatur iudicia publica. Praeterquam enim quod cuius e populo accusandi ius esset: vocabula etiam eiusmodi adhibebantur, quorum alias in publicis tantum iudiciis erat vsus, vt puta, *crimen, accusatio*, quae omnia κατ' ἀναλογίαν in hac caussa vsurpantur, Hub. *Praelect. ad Inst. 1, 26.*

R 2

III.

(a) Crimen hic est idem ac accusatio, quare & Theophilus κατηγορίαν vertit. Vjd. Brisson. *de Verb. Sign. voce crimen* p. 153.

(a)

III. Suspectis interdicebatur administratione. Eorumdem remotio & infamia.

III. Suspectis hac actione factis, primo omni administratione tutelae interdicebatur, & interim dabatur curator. *L. 7. C. b. t.* Deinde si eos vel dolo malo, vel culpa sua, parum diligenter tutelam gessisse, adpareret, remouebantur; ab eaque interdictione & poena nec promissa satisfactio liberabat. §. 12. *Inst. b. t.* Praeterea & infamis erat tutor, quotiescunque doli culpaue latae fuerat conuictus §. 6. *ead.* Commune id hoc iudicium habet cum omnibus reliquis, quae occasione tutelae oriuntur, veluti actionibus tutelae & de distrahendis rationibus. Hinc turpe tutelae iudicium memorat Cicero de Orat. 1, 26. & pro A. Caecina III. Idem pro Q. Roscio Comoedo VI. *Si qua sunt priuata iudicia summae existimationis, & paene dicam capitis, tria haec sunt fiduciae, tutelae, societatis. Aequae enim perfidiosum & nefarium est, fidem frangere, quae continet vitam, & pupillum fraudare, qui in tutelam peruenit; & socium fallere, qui se in negotio coniunxit.*

IV. Poena tutorum quorumdam extraordinaria.

IV. Nonnunquam etiam, si dolum insignem aliaque delicta internenisse adparet, tutores tam nefarii ad praefectos vrbi remittebantur, extra ordinem puniendi: §. 10. *Inst. b. t.* maxime si libertus tutor filios vel nepotes patroni fraudasset. §. 11. *ead.* Quum enim merum in vrbe imperium non esset penes Praetores, sed penes Praefectum vrbi, cuius iam pridem erat, animaduvertere in crimina, quae intra urbem, vel centesimum milliarem extra eam, committerentur: Tacit. *Annal.* VI, 11. Dio Cass. *LII. p.* 547. Suet. *Aug.* XXXVII. L. 1. *princ.* §. 3.

§. 3. 4. 10 *D. de praef. urb.* oportebat omnino praetorem reos animaduersione vel supplicio dignos ad Praefectum vrbi mittere. Qua remissione opus non erat in prouinciis, vbi Procons. & Praesides & iurisdictione & imperio mero gaudebant. Insigne huius seueritatis exemplum statuit Galba, qui tutorem, quod pupillum, cui substitutus erat, necasset, in crucem fustulit, & quum se ciuem esse clamaret, ei crucem dealbatam & ceteris altiore statui iussit. Sueton. *Galb. IX.*

V. Ceterum ab hoc iudicio diuersa erat actio *de distrahendis rationibus*, quae finita demum tutela contra tutorem, qui furtim aliquid subtraxerat, dabatur in duplum, *L. 55. §. 1. D. de adm. & peric. tut.* quo pertinent vltima legis XII. Tabularum, verba: QVANDOQVE FINITA TVTELA ESCIT, FVRTVM DVPLIONE LVITO. Sed de ea actione satis multa notant doctores, nihil vt addendum iam videatur.

V. Actio
de distra-
hendis ra-
tionibus.

APPENDIX.

LIBRI I.

DE

IVRE ANTIQVO CIVIVM ROM.
LATINORVM, ITALIAE, PROVIN-
CIARVM, NEC NON CON-
DITIONE PEREGRI-
NORVM.

Liber Institutionum primus totus agit de diuisionibus personarum ratione status. Quum vero personarum status maxime triplex in iure Romano traderentur, *libertatis* puta, *ciuitatis* & *familiae*: Tribonianus non nisi eas attulit diuisiones personarum, quae ad libertatis familiaeque statum pertinere videbantur. De ciuitatis statu nihil differuit, forsân, quod ea, quae huc pertinent, iura tantum non omnia euerterat Antonini Caracallae constitutio, de iure ciuitatis cum omnibus orbis Romani incolis communicando. *L. 17. D. de statu hom.* Ast quamuis excusari mereatur Tribonianus: nos tamen forsân non aequè videremur excusandi, si tam praeclaram antiquitatum Romanarum partem, quae tot iuris nostri veterumque auctorum locis tam egregiam lucem accendit, intactam plane praetermitteremus. Iuua-bit itaque post Car. Sigonii, Ez. Spanhemii, aliorumque luculentissimas coméntationes (a)

ea

(a) Hauc pauci de hac re egregios ediderunt commentarios.

ea de iure ciuium Romanorum, Latinorum, Italogorum, prouincialium, deque statu & conditione peregrinorum hic coniunctim exhibere, quae ad illustrandum ius Romanum quam maxime facere videbuntur.

I. Ex quo Roma initio per Latium, tum per Italiam, ac denique per vniuersum paene terrarum orbem arma victricia circumtulit: quadripartita esse coepit hominum huic imperio subiectorum differentia. Alio enim iure CIVES, alio LATINI, alio ITALICI, alio denique PROVINCIALES utebantur. Priores tres gradus coniungit Claudius Imp. apud Tacit *Annal. XI, 24.* *Omnia P. C. quae nunc vetustissima creduntur, noua fuisse: plebei magistratus post patricios; LATINI post plebeios, ceterarum ITALIAE gentium post Latinos.* Habes hic CIVES, LATINOS, ITALICOS, ita coniunctos, vt intelligas, *ciuitatem iure Latii, hoc iure Italico praestitisse.* Omnium postremae conditionis erant PROVINCIALES, quos ideo Italicis postponit Suet. *Vespas. IX.* *Ordines exhaustos suppleuit, honestissimo quoque ITALICORVM ac PROVINCIALIVM adlecto.*

I. In Romano imperio alii erant ciues, alii Latini, alii Italici, alii prouinciales.

II. Quicunque cinitatis iure non fruebantur, ii veteribus *hostes*, & paullo post, inflexa in deterius

II. Peregrini qui fuerint?

tarios. Caroli Sigonii & Ez. Spanhemii aeterna atque excellentissima opera nemini ignota sunt. His addendi Alex. ab Alex. *Genial. Dier. IV, 10.* Onuphr. Panuin. *de Imp. Rom. V.* Selden. *de Synedr. II, p. 62.* Henr. Dodwell. *Praelect. Cambden. p. 194.* Petr. Ios. Cantelius *de Rep. Rom. p. 208.*

terius huius vocabuli significatione peregrini vocabantur. Cic. *de offic.* I, 12. Festus *voce hostis*. p. 297.

CAP. I.

DE IVRE QVIRITIVM ET
CIVITATIS.

III. Olim
omnes,
qui Ro-
mam
commi-
grarunt,
promi-
scue ci-
ues facti.

III. Ac primo quidem, quum nova vrbs non admodum adflueret ciuibus: promiscue iura ciuitatis impetrabant, quicumque vel in vrbe vel in agro Romano Lares figere constituerant. Liu. I, 8. Immo tantum erat Romuli studium amplificandi ciuitatem, vt & hostes deuictos plerumque in vrbeni transferret, agroque adsignato, in curias adscriberet. Hunc in modum ciuitatis iura comunicauit cum Caeninensibus, Camerinis, Antemnatis, Crustuminiis, ac postremo etiam cum Sabinis Dionys. Halic. *Antiquit. Rom.* II, p. 103. & III. Liu. I, 13. Vnde Claudius apud Tacit. *Annal.* XI, 24. *Ad conditor noster, Romulus, tantum sapientia valuit, vt plerosque populos eodem die hostes, dein ciues habuerit. Sequuti sunt hoc exemplum ceteri Reges, qui Albanos, aliosque populos deuictos Romam transtulerunt, ac ciuitatis fecerunt participes. Liu. I, 29. 33. Qua de re Cicero pro Cornel. Balbo XXXI. Illud vero sine omni dubitatione maxime nostrum fundauit imperium, & populi Romani nomen auxit, quod princeps ille creator huius vrbis, Romulus, federe Sabino docuit, etiam hostibus recipiendis augeri ciuitatem oportere. Sic initio, vt recte obseruat Dionysius. IV, p. 256. ἀπὸ τῶν ξένων ἠνέκεν*

ἐπιτρέψαν τῆς πόλεως μὲνέχων, quoslibet externos ad-
mittebant, ad ius ciuitatis, ne iis quidem exclusis,
qui e iusta seruitute fuerant manumissi. Hos
enim omnes e Ser. Tulli instituto ciues Ro-
manos factos, & in quatuor urbanas ciuium Ro-
manorum tribus descriptos esse, ex eodem ad-
paret Dionysio. Non segnius aliquamdiu, li-
bera iam republica, prouiderunt Romani, ut
ciuitatis iura cum quamplurimis communica-
rentur, maxime post captam & incensam a
Gallis urbem, quam ut tanto splendidius in-
staurarent, nouos & peregrinos ciues adscie-
runt ex Veientibus, Capenatibus & Faliscis, iis-
que agri partem assignarunt, teste Liuiο VI, 4.
Et sane prudenter id prouisum est a Romanis.
Quum enim Romanae reipublicae salus in ar-
morum vi posita videretur, quae nulla esse po-
terat sine numerosa ciuium multitudine, meri-
to de augendo ciuium numero quam maxime
fuere solliciti, ut luculenter ostendit Dionys.
Halicarnass. II, p. 89. & III, p. 148.

IV. Postea factum est, ut praeter eos, qui
domicilium in vrbe vel agro Romano consti-
tuerant, quiue in urbanas vel rusticas tribus fue-
rant descripti, etiam peregrinis aliorum oppi-
dorum, & qui in iis remanebant, incolis, aut
uictis etiam, nec tamen in urbem abductis ho-
stibus, modo singulis modo vniuersis ius Ro-
manae ciuitatis Senatus populique iudicio at-
que auctoritate deferretur. Sic Dionysius
Halic. II. pag. 89. obseruat, Romanos captas
vrbes non excidisse, sed in alias misisse
colonos, *ἐν ἱαίς δὲ καὶ πολιτείαν μεταδίδοντες*.
R 5 aliis

IV. Postea
& aliis,
qui in op-
pidis suis
mane-
bant, ius
ciuitatis
datum.

Vnde alii
ciues in-
genui alii
munici-
pes.

aliis ciuitatem dedisse. Quo pertinent etiam illa
Liuii XXVI, 24. *Iam inde a maioribus traditum
morem colendi socios, ex quibus alios in ciuitatem atque
aequum secum ius acceperant.* Quicumque ergo
adepti Romanae ciuitatis iura in oppidis suis
manebant, ii MVNICIPES dicebantur. Simul
ac vero Romae fortunarum suarum sedem col-
locabant: CIVES INGENVI erant, ceu eos
vocat Cicero in *Bruto Cap. LXXV.* Sic M. Por-
cius Cato, quamdiu Tusculi est commoratus,
municeps fuit: vbi Romam commigrauit, ciuis
Romanus, quamuis iam ante iure ciuitatis Ro-
manae etiam in municipio suo frueretur. Sigon.
de antiquo iure ciu. Rom. I, 1. p. 16. Ex quo patet,
alios fuisse *ciues ingenuos*, vel optimo iure ciues,
alios *municipes*. Illi Romae domicilium, tribum
& honorum petitionem fuerant consequuti;
hi, tametsi tribum atque honorum petitionem
adepti essent, tamen domicilio carebant.

V. Muni-
cipum
duplex
erat pa-
tria, sed
Roma ta-
men pa-
tria ma-
ior.

V. Illi, (tametsi alias ciuis Romanus pluri-
um ciuitatum ciuis esse haut posset,) tum in
municipio suo, tum Romae magistratus recte
gerebant, ideo quod non tam duarum diuer-
farum vrbium, etsi aliqua inter eas privati iuris
esset varietas, quam vnus, ciues censerentur.
Ez. Spanhem. *Orb. Rom. Exerc. I, 1. 7. p. 13. Tom.*
XI. Thes. Ant. Rom. Duplex ergo municipibus
erat patria: altera in qua nati; altera, qua ex-
cepti erant, quamuis haec veluti maior esset, &
illa in hac contineri videretur, vt praeclare
ostendit Cicero *de Leg. II, 2.* quem locum totum
adscribere licebit. Interrogauerat Atticus,
cur Cicero Arpinum *germanam patriam suam* ad-
pellarit:

pellarit? Cui Cicero: *Ego mehercule & Catoni & omnibus municipibus duas esse cenſeo patrias: vnā naturae, alteram ciuitatis: vt ille Cato, quum eſſet Tuſculi natus, in populi Rom. ciuitatem ſuſceptus eſt. Itaque quum ortu Tuſculanus eſſet, ciuitate Romanus, habuit alteram loci patriam, alteram iuris. Et quibusdam interiectis: Sic nos & eam patriam ducimus, ubi nati, & illam, qua excepti ſumus. Sed neceſſe eſt, caritate eam praestare, qua reip. nomen vniuerſae ciuitatis eſt: pro qua mori & cui nos totos dedere, & in qua noſtra omnia ponere & quaſi conſecrare debemus. Dulcis autem non multo ſecius eſt, quae genuit, quam illa, quae excepit. Itaque hanc meam eſſe patriam, prorsus nunquam negabo, dum illa ſit MAIOR, & haec in ea contineatur. Hinc ſaepe fiebat, vt vnus idemque & Romae & in municipio ſuo ſummos honores gereret. Ita Milo, dum iam Romae conſulatum petebat, Dictator erat Lanuuii in patria naturali. Cicero pro Milone XXXVII. Et Ciceronis filius Aedilis apud municipes ſuos Arpinates patris voluntate factus eſt, teſte eodem Cicerone *Epist. ad Fam. XIII, 11.* Immo ipſe Hadrianus iam Imperator veteri ritu in patria ſua. Quinquennalem ſe creari paſſus eſt. Spartian. *vit. Hadr. XX.* Inter municipes tamen & ciues ingenuos aliquam fuiſſe priuati iuris varietatem, paullo poſt docebimus.*

VI. Poſtea, vbi maior paullatim dignatio Romanae ciuitatis eſſe coepit: ius ciuitatis parcius dari, & vix cum quibusdam Latii populis vel ad augendam rem Romanam, vel honoris cauſſa communicari coepit. Liu. *VIII, 13. & 14.*

Eius

VI. Hinc porro ciuitate donati etiam Latini quidam, ſed non eodem iure,

Eius beneficii Latinorum populis ac Hernicis dati primus auctor Sp. Cassius, tertium Consul circa annum V. C. cclxvii. Dionys. Hal VIII, p. 538. *sequ.* Ast quum consul ille popularis & de adfectata tyrannide suspectus, tam late hoc populi Romani beneficium interpretaretur, ut Latinis & Hernicis cum iure ciuitatis etiam ius suffragii datum contenderet; solebant deinde Romani ius ciuitatis ita dare, ut pro diuerso sociorum in populum Romanum studio, modo ius suffragii simul concederent, modo illud disertis verbis exciperent. Primi sine iure suffragii ciuitatem acceperunt Caerites. (b) Strabo *Geogr.* V, p. 222. Gell. *Noct. Att.* XVI, 13. Mox & Campanis equitibus, Fundanis & Formianis eadem lege data ciuitatis iura Liu. VIII, 14. nec non Acerranis, Liu. VIII, 17. Anagninis, Liu. IX, 43. aliisque pluribus, de quibus accurate Ez. Spanhem. *Orb. Rom. Exerc.* I, 1. 8. p. 16. *sequ.* Contra ea Lanuuiini, Aricini, Nomentani, Pedani aliique in ciuitatem ita accepti sunt, ut & iure ferendi suffragii, & capiendi in vrbe muneris gauderent: unde & eiusmodi oppida veluti κατ' ἔξοχον MUNICIPIA, dicta ut docet Vlpian. L. 1. §. 1. D. de municip.

VII.

- (b) Inde factum, ut censores eos, quos suffragii iure priuabant, in *Caeritum tabulas* referre dicerentur. Gell. l. c. Ascon. Paedian in Cicer. *Diuiuat.* p. 1759. De his intelligendus Horatius. *Epist.* I, 6. v. 62.
 - - - - - *Caerite cera*
Digni, remigium vitiosum Ithacensis Vlyssis.

(c)

VII. Inualuit praeterea, ut etiam a *iure Latini* via pateret ad iura ciuitatis iis omnibus, qui in patria, Latio donata, magistratus gesserant. Appian. *de Bell. Civil. II*, p. 443. Strabo *IV*, p. 187. Quod ius Traiani adhuc aeuo ualuit, ut patet ex verbis Plinii *Paneg. XXXVII*. *His quoque, quibus per Latium ciuitas Romana patuisset.*

VII. Qui in Latinis ciuitatibus magistratus fiebant ciues.

VIII. Postremis reipublicae temporibus latius paullatim diffusum est illud Romanae ciuitatis beneficium. Quum enim paullo ante quibusdam tantum Latii urbibus ius ciuitatis Romanae summi beneficii loco concederetur: lata deinde lex est, ut e sociis ac Latini nominis promiscue, qui stirpem ex se domi reliquerant, ciues Romani fierent. Liu. *XLI*, 8. Accessit altera lex anno *Id. CLXIII*. a Seruilio Glaucia, de repetundis lata, ut Latinis esset ius ciuitatis consequendae in illius ciuis seu senatoris locum, qui accusatus ab iis repetundarum, a Romanis fuisset damnatus. Cicero *pro Balbo XXIV*.

VIII. Ciuitatem quoque impetrabant Latini, si stirpem domi reliquissent aut aliquem accusassent repetundarum.

IX. Primus L. Iulius Caesar, (c) occiso iam

IX. Ciuitas cum omnibus

(c) Non leuiter ergo errat editor Ciceronis orationum Parisiensis nouissimus, qui hanc legem Iuliam latam putat a Sex. Iulio Caesare, Consule A. V. C. *DCLXII*. Multoque grauior error est Ant. Augustini, *de Leg. & SC. pag. 120. T. 1. Thes. Ant. Rom.* qui Caesarem Dictatorem huius legis auctorem fingit. Sex. Iulio Caesari tribuere uidetur Appianus *de Bello Ciu. I*, p. 379. Sed quum Sex. Iulius Caesar anno V. C. *DLXIII*. cum L. Marcio Philippo, L. Iulius Caesar uero anno sequente

Latinis &
Italici
commu-
nicata le-
gibus lu-
lia & Plo-
tia.

iam vt videtur, collega P. Rutilio Lupo anno V. C. 10 CLXIII. lata lege Iulia, ciuitatem sociis ac Latini nominis dedit, qui flagrante bello Italico in fide manserant. Appian. *Bell. Civ. I, p. 379.* Cicero *pro Balbo XII.* Vell. Paterc. II, 16. 17. Postea confecto tristi illo bello sociali, vel anno V. C. 10 CLXV. Cn. Pompeio Strabone & L. Porcio Catone consulibus, vt patet ex Ascon. Paedian. *ad Orat. Cic. pro C. Cornel.* vel sequente anno 10 CLXVI. L. Cornelio Sulla & Q. Pompeio Rufo Coss. (d) lata lege Plotia a M. Plautio Siluano & C. Papirio Carbone Tribunis plebis ciuitas communicata cum omnibus sociis Latini nominis, immo & peregrinis illis, qui federatis ciuitatibus adscripti fuissent, si tum quum lex ferebatur, in Italia domicilium habuissent, & si sexaginta diebus apud Praetorem essent professi. Cicero *pro Archia Poeta VII.* Postremi arma posuerant Lucani & Samnites, sed & hos tamen ciuitate donari placuit A. V. C. 10 CLXX. Flor. *Epit. Liu. LXXXIV.* ex quo loco etiam constat, nouis his cinibus per vniuersam Italiam ius suffragii fuisse datum. Et initio quidem in octo nouas, id est, postremas tribus urbanas conlecti fuerant; Vellei. II, 20. postea in veteres XXX. post

sequente cum P. Rutilio Lupo consulatum gesserit: vero similis est, hunc legem tulisse, & quidem collega Rutilio iam occiso. Vnde simul patet, cur a solo Iulio lex nomen acceperit, nulla collegae facta mentione. Vid. Schwarz. *de iure Ital. §. III.* Ezech. Spanhem. *Orb. Rom. I, 1. 13. p. 30.*

(d) Minime vero subsequente Cinnae consulatu, vt tradit. Flor. *Epit. Liu. Lib. LXXX.*

(e)

post irritos P. Sulpicii, Tribuni plebis & C. Marii conatus translati sunt a C. Cinna consule. Appian. *de Bello cin.* l. p. 380. Epit. Liu. XXX. Ex quo tempore aequo per omnia iure vti sunt ciues Romani veteres & noui per vniuersum Latium & Italiam, adeo vt & ius petendi honores habuerint, (Cic. *pro Sulla VI. VII.*) & ius census, (Onuphr. Panu. *ad fast. consul. anno 10 CLXVIII.* ius sacrorum publicorum. Noris *Cenotaph. Pisf. Diss. I. cap. 5. p. 72.* Ez. Spanh. *Orb. Rom. I, 1. 13. p. 30.*

X. Italia tunc a supero mari Arimino & Ancona seu Rubicone fluuio, ab inferiore Luca terminabatur: reliquum tractum ad Alpes vsque Galli Cisalpini & Veneti infederant. Galli porro in Cispadanos & Transpadanos diuidebantur. Priores ciuitate donati Cispadani, vt pote Italiae propiores. Ez. Spanh. *Orb. Rom. I, 1. 14. p. 32.* Postea & Transpadani ciuitatis iura obtinuerunt vna cum Venetis. Nam quum antea Latii ius impetrassent a Pompeio Strabone: (Ascon. Paedian. *in Ciceron. Pison. p. 262.*) ipsum ciuitatis ius eis dedit C. Iulius Caesar anno V. C. 10 ccvii. Dio Cass. *Hist. XLI, p. 118.* Vnde non mirum Galliam hanc Cisalpinam ab eo tempore TOGATAM dici coepisse. Tam pleno enim iure fuerant ciuitatis iura consequuti, vt & ad suffragia ferenda petendosque honores non minus, ac reliqui ciues, admitterentur. Sueton. *Caes. IX.* Ez. Spanh. *Orb. Rom. I, 1. 16. p. 39.*

X. Paulo post & Gallis cisalpinis ciuitas data.

XI. Extremis reipublicae temporibus non intra Alpes stetit datae ciuitatis Romanae beneficium: sed & cum multis aliis gentibus est communicatum. Exemplo esse possunt vniuersi Gaditani

XI. Vt & aliis quibusdam gentibus.

Gaditani in vltiore Hispania, quos secundo consulatu ciuitate donauit Caesar. Dio Cass. *Hist.* *XL*, p. 161. Idem pro lubitu deinde quasdam alias ciuitates Hispaniae hoc ingente beneficio ornauit, Dio Cass. *XLIII*, p. 233. Quemadmodum & medicis, aliisque ea iura concessit. Suet. *Caes.* *XLII*. immo & Siculis omnibus ciuitatem, inaudito exemplo, testamento legauerat, quod legatum lata lege confirmauit Antonius. Cic. *Epist. ad Fam.* *XIV*, 12. *Philipp.* *I*, 24. Verum tamen ea lex Antonii non valuisse videtur. Sane sub Augusto adhuc plerasque Siciliae ciuitates Latini iuris fuisse, discimus ex Plin. *Hist. Nat.* *III*, 8.

XII. Augustus
parce ciuitatem,
sed quibusdam
tamen
dedit.

XII. Sub Imperatoribus multo magis prolati sunt Romanae ciuitatis fines. Augustus, equidem teste Suetonio *Aug.* *XL*. *ciuitatem parciissime dedit, adfirmans, se facilius passurum fisco detrabi aliquid, quam ciuitatis Romanae vulgari bonorem.* Idem leges haut paucas dedit, quibus aditus sordidis hominibus intercluderetur ad ciuitatem. Quales praecipue sunt lex Aelia Sentia, & Fusia Caninia, de quibus supra suo loco actum. Vid. Sueton. *Aug.* *XL*. Immo inter extrema mandata eius, Tiberio & S. P. Q. R. data etiam hoc erat; *μητ' αν εις την πολιτιαν ευχνης ισχυαθωσιν, ινα πολυ διαφορον αυτοις προς το υπηκοον η.* Ne multos iuris ciuitatis donarent, quo magnum inter ipsos & subiectos discrimen remaneret. Dio Cass. *LVI*. p. 541. Quibusdam tamen Augustum iura ciuitatis dedisse, patet, ex Suet. *Aug.* *XLVII*. Idque inprimis etiam discimus ex eius numis, in quibus laudantur Hispaniae municipi-

municipia, de quibus Io. Vaillantius *de Colon. num.* & Ez. Spanh. *Diff. de praest. numism.* V. pag. 768. & *Orb. Rom.* I, 2. 18. p. 47. *sequ.* Eadem liberalitate etiam Tiberius & Caius Caligula ciuitatem quibusdam dederunt, ceu ex numis & inscriptionibus idem docuit Ez. Spanhemius.

XIII. Claudius Imperator varie se gessit in concedenda negandaue ciuitate. Quosdam ciuitatem Romanam vsurpantes in campo Esquilino securi percussit. Suet. *Claud.* XXV. Idem tamen Latinis, naues mercaturae caussa fabricantibus, ius Quiritium dedit. Suet. *ibid.* XIX. Vlpian. *Fragm.* III, 1. & 6. Quin non solum Galliae Comatae primoribus; sed & vniuersae Galliae Comatae, ius ferendi suffragia, petendique honores dedit. Qua de re Tacit. *Ann.* XI, 24. Senec. *de Benef.* VI, 19. Immo multis eum confertim iura ciuitatis ac sine discrimine dedisse, ac venalia prope illa eius libertos habuisse, testatur Dio Cass. *Lib.* LX. p. 676. Vnde lucem capit vox illa Tribuni militum *Aët.* XXII, 28. ἐγὼ πολλὰ κεφάλαια τὴν πολιτείαν ταύτην ἱκετεύαμην. Ego vero magno aere hanc ciuitatem comparavi. quam egregie illustrat Ez. Spanh. *Orb. Rom.* I, 2. 19. p. 52. *sequ.*

XIV. Nero, ubi in musicis & curulis apud olympiam agonibus victor fuerat a iudicibus proclamatus, vniuersam Achaiam libertate, iudices ciuitate Romana, & pecunia grandi, donauit, quod beneficium etiam iis, qui pyrrhicham saltauerant, concessit. Suet. *Ner.* XII. Galba ciuitatem Romanam raro dedit, teste Suet. *Galb.* VIII. dedit tamen Bargiasensibus, Laco-

XIII. Liberalior ea in re Claudius.

XIV. Quibusnam Nero, Galba, Orho, Vitellius, & Vespasiani ciuitatem dederint?

brigenſibus, Deobrigenſibus & Talabrigenſibus, immo & Veſontinis & Clunienſibus, ſi fides numis ſub Galba cuſis, in quibus haec oppida Hiſpaniae & Galliae MVNICIPIA dicuntur. Claud. Chifflet. *Veſont.* 1, 28. Harduin. *Num. Urb.* p. 120. Vaillant. *de Colon.* T. 1, p. 105. De Othone conſtat, eum praeter quasdam alias largitiones Lingonibus vniuerſis ciuitatem Romanam dediffe. Tacit. *Hiſt.* 1, 78. Veſpaſianum Stobienſes (e) in Macedonia ciuitate donaſſe, conſtat ex numo apud Sponhem. *Diff. de num. prom.* 676. & Plin. *Hiſt. Nat.* IV, 10. Idem & filii ſaepe ius ciuitatis veteranis, liberis poſterisque eorum dederunt, vt patet ex marmoribus apud Gruter. *Inſcr.* p. DLXXIII, 2. p. DLXXIV. 5. 6. & p. DLXXV, 1.

XV. Traiani & Hadriani in danda ciuitate liberalitas.

XV. Hiſpaniae potiffimum Traianus fauit, ipſe Hiſpanus. Vnde in eius numis occurrunt municipia, Italica, Inlipenſe, Albengenſe, Vrgauonenſe. Quibus ex marmore apud Gruter. *Inſcr.* p. CLXII, 3. addendi Icaeditani, Lancienſes oppidani, Talori, Interamniennes, Colarni, Lancienſes, Transcudani, Araui, Meidubrigenſes, Arabrigenſes, Baniennes, Paefures, quos omnes a Traiano demum ciuitate donatos, non vana diuinatione, coniicit Ez. Spanh. *Orb. Rom.* I, 2. 21. p. 58. Idem Princeps ſingulis quibusdam ſubinde ciuitatis iura dedit, rogatu amicorum, vt patet ex Plin. *Epift.* X, 22. 6. 107. 108. Quin quum vicesimas

(e) Eos tamen ſua aetate iuris Italici fuiſſe, tradit Vlp. L. 8. §. 8. D. de cenſib.

(f)

mas hereditatum ante a pendere cogere^{ntur} no-
ui ciues : eos hoc onere primum Nerua, deinde
& Traianus liberauit. Quod Principis benefi-
cium collaudat Plin. *Paneg. XXXVII.* Hadria-
nus, sequutus Traianum, *Latium multis ciuitati-
bus dedit, tributa multis remisit, vt loquitur Spar-
tian. Vit. Hadrian. XXI.* At datae ab eo ciuita-
tis in numis & lapidibus nulla vsquam fit men-
tio, nisi quod in marmore sub eo legantur MV-
NICIPES MVNICIPI T. AELI. HADRIA-
NI. AVG. CIVILITANI. Grut. *Inscr. p.*
CCCLXII, 1. Vnde ciuilitanos ab eo ciuitate
donatos, colligit Spanh. *Orb. Rom. l. 2. 22. p. 60.*
Sunt equidem, qui Hadrianum auctorem pu-
tant celeberrimae illius constitutionis de ciui-
tate cum vniuerso orbe Romano communicata,
L. 17. D. de statu hom. quos in eum errorem indu-
xit Chrysostom. *ad Act. Apost. XXV, p. 875. To-
mus. IV, edit. Sauil.* Sed hos rationem fugere
paullo post clarissime adparebit.

An Ha-
drianus
auctor
constitu-
tionis,
qua ciui-
tas cum
orbe Ro-
mano
commu-
nicata?

XVI. An
ea Consti-
tutio tri-
buenda
Antonino
Impera-
tori?

XVI. Aequè fallitur Iustinianus Imperator,
qui celebrem illam constitutionem Antonino
Pio tribuit *Nov. LXXVIII, 5.* quamvis eum ante
Spanhemium tantum non omnes caeca fide se-
quuti sint. (f) At quamquam amplifica-
tum esse ab Antonino ciuium numerum,
vel ex numo praecipuae raritatis constat, in
quo AMPLIATOR CIVIVM dicitur :

S 2

discrimen

(f) Contrarium tamen ante Spanhemium obserua-
runt Wesembec. *Paratit. ad tit. D. de statu hom. n. 5.*
Petit. *Leg. Attic. p. 136.* Valef. *in Not. ad Excerpta*
Dionis p. 108. Claud. Salma^s. *de modo vsur. cap. XLX.*
p. 854. sequ. Rupert. *ad L. 2. D. de orig. iur. c. 1. p.*
17. 18.

discrimen tamen civium Latinorum, Italico-
rum, provincialium, etiam post Antonini Pi-
tempora superfuisse, cum ex aliis locis adparet,
tum ex Inscriptione apud Gruter. p. ccccviii, 1.
ex qua simul discimus, Antoninum Carnis &
Catalis propter aedilitatis gradum apud Ter-
gestanos gestum, iura ciuitatis Romanae de-
disse.

XVII. An
eam Mar-
cus Imp.
edidit?

XVII. Porro & ii errant, qui cum Victo-
re in vita Marci M. Antoninum huius constitu-
tionis auctorem faciunt, in quam sententiam
etiam Casaub. ad Spartian. Hadr. XXI. paullo
videtur procliuior. Nam superfuisse sub hoc
principe inter ciues & peregrinos discrimen,
patet ex celeberrima Lugdunensium Epistola
apud Euseb. Hist. Eccl. V, 1. vbi aiunt ὅσοι μὲν
ἐδάκνυον πολυτείαν Ῥωμαίων ἐσχκεῖναι, τῶν αὐτῶν
τὰς κεφαλὰς, τὸς δὲ λοιποὺς ἐπιτιμῶν εἰς Θανά-
τον. *Quicumque Romani ciues reperti sunt, capite truncati,
reliqui traditi bestiis.* Atqui scripserunt haec Lug-
dunenses extremis Marci Imperatoris annis:
adeoque inde recte colligi videtur, M. Antoni-
num non fustulisse illud discrimen, quod inter
ciues ac peregrinos intercessit. Illud tamen
certissimum est, tam liberalem in dando ciuita-
tis iure fuisse M. Antoninum, vt Aristides Rhe-
tor. Orat. in Rom. pag. 372. scribere non vereatur,
ξενὸν δὲ εἶναι, ὅς τις ἀρχῆς ἢ πίστεως ἀξίος, nec peregrini-
um censeri quemquam, qui magistratu vel fide dignus
sit, τὸ Ῥωμαῖον ἢ πόλιος, ἀλλὰ γένος ὄνομα κοινὸν τινὲς
εἶναι, *Romanum non urbis alicuius, sed communis ci-
iusdam generis nomen esse:* & quae sunt huius ge-
neris alia. Ez. Spanh. Orb. Rom. II, 2. p. 67. sequi.

XVIII.

XVIII. Non minus liberaliter iura ciuitatis Romanae plurimis dedisse videntur Commodus, Pertinax, Didius Iulianus, Pescennius Niger, Seuerus. Sed nec hoc tamen discrimen illud sustulisse luculenter ostendit Spanh. *Orb. Rom. II, 4. & 5. p. 73. sequ.*

XIX. Verus ergo famosae illius constitutionis auctor est Antoninus Caracalla, qui primus edixit, vt, *in orbe Romano quiescent, omnes ciues efficerentur. L. 17. D. de statu hom.* Occasionem datae huius legis docent Excerpta Dionis *Valesiana p. 745.* Iam pridem Augustus vicesimam induxerat, locupletando aerario militari, quod vectigal ex hereditatibus dependebatur; de quo iam pridem luculenter egerunt Valesius ad illum Dionis locum. Salmas. *de modo usur.* XIX. Petr. Burmanus *de Vectigal. populi Romani XI. &* iam ante hos Iac. Cuiac. *Obseru. V, 16. XI, 24.* Pendebant istud vectigal ex Augusti instituto heredes extranei, Romani ciues, qui hereditatem adibant, nisi vel pauperes essent hereditates, vel ipsi heredes agnationis iure ex lege XII. Tabularum hereditatem sortirentur. Dio Cass. *LV. p. 565.* Postea mitiores principes quibusdam cognatis vicesimae vacationem subinde dederunt. Plin. *Paneg. XXVII.* Ast Caracalla, quum largitionibus stupendis eluuiem fisco intulisset duplicato illo onere, decimam loco vicesimae induxit, cuius decimae praeter Excerpta Dionis meminit etiam Vlpianus *apud Auctorem Collat. Leg. Mos. & Rom. XVI. fin.* Vt ergo vectigal istud a quamplurimis dependeretur, omnibus qui in orbe Romano erant, ciuitatem

XVIII. An
ea tribui
possit

Commodo, Pertinaci, Iuliano, Pescennio, Seuerus?

XIX. Verus auctor est Caracalla?

tem dedit, λόγῳ μὲν τιμῶν, ἔργῳ δὲ ὅπως πλεῖν αὐτῷ καὶ ἐκ τῷ τοιούτῳ προσή, διὰ τὸ τὰς ξένας τὰ πολλὰ αὐτῶν μὴ συντελεῖν, *specie quidem honorem eis tribuens, sed remera ut fisci suum augetet: quippe quum peregrini pleraque eorum vectigalium non penderent: ut ait Dio in Excerpt. Vales. p. 745. Ceterum* quamuis successor Caracallae, Macrinus, decimam illam ciuibus tam molestatam aboleret: ius tamen ciuitatis orbi Romano semel datum non ademit, vnde sensim exoleuit antiquum illud inter ciues & peregrinos discrimen.

XX. Con-
stitutio ea
ad inge-
nuos, non
item ad
libertinos
pertinuit.

XX. Illud adhuc monendum videtur, ad solos ingenuos pertinuisse Antonini Caracallae constitutionem, non ad libertinae conditionis homines. *Nov. LXXVIII, 5.* Vnde etiam post eam constitutionem saluum mansit discrimen inter libertinos ciues, Latinos Iunianos, & dedititios, ceu ex Saluiani *aduersus auarit. libro III, 7.* animaduenterunt Iac. Cuiac. *Obseru. IV, 3.* & Ezech. Spanhem. *Orb. Rom. II, 9. p. 84. sequ.*

XXI. Ast
cum his
quoque
ciuitatem
commu-
nicauit Iu-
stinianus.

XXI. Exposuimus haec, duce eruditissimo Spanhemio, datae ciuitatis Romanae historiam, ostendimusque, ita paulatim gradum esse factum, ut ciuitas primum omnibus, qui Romae aut in agro Romano domicilium constituerent, deinde aliquot in Latio municipiis, tum toti Latio, mox vniuersae Italiae, aliquot porro extra Italiam vel priuatis, vel oppidis, vel prouinciis, & postremo omnibus in orbe Romano ingenuis daretur. Iustinianus tamen, ut fuit admodum libera-
lis,

lis, sublato illo libertinorum discrimine, *titulis C. de Lat. & dedit. lib. toll.* & Nouella LXXVIII, 2. 5. ad ipsos quoque libertinae conditionis homines hoc beneficium protulit, adeoque omnes in orbe Romano viuentes aequo iure agere voluit.

XXII. Proximum est, vt ipsa iura ciuitatis paullo accuratius exponamus. Et de his quidem obseruandum, ea sensim magis magisque aucta fuisse atque amplificata. Iam sub regibus ciues gaudebant libertate, iure connubiorum, patrio, legitimi dominii, testamenti, forsan & nexus atque vfucapionis. Ius quoque iisdem erat suffragia ferendi in creandis magistratibus, ferendis legibus, bellis decernendis. Pulsis postea regibus, abdicatoque regibus imperio, paullatim prouocatio concessa ad populum: magistratus, connubia, sacerdotia cum plebe communicata: adeoque optimo iure ciues esse coeperunt Romani. Ez. Spanhem. *Orb. Rom. I, 1. 2. p. 4.*

XXII. Iura ciuitatis sensim cepere incrementa.

XXIII. Duobus vero maxime summis capitibus constitit ciuitas Romana, quorum alterum IVS QVIRITIVM, alterum IVS CIVITATIS adpellatum est. Quamuis enim haec promiscue nonnunquam ponant auctores veteres, veluti Vlpianus: *Fragm. III, 1. & 4.* attamen, qui accuratius loquuntur, haec cum cura distinguunt. Plinius, *Epist. X, 32.* *Ago gratias, Domine, quod & IVS QVIRITIVM libertis necessariae mihi feminae, & CIVITATEM ROMANAM Harpocrati, iatraliptae meo, sine mora indulxisti.* Et

XXIII. Aliud fuit ius Quiritium, aliud ius ciuitatis.

Epist. X, 4. Quare rogo, des ei CIVITATEM ROMANAM: est enim peregrinae conditionis, manumissus a peregrina. Idem rogo des IVS QUIRITIVM libertis Antoniae Maximillae. Manifesto hic distinguuntur ius Quiritium & ciuitas Romana, inter quae hoc interest, quod illud ad ea, quae iuris sunt privati, pertinet; haec ea, quae iuris publici sunt, continet. Spanh. Orb. Rom. I, 1. 12. p. 28. Carol. Sigon. de antiquo iure ciu. Rom. I, 6. sequ. & de antiquo iure Ital. II, 3. Quod quum non animaduertant viri quidam eruditissimi, in eum prolapsi sunt errorem vt ius Quiritium in istis Plinii locis vel idem esse cum iure Latii existiment, vel illud cum ipsis iuribus ciuitatis confundant, a quo lapsu nec ipse V. C. Christophorus Cellarius sibi satis cauit in Adnotationibus suis ad Plinium.

XXIV.
Quae iura
vtrum-
que com-
plexum
sit?

XXIV. Nonnulla, quae tum ad ius Quiritium, tum ad ciuitatem Romanam pertinent, summam his verbis complectitur Cicero *Orat. II. de Leg. Agrar. XIX. Retinete istam possessionem gratiae, libertatis, suffragiorum, dignitatis, urbis, fori, ludorum, festorum dierum, ceterorum omnium commodorum.* At si accuratius singulas vtriusque iuris partes consideres: ius ciuitatis in iure census, militiae, tributorum, vectigalium, suffragiorum, honorum & sacrorum, ius Quiritium in iure libertatis, gentis, connubiorum, patrio, legitimi domini, hereditatis atque vfucapionis fuit situm. Car. Sigon. *de antiquo iure Ciu. Rom. I, 13. Ez. Spanhem. Orb. Rom. I, 1. 2. p. 4.* De singulis nunc paullo distinctius agendum, ordiendumque a iure Quiritium.

XXV.

XXV. Primo ergo omnes ciues Romani erant LIBERI: eaque LIBERTAS eos non solum a dominorum potestate, sed & a tyrannorum imperio, magistratuum potentia, libidine creditorum, ciuiumque potentia tutos praestabat. (g) Nullus ergo ciuis Romanus seruus fieri poterat, nec ingenuitatem aut libertatem amittere, nisi aut captiuitate, aut dolosa venditione, aut iis modis de quibus supra *Lib. I. Tit. III. n. 5. sequ. & Tit. XVI. n. 3. sequ.* actum est: quamuis & in his plerumque fictionem quamdam adhibitam esse, obseruet, Ger. Nood. *Probab. III, 12. p. 85.* Hoc enim iuris erat a maioribus proditum, ut nemo ciuis Romanus aut LIBERTATEM aut ciuitatem posset amittere, nisi ipse auctor factus esset: inquit Cicero *pro domo XXIX.* Sed de ingenuorum libertinorumque conditione satis superque suis locis dictum est, nihil ut hic addendum a nobis videatur, praeter id vnicum, quod eadem libertas ciues immunes a verberibus omnique tortura praestiterit. Quum enim seruilis ista poena videretur, non poterat maior ciui

XXV. Ciues Romani erant liberi a potestate dominica.

(g) Caue ergo confundas libertatem iuris gentium cum libertate iuris Quiritium, quae nulli competit nisi ciuibz Romanis. Cic. *pro Caecin. XXXIII.* *Qui enim potest iure Quiritium liber esse is, qui in numero Quiritium non est?* Hinc tribus omnibus moti libertatem dicebantur amittere, etiamsi haut fierent serui, Liu. XLV. 15. Immo hinc intelligenda. L. 5. §. 3. D. de extra. cognit. ubi media capitis deminutione, & speciatim aquas ac ignis interdictione, etiam libertas amitti dicitur, quod de libertate iuris gentium falsum, de libertate iuris Quiritium verissimum est, Conf. Ger. Nood. *Obseru. II, 21. p. 469.*

ciui Romano iniuria fieri, quam si quis verberibus dirisque quaestionibus in eius corpus saeuisset. Exemplum est apud Afcon. Paedian. in *Ciceron. orat. Cornelian. p. 1308.*

XXVI.
Liberi
quoque a
dominatu
tyranno-
rum.

XXVI. Nec minus immunes erant ciues Romani ab impotente regum dominatione. Lege enim Tribunicia, lata a Iunio Bruto, Tribuno Celerum, ac paullo post primo Consule, fuerat cautum, vt nemo Romae regnaret, adactis simul iureiurando ciuibus, eos neminem passuros Romae regnare. Dionys. Halic. IV, p. 276. V. p. 277. Liu. I, *ult.* II, 1. Qua lege tribunicia, quum omni tyrannidi via occlusa esset: mirum profecto non est, gentem Iunianam praecipue de ea esse gloriatam, numisque suis caput Libertatis praetulisse, cum inscriptione LIBERTAS. Fulv. Vrsin. *Famil. Rom. p. 139.* Accessit postea eodem anno Lex Valeria, qua cautum, vt indicta causa interficeretur, qui regni occupandi iniisset consilia, idque impune ferret percussor, si indicia sceleris demonstrasset. Plutarch. *Vit. Poplic. p. 103.* Liu. II, 8. Pro his legibus dici non potest, quanta certamina per quingentos annos adierit populus Romanus, quamuis impedire haut potuerit, quo minus ea demum a L. Sulla, ac deinde a Iulio Caesare conuellerentur, ab Augusto vero eiusque successoribus penitus extinguerentur, siquidem hi, adspersati in speciem regum nomen, titulo Principum omnia magistratum legumque munia ad se taxerunt. Tacit. *Annal. I, 1.*

XXVII.

XXVII. Eadem porro libertas ciues im-
 munes praeftabat a duriore magistratuum im-
 perio. Latae hanc in rem fuerant leges Valeriae
 a P. Valerio Poplicola consule, de quibus Li-
 uius II, 8. *Latae deinde leges non solum, quae regni
 suspitione consulem absoluerunt, sed quae adeo in con-
 trarium verterunt, ut popularem etiam facerent; inde
 cognomen factum Poplicolae est.* Paulo distinctius
 rem referunt Plutarch. *Vit. Poplic. p. 102. sequ.* &
 Dionys. Halic. *V, p. 292.* ex quibus constat,
 prima lege fuisse cautum, NE QVIS ROMAE
 MAGISTRATVM GERERET INIVSSV
 POPVLI: QVI SECVS FAXIT, EIVS
 CAPVT SACRVM ESSET: altera prouo-
 cationem concessam a magistratibus ad popu-
 lum, neque permissum cuiquam, supplicio ex-
 tremo, aut flagris, aut multa animadvertere in
 prouocantem, donec populus ea de re iuisset
 in suffragia. Posterior lex quum omnium mi-
 nime placeret patriciis, quippe fundamenta,
αριστοκρατίας, quam adfectabant, penitus subuer-
 tens, variis artibus aliquandiu elusa, atque
 hinc relatione non vna restituenda visa est.
 Retulerunt ergo eandem A. V. C. ccciv. L.
 Valerius Poplicola Potitus, & M. Horatius
 Barbatus Coss. teste Liuius III, 55. Retulit ter-
 tium alter M. Valerius Coruus anno V. C.
 cccclii. Qua de re idem Liuius X, 9. *Tertium
 ea lex tum post Reges exactos lata est, semper ab eadem
 familia. Causam renouandae saepius non aliam fuisse
 reor, quam quod plus paucorum opes, quam libertas
 plebis poterant* Quum ne sic quidem consultum
 populo videretur, semper in contrarium ni-

XXVII.
 Liberi a
 licentia
 magistra-
 tuum.

niten-

nitentibus patriciis: quantum de prouocatione populum rogauit M. Porcius Laeca; qui etiam grauiore poena animaduertendum statuit in eos, qui ciuem Romanum vel verberassent vel necassent. Liu. X, 9. Cuius legis *Porciae* insigne monimentum exstat numus gentis Porciae, in quo vir paludatus, medius inter togatum prouocantem & lictorem virgas minantem, conspicitur, addita inscriptione: PROVOCO Fulu. Vrsin. *de Famil. Rom.* p. 229. edit. Patin. Porciam legem, quum & ipsa vetustate obsoleuisset, denuo in usum reuocauit C. Sempronius Gracchus, ceu ex fragmento orationis Gracchanae apud Gellium *Noct. Attic.* X, 3. acute colligit Car. Sigonius *de antiquo iure ciu. Rom.* I, 6. Sed nec *leges sacratae* hic praetermittendae, latae anno V. C. cclx. Sp. Cassio Viscellino & Postumo Cominio Aurunco II. Coss. quum plebs pertaesa vsurariae iniquitatis in montem Sacrum secessisset. Pace enim facta hac lege, vt plebi sui essent magistratus, quibus auxiliatio aduersus consules esset, neue cui patrum capere eum magistratum liceret. Liu. II, 33. Brutus, primus tribunus plebis, leges tulit, primo vt ne parricida esset, qui etum, qui plebiscito sacer sit, occiderit. Dionys. Halic. VI, p. 410. deinde, vt tribuni plebis sacrosancti haberentur, eosque qui violarint, sacri essent. Id. *ibid.* Tertia lex iussit vt tribuni plebis non nisi e plebe crearentur. Accessere duae aliae leges, ne de capite ciuis Romani nisi comitiis centuriatis agi posset, neue priuilegia irrogarentur. Car. Sigon. *de antiquo iure ciu. Rom.* I, 6.

p. 84. Eaeque leges omnes dictae sunt *sacratae*, quia non modo ciues per omnia sacra iurabant, vtique se his legibus sempiternis vsuros, addita imprecatione, vt earum obseruatoribus superi & inferi essent propitii, transgressoribus vero contraria omnia acciderint. Dionys. Hal. VI, p. 410. verum etiam quod loco poenae adiectum esset, eos qui secus fecissent cum pecunia familiaque Deo alicui sacros futuros. (b) Fest. voce *Sacratae*. Omnes enim leges huiusmodi sanctione poenali munitas, SACRATAS dici consueuisse, obseruat Iac. Perizon. *Animad. Hist.* p. 418. *sequ.*

XXVIII. Hisce legibus ergo satis tuti erant ciues Romani, ab omni magistratuum tyrannide. Primo enim, si quid contra leges auderent magistratus, maximum cuique remedium erat in prouocatione ad populum. Deinde de capite ciuis Romani non nisi vniuersus populus in comitiis centuriatis iudicabat, & tunc facile erat, vel innocentibus se a calumniatorum

XXVIII.
Remedia
aduersus
magistra-
tum in-
solentiam.

(b) De hac poena Dionys. Halic. II. pag. 84.

Εἰς τὰς Ῥωμαίοις, ὅς τις ἐβόλοντο νηπιονὶ θανάτου, τὰ τούτων σώματα διῶν ὁτιώδη τινί, μάλιστα δὲ τοῖς καταχθονίοις, κατονομάζουσιν. Mos erat Romanis, quos vellent impune occidi, eorum corpora deuouere Deo cuiquam, praecipue Diis inferis. Festus voce *sacrae*: Homo sacer is est, quem populus iudicauit ob maleficium, neque fas est eum immolari: sed qui occidit, parricidii non damnatur: Ex quo quiuis homo malus atque improbus sacer appellari solet. De hoc supplicio quaedam habet Ruard. ad XII. Tab. Cap. IV. p. 22.

(i)

rum artibus defendere, vel poenam meritis promissa barba, lacrymis, cultuque tristiore populum ad misericordiam flectere, eoque modo effugere periculum. Denique nulli magistratu licebat ciuem Romanum vel verberibus vel supplicio adficere. Immanissimas etiam eorum sententias vox illa quiritantium compefcebat: CIVIS ROMANVS SVM. Saepe eo respicit Cicero *inorat. adu. Verrem. V, 54. Plagis confectum dico a lictoribus tuis ciuem Romanum ante oculos tuos concidisse. Ob quam causam? Dii immortales, tametsi iniuriam facio communi causae & IVRI CIVITATIS. Quasi enim possit esse vlla causa, cur boc cuiquam ciui Romano iure accidat. Et eadem Oratione V, 57. Cervices in carcere frangebantur indignissime ciuium Romanorum, ut etiam illa comploratio CIVIS ROMANVS SVM, quae saepe multis in ultimis terris opem inter barbaros & salutem tulit, ea mortem iis acerbiorẽ & supplicium maturius ferret. Plura eius generis extant apud Ciceronem *Verrin. V, 62. sequ.* Nec ignota sunt exempla Pauli Apostoli *Act. XXII, 24.* & martyrum Galliae apud Euseb. *Hist. Eccles. V, 1.* qui se illa voce CIVIS ROMANVS SVM, a virgarum ignominia, vel ab extremo supplicio eripuerunt.*

XXIX.
Tribuno-
rum ple-
bis auxi-
lium.

XXIX. Sed non solum in legibus Romanis ciuibus maximum praesidium erat positum aduersus magistratum insolentiam: verum etiam in tribunicia potestate. Si quis enim eorum libertatem violare non vereretur: tribunos plebis appellabant, qui ipsis omnem ferebant opem, neque patiebantur,
ciui

eiui vlli fieri iniuriam. Plena eiusmodi exemplorum est Romana historia, & quamuis negari haut possit, ista potestate non semel abusos esse rribunos plebis; Saepe tamen etiam insignia iustitiae atque aequitatis specimina edebant, qualia sunt quae Valer. Max. *Lib. VI. cap. V.* refert quamplurima.

XXX. Porro & aduersus creditorum faeuitiam tuti erant ciues Romani. Immanis erat lex XII. Tabularum, quae ciues Romanos obaeratos creditoribus addicebat, a quibus & vinciri, & eorum corpus id est, bona secari, & in partes diuidi poterant, (i) Gell. *Noct. Attic. XX, 1.* Et quamuis serui haut fierent hunc in modum addicti & nexi: in seruitute tamen erant, feruisque ipsis tractabantur durius. Ast contra hanc immanitatem auxilio ciuibz fuit lex Poetilia, qua cautum est anno V. C. ccccxxvii. C. Poetelio L. Papirio Coss. *ne quis, nisi qui noxam meruisset, donec poenam lueret, in compedibus aut in neruo teneretur: pecuniae creditae bona debitoris, non corpus obnoxium esset.* Liu. *VIII, 28.* Varro *de Lingua Lat. VI, 5. p. 58.* Successit ergo ex eo tempore in additionis illius locum possessio & venditio bonorum, de qua nos alibi ex instituto egimus. Qua de re Terullianus *Apol. IV.* *Sed & iudicatos in partes secari a creditoribus, leges erant: consensu tamen publico crudelitas postea erasa est, & in pudoris notam capitis poena conuersa est, BONORVM adhi-*

XXX. Libertas ciuium Rom. a faenitia creditorum.

(i) Dicemus ea de re infra *Lib. III. Tit. XXX. §. IV.*

(h)

adhibita PROSCRIPTIONE, suffundere maluit homines sanguinem, quam effundere. Quin accessit demum beneficium cellionis bonorum ex lege Iulia, de quo plura iureconsulti, & nos infra *Lib. III. Tit. XXX. §. VIII.*

XXXI.
Libertas
suffragan-
di data
per leges
tabella-
rias.

XXXI. Postremo & hoc ad libertatem ciuium quam maxime pertinebat, quod libere, vt vellent, darent suffragia. Quamuis haec libertas magis ad ius publicum videatur referenda. Id eis attulere leges tabellariae, seu de tabellis, quas Cicero ideo *Agrar. II, 2. vindices tacitae libertatis* & in *Cornel. l. p. 331. principium iustae libertatis* adpellat. Quum enim antea viua voce in comitiis suffragia ferrentur, idque nonnunquam cum periculo videretur coniunctum: primus A. Gabinius Trib. pleb. A. V. C. DCXIII. lege cauit, vt populus non voce, sed tabella suffragium ferret, ne quis inspiceret tabellam, ne rogaret, ne adpellaret. Cic. *de leg. III, 16.* Successit biennio post altera lex tabellaria, lata a L. Cassio, Tribuno plebis, M. Aemilio Lepido Porcino, & C. Hostilio Mancino Coss. vt & iudices & populus sententias non voce dicerent, sed tabellis ferrent, excepto iudicio perduellionis. Cic. *de Amicit. XII. de Leg. III, 16.* Ascon. Paedian. in *Cornelianam, p. 1313.* & *Verrianam. II. p. 1820.* Cuius legis insigne monumentum est numus gentis Cassiae, in quo ciuis occurrit, tabellam littera A. notatam cistae immittens, cum lemmate LONGINVS III. V. & Fulu. Vrsin. *de Famil. Rom. p. 67.* Eodem pertinuit tertia lex Papiria, lata a C. Papirio Carbone, tribuno pleb. A. V. C. DCXXI. P. Popillio Laenate

Laenate & P. Rupilio Nepote Coss. qua cautum denuo, ut in iubendis legibus vetandisque populus tabella suffragia ferret. Cic. *de Leg. III*, 16. Succellit quarta anno V. C. Iocxxx. a Coelio Caldo Tribuno plebis lata, ut etiam in perduellionis iudicio, quod Cassia lege exceptum erat, populus non voce, sed tabella, sententiam ferret. Cic. *de Leg. III*, 16. Quam ipsam quoque legem egregie illustrat numus apud Patin. *de Famil. Rom.* p. 79. quo praeter alia litterae L. D. in tabella conspiciuntur. Significant illae LIBERO, DAMNO. Haec enim verba loco Cassianorum ABSOLVO, CONDEMNO in crimine perduellionis adhibita esse discimus ex Caesare *de Bello civili III*, 83. ex quo loco patet tertiam tunc adhibitam esse tabellam, quam imponebant urnae, qui pecunia multandum reum iudicabant. Quae omnia eo pertinebant, ut tanto maiore libertate suum quisque ferret suffragium. Vnde denuo Cicero *pro Planc. VI*. *Populo grata est tabella, quae frontes aperit hominum, mentes tegit, datque eam libertatem, ut, quod velint, faciant, promittant autem, quod rogantur.*

XXXII. Sequitur alterum, quod ad iura Quiritium pertinuit, IVS GENTILITATIS. Diuiserat Romulus ciues in duas gentes, quarum vnā patres, alteram plebem, nominauit. Illos ex iis adlegerat, qui in ciuitate genere, virtute atque opibus antecellebant; plebis nomine reliquos omnes adpellauerat. Quemadmodum vero e plebe *plebei*: ita ex patribus *patricii* nascebantur. Utrosque inter se deuinxerat instituto

xxxii.
Ius gentilitatis.

T

tuto

tuto iure illo patronatus, de quo supra plura diximus. Ad iura utriusque gentis quod attinet: de illis praecipue observandum, quod plebis iura quisque cum ipsa ciuitate impetrarit; patricius autem, nisi lege ad populum lata, nemo fieri potuerit. Bis patricios legit Romulus, semel ex Albanis, ac deinde ex Sabinis. Dionys. Hal. *Ant. Rom.* II. p. 111. Eundem morem postea sequuti ceteri reges, qui subinde ex gentibus deuictis ac in ciuitatem receptis, patriciorum numerum suppleuerunt. Idem. *Ant. Rom.* III. p. 199. & IV. p. 280. Suet. *Aug.* II. Libera republica L. Iunius Brutus, primus Cos. patricios legit Liu. II, 2. Sexennio post Appius Claudius e Sabinis Romam commigrans, lege consulari patricius factus est. Dionys. Halic. V, p. 308. Liu. IV, 3. & X, 8. Postremo C. Iulius Caesar lege Cassia, & Augustus lege Saenia (k) ac denique Claudius Imp. patricios, iam magna ex parte extinctos, suppleuerunt Tacit. *Annal.*

(k) Sed quaenam illa lex Saenia? In prior editione de Sentia suspicatus sum. Sed errorem ademit Lips. *ad Tacit.* p. 285. Obseruat ille ex Dione, Augustum patricios suppleuisse τῆς βουλῆς ἐπιτριψάσης τὰς κοίνας, iubente Senatu, & quidem anno V.C. DCCCXXV. Atqui consul successus in fastis adparet L. SAENIVS. Nam in fragmento veterum fastorum apud Grut. pag. CCXCIX, 1. ita legimus:

IMP. CAES. IIII. M. LICINIVS. K. IVL. C.
ANTISTIVS. BELLVM. ALEXANDR.
EID. SEPT. M. TVLLIVS. K. NOV. L.
SAENIVS.

Quis ergo dubitarit, ab eo S C tum tulisse nomen? Tactus ergo pro S C. *legem Saeniam* dixit.

(1)

Annal. XI, 25. Suet. Jul. XLI. Ceterum ad gentilitatis iura pertinebat, quod soli patricii auspicia ex instituto Romuli haberent. *Liv. VI, 42.* Id quod tamen de auium duntaxat inspectione & tripudio intelligendum, siquidem de coelo servare etiam plebeiis licebat. *Cic. in Vatin. cap. VII.* Quum enim, fatente *Cic. de Divin. II, 36.* hanc auium reliquorumque signorum observationem retinerent Romani tantum ad opinionem vulgi, & ad magnas utilitates reipublicae, id est ad plebem deludendam, continendamque in officio: periculosum videbatur, plebeios ad haec mysteria admittere, quibus ius magistratus & sacerdotia capiendi erat ademptum. Nimirum & hoc iure ex instituto Romuli gaudebant patricii, ut soli Senatum, sacerdotia, magistratus, iudicia ac totam denique remp. tenerent. Sed paullo post ea omnia paulatim cum plebe communicata sunt, nisi quod interreges, flamines Diales, Martialis & Quirinalis, Rex Sacrificulus, Salii ad extrema usque reipublicae tempora ex patriciis lecti sunt: quemadmodum & comitia tributa, tribunicia potestas (1) & Aedilitas plebeia perpetuo in possessione plebis permanserunt. Reliqua, quae hac de re dici possent, a Carolo Sigonio explicata sunt *Libro I. de Ant. iure civ. Rom. Cap. VII.*

XXXIII. Pars haut postrema iuris Quiritium fuit IVS CONNUBIORVM, de quo quum

(1) Semel tamen duos patricios inter tribunos fuisse, refert *Liv. III, 65.*

quum titulo de nuptiis vberius actum sit, iam pauca quaedam addemus. Romani ea in re ab institutis plerarumque gentium discesserunt, quod ne iis quidem, qui eiusdem ciuitatis erant, connubii ius promiscue darent. Praeterquam enim, quod lege XII. Tabularum vetita essent inter patricios & plebeios connubia: Dionys. Halic. X. p. 674. Liu. IV. 4. etiam sublata illa lege, saepe inter ipsos vicinarum regionum, aut eorum, qui sub eodem gentis nomine vulgo continebantur, populorum ciues prohibita sunt connubia. Sic inter Latinos connubia commerciaque nulla esse patiebantur Romani. Liu. VIII, 14. Idem de tribus Hernicorum populis patet ex eodem Liuio IX, 43. Deuicta Macedonia, & in quatuor regiones diuisa, id etiam edixerunt decem legati; *neque connubium, neque commercium agrorum aedificiorumque inter se placere cuiquam extra fines regionis suae esse.* Liu. XLV, 29. Quod callido consilio inuenerant Romani, ne mutuis adfinitatibus & commerciis iuncti inter se ac colligati, eo promptius aduersus rempublicam confocia- rentur. Immo ne cum omnibus quidem ciuibus Romanis connubii ius erat ciuibus. Libertinas, quamuis ciues, duci olim haut potuisse ab ingenuis ciuibus, patet exemplo Hispalae Fecenniae, cui haec potestas SC data est. Liu. XXXVIII, 6. Sic & Campani, qui pridem ciuitatis iura fuerant consequuti, postea demum impetrarunt, *ut sibi CIVES Romanas ducere uxores liceret, & si qui prius duxissent, ut habere eas, & ante eam diem nati iusti sibi liberi heredesque essent.* Liu.

Liu. XXXVIII, 36. Qua de re plura differit
Ez. Spanh. *Orb. Rom.* II, 24. p. 262.

XXXIV. Quum itaque ne inter omnes
quidem eiusdem ciuitatis ius connubii esset:
multo magis cum aliis, ciuitatis Romanae ex-
fortibus connubia erant interdicta. Vnde Se-
neca de *Benef.* IV, 35. *Permisi tibi filiam in matri-*
monium, postea peregrinus adparuisti: non est mihi cum
externo connubium. Solebat tamen etiam pere-
grinis primum a populo; postea a Senatu ac
demum a principe concedi ius connubii, per
modum lege solutionis vel priuilegii. Qua de
re fusius diximus in *Comment. ad L. Iul. & Pap.*
Popp. Lib. II, cap. XVIII. p. 321. sequ. Adde supra
Libro I. Tit. X. n. 15. Si quis vero non impetra-
to illo beneficio peregrinam duxisset: nati
ex eiusmodi nuptiis liberi tamquam totidem
hybridæ ac nouum genus hominum habeban-
tur, neque multo melioris, quam serui, erant
conditionis, ceu patet exemplo militum Ro-
manorum, qui Hispanas mulieres duxerant,
apud Liu. XLIII, 3. Ex quo vero cum omni-
bus in orbe Romano ciuitas fuerat a Caracalla
communicata: promiscua quidem inter eos
esse coeperunt connubia, sed prohibita tamen
cum barbaris. *L. vn. C. Theod. de nupt. gentil. Lib.*
III. Tit. 14. Quam tamen Valentiniani Senio-
ris legem non diu valuisse multis exemplis
docent Iac. Gothofredus in *Commentario ad*
illam legem &, qui plura addidit, Ez. Spanhem.
Orb. Rom. II, 23. p. 164. *sequ.*

XXXV. Alia quaedam de prohibitis in-
ter ciues nuptiis statuit Augustus lege Papia
Pop-
Poppaea

de con-
nubio Se-
natorum
cum li-
bertinis.

Poppaea, cuius primo capite prohibita nuptiae inter senatorem eiusque filios nepotesque & libertinas, lenas, a lenone manumissas easque, quae artem ludricam exerceant, vel filias eorum, qui eiusmodi artem fecissent. *L. 44. pr. D. de rit. nupt.* Dio Cass. *LIV, p. 608.* Quum enim iam M. Antonio hoc vitio datum fuerit, quod libertini factus esset gener: Cic. *Philipp. II, 2.* multo minus dignum videbatur saeculi Augustaei felicitate, senatorium sanguinem ipsarum libertinarum, lenarum ac meretricum commixtione contaminari. Scenicas vero vxores praeter artis infamiam etiam id indignas senatoriis nuptiis reddebat, (m) quod pleraeque

(m) Eam legem latius interpretatus D. Marcus, nuptias Senatorum cum feminis eiusmodi non solum iniustas, verum etiam irritas esse iussit, cuius SC. mentio fit. *L. 16. D. de sponsal.* Et hinc inter Senatorem & eiusmodi personas nuptiae esse negantur, *L. 42. §. 1. D. de ritu nupt.* adeo ut haec ne quidem vxores fiant. *L. 34. §. 2. eod.* sed statim sint dimittendae, *L. 43. §. 10. D. eod.* Quae omnia ex hoc SC. esse, fatis constat. Postea Constantinus M. hanc legem non solum a senatoribus, sed & ab aliis viris perfectissimis servari voluit. *L. 1. C. de natur. lib.* (Falso enim in textu legitur *senatores seu PRAEFECTI pro PERFECTI.*) quam legem per omnia confirmavit Marcianus Imp. *L. 7. C. de incest. & inutil. nupt. Nou. Marcian. post. Cod. Th. tit. IV.* Ast sublata demum est per *L. 23. C. de nupt.* non a Iustiniano quidem, ut inscriptio prae se fert, sed a Iustino, quem Iustinianus, tum adhuc Nobilissimus Caesar, ad edendam istam constitutionem induxerat, quia ipse cum Theodora, muliere scenica, & parum integrae fanae, nuptias adfectabat. Procop. *Anecd. p. 45.* & ibi Nic. Alamannus. Ipse Iustinianus paullo post
ca

que simul turpissimis se libidinibus in ipsa scena prostituerent, quemadmodum ex Plauti *prologo Casin.* ostendit Lipsius *Elect.* I, 11. Rem omnem accuratius exposuimus in *Comment. ad L. lul. & Pap. Popp. Lib. II. Cap. I.*

XXXVI. Ad reliquos quod attinet ingenuos, licebat iis libertinas vxores ducere per legem Papiam Poppaeam. *L. 22. D. de ritu nupt. L. 15. C. de nupt.* Quod ideo receptum, quia tum maior erat libertinarum, quam ingenuarum, copia. Dio Cass. *Hist. LIV, p. 608.* Quo fit, ut & vetera marmora saepe meminerint coniugii libertarum. Reines. *Inscr. p. Iocclix, 131.*

XXXVI. Libertinas ducere olim non licuit: at permisit lex Papia Poppaea.

D. M.

C. SALVIUS RESTITVTVS FECIT.

SIBI ET.

SALVIAE. NYMPHIDIAE.

LIBERTAE. SVAE. ET. CONIVGI.

OPTIMAE. B. M. DE. SE. ET.

NICERO. L. L. Q. S. P. Q. S.

Et alibi p. Iocclx.

D. M.

SEPTIMIAE.

TYCHAE. QVAE.

VIXIT. ANNIS

XXXVI. SEPTI

MIVS

eadere aliquoties tum ad SS. Episcopos tum ad magistratus rescriptis. *L. 33. C. de episc. audient. Nouell. LXXXIX, 15. CXVII, 6. LXXVIII, 3. Ll. Vid. Nic. Alamann. Not. ad Procop. Anecd. 41. & Comment. nostr. ad L. lul. & Pap. Lib. II. Cap. II.*

MIVS. IVLIA
NVS. CONIV
GI. ET LIBERT.
KARISSIMAE.

Adde p. Iocclxxii. Grut. *Inscr. p. DLXVII*, 8. *DCCCCXXXV*, 4. *DCCCCXL*, 3. *DCCCCLVII*, 7. in quibus saepe laudantur LIBERTAE ET CONIVGES OPTIMAE, BENEQVE MERENTES, KARISSIMAE, FIDELISSIMAE, DVLCISSIMAE, AMANTISSIMAE, INCOMPARABILES. Prohibitae tamen manserunt nuptiae inter libertum & patronam, patroniue vxorem, vel filiam quae & damnatione ad metalla puniebantur, nisi patrona esset vilioris conditionis L. 13. *D. de rit. nupt.* Paull. *Recept. Sent.* II, 19. 7. Et hinc rarissimi exempli est, inscriptio apud Fabretum pag. CCLXXXIX: IVNIAE. FESTIVAE. PATRONAE. ET. VXORI. KARISS. C. IVNIVS. MERCVRIVS. Cui tamen similes deprehendisse mihi videor apud Gruter. *Inscr. p. DLXXXII*, 4. & Reines. *Inscr. Class.* XII, 24. Sed quamvis lex Papia permitteret, vt libertinae ducerentur vxores: non poterant tamen duci lenae, a lenone lenae manumissae, aut in adulterio deprehensae, quaeque artem ludicram facerent, fecerint. L. 43. *D. de rit. nupt.*

XXXVII.

An eadem lex Papia prohibuerit nuptias sexagenariorum & quinquena-

XXXVII. Plerique existimant, eadem lege Papia Poppaea prohibitas nuptias sexagenariorum masculorum & quinquagenariorum feminarum, idque colligunt ex fragmento Senecae apud Lactant. *Inst. Divin.* I, 16. Vlpian. *Fragm.* XVI, 1. & L. 27. *C. de nupt.* Quibus auctori-

Moritatibus commotus Iac. Gothofredus hoc ^{genaria-} caput legis Papiæ Poppææ commentus est: rum?
 SEXAGENARIO MASCULO, QVINQVA-
 GENARIAE, FEMINAE NVPTIAS CON-
 TRAHERE IVS NE ESTO. Iac. Gothofr.
ad leg. Pap. Popp. II. Sed luculenter euicit V. C.
 Iac. Perizonius *Diff. ad Leg. Vocon. p. 153. sequ.*
 caput illud de sexagenariis & quinquagenariis
 non esse ex lege Papiæ Poppææ, sed ex SC. quo-
 dam, factō temporibus Tiberii. Res patet ex
 luculento loco Suet. *Claud. XXIII. Capiti Papiæ*
Poppææ legis, a Tiberio Caesare, quasi sexagenarii ge-
nerare non possent, addito, obrogauit. Mira quidem
 in turbando hoc Suetonii loco est criticorum
 solertia: (n) sed constanter hanc lectionem prae-
 se ferunt meliores codices, nec ipse sensus vl-
 lam postulat emendationem. Optimus Suetonii
 interpretes est Vlpianus *Fragm. XVI, 3.* vbi iure-
 consultus: *Qui, inquit, intra sexagesimum, vel*
quæ intra quinquagesimum annum neutri legi parue-
rit, licet ipsis LEGIBVS post hanc aetatem liberatus
esset, perpetuis tamen poenis tenebitur ex SC. PER-
 NICIANO. *Sed CLAUDIANO SENATVS-*
 CON-

(n) Cuiacius & Torrentius plane eiiciunt Tiberium &
 locum ita refingunt: *Capiti Papiæ Poppææ legis,*
quasi sexagenarii generare non possent, edicto obroga-
uit. Pulmannus pro *edicto* habet *edito* Iac. Gothofre-
 dus *Not. ad L. Papp. Popp.* reliqua admittit, sed pro
edicto legi iubet *ad aucto.* Ast nullam harum emen-
 dationum vel textus admittit, vel accuratiores
 Codices, qui teste Casaubono praeferunt: *addito ob-*
rogauit, vel quantiuis pretii locus Vlpiani, vt in sequen-
 tibus adparebit.

CONSVLTO maior sexagenario, si minorem quinquagenaria duxerit, perinde habebitur, ac si minor sexaginta annorum duxisset uxorem. Et paucis interiectis: Quod si maior quinquagenaria minori sexagenario nupserit: impar matrimonium adpellatur, & SC. CALVITIANO conetur, non proficere ad capiendas hereditates & legatas dotes. Itaque mortua muliere dos caduca erit. Ex his ergo locis egregia lux adfunditur Suetonio. Discimus enim inde I, quid in lege Papia Poppaea de sexagenariis & quinquagenariis fuerit cautum, videlicet, sexagenarios masculos & quinquagenarias mulieres ob aetatem a poenis legis liberos fore. Discimus II. quid addiderit huic capiti Tiberius. Quum enim animaduertisset, multos ad hanc aetatem peruenire, qui legi numquam antea paruissent: statuit, ut sexagenariorum & quinquagenariorum nuptiae non quidem essent irritae, sed nihil tamen ad effugiendas caelibatus poenas proficerent. Id quod sancitum est SC. PERNICIANO, vel, ut Cl. Perizonius p. 156. mauult, PERSICIANO, ita dicto a Paulo Fabio Persico, qui tertio ante excessum Tiberii anno Consul fuit cum L. Vitellio. (o) Discimus III, qua in re CLAUDIVS Tiberii legi obrogauerit. Perpetuis enim poenis illis exemit sexage-

(o) Iste sane Fabius plerumque *Persicus* non addito nomine gentili adpellatur. Vid. Seneca. *de Benef.* II, 21. & Lapis apud Gruter. *Inscript.* p. 1000. NON. MAGIS. POENITENDI. SVNT. SENATORES. QVAM. POENITET. PERSICVM. NOB. VIRVM. AMICVM. MEVM. INTER. IMAGINES. MAIORVM. ALLOBROGICI. NOMEN. LEGERE. (p)

xagenarios, dummodo quinquagenariis duxissent minores, quandoquidem ex eiusmodi matrimonio proles adhuc sperari poterat. Denique & hoc IV. inde discimus, postremo accessisse SC. CALVITIANVM, vel vt Perizonius mauult, CALVISIANVM, (p) quo cautum, vt quod seni masculo, ducenti iuuenculam, dedisset SC. Claudianum, non item valeret de nuptiis vetulae cum viro iuvene, quippe nullam spem prolis facturis. Sed & haec iura vna litura deleuit Iustinianus L. 27. C. de nupt. Vid. Comment. nostr. ad L. Iul. & Pap. Lib. II. Cap. III.

XXXVIII. Si quas personas vxores ducere haut possent ciues Romani: eas tamen CONCVBINAS habere poterant. L. 1. §. 1. D. de concubin. Concubinatus enim per Leges nomen adsumserat, L. 3. §. 1. eod. νόμος ἐγένετο, pro lege habebatur, teste Clem. Alex. Paedag. III, 3. Illum οἱ σοφοὶ τῶν νόμων ἐκτρέφουσιν, sapientes leges permittunt, Id. ibid. Leges nimirum Iulia & Papia Poppaea, quas καὶ ἐξέχον νόμος vel leges esse dictas iam Lipsius Excess. ad Tacit. Ann. III. litt. C. obseruauit. Ante celeberrimam sane illam legem concubina & pellex pari passu ambulabant, nec altera erat honestior: post illam autem pellex erat, quae cum aliquo, cui vxor erat, corpus miscebat, quae autem, cum aliquo, cui vxor non esset, viuebat, ea honestiore nomine VO-

XXXVIII.
Concubina-
natus ori-
go.

(p) Nullus in fastis post Claudii tempora occurrit Caluitius: at sub Nerone & sequentibus Imperatoribus multi laudantur Caluicii.

(q)

vocabatur *amica* vel *concubina* L. 144. D. de V. S. *conuictrix*, Grut. p. DCCXCV, 8. γλυκυτάτη σύμ-
βιος, Id. p. DCCLXXX, 9. *uxor gratuita*, id est,
quae per coemptionem haut conuenerat in ma-
num. Idem p. DCCC, 21. *sodalitaria*, Grut. p.
DCII, 5. *amica*, cum qua quis sine mendacio vivebat.
L. 35. D. de aur. arg. aer. leg. Hinc honestum ex
eo tempore erat concubinae nomen, L. 144.
D. de V. S. licita cum eâ consuetudo, L. 5. C.
ad SC. Orphit. adeo ut ab vxore solo delectu &
animi destinatione Paull. Rec. Sent. II, 20. 2. &
dignitate differret, L. 49. §. 4. D. de legat. 3. Im-
mo vxoris loco haberetur. L. 144. de V. S. ta-
men haec coniunctio dici non poterat *legitima*,
quia lex concubinas habere permittebat, non
tamen initam cum iis consuetudinem eadem
effecta habere patiebatur, quae tribuit matrimo-
nio. Id quod contra Cuiacium recte docuit
Em. Merill. Obs. III, 15. & Variant. Cuiac. I. 34.

XXXIX.
Quaecon-
cubinae
esse po-
tuerint?

XXXIX. In concubinato vero esse po-
terat, quaecumque non poterat esse vxor, vel
in quam stuprum non committebatur. L. 1. §. 1.
D. de concub. Quod tamen recte intelligendum.
Non enim quas honestas & ius illud, quod in-
pressum mentibus nostris circumferimus, a to-
ro virorum arcebat, cum iis concubinatum in-
ire licebat, uti sibi persuasit Cuiacius Obs. V, 6.
sed cum illis tantum, quae per leges mere ciui-
les vxores esse non poterant. Hinc fas erat in-
genuo concubinam habere iudicio publico
damnata, L. 1. §. 2. D. de concub. mulierem quae-
stuariam, L. 16. D. de his quae ut indign. obscuro
loco natam, L. 3. pr. D. de concub. ancillam, L. 38.
pr.

pr. D. de reb. auct. iud. poss. mulierem provincialem, in qua quis officium administrabat, *L. 5. D. eod.* etiam senem & cuiuscumque aetatis, modo posset virilis patientiae legem accipere. *L. 4. §. 4. eod.* At non poterat quis in concubinato habere feminam quamcumque, si haberet iustam uxorem *Paull. Rec. Sent. 11, 20. 1. L. ult. §. 2. de diuort.* Multo minus plures simul concubinas habere licebat, quia semper infamis Romanis videbatur vita inter *supra concubinarum & oscula, vel mollia concubinarum & spadonum* agmina transacta, qualem in Sophonio Tigellino & Fabio Valente reprehendit *Tacit. Hist. 1, 72. III, 20.* in Commodio Imperatore *Ael. Spartian. vis. Comm. Cap. V.* Et Iustinianus mulieres, quae vni viro corpora praebent eodem tempore, non concubinas, sed *παρνευσιμίας* dicendas indignasque concubinarum iuribus iudicat. *Nov. XVIII. Cap. 5.* Minime omnium inter eas personae honestus erat concubinitus, quas sanguinis propinquitas vel adfinitas a matrimonio arcebat, ut passim docet *Vlpianus L. 1. §. 3. D. D. de concub. L. 56. D. de R. N.*

XL. Sed adiecimus tamen, ne tunc quidem locum concubinato fuisse, si femina esset talis, ut in eam stuprum committeretur. Stuprum vero committitur in virginem vel viduam ingenuam vitaeque integram: *L. 14. pr. D. ad L. Iul. de adult.* non autem in obscuro loco natam, ludionis, lenonis, arenarii filiam vel quae questum corpore fecerat. *L. 3. pr. D. de concub.* Vnde & Ouidio *de arte amandi l. v. 30.* amplexus huiusmodi muliercularum sunt *Venus tuta & concessa*

XL. An & ingenuae honestae?

concessa furta, quia qui cum tali femina rem habuerat, stupri reus haut erat ex Lege Julia de adulteriis. Hae ergo & in concubinato esse poterant: non feminae ingenuae & honestiores. Hinc si hae cum viris essent: aut uxores praesumebantur aut stupri reus vterque erat, si se negaret viuere in matrimonio, nec tamen mulier testationem interposuisset, se sua sponte in concubinato viuere. *L. 1. pr. D. de concub. Cui legi male vulgo obuerti L. 24. D. de R. N. & L. 31. pr. D. de donat.* satis perspicue ostendimus in *Comment. ad Leg. Iul. & Pap. Popp. Lib. II. Cap. IV. p. 172. sequ.*

XLI. Quinam concubinas adsciuerint?

XLI. Quamuis autem & licita nec inhonesta Romanis videretur haec consuetudo, ac vere inaequale esset matrimonium: *L. 3. C. de natur. lib.* tamen nec ipsae concubinae vxorum dignitate & iuribus fruebantur, nec liberi inde nati legitimerant, sed naturales, quorum de conditione supra *Tit. X.* quaedam notauimus. Hinc & ii fere, qui iam ex iusto matrimonio liberos procreant, patriaeque & Priamo fecerant satis, concubinam solebant in lectum adsciscere, ne liberis inducerent nouercam, spemque hereditatis iis nihil tale meritis interuerterent. Sic Vespasianus Imp. post vxoris excessum Caenidem, Antoniae libertam, reuocauit in contubernium, & paene iustae vxoris loco id est, in concubinato habuit. *Suet. Vesp. III.* Idem fecit Antoninus Pius, *Iul. Capitol. Vit. Anton. Cap. VIII.* idem & Marcus Antoninus, recti exempli imperator, qui amissa vxore concubinam sibi adsciuit, procuratoris sui

fui filiam, ne tot liberis nouercam superduceret. Id.
Vit. Marci cap. XXIX.

XLII. Talis vtique fuit veterum Romanorum concubinitus. Vnde ii cum laruis pugnant, qui audito concubinae vocabulo statim sibi aut prostibulum aliquod, aut plane pellicem, animo concipiunt. Id vero non magis verum est, quam si quis idem iudicium ferendum putaret de vxoribus ad morganaticam, quas Principes & viri illustres ea lege adsumunt in torum, vt nec ipsae mariti dignitate, nec liberi reliquorum liberorum iuribus fruuntur. His vxoribus per omnia fere similes erant concubinae Romanorum, post quam mos & lex maculatum edomuerat nefas, & Augustus concubinitum a pellicatu secreuerat.

XLIII. At iste concubinitus paullatim euauit, postquam Christiana pietate indignus videri coepit. Primus eum subruere conatus est Constantinus M. sed ita vt obliqua quasi via procederet, nec se id agere prae se ferret. Quum enim ita inoleuisset ista consuetudo, vt impar sibi prope videretur ei abolendae; id agebat potissimum, vt ciues vxores, quam concubinas habere mallent. Hinc primo liberis naturalibus quidquam relinqui vetuit, ceu colligimus ex L. 1. C. Theod. de natur. lib. Deinde ideo adinuenit legitimationem per subsequens matrimonium, non in futurum tamen valituram, ne parentibus occasio deesset signandi tabulas, & concubinas iustis sibi nuptiis iungendi Def. Herald. *Rer. Quotid.* 1, 4. 2. Denique ne viri dignitatibus fulgentes alios exemplo corrumperent

XLII. Fuit
 re concubinae
 similes
 vxoribus
 ad morganaticam.

XLIII.
 Quando
 legibus
 interdictus
 concubinitus?

rent durissimam illam *L. 1. C. de nat. lib.* edidit, qua concubinas a viris illustribus, clarissimis, spectabilibus, perfectissimis haberi vetuit. Nec successus forsan defuisset illis Constantini M. consiliis, si successoribus ista potuisset probare. Sed facilius tulerunt concubinatum, adeo, ut nulla eorum constitutio, isti coniunctioni opposita in codicem relata sit a Iustiniano, sed hic ipse potius concubinatum *licitam* vocarit *consuetudinem L. 5. C. ad SC. Orphit.* in eaque *caste viui posse* scripserit. *Nou. XVIII. Cap. 5.* Primus ergo in Oriente eum subruisse videtur Leo Sapiens. *Nom; Leon. XCI.* In Occidente eum multo diutius mansisse, satis ostendunt Leges veteres Francorum, Longobardorum, Germanorum, de quibus fusius a nobis actum in *Antiquitatibus iuris Germanici.*

XLIV. Le-
ges Ro-
muli &
XII. Ta-
bularum
de diuor-
tiis.

XLIV. In titulo de nuptiis accuratius egimus de diuersis modis nuptiarum per confarreationem, coemptionem & usum, deque potestate maritorum in vxores; de quibus multa potius, quam optima, collegit Carolus Sigonius *de antiquo iure ciu. Rom. l.* Quare de diuortiis tantum nonnulla adiiciemus, maxime quum eam doctrinam in Institutionibus suis praetermiserit Iustinianus. Diuortium maritis quidem permiserat Romulus, at non vxoribus, ut tradit Plutarch. *Vit. Romuli p. 39.* Sed nec illis quidem, eodem teste Plutarcho, sine causa lontica licebat vxoribus mittere nuncium, verum si constaret, eas aut stuprum passas, aut venenum parasse, aut liberos clauessue subiecisse. Forasan etiam temulentia
inter

inter causas diuortii fonticas fuit, quippe quam maritus, causa cum cognatis cognita, seuerè vindicare in vxore conueuerat. Dionys. Hal. II, p. 96. Eadem lex deinde migrasse videtur in duodecim tabulas, secundum quas, addita causa, iustum fieri potuisse diuortium, colligitur ex L. 43. *D. ad Leg. Iul. de adult.* & praecipue ex loco Ciceronis *Philipp. II*, 28. *Nolite, nolite quaerere: frugi factus est: mimam illam suam suas res sibi habere iussit, ex XII. Tabulis causam addidit, exegit.* Quamuis enim hoc causam addidit suspectum videatur P. Victorio *Var. Lect. II*, 2. & *Mur. Var. Lect. V*, 8. & quidem ob locum Nonii IV, 152. in quo legitur: *claves ademit, forasque exegit*: Grammaticos tamen saepe ex auctoribus fragmenta non integri sensus exscribere, & hinc emendationem auctorum ex fragmentis illis periculosam semper esse, prudenter monuit eruditissimus Perizonius *Animad. Hist. Cap. IX*, p. 371. *sequ.* Ut ut sit, videtur sane lex XII. Tabularum non promiscue ac sine causa concessisse repudium, siquidem veteres auctores saepe eiusmodi causarum meminerunt. (q) Naeuius apud Festum *voce fonticum.* p. 441. *Sonticam*

(q) Non solebat antiquitus vxori dari repudium, nisi causa cognita in concilio cognatorum. Val. Maxim. II. 1. 4. & 8. *Quin iusiurandum praestari solebat censoribus, diuortium ex iusta causa esse factum.* Gell. XVII, 21. Solebant praeterea istae causae ipsamque factum diuortium in acta referri. Seneca *de Benef. III*. 16. *Quia vero nulla sine diuortio acta sunt, quod saepe audiebant, facere didicerunt.* Adde Lips. *ad Tacit. Ann. V. p. 231.*

Sonticam esse oportet causam, quamobrem perdas mulierem.

Et Varro apud Non. II, 73. *Betere est ire.* Varro τὸ πατρὸς τὸ παίδιον: *A se, annos multos quod parere non posset, eam betere foras iussit.* Si sine iusta & sontica causa factum erat diuortium, Romulus teste Plutarcho sanxerat, τῆς ἡσίας αὐτῇ τὸ μὲν τῆς γυναῖκος εἶναι, τὸ δὲ τῆς ἀμύνης ἔξον, *ut eius bona partim cederent uxori, partim Cereri sacra essent.* Vit. Romul. p. 39.

XLV. Diuortiorum origo & frequentia sequiore aeuo.

XLV. Ast quamuis diuortia viris permitterent leges: non tamen vllum Romae exstitit exemplum ante annum ab V. C. circiter quingentesimum, quo primus vxorem ob sterilitatem dimisit Sp. Caruilius Ruga. Dionys. Halic. Ant. Rom. II, p. 96. Plutarch. Romul. p. 39. & in Numa. p. 77. Valer. Max. II, 1. 4. Gell. Noct. Att. IV, 3. Ast postea frequentissima Romae fuere diuortia, & quidem non solum ob causas alicuius momenti, veluti sterilitatem. L. 60. L. 62. D. de donat. int. vir. & vx. Suet. Ner. Cap. XXXV. simultates cum focru, Sueton. Aug. cap. LXII. morum peruersitatem, Idem ibid. cap. LXII. impudicitiam, Plutarch. in vit. Caton. & Pompei. Sueton. Vit. Claud. cap. VII. XXVI. verum etiam ob causas leuissimas. Facile enim, vel ob leuem tantum suspicionem, domo eiiciebatur vxor, quamuis innocentissima. Papiriam fane quum dimitteret Paullus Aemilius, mirantibus amicis, & causam quaerentibus, nullam certam attulit, sed se tamen ab ealaesum significauit. Plutarch. Vit. L. Paullip. 257. Tom. I. Nonnumquam causa interferebatur quidem, sed

fed leuis, & quae vix mereri videbatur tantam animaduersionem. Sic C. Sulpicius Gallus extrulit vxorem, quod foris nudo capite verſata eſſet: Q. Antiftius Vetus, quod cum libertina vulgari ſecreto collocuta: P. Sempronius Sophus, quod ludos ſpectaſſet, ſe ignorante. Val. Max. VI, 3. 10. *ſequ.* Cicero ipſe, Cato quam honeſtatis ſtudioſus? Terentiam ob aes alienum nona dote exſoluendum: & Publiliam quod Tulliae morte laetari viſa eſſet, domo exegit. Plutarch. *Vit. Ciceron.* Alii propter ſenectutem abiiciebant vxores, L. 62. *de don. inter vir. & vx.* alii quia iam cum alia fuerat tranſactum. Quo pertinent illa Iuuenalis *Sat. VI, v. 147.*

- - - Exi

Ocyus, & propera, ſicco venit altera naſo.

Immo quum dimiſſa ob mores grauiores vxore, maritus dotem lucraretur: fiebat aliquando, vt viri data opera male moratas ducerent, dummodo bene dotatae eſſent. Sic C. Titinnius Minturnenſis Fanuiam vxorem impudicam de induſtria duxerat, vt eo crimine repudiatam dote ſpoliaret. Quod exemplum, latamque a C. Mario ſententiam referunt Plutarch. *in vita Marii p. 247.* & Valer. Max. VIII, 2. 3. Denique etiam nonnunquam bona gratia a ſe inuicem diſcedebant coniuges, & tum plerumque vxor non ſolum dotem recipiebat, ſed & dona & munera a marito data lucrabatur. Vnde Ouid. *de Remed. Amoris. v. 669. ſequ.*

Tutius eſt, aptumque magis, DISCEDERE

PACE,

V 2

Quam

*Quam petere a thalamis litigiosa fora.
Munera, quae dederas habeat sine lite iubeto,
Esse solent magno damna minora malo.*

XLVI.
Etiam
vxoribus
licuit a
viris di-
uertere.

XLVI. Ceterum quum olim maritis tantum ius esset dimittendi vxores, ceu ex Romuli lege obseruat Plutarchus in *Vita Romuli* pag. 39. idque ius adhuc vigeret temporibus Plauti, ceu ex eius *Mercat. Act. IV. Scen. 6.* constat: postea etiam vxores coeperunt a viris diuertere, idque tam frequenter, vt grauiter scribat Seneca de *Benef. III, 16.* *Numquid iam vlla repudio erubescit, postquam illustres quaedam & nobiles feminae non consulum numero, sed maritorum, annos suos computant, & exeunt matrimonii causa, nubunt repudii?* Et Iuuenal. *Sat. VI, v. 20.*

- - - Sic fiunt octo mariti
Quinque per autumnos.

Et Martialis. *Epigr. VI, 7.*

*Aut minus aut certe non plus, tricesima lux est,
Et nubit decimo iam Thelesina viro.*

*Quae nubit toties, non nubit, adultera lege est,
Offendar moecha simpliciore minus.*

Nec grauioribus opus erat causis, si vxor a marito, quam si hic ab illa, sese seiungeret. Saepe enim & mulieres sine causa diuertebant a viris. Exemplum habes in Ciceronis *Epist. ad Fam. VIII, 7.* vbi Coelius ad Ciceronem: *Paula Valeria, soror Triarii, diuortium sine causa, quo die vir e provincia venturus erat, fecit. Nuptura est D. Bruto.* Soli libertae non licebat per legem Papiam Poppaeam a patrono discedere, cui erat matrimonio copulata, ceu ipsa legitima verba docent, quae seruauit Vlpianus *L. ult. D. de di-*

uors.

Wort. quaeque diligentius interpretati sumus in
Comment. ad L. Iul. & Pap. Popp. Lib. II. Cap. XII.
p. 244.

XLVII. Fiebat olim diuortium non sine
 sollemnitate. Quemadmodum enim vxores
 in manum conueniebant per confarreationem :
 ita seiungebantur alio sacrificio, quod diffarre-
 atio adpellabatur. Fest. *voce diffarreatio p. 280.*
Diffarreatio genus sacrificii, quo inter virum & mu-
lierem fiebat dissolutio. Dicta diffarreatio, quia fiebat
farreo libo adhibito. In viū erat hoc sacrificium
 adhuc Plutarchi aetate, quoties inter flaminem
 Dialem & flaminicam fiebat discidium nuptia-
 rum. Quum enim antea flaminibus nefas es-
 set, vxores a se dimittere : rescripto id primus
 permisit Domitianus, teste eodem Plutarch.
Quaest. R p. 276. Tom. II. Qui & haec addit:
 οἱ δὲ ἱερεῖς παρὴνόντο τῇ τῷ γάμῳ διαλύσει, πολλὰ
 φοικῶν καὶ ἀλόκοτα, καὶ στυδρόνῃ δρῶντες. *At*
sacerdotes reliqui, qui interfuerunt, quum eiusmodi
matrimonium dissolueretur, multa horrenda, inaudita
& tristia fecerunt. Vnde patet triste admodum
 ac mali ominis fuisse hoc diffarreationis Sacri-
 ficium, in quo multos ritus ac caeremonias tri-
 stiores adhiberi oportuerit. Coemtionē con-
 tractae nuptiae remancipatione solutae viden-
 tur Iac. Raeuardo, *de Leg. XII. Tab. XXII. p. 99. seq.*
Tomo I. Oper. Praeterquam enim quod nihil tam
 naturale est, quam vnumquodque eo modo
 dissolui, quo colligatum est, *L. 35. D. de reg. iur.*
 omniaque, quae in iure contrahuntur, contra-
 rio iure pereunt: *L. 100. D. eod.* remancipatio-
 nis huiusmodi disertis verbis meminit Festus

XLVII.
 Sollemni-
 tates in
 diuortiis
 olim ob-
 seruatae.

voce remancipatam p. 403. *Remancipatam Gallus Aelius esse ait, quae mancipata sit ab eo, cui in manum conuenerat.* Ita sane Catonem Uticensem uxorem Marciam praesentem despondisse Hortensio, refert Plutarch. in *Catone*. Et Tiberium Neronem Liuiam uxorem etiam praegnantem Augusto cessisse, ex Tacit. *Ann. V, 1.* & Dionis *Lib. XLVIII. novimus.* Id quod remancipationis ritu factum esse, non dubitauerim. Conuenisse enim Liuiam in manum, ex verbis Dionis colligas: ἐξέδωκε δὲ αὐτὴν αὐτὸς ὁ ἀνὴρ, ὡς πατρὶς. *Elocavit illam ipse maritus, tanquam filiam.* Vsu denique quaesita vxor, si vellet a viro diuertere, vsurpatione rescindebat matrimonium, si nondum circumactō anno a viro trinoctium abfuisset. Gell. *Noct. Att. III, 2.* Macrob. *Saturn. I, 3.*

XLVIII.
Ritus se-
quiore
aetate vsu-
tati.

XLVIII. At postea inualuit, vt paucioribus adhibitis caerimoniis, quae legitimae obseruationis vocabulo veniunt in *L. 35. D. de don. int. vir. & vxor.* dissoluerentur matrimonia, quas summam recenset. Primo confringebantur tabulae dotales, vt patet ex Tacito *Ann. XI, 30.* & Scholiasta Iuuenalis *ad Sat. IX, v. 75.* Deinde adimebantur clauēs. Quemadmodum enim nouae nuptae, ingressae domum mariti, clauēs in signum communicati cum ea domini tradebantur: Barn. Briffon. *de ritu nupt. pag. 232.* ita clauibus ademtis dirimebantur connubia. Cic. *Philipp. II, 28.* Petr. Victor. *Var. Lect. II, 2.* Tum porro dicebantur sollempnia verba. His enim omnino opus fuisse, vel inde patet, quod Cicero *de Orat. I, 40.* ait: *Certis quibusdam*
VERBIS,

VERBIS, non nouis nuptiis, fieri cum superiore diuortium. Verbavero illa haec erant: RES TVAS TIBI HABETO. Vel TVAS RES TIBI AGITO, L. 2. §. 1. D. de diuort. Barn. Briss. de Form. VIII, p. 722. eaque pronunciare plerumque solebat libertus. L. 9. D. de diuort. Iuuenal. Sat. VI, v. 145.

Collige sarcinulas, dicet libertus, & EXI
Iam grauis es nobis, & saepe emungeris, EXI
Ocyus, & propera, sicco venit altera naso.

Solebant etiam nuncium mittere coniugi, eaque speciatim dicebatur renunciatio matrimonii. Immo & libellus dabatur, cui eadem procul dubio verba inscripta. Quo libello iam oblato, locus quidem erat poenitentiae, si coniux repudiatus consentiret: L. 7. D. de diuort. non si huic placeret conditio. Tunc enim dissolutum censebatur matrimonium, libello etiam nondum tradito. L. 6. C. de repud. Car. Sigon. de antiquo iure ciu. Rom. I, 9. p. 132. Denique Augustus, (qui & alias diuortiis modum imposuit, teste Sueton. Octau. XXXIV.) lege Iulia de adulteriis cauit, vt diuortium fieret, adhibitis praeter libertum septem testibus ciuibus Romanis, puberibus: alias pro irritato haberetur. L. 9. D. de diuort. Barn. Briss. ad Leg. Iul. de adult. XXVIII. p. 123.

XLIX. Sed haec omnia ad *diuortium* inter coniuges pertinent. Latius patebat *repudium*, quod etiam sponsus sponsae, vel haec illi dare solebat Paullus L. 191. D. de Verb. signif. Inter *diuortium* & *repudium* hoc inter est, quod repudiari etiam futurum matrimonium potest: non recte autem sponsa *diuortisse*

XLIX.
Quid repudium?

diuortisse dicitur. Et Modestinus L. 101. §. 11. D. eod. Diuortium inter virum & uxorem fieri dicitur; repudium vero sponsae remitti videtur: quod & in sponsae personam non absurde cadit. In repudiis sponsae mittendis sollemnia erant verba: TVA CONDITIONE NON VTOR. L. 2. §. 2. D. de diuort & repud. Tantum autem abest, ut hic causa aliqua fontica opus esset, ut ex sponsalibus, quantumvis stipulatione firmatis, nulla orietur civilis actio, sed infinita esset repudiorum licentia. L. 1. C. de sponsal. L. 2. §. 1. 2. D. de diuort. L. 2. C. de rep. L. 2. C. de inutil. stipul. Nec contrarium evincitur ex loco Ser. Sulpitii apud Gell. Noct. Att. IV, 4. Actio enim illa ex sponso, cuius ibi meminit Sulpicius, non ad Romanos, sed ad Latii incolas pertinebat. Attamen & ab orbis Romani incolis certas repudii causas observari voluerunt Theodosius & Valentin. L. 8. C. de repud. & Iustinianus L. 10. 11. C. eod.

*L. Ius pat-
trium, le-
gitimi do-
minii, te-
stamenti,
heredita-
tis, usufruc-
tionis.*

L. Sufficiant haec de tertio iure Quiritium, id est, de iure connubiorum. Quartum fuit PATRIVM, de quo tamen vix est, quod hic addamus, quum supra Lib. 1. Tit. IX. de patria potestate, civibus Romanis propria, accurate nos agere meminerimus, quemadmodum & de adoptione, legitimatione, emancipatione, aliisque, quae huc pertinent, vberius suis locis differuimus. Idem de quinto dicendum. Quot modis enim iure Quiritium rerum adquiratur DOMINIVM, & quatenus fuerint eius domini effecta, statim dicemus Lib. 11. Tit. 1. De sexto quoque, id est, de iure TESTAMENTORVM agemus Lib. 11. Tit. X. sequ. De septimo, seu de

de iure HEREDITATVM LEGITIMARVM
Lib. III. Tit. I. & sequentibus, de octauo denique, id est, de VSVCAPIONE *Libro II. Tit. VI.* plura monebimus, nihil vt hic de illis addendum praeterea videatur. Progrediemur ergo ad ea iura ciuium Romanorum, quae ad ius publicum potius spectant, καὶ ἰσοχὴν CIVITATIS iura adpellantur.

LI. Prima ciuium Romanorum praerogatiua, quae ad ius publicum pertinet, est IVS CENSVS. Census qualis Romae fuerit, & a quonam sit institutus, diximus supra, vbi de capitis deminutione actum est. Auctor nimirum huius moris Servius Tullius Rex, qui primus iussit, vt ciues omnes in sua quisque classe & centuria, dato iureiurando, apud eum, penes quem ius esset censendi populi, nomina sua, vxorum, liberorum, libertorum seruorumque suorum profiterentur, praetereaque aetatem omnium, regionem, quam habitarent, & fortunarum suarum aestimationem deferrent. Hoc autem ius censendi primum regum, deinde consulum & dictatorum, ac postremo censorum fuit. Quae omnia ideo instituta sunt, vt de ciuium, qui arma ferre possent, numero, pecuniaeque magnitudine, qua belli sumtus sustentur & totius reip. viribus tanto certius constaret. Vnde de Seruio Tullio Florus I, 6. *Ad hoc populus Romanus relatus in censum, digestus in classes, curiis atque collegiis distributus, vt omnia patrimonii, dignitatis, aetatis, artium, officiorumque discrimina in tabulas referrentur, ac si maxima ciuitas minimae domus diligentia contineretur.*

LI. Ius
 census.

LII. Censu
etiam ius
ciuitatis
adquiri
potuit.

LII. Quicumque iure nomina dabant censoribus, eaque inscribenda curabant tabulis censualibus, eo ipso ius ciuitatis consequerentur, adeo ut & serui non modo manumissi, verum etiam ciues viderentur, si nomina consentiente domino, profiterentur apud censores, ac deinde lustro interessent. Vlp. *Fragm.* I, 8. Cic. *de Orat.* I, 40. Ast adultiore iam ciuitate, non promiscue omnibus licuit in tabulas censuales irrepere. Quum enim plerique socii ac Latini nominis hoc modo ius ciuitatis furtim consequi studerent, nominibusque tabulis censualibus inscriptis, deinde Romam commigrarent: conquesti sunt anno V. C. DLXIV. M. Aemilio & C. Flaminio Coss. legati sociorum Latini nominis, *magnam multitudinem ciuium suorum Romam commigrasse, & ibi censos esse.* Quo intellecto Senatus Q. Terentio Culleoni Praetori negotium dabat, *ut eos conquireret, & quem C. Claudio & M. Liniio Censoribus, postea eos Censores ipsum parentem eius apud se censum esse probassent, ut redire eo cogeret, ubi censi essent.* Liu. XXXIX, 3. Quamuis ergo tunc ea conquisitione duodecim millia Latinorum domos redire cogerentur: paulo post tamen A. V. C. DLXXVI. iterum auditae sunt legationes sociorum & Latini nominis, conquerentium, *ciues suos Romae censos plerosque eo demigrare. Quod si permittatur, per paucis lustris futurum, ut deserta oppida, deserti agri, nullum militem dare possent.* Re vero expensa paullo accuratius prodiit edictum, *qui socii ac nominis Latini ipsi maioresque ipsorum, M. Claudio, T. Quinctio censoribus, posteaque apud socios ac nominis Latini*

Latini censi essent, ut omnes in suam quisque ciuitatem, ante Kal. Nou. redirent. Liu. XLI, 12. 13. *sequ.* Id ius aliquamdiu vixit, siquidem & L. Postumium Consulem anno V. C. DLXXX. pro concione legimus edixisse, *ut, qui sociam Latini nominis ex edicto C. Claudii Cos. redire in ciuitates suas debuissent, ne quis eorum Romae, sed omnes in ciuitatibus suis censerentur.* Liu. XLII, 10. Quum ne sic quidem fraudes istae impedirentur: in eandem sententiam anno DCCLVIII. a L. Licinio Crasso & Q. Mucio Scaeuola coss. lata est lex *Licina & Mucia*, ut focii & Latini nominis in suae quisque ciuitatis ius redigerentur (r). Verū
ea

(r) Exstitit etiam in eandem rem lex quaedam Papia, cuius disertis verbis meminit Cicero *pro Balbo* XXIII. Valer. Max. III, 4. 5. Vnde fallitur Steph. Vin. Pighius, in *Obserrat. ad Valer. Max. l. c.* qui hanc legem plane explodendam putat. Nec minus errat Car. Sigon. *de antiquo iure Ital.* III, 1. qui eandem confundit, cum lege Papia *de peregrinis*, de qua infra agemus. Hac enim lege non omnes peregrini eiiciebantur, sed focii & Latini nominis, qui Romam commigrauerant, domum redire iubebantur, ceu exemplis a Valerio Maximo & Cicerone adlatis patet. Quum vero lex Claudia prima fuisse videatur, qua ea de re actum est, eaque lata sit anno DC LXXVI, post legem vero Liciniam Muciam, latam anno DC CLVIII. statim bellum Marficum conflagrarit; quo composito dataque Latinis ciuitate, lege huiusmodi non amplius opus fuit, latam esse oportet hanc legem inter annum DC LXXVI. & annum D CLVIII. Quumque porro ex hac lege damnatus sit M. Perpennae Conf. pater, idque factum sit breui post mortem filii, quae in annum DC CXXIV. incidit: facile patet, non multum ante hunc annum legem hanc Papiam conditam esse. Vid. *Con. ment. nost. ad Leg. lul. & Pap. Popp.* Lib. I. Cap. I. p. 11.
(5)

ea lege ita alienati sunt animi principum Italicorum populorum, ut ea vel maxima causa fuerit conflati paullo post belli Italici. Cicero *pro Corn. Balbo* XXI. *de Offic.* III. II. *pro C. Corn. Fragm.* p. 330. *Ascon. Paedian. ad eamd. orat.* pag. 1309.

LIII. Cens-
sus Ro-
mae, pro-
fessio in
prouin-
ciis.

LIII. Quum vero census fierent Romae: oportebat ciues, qui nomina fortunasque profiteri cuperent, eo commigrare. Hinc P. Scipio in oratione, quam censor ad populum habuit, inter alia, quae contra maiorum instituta fierent, etiam hoc reprehendit, *quod absentes iubeantur censeri, ut ad censum nemini necesse sit venire.* Gell. *Noct. Attic.* V, 19. In prouinciis non census habebatur, sed fiebat *professio censualis* L. ult. C. *sine censu vel reliqu.* Qua de re vetus fragmentum iureconsulti, quod ex codice Rumpfiano edidit Salmas. *de mod. usur.* XIX. p. 878. *Αλλ' ἐν τῇ πόλει Ῥωμαίων μόνῃ ἀποτίμωσιν ἀγέσθαι δεδιώμεται, ἐν δὲ ταῖς ἐπαρχίαις μᾶλλον ἀπογραφῆς χρεώμεται.* Quae ita redduntur in fragmento Latino, quod edidit Pithoeus: *Sed in ciuitate tantum Romana censum agi declaratum est: in prouinciis autem magis professionibus utuntur.* Ex quibus simul patet, qualis fuerit illa ἀπογραφὴ, cuius meminit Lucas II, 1. Agebantur haec ἀπογραφαὶ initio per Equites Romanos, ceu ex Grut. *Inscr.* p. CCCLV, 6. colligit Reines. *Inscr.* p. 271. Talis est LEG. AVG. CENSIBVS ACCIPIENDIS PER HISPANIAM CITERIOREM apud Reines. *Inscr.* II, 26. nec non DISPENSATOR AD CENSVS PROV. LVGDVNENSIS apud Eum. *Class.* IX, 99. Ab aliis auctoribus vocantur

cantur *cenfitores*, veluti a Lactant. *de Mort. Perseq.* Cap XXIII. quibus additos legimus ministros fufceptores, dictos *Ducenarios*, horumque *adiutores*, itemque *ſcribas*, *chalcologos*, *accenſos*, *compulſores*, de quibus Grut. *Inſcr. p. CCCCXXXIV, 3. & p. CCCCIII, 5.* Reineſ. *Comm. ad Inſcr. pag. 271.* Poſtremis temporibus cenſitorum munus perſonale, nec admodum honorificum fuiſſe, diſcimus ex *L. I. L. 19. §. 9. 16. D. de mun. & honor.* Permultum ergo inter cenſum vrbanum & prouincialem intererat. Quamuis enim etiam prouinciales illae profeſſiones nonnunquam cenſus nomine veniant, vt vel ex *Digeſtorum & codicis titulis de cenſibus & cenſitoribus* nec non ex Lactant. *de mort. perſequutor. XXIII.* intelligimus : vel maxime tamen eo differebant, quod Romae tantum cenſerentur ciues, vt reipublicae vires ciuiumque facultates paterent, ac deinde veteri ritu luſtrum accederet. In prouinciis vero cenſus nouum onus & noua tributa in ſolum & capita adferebat. Amm. Marcellin. *Hiſt. XIX, 11.* Poſt Antonini tamen Caracallae conſtitutionem ſupra explicatam parum inter cenſum profeſſionemque prouincialem videtur interuiſſe. Luſtralis cenſus iam a Veſpaſiani temporibus ab uſu receſſerat. (s) Teſte Cenſorin. *de die Nat. xviii.* Aſt non ideo etiam cenſus Romae in prouinciisque

(s) Luſtralem tamen cenſum Romae egit Decius Imp. vt auctor eſt Trebell. Pollio *Valerian. I. & II.* Sed vltimum ac longo repetitum interuallo fuiſſe illud exemplum, notat illic H. Caſaubonus.

que obsoleuit qualem etiam Vlpiani tempore, licet sine lūstro, conditum, ex multis iuris nostri locis discimus.

LIV. Quid
lustrum?

LIV. Quum vero olim censui Romae accedere consueuerit *lustrum*: id quoque, quale fuerit, ex antiquitatibus Romanis videtur explicandum. Peracto scilicet censu, populus iubebatur armatus adesse in campo Martio, ubi lustrabatur, sue, oue & tauro, quae animalia ter circum exercitum agebantur ab iis, quibus essent fausta nomina. Cic. *de Diuin.* I, 45. ac dein immolabantur Marti Liu. I, 44. Varro *de re Rust.* II, 1. Dionys. Halicarn. *Ant. Rom.* IV, p. 225. Vnde & sollemne istud sacrificium dictum SVOVETAVRILIA, a sue, oue & tauro, vel, ut alii malunt, SOLITAVRILIA; Sed priorem vocis formam confirmat apud Gruter. *Inscript. p.* CXXI, 1. HVIVS OPER. PERFECTI. CAVSSA. LVSTRVM. MISSVM. SVOVETAVRILIB. MAIORIBVS. Huius lustrum quam maxime habebant rationem iureconsulti, quum plerisque non a censu, sed a lūstro potius, iura nouorum ciuium Romanorum initium capere viderentur. Cicer. *de Orat.* I, 40. Hinc vetus fragmentum iureconsulti apud Pithoeum: *Magna tamen dissensio inter prudentes, utrum eo tempore vires accipiant omnia, in quo lustrum conditur? Existimant enim censum descendere ad diem lustrum, non lustrum decurrere ad diem census. Propterea quaesitum est, quia omnia censu aguntur, lūstro confirmantur.* Adde Cuiac. *Obseru.* III, 22.

LV.

LV. Quemadmodum vero census proprium ius erat ciuium Romanorum : ita & grauiter animaduertebatur in eos, qui illum subterfugissent, quippe quos, publicatis bonis, verberatos veniisse, tradunt Dionys. Hal. IV, p. 221. Cic. *pro A. Caecin.* XXIV. Vlpian. *Fragm.* XI, 11, Qua in re fictionem quandam intercessisse, supra diximus ad titulum *de capitis diminutione*.

LV. Poena incensorum.

LVI. Alterum ius ciuitatis Romanae erat IVS MILITIAE. Quum egim Romana militia lecta partim legionibus, partim auxiliis constaret: in legiones nemo iure adlegebatur, nisi ciuis Romanus. Immo nec ciues quidem omnes idonei videbantur legionarii: sed oportebat hos esse ingenuos, & in quinque classibus censos. Vnde excludebantur libertini, capite censi, histriones, e qua hominum colluue non nisi cogente necessitate, & in re trepida legebantur milites, vt satis accurate docent Iust. Lips. *de Milit. Rom.* I, 2. p. 14. Carol. Sigon. *de antiquo iure ciu. Rom.* I, 15. p. 172. *sequ.* vbi etiam rationem habendi delectum ex Polybio egregie explicant. Alii erant focii qui olim ex Italis & fociis Latini nominis, & posteaquam hi ius ciuitatis impetrarant, e prouincialibus deligebantur. Siqui ex aliis gentibus adsciscerentur: leuioris armaturae milites dicebantur. Vid. Sauil. *de Milit. Rom.* p. 334. *sequ.* Ciues sacramento militari adstricti, (cuius formula est apud Gell. XVI, 4. vbi addendus Lips. *de Milit. Rom.* I, 6. p. 45. *sequ.*) tamdiu militabant, donec vel missionem siue *honestam*, siue *caussariam* impetra-

LVI. Ius militiae antiquum

petrarent, vel *ignominiae* causa ab exercitu abesse iuberentur. Ita missio dabatur iis, qui vel legitima confecerant stipendia vel maiores erant quinquaginta annis. Illa ob morbum adfectamque valetudinem; haec ob crimina admissa dabatur: de quibus omnibus Sigon. *l.c. pag.* 18. ipsique Icti ad *tit. D. de re militari.*

LVII.
Quid in
his muta-
tum sub
Impera-
toribus.

LVII. Enimuero haec omnia mutata sunt, ex quo rempublicam inuaserant principes. Iam Augustus non ciuibus modo, verum etiam Latinis & Italis necessitatem militiae remiserat, inuenta militia mercenaria, Herodian. *Hist. II,* 11. & ideo plerasque legiones conscripserat e prouincialibus; praetorianas, & quae ad vrbis adhibebantur custodiam, ex Italis Schel. *Not. ad Hygin. de castramet. pag.* 13. Idque eo magis inualuit post datam ab Antonino Caracalla orbi Romano ciuitatem. Ex eo enim tempore, quae antea legiones ex Romanis tantum ciuibus, uel urbanis, vel Italiam prouinciasue habitantibus, constabant, eae ex prouincialibus plerumque deligerentur: quae auxilia vero e fociis olim seu prouincialibus deligebantur, eae nationibus barbaris, quae vel pretio vel sponte in eam se militiam dabant, conscribebantur. Ez. Spanh. *Orb. Rom. II,* 23. p. 158. Immo adeo a veteri instituto descuerant Romani principes, ut postremis temporibus integras legiones e barbaris conscriberent. Talis est *legio Zian-norum* apud Ammian. Marcell. XXVI, 1. *legio Gruthungorum* apud Claudian. in *Eutrop. IV,* v. 58. Immo talis magna pars exercitus Theodosiani, de cuius conditione & laxa disciplina queritur. Zosim.

Zosim. *Hist. IV*, 30. & 31. Vnde eo magis mirandum, quod prostituta barbaris militia, libertinae tamen conditionis homines tam seuerè ab omni, etiam palatina militia excluderit Valentinianus III. Imp. *L. 3. C. Theod. de libert.*

LVIII. Sequitur tertium, quod ad ciuitatem Romanam pertinuit, **IVS TRIBVTORVM & VECTIGALIVM.** *Tributum* erat pecunia populo imperata, quae tributim a singulis exigebatur. Quae vero pecunia alio quocumque nomine pendenda erat, *vectigal* solebat adpellari. Varro *de Lingu. Lat. IV*, 16. p. 29. Sam. Petit. *Var. Lect. II*, 1. *Tributorum* tria genera erant, vnum, quod *in capita*, alterum quod *ex censu* conferebatur, tertium quod imperatum extra ordinem, adeoque *temerarium* dictum. *Tributum in capita*, (quod postea etiam *tributum capitis*, *capitulare*, vt & pecunia pro *capitibus* dici coepit, teste Lindenbrogio ad Ammian. Marcell. p. 50.) sub primis Romanorum Regibus in vsu fuit, adeo vt quum regi opus esset pecunia, aequo pauperes ac diuites onere premerentur. Dionys. Halic. IV, p. 223. Inuento autem censu tributum illud capitis desiiit, ciuesque coeperunt tributa conferre pro suo quisque censu, qua de re Liuius I, 43. *Quadrifariam enim vrbe diuisa, regionibus collibusque, quae habitantur partes, tribus eas adpellauit, vt ego arbitror, a tributo, nam eius quoque aequaliter ex censu conferendi ab eadem inita ratio est.* Tarquinius Superbus veterem tributa exigendi rationem restituit; auxitque in tantum, vt pro suo quisque capite decem penderet denarios. Dionys. Halic.

LVIII. Ius
tributo-
rum.

IV, p. 245. Eiurato regno, Valerius Poplicola Seruii institutum reuocasse, eumque in finem Quaestores creasse videtur. Immo pauperes aliquamdiu tributorum onere exsoluti, donec decreuit Senatus anno V. C. CCCXLIX. vt plebi, quae eo vsque suis sumtibus militauerat stipendium quotannis ex aerario solueretur. Hoc enim facto coacti sunt omnes, tributum ex censu quotannis in stipendium militare conferre. *Liu. IV*, §9. 60. Hinc magna subinde certamina inter patres & plebem de conferendis tributis, quae saepe a Tribunis impedita, saepe a Senatu remissa, nec raro ob necessitatem reipublicae aucta sunt, vt refert Car. Sigon. *de antiquo iure ciu. Rom. I*, 16. p. 197. *sequ.* Quin indicta saepe tributa temeraria, propter periculi magnitudinem, veluti post urbem a Gallis captam item bello Punico secundo, Valerio Leuino & M. Claudio Marcello coff. quando ipsae matronae aurum & ornamenta sua conferre non dubitabant. *Fest. voce tributum* p. 468. *Liu. XXVI*. 36. Postremo annua tributa plane remissa sunt A. V. C. IO LXXXVI. postquam L. Paullus e praeda Macedonica incredibilem vim auri intulerat in aerarium. *Cic. de Offic. II*, 22. *Plin. Hist. Nat. XXX*, 3. idque ad consulatum vsque Hirtii & Panfiae mansisse tradit Plutarchus *Vit. Paull.* p. 275. *Tom. I.* Post ea tempora tributi collati frequentissima sit mentio, & sub Imperatoribus eo res rediit, vt multa inuenirentur noua tributa locupletando aerario, & non solum prouinciis a populo *stipendia*; a principe *tributa* imponerentur, Theoph. §. 40. *Inst. de rer. Diuis.*
Cuiac.

Cuiac. *Obs. VII*, 3. verum etiam durior subinde hac in re tieret conditio ciuium Romanorum.

LIX. Diuerſa a tributis erant VECTIGALIA, Cuiac. *Obs. VII*, 4. quae vel *portorii*, vel *decumarum & ſcripturae*, vel *ſalis* vel *viceſimae* nomine exigebantur. *Portoria* pecuniae erant, quae portitoribus pendebantur, id eſt, iis, qui mercedes mercibus in portum vel per pontem deuehendis exigebant. Hirt. *Bell. Alex. XIII. L. 60. §. 8. D. Locat. conduct.* Iul. Caef. *Bell. Gall. III, princ.* Sed illa, portoria lege lata, ciuibꝫ in vrbe ac per Italiam remiſit Q. Metellus Nepos, Dio Caſſ. *XXXVII, p. 59.* Poſtea tamen peregrinarum mercium portoria denuo inſtituit Iul. Caefar teſte Sueton. *Iul. XLIII.* Eaque diutiſſime exacta ſunt ſub Imperatoribus ſequentibus, quippe quorum primum ea penitus remiſiſſe legimus Heluium Pertinacem, auctor eſt. Herodian. *Hiſt. II, 4.* quamuis illud reſtitutum eſſe a ſucceſſoribus, ex *L. 21. pr. D. de don. int. vir. & vx.* intelligamus.

LX. Decumae exigebantur a ciuibꝫ Romanis, vel Latini nominis ſociis, qui in Italia aut extra Italiam publicos agros arabant. Id enim fiebat ea lege, vt frumenti decimas penderent. Sin vero quis ſiluis vel pascuis publicis hoc modo frueretur: pecunia, quae inde redibat, *Scriptura* adpellari conſuevit. Solebant ſcilicet Romani agros, hoſtibus bello ademptos, ſi culti eſſent, ciuibꝫ; ſin inculti, Italicis hominibus per cenſores locare, ea lege, vt decimam frumenti, quintam reliquarum frugum praefterent; e pascuis vero certum penderent

LIX. Ius
vectigaltum,
quae
lia erant
portoria.

LX. De-
cumae &
ſcriptura?

rent stipendium. Postea quum diuites pleraque ad se rapuissent: A. V. C. CCCLXXVII. a C. Licinio Stolone lata est lex, *ne quis plusquam quingenta iugera agri, centum pecoris maioris capita, quingenta minoris possideret.* Liu. VII, 35. VII, 16. Aurel. Victor. *de vir. illustr.* XX. Sed quam parum ea lex valuerit vel inde patet, quod non multo post ipse ille Licinius Stolo a M. Popilio Laenate ex sua lege X millibus aeris est damnatus, quod M. iugerum agri cum filio possideret, emancipandoque filium fraudem legi fecisset. Liu. VII, 16. Hinc eandem legem postea A. V. C. lxxx. retulit Ti. Sempronius Gracchus Trib. pl. cuius tamen sanctionem mox elusit Senatusconsultum, quo agri vendi iussi sunt: unde denuo diuitibus cefferunt solis. Quare denique Sp. Thorius, Trib. pl. lege lata sanxit, ne agri amplius diuiderentur, sed possessores in iis relictis vectigalia pro iis penderent, eaque pecunia plebi distribueretur. Cuius legis fragmenta ex antiqua tabula aenea edidit Car. Sigon. *de antiquo iure Ital.* II, 2. p. 638. Denique alius tribunus totum illud vectigal noua lege sustulit. Appian. *de Bello Ciu.* I. p. 366. Quumque solus superesset ager Campanus: eum quoque diuisit Iul. Caesar. Consul. Suet. Iul. XX. Unde ex eo tempore conquestus est Cicero: *Epist. ad Att.* II, 16. *Portoriis Italiae sublatis, agro Campano diuiso, vectigal nullum superesse domesticum, praeter vicesimam.*

LXI. An-
nonae
salariae.

LXI. Tertium vectigalis genus e sale redibat. Instituerunt enim Romani post exactos statim Reges, vt sal non a priuatis venderetur, sed

sed minoris e publico acciperetur. Liu. II, 9. Bello autem Punico secundo, vectigal nouum a censoribus Claudio Nerone & Liuiio Salinatore maxime tamen ab hoc institutum ex salaria annona, (t) vt testatur Liu. XXIX, 37. Sal enim hi censores sextante Romae; pluris in conciliabulis; & alibi alio pretio praebendum locauerunt, eoque nouo vectigali locupletarunt aerarium. Sed & hoc vectigal demum ab vsu recessit, vt patet ex verbis Ciceronis paullo ante relatis, quamuis, quo tempore id factum haut adeo liquidum sit. Sigon. *de antiquo iure Ciu. Rom.* l, 16. p. 207.

LXII. Diutius Romae in vsu fuit quantum LXII. vi-
genus vectigalis, quod vicesima dictum. Eius ^{cessimae.}
origo referenda in annum V.C. CCCXCVIII. quo
*Cn. Manlius legem nouo exemplo ad Sutrium in castris
tributum de vicesima eorum, qui manumittuntur, tu-
lit. Patres, quia ea lege haut paruum vectigal inopi
aerario esset, auctores fuerunt.* Liu. VII, 16. Quo-
ties ergo seruus manumittebatur, vel herus vel
libertus pendeat vicesimam. Arrian. *Diff. Epist.*
II, 1. Ὅταν ὦν ἐστὶν τις ἐπὶ στρατηγῶν τὸν αὐτῷ δού-
λον, ὃς ἐν ἐπὶ πόνει. ἐπὶ πόνει, τί; ἐστὶν τὸν αὐτῷ δού-
λον ἐπὶ στρατηγῶν, ἄλλο ὃς ἐν; ναί. καὶ ἑκοστὴν αὐτῷ
δούλου ὁρεῖται. Quando quis seruum suum apud Prae-
torem vertit, num ista vertigine nihil egit? Enimvero
egit aliquid. Quid autem? Seruum suum vertit
X 3 apud

(t) Et inde alteri Censori Salinatoris cognomen haec-
sit. Errat ergo Bulinger. *de Vectigal. P. R.* XV. qui Sa-
linatorem non introduxisse, sed restituisse hoc ve-
ctigal existimat. Vid. V. G. Burmann. *de Vectigal.*
P. R. VI. p. 116. (u)

apud Praetorem. Numquid praeterea? Immo & vice-
 cesima soluenda erit. Similis est locus apud
 eundem Lib. III, Cap. XXVI. Arrian. *Dissert.*
Epist. II, 1. Tardius tamen ab Augusto id etiam
 ad feruos venales prolatum videtur, pro quibus
 vicesima quinta (u) pendenda erat ab emtore,
 si Tacito *Annal.* XIII, 31. fidem habemus, id-
 que aurum vicesimarium in sanctiore aerario
 (x) ad ultimos reip. casus seruari consuevit.
 Liu. XXVII, 10.

LXIII.
 Noua ve-
 ctigalia ab
 Impera-
 toribus
 inuenta.

LXIII. Oppressa per Principes republica,
 multa noua inuenta sunt vectigalia, quibus lo-
 cupletaretur aerarium Vnde de Augusto
 Sueton. XLIX. *Aerarium militare cum vectiga-*
libus nouis instituit. Talis erat centesima rerum
 venalium, quam A. V. C. Iocclix. instituerat
 Augustus, teste Dione Cass. LV, p. 648. Ti-
 berius primum confirmauit, Tacit. *Ann.* I, 78.
 postea, vt populo aliquid daret, ducentesimam
 induxerat. Id. *Annal.* II, 42. denique quum
 eam Tiberius iterum in vsum reuocasset cen-
 tesimam

(u) Tacit. *Ann.* XIII, 31. Vicesimae quintae memi-
 nit sed ex Dionis *Hist.* LV. p. 652. constat, Augustum
 auctorem huius vectigalis non quintam & vicesimam,
 sed quinquagesimam τὸ τέλος τῆς πεντηκοστῆς a fer-
 uis venalibus exegisse. Alterutrum ergo errasse di-
 xeris, nisi forte aliquis ex Augusti Successoribus hoc
 vectigal auxerit.

(x) Huic vectigali colligendo praefectus aliquis fuit
 qui adpellabatur *Vicesimarius* vel ὑποσώτης; si se-
 quamur emendationem in verbis fragmenti Tragu-
 nani Petronii quam repraesentat V. C. Burmann. de
Vestig. P. R. X. p. 182.

(2)

tesimam eandem Italis remisit Caius Caligula, Dio Cass. LIX, p. 742. Ex quo loco patet, in Suetonii *Cal. XVI.* auctore Casaubono rescribendum esse: *Centesimam auctionum Italiae remisit*, quum vulgo ibi legatur *ducentesimam*. Ceterum non aliud hoc erat vectigal, quam centesimus rerum in auctione venalium numus, qui inferebatur aerario militari, vt recte docet Lips. ad Tacit. *Annal. II, p. 104. sequ.* Saepissime tamen illius vectigalis quantitas videtur vel aucta, vel imminuta. Nam & quinquagesimae fit mentio. Immo Theodosius & Valentin. Augusti constituerunt, vt nundinis quibusque ex qualibet negotiatione mercium fisco in singulos solidos venditor dimidiam siliquam, & similiter emtor dimidiam inferret. Idque est vectigal SILIQVATICVM, de quo Cassiod. *Var. IV, 19. id rebus omnibus nundinandis providam definiuisse antiquitatem.* Ipsam constitutionem Theodosianam quum iam pridem in lucem protraxerit Cuiac. *Obs. XVI, 22.* mirandum sane est, virum doctissimum, Guid. Pancirol. *Tbesaur. Var. Lect. III, 31. p. 494.* existimare, siliquaticum in fructibus constitisse, e. g. siliquis similibusque, eosque fructus, loco numorum fuisse praestandos. Siliqua hic est vicesima quarta pars solidi aurei, seu eiusdem semiuncia, Gronov. *de Pec. Vet. Lib. IV. Cap. XVIII* adeoque satis grande hoc vectigal fuisse animaduertimus. Est & vectigal QVADRAGESIMAE, siue litium, siue portorii loco soluendum, cuius meminere Quintilian. *Declam. XXXV. Symmach. Epist. V, 62. 65. immo &*

Suet. *Vespas. Cap. 1.* Ei praefectum legimus QVINCTIONEM, AVG. LIB. TABVLARIVM XXXX GALLIAR. apud Reines. *Inscr. Class. IX, 36.* Paulo obscurius est vectigal *ansariae*, uti in *L. 1. C. Hermog de iure fisci* vocatur, vel *ansarii* & *foeuencularii*, vel *foriculiarii*, quorum meminit elegans marmor Romanum apud Grut. *Inscr. p. CXCIX, 6.*

IMP. CAESAR. M. AVRELIVS
ANTONINVS. AVG.

GERMANICVS. SARMAT. ET.

IMP. CAESAR. L. AVRELIVS.
COMMODOVS. AVG.

GERMANICVS. SARMATIC.

HOS. LIMITES. (sic) CONSTITVI.
IVSSERVNT.

PROPTER. CONTROVERSIAS. QVAE.
INTER. MERCATORES. ET. MANCIPES.
ORTAE. ERANT. VTI. FINEM.

DEMONSTRARENT. VECTIGALI.

FORICVLARI. ET. ANSARI.

PROMERCALIVM. SECVNDVM.

VETEREM. LEGEM SEMEL. DVM.

TAXAT. EXIGVNT.

Differit de his vectigalibus Iac. Cuiac. *Obs. XIV, 3.* Sed ita ut lectores non multo reddat certiores. Mirum est vectigal pro *umbra platani* exactum, de quo Plin. *Hist. Nat. XII, 1.* multoque mirabilius τὸ αἰρικόν, quod pro caeli aërisque usu pendebatur, de quo quaedam haut protrita habet idem laudatus Cuiac. *Obs. X, 7.*
Deni-

Denique etiam nouis illis vectigalibus vel maxime accensenda vicesima hereditatum, de qua iam ante *n. XIX.* aliquid notauimus.

LXIV. Pergimus ad ius SVFFRAGIORVM, quod & ipsum ad ciues Romanos pertinuit. Comitia ipse Romulus instituerat, ciuibusque libera permiserat suffragia, quoties vel lex ferenda esset, vel creandus magistratus, vel bellum denique decernendum videretur. Dionys. Halic. *II, p. 87.* Quum vero initio curiatim suffragia ciues ferrent in comitiis curiatis: postea centuriata comitia inuenit Ser. Tullius, quibus id obtinuit, vt ditiorum praeualerent suffragia, quum in comitiis curiatis turba egenorum ciuium optimates & ditiores facile numero suffragiorum obrueret. Dionys. Hal. *IV, p. 224. Jequ.* Et ex eo tempore fere dicis tantum & auspiciorum causa rogationes curiatim perlatae, & denique ipsa illa comitia adumbrata sunt per XXX. lectores. Cic. *de leg. agrar. II, 12.* Qua de re tamen haut leuis fuit virorum doctissimorum inter se altercatio, Nicolai scilicet Gruchii & C. Sigonii, quorum scripta eristica repetita editione vulgauit vir de his litteris immortaliter meritis, Io. Georg. Graeuus *Tomus I. Thes. Ant. Rom. (γ)* Denique etiam tributa inuen-

LXIV. Ius
suffragio-
rum.

(γ) Quaestio est inter hos viros doctissimos de lege curiata. Nic. Gruchius existimat, patricos magistratus olim binis comitiis esse creatos, centuriatis & curiatis; plebeios itidem binis, tributis & curiatis: denique, quum obsoleuissent curiata comitia, magistratus omnes binis comitiis creatos, centuriatis & tributis. Negat id Car. Sigonius, magistratus tantum vnus generis

inuenta sunt comitia, quibus populus per tribus quarum demum XXXV. erant, ferebat suffragia, eaque coeperunt A. V. C. cclxiii. A. Sempronio, M. Minucio Coss. Quemadmodum vero centuriata comitia non nisi a maioribus; ita tributa a minoribus acque ac maioribus magistratibus haberi poterant. In his suffragium ferebant omnes, qui erant in tribum adscripti, praeterquam impuberes, aerarii, & sexagenarii, quos depontanos ideo dictos, alibi obseruauimus. Aliquando unus idemque ciuis in duplici tribu ferebat suffragia, si se dedisset alteri in adoptionem. Tunc enim & patris naturalis tribum retinebat, & tribui patris adoptiui adscribebatur. Hinc Augustus in lapide Brixienti apud Grut. p. CCXXVI, 3. vocatur C. IULIVS, C. F. FAB. SCAPT. CAESAR. AVGVSTVS, quia tribui Fabiae & Scaptiae erat adscriptus. Suet. *Aug.* XL. & ibi Torrent. De his comitiis plura dat. Sigon. *de antiquo iure ciu. Rom.* I, 17. p. 212.

LXV. Il-
lud sub
Impera-
tor. mu-
tatum.

LXV. Sed illud suffragiorum ius primus imminuit Iul. Caesar, dictator perpetuus, comitia cum

generis comitiis creatos existimans, Consules nimirum centuriatis, alios magistratus patricios curiatis, ita tamen, ut deinde iterum de iisdem magistratibus iudicatum sit, populusque priora comitia reprehendere potuerit. Ergo de consulibus bis putat comitiis, sed non aliis quam centuriatis, iudicatum, de aliis quoque bis, sed non nisi curiatis. Ab eruditorum vero senatu iam pridem secundum Gruchium fuit iudicatum, uti obseruat V. C. Io. Ge. Graevius *praefat. T. 1. Antiq. Rom.*

cum populo ita partitus, ut exceptis consulatus competitoribus, de cetero numero candidatorum pro parte dimidia, quos populus vellet pronunciarentur, pro altera parte, quos ipse dedisset Sueton. *Iul. XLI.* Augustus equidem populo restituit suffragia, reducto pristino comitiorum iure, & multiplici poena coercito ambitu: Sueton. *Aug. XL.* Ast sub Tiberio denuo ademptum fuit populo ius suffragiorum, & ad solum Principem ac Senatum traductum seu, ut ea de re Tacitus *Ann. I, 15.* *tunc primum e campo comitia ad patres translata.* Dio Cass. *Hist. LVIII, p. 633. sequ.* Reddita quidem a Caio illa suffragiorum iura tradit idem Dio *Hist. LIX, p. 648.* sed Suetonius *Calig. XVI.* tantum *ten- tasse eum* ait, *comitiorum more renovato, suffragia populo reddere.* Certe nec sub eius successoribus in ferendis legibus aliisque rebus maioribus populi suffragia valuisse, iamdudum obseruarunt viri docti, (2) Iustus Lips. *Excurs. ad Tacit, Annal. I, 15.*

(2) Retenta quidem aliquamdiu sunt comitia; sed dicis causa, & tamquam priscae libertatis simulacra. Solebant enim magistratus a Principe vel Senatu designati in campum Martium prodire cum necessariis, ibique coram populo, more veteri congregato a praeco- ne pronunciari. Qua de re Dio Cass. *Hist. LVIII, p. 727.* qui ubi de perpetuo Tiberii in creandis con- siliis modo egisset statim addit: καὶ μετὰ τὸτο ἐς τὸν δῆμον καὶ ἐς τὸ πλῆθος αὐτοὶ καὶ οἱ ἀρχαῖοι ἐπατήρω, τῆς ἀρχαίας ὁσίας ἔτι καὶ καθάπερ καὶ οὖν ὡς τε ἐν ἐκείνῃ δοκεῖν γίγνεται, ἰστέοντες ὅτι δέκνυντο. Deinde ad populum & plebem bi suis quique eum necessariis dicis causa, sicuti nunc etiam, ut imago quaedam

I, 15. Ez. Spanh. Orb. Rom. II, 22. p. 153. Vnde & leges illas de ambitu suo aevo ideo obsoleuisse fatetur Modestinus L. 1. D. ad Leg. lul. de ambitu: quia ad curam principis magistratuum creatio pertineat, non ad populi fauorem.

LXVI. Ius
honorum
& qui-
dem sa-
cerdotio-
rum.

LXVI. Quintum ius ciuium Romanorum fuit ius HONORVM siue magistratuum, siue sacerdotiorum, quippe quos nemo nisi ciuis Romanus gerere poterat. Si quis enim ciuitatis expers honores ad se rapuisset: re comperita, honorum gradum cum toto ciuitatis iure amittebat, vt docet exemplum M. Perpennae, apud Valer. Max. III, 4. 5. (a) Honores partim in sacerdotiis partim in magistratibus erant positi. Vtrique ex instituto Romuli proprii erant patriciorum quia voluerat Romulus *ἱερὰ καὶ τὰς ἰσαρχίας καὶ ἀρχὴν, vt & sacra curarent, & magistratus gererent patricii.* Dionys. Hal. II, p. 87. Eiectis regibus, post multas lites tum sacerdotia, tum magistratus sensim coeperunt cum plebe communicari. Et sacerdotia quidem patriciis eripuit Lex Ogulnia, de qua fusius Liu. X, 6. Manferunt tamen patricii in possessione aliquot

quaedam prisca ritus exhiberi videretur, prodeuntes renunciabantur. Et hinc intelligitur, quatenus sint illa comitia consularia, quorum sub Imperatoribus etiam fit mentio apud Sueton. Vitell. XI. Vespas. V. Domitian. X. Add. Ezech. Spanh. Orb. Rom. II, 22. p. 154. (a) Non tamen acta eiusmodi magistratus, iure haut facti, rescindebantur, vt patet exemplo Barbarii Philippi Praetoris L. 3. D. de offic. Praetor. De quo memorabili exemplo exstat singularis viri eximii, Iac. Gothofredi Dissertatio, quam de *Elezione Magistratus inhabilis* inscripsit.

(b)

aliquot sacerdotiorum, quae nunquam a plebeiis sunt gesta, veluti Regis sacrorum, Flaminum maiorum, Saliorum Palatinorum, Potitorum, Pinariorum, Lupercorum, Curionum, non autem Virginum Vestalium, vti sibi persuadet Paull. Merula *de Leg. Rom. II, 11*. Virgines enim Vestae etiam ex gentibus Manilia, Terentia, Coelia plebeiis captas esse, ex marmoribus apud Grut. *Inscript. p. CCCX, 2. 5. CCCXII, 3.* patet. Quin Dio Cass. *Lib. LIV.* refert, demum in Vestae atrium admissas καὶ ἐκ πελευνηγενῶν γυναικῶν ex libertinis parentibus natas. Id quod lege quadam Papia inuectum esse ex Gellii *Noct. Att. 1, 12.* docuimus in *Comment. ad Leg. Iul. & Pap. Popp. Lib. 1. Cap. 1. p. 2. sequ.* Reliqui etiam sacerdotes partim e patriciis, partim e plebeiis creati sunt. Cic. *pro domo XIV.* Et primis quidem temporibus rex sacrificulus centuriatis; flamines curiatis creati reliqui sacerdotes a collegis cooptati. Liu. *XL, 42.* Postea C. Licinius Crassus Trib. pl. legem tulit, qua cooptatio collegiorum ad populi beneficium transferretur, quam tamen dissuasit Laelius. Cic. *Lael. XXV.* Post hunc etiam Cn. Domitius Ahenobarbus Trib. pl. anno DCCL. ius subrogandorum sacerdotum a collegiis ad populum transtulit, ita quidem vti qui a tribubus esset electus, is a collegio cooptaretur, vti docent Sueton. *Neron. II.* Cicero *Agrar. II, 7* Collegiis arbitrium cooptandi denuo restituit L. Sulla : Ascon. Paedian. in Cic. *Diuin. Verr. p. 1759.* ast anno DCCLXXXIX. legem Domitiam reduxit. T. Atius Labienus: Dio *XXXVII, p. 46.* eamdem abrogauit M. Antonius teste Dione Cassio *XLIV. fin.* ac tertia vice

vice restituit Panfa, vt patet ex Cic. *Epist. ad Brut. V.* Adde Manut. *de Legibus II.*

LXVII.
Et magi-
stratuum.

LXVII. Idem paene de magistratibus obseruandum. Omnes initio penes patricos erant ex instituto Romuli Dionys. Hal. II, pag. 83. Eiectis regibus, idem aliquamdiu placuit. Ast paullo post Tribunos ac Aediles plebis plebs extorsit, qui non poterant per legem sacratam nisi e plebe creari. Liu. IV, 25. Deinde & Consulum alter plebeius creari coepit, primusque e plebe consul factus est L. Sextius anno ccclxxxix. Liu. VI, *extr.* Immo aliquando vterque consulum plebeius fuit, quod quando primum contigerit, patet ex Liu. xxvii, 31. Quumque in redhostimentum communicati secum consulatus plebs novos magistratus patricos, puta praeturam & Aedilitatem curulem concederet patribus: paullo post hi quoque communes patriciis & plebeiis esse coeperunt, primusque e plebe praetor creatus est P. Publilius Philo. Liu. VIII, 15. Aediles autem, verecundia imposita senatui, statim sequente anno, alternis vicibus ex plebe creari, & postea id promiscuum esse coepit. Liu. VII, 1. Postremo omnes omnino magistratus cum plebeiis sunt communicati, veluti Dictatura, Liu. VII, 17. Censura, Liu. VII, 22. Quaestura, Liu. IV, 43. & 54. adeoque omnes honores patuere plebeiis, praeterquam dignitas Interregis, quam tanquam propriam possessionem semper retinuerunt patricii. Cicero *pro Domo XIV.*

LXVIII.

LXVIII. Sub Imperatoribus alia plane coepit esse rerum facies. Nam quod ad sacerdotia attinet, ius ea conferendi ad se rapiebant Principes, siquidem Senatus, teste Dione Cassio *Hist. LI, p. 457.* inter alia Augusto id quoque concesserat, ut sacerdotes, quotcumque vellet, neglecto etiam numero antiquitus recepto, constitueret. Vnde Drusus Germanicus in vetere nummo dicitur SACERD. COOPT. IN OMNI COL. SUPRA NUMER. S. C. Eodem modo & aliae dignitates saepe solis Principum codicillis datae Testis est *vetus Inscriptio* apud Gruter. p. CCC.

LXVIII.
Quomodo sacerdotes adlecti sub Imperatoribus?

LATERANO. ET. RVFINO. COS.

SVPER. NUMERVM.

COOPTATVS. EX. S. C.

M AVRELIVS. ANTONINVS.

CAES. DESTINATVS.

Vti ergo hic consul; sic & sacerdotes facti sunt codicillis, unde & codicillares dicti, de quibus Lamprid. *Alex. Seu. XLIX. Add. L. 43. C. Theod. de Decurion. L. 12. C. de dignit.*

LXIX. Ad magistratus denique quod attinet, eos quoque suo arbitrio creabant Principes, eaque dignitate non solum Romanos, sed & externos ornabant, qualis procul dubio fuit ille Herodes Atticus Consul, de quo copiosius agit Ez. Spanh. *Orb. Rom. II, 22. p. 155.* Talis etiam Soaemus Rex Armeniae, qui a Vologaesio pulsus Romam confugerat, mutatoque nomine dictus M. Aurelius Soaemus Consul ordinarius fuit anno V. C. DCCCCXV. cum L. Papirio Aeliano Phot. *Biblioth. Cod. XCIV.*
Reines.

LXIX.
Quomodo creati magistratus?

Reines. Comm. ad Inscript. p. 219, Mitto Dionem Cassium, Polemonem aliosque consules peregrinos. Inprimis vero post constitutionem illam Antonini Caracallae adeo promiscue ad summos honores euecti sunt Romani, Itali, exteri, ut ne barbaris quidem ac peregrinis, qui orbem Romanum iam ab aliquo tempore compleuerant via ad honores interclusa videretur. Vnde uti Roma *βαρβαρίων ἀντρίπων* barbarorum domicilium dicitur Zosimo IV, 59. ita non mirum ibi consulares fasces aliasque dignitates demum & cum barbaris & peregrinis communicatas. Nazar. in Panegy. Constant. Aug. dicto: Sensisti Roma tandem te arcem omnium gentium & terrarum esse reginam, quum ex omnibus prouinciis optimates viros curiae tuae pignoraues, ut Senatus dignitas non nomine, quam re esset illustrior, quum ex totius orbis flore constaret. Aristides de Roma p. 372. Ζῆτος δ' ἂν εἴη, οὐκ ἀξίος ἢ τίσις ἀξίος ἀντρί. Peregrinus habetur nemo, qui vir sit dignus magistratu aut fide. Denique Rutilius Numatian. Itiner. I, v. 13,

*Religiosa patet peregrinae curia laudi,
Nec putat externos, quos decet esse suos.
Ordinis imperio collegarumque fruuntur
Et partem Genii, quem venerantur, habent.*

Vid. Spanhem. Orb. Rom. II, 22. p. 127.

LXX. Ius
sacrorum,
tum pu-
blico-
rum.

LXX. Vltimum esto IVS SACRORVM, quod & ipsum iuribus ciuitatis Romanae adnumerandum est. Sacra Romanorum omnia, aut publica erant, aut priuata. Publica, censente Festo voce publica p. 385. erant ea, quae publico sumtu pro populo fiebant: priuata, quae pro singulis hominibus

hominibus & familiis: Tam necessarium enim videbatur, sacra publica, sumptibus publicis peragi, vt Theodosio M. negante, se impensas in sacrificia Romanorum superstitionisissima facturum responderet Senatus. *μὴ κατὰ θεσμόν φράττειν τὰ τελεμύνα, μὴ δημοσίῃ τῷ δαπανήματος ὄντος, non rite fieri sacrificia nisi publico fierent sumtu.* *Zosim. Hist. IV, 59.* Publicum totius urbis focum Vestales sanctissime obseruabant: publicos curiarum focos triginta cum suis curialibus curiones, pagorum ipsi singulorum pagorum sacerdotes: priuatim suos quisque Lares familiares domi colebat. Quin & sacerdotes quasdam familias aluisse, qui sacris istis priuatis praeessent, satis adparet ex marmore apud *Reines. Inscr. Class. V, 53.* in quo memoratur **L. POLITICENVS L. F. PHILIPPICVS, SACERDOS SERG. FAM.** Dii neque noui neque exteri adscisci poterant a Romanis, nisi publica auctoritate, quemadmodum Aesculapium ex Epidauro, Cybelen e Phrygia publico decreto accitos, & quasi ciuitate donatos, constat, *Petr. Faber. Semestr. III, 1, Ampl. Bynkersh. de Relig. peregr. Diff. II, p. 246. sequ.* Hinc si quis priuato arbitrio peregrina sacra induxerat: Senatus ea publica auctoritate damnabat: quale quid refert *Liu. IV, 30. XXV, 1. XXXIX, 16. Valer. Max. I, 3.* Integrum **SC. Marcianum** Bacchanalibus oppositum edidit *Raph. Fabrett. Inscript. cap. VI, p. ccccxvii.* & luculento commentario illustrauit laudatus *Bynkersh. ibid.* At sub Imperatoribus omnis exterarum gentium superstitio Romam confluxit, veluti

luti Sacra Isidis, Abnubidis, Mithrae, Dei Elagabali, taurobolia, criobolia, Aegobolia, & innumera alia, de quibus iam ab aliis actum. Ab his omnibus abhorruerant Romani tempore liberae reip. & sacra patria adeo sibi propria seruauerant, vt vel ideo municipales non viderentur optimo iure ciues esse, quia non iisdem ac ii, qui Romam incolebant, Diis sacrisque yterentur. (b) Sigon. *de ant. iure ciu. Rom. l. 8. pag. 116.*

LXXI.
Tum pri-
uatorum.

LXXI. Sed erant praeter haec sacra quaedam gentium propria vel, vt Liuius V, 52. vocantur, *gentilitia* a quibuslibet familiis ex vsu domesticae celebritatis obseruanda, vt ait Macrobius *Saturn. l. 16.* Ea adeo vnius gentis erant, vt nemo illorum esset particeps, nisi qui vel natura vel pontificum auctoritate in patrisfamilias manu ac potestate esset, quales erant vxores, quae in manum conuenerant, liberique tum naturales, tum adoptiui. Colebantur vero domi Penates, iisque etiam anniuersaria

b) Ea tamen sacra municipalia ne tunc quidem dese-
rebant municipales, quando Romam commigrauerant.
Festus *municipalia p. 324.* *Municipalia sacra dicta
sunt ea, quae initio habebant ante ciuitatem Roma-
nam acceptam; quae obseruare eos voluerunt ponti-
fices, & eo more facere, quo adsueuissent antiquitus.*
Vnde de se & Arpino municipio suo loquens Cicero
de *Leg. II, 2.* *Hic gens, hic sacra, hic maiorum multa
vestigia.* Quemadmodum ergo municipales Romam
commigrantes seruabant sacra municipalia: ita &
coloniae retinebant sacra populi Romani ceu eru-
dite probat Henr. Norisius. *Cenotaph. Pisan. Diss. I,
Cap. 5. p. 72.*

uerſaria ſacra ab vniuerſa gente fiebant, ne feruente quidem bello intermittenda, vt patet ex Liu. V, 52. Quale in gente Fabia erat ſacrificium ſtatum, in monte Quirinali quotannis peragendum, de quo Liu. V, 46. Dionyſ. Halic. *Ant. Rom.* IX, p. 577. Simile gentis Claudiae ſollemne memorat Dionyſ. Hal. XI, 696. gentium Aemiliae, Iuliae, Corneliae Macrobius *Saturn.* I, 16. gentis Seruiliae Plinius *Hiſt. Nat.* XXXIV, 13. Atque inde intelligitur, quid ſibi velit Cicero *de Haruſp. Reſp.* XXVII, quando in poſteros transferri ait parentum nomen, ſacra, memoriam, gentem.

LXXII. Haec ſunt illa iura Quiritium ciuiumque Romanorum, quae omnes, qui optimo iure ciues erant, conſequebantur. Illud vnum addendum videtur, fuiſſe quaedam iuriſprudentiae Romanorum publicae principia, aliis gentibus incognita. Tale erat illud, I. quod vetere iure (c) nemo poſſet ſimul Romanae alteriusque ciuitatis ciuis eſſe. Cicero *pro Corn. Balbo* XXVIII. *Duarum ciuitatum ciuis eſſe noſtro iure civili nemo poteſt: non eſſe huius ciuitatis ciuis, qui ſe alii ciuitati dicauit, poteſt.* Et in oratione *pro A. Caecina* XXXVI. *Nam quum ex noſtro*

LXXII.
Ciuita-
tam dua-
rum vel
plurium
ciuis ne-
mo eſſe
poterat

(c) Aliud iure nouo. Nam ſaepe quibusdam ciuibz Romanis concedebant Imperatores, vt alterius quoque ciuitatis ius haberent. Sic Dionis Chryſoſtomi iunior ab Imperatore ἀμα τῆς Ρωμαίων πολιτείας καὶ τῆς Απαμείων ἔτυχεν, ſimul Romanam & Απαμηνſem ciuitatem obtinuerat, Dio Chryſoſt. *Orat.* XLI, p. 500.

nostro iure duarum ciuitatum nemo esse possit, tum amittitur haec ciuitas denique quum is, qui profugit receptus est in exsilium hoc est, aliam ciuitatem. Hoc fecus fuisse in Graecia, vbi multarum iidem homines ciuitatum esse potuerint, idem obseruauit Cicero *pro Archia V.* Idque cum ex aliis exemplis patet, quae colligit Ez. Spanhem. *Orb. Rom. I, 5. p. 8. sequ.* tum maxime ex matre illo apud Reines. *Inscript. p. Iocvii.*

C. CALPURNIVS. ASCLEPIADES.
PRVSA. AD. OLYMPVM. MEDICVS.
PARENTIBVS. ET. SIBI. ET. FRATRIB.
CIVITATES. VII. A. DIVO. TRAIANO.
IMPETRAVIT.

At Romae hoc vt dixi, nemini licebat, siquidem ciuitatem is amittebat statim, qui alteri se ciuitati adscribi passus erat. Hinc de T. Pomponio Attico Cornel. Nepos *in vita eius III.* *Athenis autem sic se gerebat, vt communis infimis, par principibus videretur, quo factum est, vt huic omnes honores, quos possent, publice haberent, ciuemque facere stude- rent. Quo beneficio ille vti noluit: (d) quod nonnulli ita interpretantur, amitti ciuitatem Romanam, alia adscita.* Atque hinc intelligitur qui factum sit, vt ii, quibus aqua & igni fuerat interdictum, tum demum ciuitatem Romanam amitterent, quum in eam ciuitatem essent recepti, quo ver- tendi, id est, mutandi soli causa venissent. Cic.
pro

(d) Hinc de solo domicilio Athenis constituto intelli- gendus est Cicero, quoties hunc T. Pomponium ci- uem Atticum adpellat, quod facit. *Epist. ad Attic. I, 16. II, 1.* vbi Demosthenem *Attici ciuem* vocat.

pro Domo LXXVIII. Qua de re diximus supra *Lib. I. Tit. XVI. §. X.*

LXXIII. Accedit & alterum iuris publici principium, II. quod civitatem nemo amittere posset, nisi ipse esset auctor factus: *Cic. pro Domo* LXXVIII. de quo iure eodem loco diximus, & ex Ger. Nood. addidimus, fictionem semper intercessisse, si quando vel poenae loco, vel ob aliam causam (e) quibusdam ius civitatis adimeretur. Hinc ad artes Sullae tyrannicas pertinet, quod municipiis quibusdam civitatem lege centuriatis comitiis lata eripuit. *Cic. pro Domo* LXXIX. Sallust. *Fragm. Hist. I.* Sed quod semel tentauerat Sulla, saepius deinde facitabant Imperatores & quotcumque principatum Romae adfectabant. Sic Antoninum agros, civitatem, immunitates, aliosque id genus honores privatis & regibus, ademisse, tradit Dio Cass. *Hist. XLV, p. 282.* Augustus quoque, confectis bellis, libertatem ac ius civitatis aliis dedit, aliis ademit, teste eodem Dione *Hist. XLIV, p. 538.* Et Claudius civitatis iure privavit legatum, Lycium origine, quia Latine interrogatus, quod quaesitum esset, haut intellexerat. Dio Cass. *Hist. LX, p. 676.*

LXXIII.
Civitatem
inuitus
nemo a-
mittebat.

CAP. II.

(e) Tribus causis amitti videbatur civitas, *exilio*, illo scilicet, quo bona veniebant, & aqua & igni interdicebatur, *postliminio* & *reiectione civitatis*. *Cic. pro Balbo XXVIII. XXIX. Pompon. L. 3. §. 3. D. de capt. & postlim.*

CAP. II.

DE IVRE LATII.

LXXIV.
Varia Lat-
inorum
nomina.

LXXIV. Sufficere haec arbitramur de iuribus ciuium Romanorum. Proximum est, vt de IVRE LATII differamus, quod proxime accessisse ad ciuitatis Romanae praerogatiuam, iam supra diximus. Idque vel inde patet, quod Dionys. Hal. VIII. p. 540. eos *μετέχοντας τῆς ἰσοπολιτείας* *participes iuris*, quod ciuitatem quasi aequat, eleganter adpellat. Multa vero Latinorum fuere nomina. Dicti enim sunt *socii*, (f) *socii Latini*, *socii nominis Latini*, *socii nomenque Latinum*, *socii ab nomine Latino*, *socii ac Latium*, vt productis ex Liuiio, Sallustio, Valerio Maximo testimoniis ostendit Car. Sigon. *de ant. iure Ital.* 1, 2. p. 473.

LXXV.
Qui &
quales
fuerint?

LXXV. Latini ergo vel socii Latini nominis, temporibus antiquissimis erant *Latii incolae*, *populi Romani foederati*, *iure Latii donati*, vt eos definit Sigon. *de iure Ital.* 1, 2. p. 476. *Latii incolae* dicuntur, vt a reliquis Italis; *populi Rom. foederati*, vt a Latii incolis, qui tamen Latii iure haut fruebantur, secernerentur.

LXXVI.

(f) Saepe tamen confunduntur nomina, vt & Italici iuris homines sociorum & Latinorum, & Latini Italicorum nomine veniant. Quod itidem recte monuit Car. Sigon. *l. c.* p. 474. Id quum non attenderent recentiores quidam scriptores, ceteroquin eruditissimi: mirum in modum totam hanc differentiam Latinorum ac Italicorum peruerterunt. Exemplum esse potest Harduin. *Not. & Emendat. ad Plin.* p. 389. *Tom. I.*

(g)

LXXVI. LATIVM olim duplex erat, VETVS & NOVVM. Vetus a Tiberi ad Circeios; novum a Circeiis ad Lirim & Sinuessam vsque productum est. Paulo latius vtriusque Latii terminos profert Servius ad Virg. *Aeneid.*

l, v. 6. Latium duplex est, unum a Tiberi ad Fundos, aliud inde vsque ad Vulturnum fluvium. Sed errorem huius Grammatici iam alii ostenderunt. Latium ergo vetus Tiberi, Aniene, Vfonte fluvii, marique Tyrreno concludebatur, illudque infederant *Albani, Rutuli, & Aequi*. Novum, quod ab Vfonte fluvio ad Lirim protenditur, *Oscis, Ausonibus, Volscis*, praebuit sedes *Plin. Hist. Nat. III, 5.* Strabo *Geog. V, p. 231.* Ex his primi foedus cum Romanis Albani iam ipsius Romuli tempore fecerant, quo cautum fuerat, vt ne bellum inter se gererent sociae ciuitates, alioquin, quae bellum intulisset prior, alterius iudicium ac mulctam subiret. *Dionys. Hal. III, p. 138.* Addit Strabo *Geogr. IV, p. 165.* tam arctam fuisse inter hos populos necessitudinem, vt, quum proprium vterque regem haberet, connubia tamen, & sacra & cetera iura ciuilia communia haberent. Victis postea a Tullo Hostilio Albanis, ex foedere impetratum est, vt iuuentutem in armis haberent, vsurum Regem Romanorum ea, quum res postulare. *Liu. I, 26.* Diruta paullo post Alba, legatos Romani miserunt ad triginta vrbes, quae in Albanorum fuerant ditione, postularuntque, vt & ipsi dicto essent audientes. Abnuentibus his, nouum exarsit bellum, quo in quintum annum populationibus magis, quam iustis, praelijs ex-

LXXVI.
Foedera
cum po-
pulis Latii
antiquis-
sima.

tracto, pax demum facta, foedusque renouatum est. Dionys. Hal. III, p. 175. Rege hoc morte intercepto, plerique Latini soluta Regis obitu foedera dicebant. Vnde maiore conatu domiti a Tarquinio Prisco, pacis conditiones acceperunt, ut agros suos ac leges haberent, ac focii populi Romani dicerentur illi quidem sed ad regis tamen Romani mandata armati praefecto essent. Dionys. Hal. III. p. 191. Confirmavit id foedus Tarquinius Superbus, Liu. I, 52. qui ut tanto sanctiore vinculo sibi conglutinet hos socios, primus ferias Latinas Romanis cum Latii populis communes instituit. Dionys. Hal. IV, p. 250.

LXXVII.
Ea deinceps
de fac-
pius re-
petita.

LXXVII. Exactis regibus nouum statim bellum coortum est cum Latinis, qui a Romanis denuo desciuerant. Cum his tamen ab A. Postumio Dictatore victis ad lacum Regillum, denuo foedus percussum A. V. C. CCLX. Sp. Cassio Vicellino & Postumo Cominio Aurunculo II. Coss. iis legibus, *ut inter Romanos Latinasque ciuitates omnes aeterna pax esset, neque ipsae inter se bellarent neque aliunde hostes inducerent, neque hostibus tutos transitus praebarent, sed bello oppressis opem pro virili ferrent, spoliis ac praedae partem aequalem haberent: primatum litium iudicia illi, quibus mandata cognitio fuerit, intra decem dies peragerent: hisque legibus nihil addi denique posset, nisi si Romanis, Latinisque ita placuisset.* Hanc enim foederis formulam (g) nobis seruauit Dionys. Hal.

(g) Pluribus tamen aliis capitibus illud constituisse vel ex Festo adparet, qui voce *nancitor*. p. 327. etiam haec foederis

Hal. VI, p. 115. Conf. *Liuv.* II, 22. & *Cic. pro Corn. Balbo* XXI. Et hoc est foedus illud Latinorum, quod ceteris firmitus mansit. Quamvis enim subinde rebellarint Latini, veluti A. V. C. CCCLXVI. & CCCIV : saepe tamen victi, saepe reducti ad officium, postremo illius foederis leges, quod cum Latinis omnibus Sp. Cassio & Postumo Cominio Coss. initum fuerat, recuperarunt, (b) vt patet ex *Cic. pro Corn. Balbo* XXIII.

LXXVIII. His antiqui Latii populis accessere deinde Volsci & Aequi, *Latinorum* iudice Floro *Hist. Rom.* I, 11. *peruicacissimi & quotidiani prope Romanorum hostes.* Volscis, si Dionys. Hal. III, p. 181. credimus, Ancus; sin Liuii I, 53. sententia standum sit, Tarquinius Superbus primus bellum intulit; qui & Aequos adgressus est. Postea ab A. V. C. CCLVIII. variis ac paene anniuersariis praeliis attriti, demum A. V. C. CCLXXXIV. Antium, maritimum oppidum, amiserunt, annoque insequente iis legibus impetrarunt pacem, vt legibus suis vten-tes, priuatis stipendiis, pro Romanis iussi militarent. Dionys. Hal. IX, p. 616. Ast statim ad arma

LXXVIII.
Foedus
cum Vol-
scis & Ae-
quis.

foederis verba allegat: PEQVVNIAM QVI NANCITVR, HABETO, ET SI QVID PIGNORIS NANCISCITVR, SIBI HABETO.

(b) Postremo enim bello a Q. Publico Philone Coss. ad internecionem caesi, plerisque iuribus fuerant spoliati, ex eoque tempore etiam concilium Latinorum ad lucum Ferentinae conuocari desierat, ceu ex Cincianis commentariis obseruat Fest. *Voc. praetor.* p. 376.

arma redierunt Aequi & Volsci. Vnde aliquoties fusi fugatique, quin & sub iugum aliquando missi sunt, donec A. V. C. CCCXLIX. a P. Sempronio Sopho consule paene deleti & ad internecionem caesi sunt. Tamen & hipostremo propter cognationem in Latii iura adsciti sunt, vt patet ex Cic. *pro Balbo* XIII. quamuis, quo id tempore factum sit, nondum mihi liqueat.

LXXIX.

Item cum
Hernicis,

LXXIX. Idem dicendum de Hernicis, quos primus Tarquinius Superbus societate deuinxerat, Latinarumque feriarum fecerat participes Dionys. IV, p. 152. Dein A. V. C. CCLXVIII. bello petiti a Sp. Cassio, tertium Consule, quum victi pacem petiissent, easdem conditiones, quas Latini, quin ciuitatem sine suffragio impetrarunt, atque inde est, quod saepe a Latinis seiungantur, neque adeo eos in Latinorum corpore fuisse ex Livio & Dionysio euincit Car. Sigon. *de ant. iur. Ital.* I, 6. p. 107. Postea anno CCCXCI. nouum cum Hernicis bellum exarsit: eoque finito, tertium, cuius omnes huius gentis ciuitates erant participes, praeter Alatrinates, Ferentinates & Verulanos. Liu. III, 42. Tribus illis, quia ciuitati Romanae *αὐτονομίαν* praeferebant, suae leges redditae: A. V. C. CCCXLVII. Anagninis, & qui arma Romanis intulerant, *ciuitas sine suffragii latione data, concilia connubiaque adempta, & magistratibus praeterquam sacrorum curatione interdictum.* Liu. IX, 43. Sed Hernicos istos *αὐτονόμους* postremo iura Latii habuisse, vel inde patet, quod Ferentinates Latinis adiungit Liuius XXXIV, 41.

LXXX.

LXXX. Latium nouum quando dici coeperit, quandoque Oſcis & Auſonibus ius Latii datum ſit, non magis certum eſt. Sigonius exiſtimat, his populis ad internecionem deletis, Liu. IX, 25. in hanc regionem Latino- rum gentem eſſe immiſſam, atque inde Latium nouum adpellatum: id quod ipſe inter Taren- tinum Punicumque bellum factum coniicit. Sed quemadmodum id nullo teſtimonio com- probari poteſt: ita certiffimum eſt, nouum hoc Latium iura Latii veteris eſſe conſequutum, ſiquidem Appianus *de Bello civil.* l. p. 374. Latino- ſ, quos ab Italis ſeiungit, ad Lirim uſque in populi Romani fide manſiſſe ſcribit.

LXXXI. Et hae ſunt illae gentes, quibus ius Latii antiquiſſimis temporibus datum eſt, Hoc iure contenti fuerunt uſque ad bellum il- lud ſociale vel Marſicum, quo conſecto A. V. C. 1061. lege Iulia, & proxime inſequenti lege Plotia omnes ſocii ac Latini nominis, im- mo & Italici ciuitate Romana donati ſunt, ceu ſupra num. IX. obſeruauimus.

LXXXII. At quamuis Latini tum in ciui- tatis Romanae iura tranſirent: non ipſum ta- men ideo exſpirabat ius Latii, quippe quod ab eo tempore cum multis ciuitatibus tum & colo- niis extra Italiam conſeſſum legimus. Sic Ne- mauſenſibus ius Latii datum eſſe, patet ex Stra- bone IV, 157. Nouocomenſibus idem ius de- derat vel Iul. Caſar vt tradit Appian. *Bell. civil.* II. p. 443. vel Pompeius Strabo, vt mauult, Ez. Spanh. *Orb. Rom.* I, 9. p. 19 Is enim Pompeius omnibus Gallis Transpadanis ius Latii conſe- ſerat

LXXX.
Cum in-
colis Latii
nouo.

LXXXI.
Latini de-
mum ci-
uitate do-
nati.

LXXXII.
Ius Latii
deinde
aliis po-
pulis &
ciuitati-
bus da-
tum.

ferat teste. Afcon. Paedian. in Cicer. *aduers. Pison.* 2062. Eodem exemplo Nero nationes Alpium maritimarum: vniuersam Hispaniam Vespasianus; multas alias ciuitates Hadrianus in ius Latii transtulerunt Tacit. *Annal.* XV, 31. Plin. *Hist. Nat.* III, 3. Spartian. *Hadr.* XXI. De coloniis Latinis paullo post erit dicendi locus.

LXXXIII.
Latini Iu-
niani li-
bertinae
conditio-
nis.

LXXXIII. Nouum Latinorum genus re-
pertum sub Tiberio, lata lege Iunia Norbana,
qua cautum, vt modis minus sollempnibus ma-
numissi non iura ciuitatis Romanae, sed Latii
tantum, consequerentur. Vnde hi libertini
dicti LATINI IUNIANI, vt distinguerentur
a *Latinis colonariis* (i) quibus ceteroquin, quod
ad ius ciuile attinet, adsimilabantur. *L. vn. C. de
Lat. libert. toll. Fragm. Iureconf. vet.* Pithoeanum
apud Cl. Schulting. *Iurisp. vet. anteiustin.* p. 805.
Sed quemadmodum Latinos colonarios vna
cum ingenuis omnibus ciuitate Romana do-
nauerat Antoninus Caracalla, celeberrima illa
ac saepe a nobis citata constitutio: ita Iunia-
nam etiam Latinitatem fustulit Iustinianus *D.
L. vn. C. de Lat. libert. toll.*

LXXXIV.
Latini
fuerunt ci-
uibus
deterio-
res,

LXXXIV. Iam vt ad iura Latii perue-
niamus: ea licet proxime ad ciuitatem Roma-
nam accederent, non eadem tamen fuerunt ac
iura

(i) Perspicue itaque fallitur V. C. Claudius Salmasius,
quando Latinas colonias e libertis constituisse existi-
mat. *de modo vsur.* XIX. p. 878. *sequ.* Alii profecto
erant Latini *liberti vel Iuniani*, alii Latini *colonarii*,
quippe ingenui, & honorum in suis coloniis capaces.
Vid. Ezech. Spanh. Orb. Rom. I, 9. p. 21.

(k)

iura ciuium Romanorum. Quod adeo verum est, vt Boethius in *Top. Cic. II.* scribat, eos mediam pati capitis deminutionem, qui ciues Romani in Latinas colonias mitti se paterentur. Operae itaque pretium fuerit, quid inter ciues Romanos Latinosque, quod tam ad ius priuatum, quam ad publicum attinet, interfuerit, paullo adcuratius disquirere.

LXXXV. Vidimus supra, qualis fuerit, ciuium Romanorum LIBERTAS. Latini & ipsi quidem gaudebant libertate, sed iuris gentium, non illa iuris Quiritium, quam supra descripsimus. Saltem quod Lex Porcia sanxerat de ciuium libertate a verberibus, non aequè valuit in Latinis. Quum enim Nouocomenses, iure Latii donati a Q. Pompeio Strabone, paullo post a Caesare ciuitatis iura essent consequuti: M. Marcellus Consul Nouocomensem quemdam, in Caesaris contumeliam, virgis caedi iussit, tamquam peregrinum, vt scribit Appianus de *Bello Ciu. II.* pag. 443. & quidem Latinum. Latinitatem enim quod attinet, status controuersiam Nouocomensibus mouere haut potuisset Marcellus, quippe quam dudum ante Caesarem fuerant a Pompeio Strabone consequuti. Ascon. Paedian. in *Pisonian.* p. 2062. Simile quid obseruat Diodor. Sic. in *Excerpt. Peirescian.* p. 273. vbi de Clodio: τὸς μὲν πολιτικὸς τοῖς πατριόις ἴδιον ἐκλάζεν ἀπαραιτήτως, τὸς δὲ συμμάχους βαρβάρους ἱμασίη. In Romanos quidem more maiorum animaduertit citra spem veniae: socios autem virgis cecidit. Et Sallust. de *Bell. Iugurth.* Cap. LXIX. referens, Turpillium, praefectum, Vaccae oppido

LXXXV.
Non gaudebant
libertate
iuris Quiritium.

do impositum, a Metello *verberatum capitis potestatem* soluisse, ne cui id mirum videatur, statim subiungit: *Nam is ciuis ex Latio erat.* Ex quo sane patet, non aeque ad Latinos ac ciues pertinuisse libertatem illam, quae ex lege Porcia erat. (k)

LXXXVI.
Nec iure
connubii
cum ciui-
bus.

LXXXVI. Ad CONNVBII ius quod attinet, illud Latini populi, ne inter se quidem promiscue habebant ex foedere antiquo, nedum cum ciuibus Romanis. Prius discimus ex Liu. VIII, 14. IX, 43. ex quibus locis patet, nemini Latinorum & Hernicorum licuisse extra fines regionis suae vxores ducere: posterius vel inde colligimus: quod ne iis quidem, qui sine suffragii iure ciuitate fuerant donati, cum ciuibus Romanis ius esset connubii. Campani sane, qui pridem ciuitatem sine suffragii latione fuerant consequuti, postea demum impetrarunt, *ut sibi cines Romanas ducere vxores liceret, & si qui prius duxissent, ut habere eas, & ante eam diem nati ut iusti sibi liberi heredesque essent.* Liu. XXXVIII, 36. Quanto minus ergo Latinis hoc ius connubiorum fuisse putemus? Et certe

(k) Erroris me hic redarguit V.C. Chr. Gottl. Schwarzius in erudita *de iure Italiae* Dissertatione p. 16. existimans etiam Latinis & Italis hanc libertatem competiisse, idque probat ex Gell. *Noct. Att.* X, 3. ubi Gracchum in oratione quadam conquestum ait, *M. Marium & quosdam ex municipiis Italicis honestos viros virgis per iniuriam caesos a magistratibus populi Rom.* Sed Gellius manifeste loquitur de municipiis Italiae, adeoque de vrbibus non Latini iuris, sed ciuitatem Romanam consequutis, qualia post legem Iuliam erant omnes, ante legem Iuliam quamplurimae.

te clarissime Vlpianus: *Fragm. V, 4. Connubium habent ciues Romani cum ciuibus Romanis: cum LATINIS autem & peregrinis ita, si concessum sit.* Sic & ipsum ius sponsaliorum nuptiarumque aliud fuisse Latinis, aliud ciuibus Romanis, adparet ex Gell. *Noct. Att. IV, 4.* vbi ex Cn. Sulpicio docetur, sponsum Latinum agere potuisse ex sponso in id, quantum intererat, eam vxorem non datam: quum contra ciuibus Romanis, vt supra diximus, infinita esset repudiorum licentia. *L. I. C. de sponsal.*

LXXXVII. Quantum fuerit apud Latinos ius PATRIAE POTESTATIS, in tanto veterum silentio non constat. Id saltem certum videtur, nullos fuisse homines, (adeoque nec Latinos,) qui talem habuerint in liberos potestatem, qualem Romani habebant, §. 2. *Inst. de patr. pot.* Nec omittendum hic videtur, paullo plus in Latio potestatis fuisse matri, quam Romae. Id enim non obscure patet ex controuersia Ardensi apud Liu. IV, 9. Latini Iuniani habebant ius MANCIPATIONIS, Vlp. *Fragm. XIX, 4.* adeoque etiam colonarii Latini, quibus aequati illi erant lege Iunia Norbana. *Vetus Fragn. Iurec. apud Pith. n. VIII.* An vero etiam veteres Latini eodem iure vsi sint, nondum constat. Porro TESTAMENTVM non faciebant Latini: saltem iure Romano Vlp. XX, 14. (nam alioquin & extra Romam Italos iam inde ab antiquissimis temporibus testamenta condidisse, satis constat Liu. I, 3. l. 34.) Iidem Latini nec ex ciuis Romani testamento quidquam capiebant, nisi intra diem cretionis ciuitatis Romanae iura impetrassent.

LXXXVII.
An habuerint
ius patri-
um, legi-
timi do-
minii, te-
stamenti
factionis.

petrassent. Vlpian. XXII, 3. Haec sunt, quae veteres nos docent: plura, quum muta hic sint antiqua monumenta, addere non licebit.

LXXXVIII.
Suis ute-
bantur le-
gibus, nisi
fundi fa-
cti.

LXXXVIII. Suis ergo ceu ex his patet, legibus utebantur Latini, nec iuris Quiritium fiebant participes. (1) Licebat tamen eis, si vellent, leges Romanorum in suas ciuitates recipere, vel, ut veteres loquuntur, poterant populi FVNDI fieri. Qua de re Cicero pro Balbo VIII. *Si quum iussisset populus Romanus aliquid, si id adsciinissent socii populi ac Latini, & si ea lex, quam nos haberemus, eadem in populo aliquo, tamquam in fundo resedisset, ut tum lege eadem populus is teneretur, non VT DE NOSTRO IVRE ALIQUID MINVERETVR, sed ut illi populi aut iure eo, quod a nobis esset constitutum, aut aliquo commodo & beneficio uterentur. Tulit apud maiores nostros legem C. Furius de testamentis, tulit Q. Voconius de mulierum hereditatibus: innumerabiles aliae leges de iure civili sunt latae, quas Latini voluerunt, adsciuerunt. Quicumque ergo populi leges Romanas adscisciebant, & iis subscribebant, illisque in ciuitatibus suis utebantur, ii fundi dici solebant, non a statu quodam, vel conditione, quemadmodum dici solent populi foederati, vel liberi, sed a facto,*

(1) Quaeri solet an omnes quibus ius suffragii datum, legibus suis spoliati & ut populi fundi fierent, coacti sint? Affirmat Sigon. *de antiquo iure Ital.* II, 7. Sed quid dicemus de Puteolis, qui cum municipium illustre fuerint, teste Cicerone pro Coel. XI. suo tamen iure libertateque uti dicantur eidem Agrar. II, 32. Conf. Schwarz. *de iure Ital.* §. V. p. 24. seq.

a facto, quod scilicet legibus populi Rom. subscripserint. *Fundus* enim *auctor* est vel *subscriptor*. Gell. Noct. Att. XIX, 8. Haec ego dixi non ut huius sententiae legisque FVNDVS subscriptorque fierem. Festus: FVNDVS dicitur populus esse rei, quam alienat, hoc est auctor. Plaut. in Trinum V, 1. v. 6.

Nunc mihi is propere conveniendus est, ut quaecum eius filio

Egi, ei rei FVNDVS pater sit potior.

Add Turneb *Advers.* IV, 12. Hotoman. *Obs.* II, 5. Participes itaque iuris Romanorum privati fiebant isti populi, quod leges Romanas adscivissent, & ut apud se valerent, auctores facti fuissent. Nec tamen eo ipso iura Quiritium consequabantur: (nihil enim de iure Romanorum voluntaria ista legum Romanorum receptione poterat minui,) sed inter se tantum iis legibus, quibus Romani ciues, utebantur. Verbi causa, Latini tunc inter se poterant testari secundum leges Romanas, id enim licebat populi fundis. Sed non ideo quidquam ex testamento civis Romani capiebant. Id enim pertinebat ad ius Quiritium. Multo minus haec legum Romanarum receptio ad ius publicum pertinebat. Vnde Cicero I, 1. *De nostra vero rep. de nostro imperio, de nostris bellis, de victoria, de salute fundos populos fieri noluerunt.* Quae si observaueris, facile carebis spinosis illis Sigonii, Nic. Rigaltii, Ism. Bullialdi, Henr. Valefii, aliorumque disputationibus de populis fundis (m) quippe

(m) Trigam illam dissertationum de populis fundis quae
2 primum

quippe quibus res in se clarissima obscurari fere magis, quam illustrari videtur. Pleniora bonae frugis sunt, quae ad illam pro Balbo orationem commentatus est V. C. Io. Georg. Graevius.

LXXXIX.
Erat Latini
ius
census.

LXXXIX. . Quemadmodum ergo iure priuato diuerso admodum vsi sunt Quirites & Latini : ita, quod ad ius publicum attinet, paullo propius ab illorum praerogatiuis abfuerunt. Consistebant ciuitatis iura in censu, militia, tributis, suffragiis, honoribus & sacris. Latinos Romae CENSOS esse, nusquam lego, nisi furtim aliquando in tabulas censuales irreperent, quod deinde lege Claudia Papia & Licinia Mutia vetitum esse, supra obseruauimus §. LII. At ex Liu. XLI, 13. constat, Latinos in ciuitatibus suis esse censos. Verosimile itaque est, in Latii ciuitatibus non minus ac Romae censum fuisse actum a suis magistratibus, tabulasque censuales deinde Romam missas. Id enim etiam in coloniis fieri solitum, nemo ignorat.

XC. Vt &
ius militi-
ae inter
socios.

XC. Porro & MILITIAE iure, sed paullo adstrictiore, gaudebant Latini. Primo enim ne pro se quidem tuendis arma expedire poterant, iniussu populi Romani, vt testatur Liu. III, 19. Deinde militabant quidem cum Romanis, verum non vt legionarii, sed tamquam focii, vt accurate ex Polybio docet Lips. *de milit.*

primum Diuione coniunctim prodit c1515CLVI.
iterum edidit. I. Ge. Graevius V. C. *Thef. Ant. Rom.*
T. II. p. 1925.

lit. Rom. l. 6. p. 48. Vnde minus rem acu tetigit Car. Sigon. *de ant. iur. Ital. l. 4. p. 494.* qui Latinos inter auxilia ponit, quae Varro *de Lingu. Lat. IV, 16. p. 16. ex alienigenis; Festus p. 256. ex sociis exterarum nationum* constituisse, ait. Tum demum ergo hi esse coeperunt socii & auxiliares, quum Latini & Itali ciuitate donati, legionariae militiae praerogatiuam consequerentur. Id porro addendum, sociis & Latini nominis semper triplicem equitum, aliquando & peditum numerum imperasse Romanos. Sic apud Liu. III, 22. duae partes sociorum in exercitu, tertia ciuium erat. Idem XXI, 17. refert, quatuor & viginti peditum Romanorum millia fuisse scripta, mille & octingentos equites sociorum, quadraginta quatuor peditum, & quatuor equitum. Alia exempla sunt apud Liu. XXXVI, 12. XXXV, 2. & alibi passim. Vnde non iniuria queruntur apud Velleium Paterc. *Hist. II, 15. per omnes annos atque omnia bella duplici numero se militum equitumque fungi, neque in eius ciuitatis, ius recipi, quae per eos in id ipsum peruenisset fastigium, per quod homines eiusdem & gentis & sanguinis, ut externos alienosque fastidire posset.* Denique obseruandum Latinos, quemadmodum legionis ius haut habebant, ita nec eodem modo, quo milites Romanos fuisse castigatos. Nam & virgis caedebantur, quas quum a Latinorum militum corpore, lege auctoritate Senatus lata, remouere tentaret M. Liuius Drusus, Tribunus plebis: eam legem numquam obseruarunt Imperatores, qui remoto virgarum metu, in officio se continere exercitum posse negabant. C

Sigon. *de antiquo iure Ital.* I, 4. p. 496. Exemplum Turpillii est apud Sallust. *de Bello Jugurth.* LXIX. *Iussus a Metello causam dicere, postquam parum se purgat, condemnatus, verberatusque, capitis poenas soluit. Nam is ciuis ex Latio erat.*

XCI. Latini an tributarii?

XCI. De TRIBVTIS Latinorum nihil reperio, nisi quod duriora ea in re fuisse videtur Latinorum, quam ciuium, conditio. Quamuis enim eos ab exteris, non magis quam ciues suos, tributis vectigalibusque onerari Romani paterentur, atque hinc in Ambracensium foedere cauissent, *ut Ambracenses portoria, qui vellent, caperent, modo eorum ciues Rom. & Latini socii immunes essent*: Liu. XXXVIII, 44. ipsi tamen Romani a Latinis tributa & vectigalia exigebant, adeo ut eos *stipendiarios* adpellet. Liuius VIII, 8. & apud Appian. *de Bell. cin.* I, p. 353. de fociis dicatur, eos *militando & tributa conferendo grauitos esse*. Vnde non temere colligas, tolerabilior rem quidem hac in re, quam Italorum & provincialium, durior tamen, quam ciuium, fuisse Latinorum conditionem.

XCII. An ius habuerint suffragii?

XCII. Illud vero praestantissimum erat ius quorundam Latinorum, quod iure SVFFRAGII gauderent ex foedere, quo eos obstrinxerat Cassius. Sane Hernicos & Latinos ad ferenda suffragia fuisse euocatos, adparet ex Liuiio XXV, 3. & Dionys. Halic. VIII. p. 540. At tamen ne in eo quidem aequo cum ciuibus iure gaudebant. Nam primo non erant certae tribui adscripti, atque inde sortiri solebant, ubi ferrent suffragia. Qua de re Liuius: XXV, 3. *Testibus datis, tribuni populum submouerant, sitellaque adlati*

adlata est, ut sortirentur, ubi Latini suffragium ferrent. Deinde hoc ius suffragiorum erat veluti precarium. Quotiescumque enim liberet, edicere poterant consules, ut Latini vrbe exirent. Fecit id sane Virginius Cōsul, Cassii collega, apud Dionys. Halic. VIII, p. 540. Fecit & C. Fannius, qui Latinos, suffragii causa in urbem accitos, ex SC. excedere iussit. Cic. *Brut. Cap. XXVI.* Nec plura exempla tamen succurrunt, Vnde Cicero *pro P. Sextio XIII.* *Nihil acerbius socii Latini ferre soliti sunt, quam id, quod perraro accidit, a consulibus iuberi ex vrbe exire.*

XCIII. Gaudebant etiam iure aliquo HONORVM, sed non optimo, quali ciues Romani. In eo prouincialibus erant feliciores, quod non Romanis praetoribus, proconsulibusque parerent, sed suis magistratibus. Vnde de Nemauso iure Latii donata, Strabo *Geogr. IV, p. 87.* scribit, *ea de causa populus ille Romanis praetoribus non paruit.* Melior quoque in eo erat illorum conditio, quam Italorum, quod magistratibus in patria gestis, ius ciuitatis Romanae consequerentur, qua de re supra diximus *num. VII.* Ast honores in vrbe petere haut poterant, ante ciuitatem lege Iulia datam. Hinc quum bello Punico II. Sp. Caruilius suafisset, ut ex singulis populis Latinorum binis senatoribus, si patres censuissent, ciuitas, adeoque etiam ius magistratuum daretur: eius rei, ut alienae, mentio suppressa est. Liui. XXIII. 22. Nec felicius processere Latinorum consilia, quum alterum consulem ex sua gente creandum vrgerent. Liui. VIII, 4. Vnde de magistratibus pa-

XCIII.
Item ius
petendi
honores.

ictum: quartus ob plebis, quae secefferat, re-
ditum adiectus: accesserunt quoque sacrificia
& ludi, quibus Senatus aediles praefecerat,
Dionys. *Ant. Rom.* IV, p. 415. Immo & visce-
rationes, de quibus in actis diurnis apud Rei-
nes. IV, 5. PRID. KAL. APRIL. FERIAE
LATINAE CELEBRATAE ET SACRIFI-
CATVM IN MONTE ALBANO; ET DA-
TA VISCERATIO. Viscerationes autem
erant distributiones carnis, panis, olei, vini,
crustuli, mulsi & similium, viritim factae, de qui-
bus Reines. in *Comm. ad Inscr.* p. 146. Tanti ve-
ro hae feriae erant Romanis, vt consules in
prouincias paludati proficisci non possent,
nisi indictis prius hisce feriis. Liu. XXI. *ult.*
XXII, 1. Instaurandae quoque erant a Pon-
tificibus, si vel vlla ceremonia neglecta, aut
quidquam praeter ius factum esset, cuius rei
exempla sunt apud Liu. XXXII, 1. XXXVII,
3. XL, 45. XLI, 16. Interea dum magistra-
tus Romani feriis illis interessent, Praefecti fe-
riarum Latinarum (u) vsque ad eorum reditum
imperium in vrbe tenebant. Iul. Capitolin. *Ant.*
tonin. IV. Tacit. *Annal.* VI, 11. Ex quibus locis
etiam patet, ferias istas Latinas post ciuitatem
quoque Latinis datam, immo adhuc sub Impe-
rato-

(u) Sunt qui hos non praefectos feriarum Latinarum,
sed praefectos vrbi feriarum Latinarum causa, dictos
putant, veluti Casaub. *ad Iul. Capitol. Marc. Anton.*
IV. Ampl. Bynkersh. in *praetermiss.* ad I. 2. D.
de orig. iur. p. 54. Sed exstant tamen marmora apud
Smetium p. XLI. 5. & p. LXIX. 1. Grut. p. CCCXIII. 9.
& CCCLVI, 1. in quibus vocantur PRAEF. FER.
LATIN.

ratoribus fuisse celebratas. Cum Lanuvinis in specie Romani communia habebant templum, sacra, lucum *Iunonis Sispitae Lanuvinæ*, Liu. VIII, 14. de qua nos plura diximus in *in Comm. ad L. Iul. & Pap. Cap. I, 4. p. 57.* Praeter haec sacra cum Romanis communia singuli tere Latini populi & patria numina colebant, qualia erant *Feronia* apud Terracinos, Plin. *Hist. II, 55.* Sil. Ital. *Lib. XIII. v. 83. seq.* Iupiter Anxur, Iupiter Lanuvius, Liu. XXXII, 9. Anguia vel Anguitia Marforum & Marruuiorum, Seru. *ad Virgil. Aen. Lib. VIII.* & alia.

XCV. Latini, si furtim in censum irrepsissent repecti poterant a magistratibus.

XCV. Caeterum an principia illa iuris publici, quae §. LXXII. explicauimus apud Latinos quoque habuerint locum, merito dubites. Sane enim, quum Romani duarum ciuitatum ciues esse non possent: licebat tamen iis, relicta ciuitate Romana, in aliam se recipere, aliisque ius ciuitatis adsumere. Sic, si noluisset T. Pomponius Atticus ciuis Romanus manere, liberum ipsi omnino fuisset, ciuitatis Atheniensis iura adsciscere. Ast Latini, si furtim irrepsissent in tabulas censuales Romanorum, vindicari a magistratibus suis poterant & reuocari, non secus, ac si essent glebae adscripti. Sic M. Crassus iudicio repetitus est a Mamertinis, procul dubio tum adhuc Latinae conditionis. Cicero *pro Balbo XXIII.* M. Perperna a Sabellis. Val. Max. III, 4.5. Vid. *Comment. nostr. ad L. Iul. & Pap. Popp. I, 1. 2.* Et haec sufficiant de Latii iure. Dicendum iam porro de iure Italico.

CAP. III.

DE IVRE ITALICO.

XCVI. Italia Romanis dicebatur, quid-
quid praeter Latium inter vtrumque mare ad
Rubiconem vsque fluuium procurrit. Reli-
quum enim terrae tractum vsque ad Alpes Gal-
li, Ligures, Veneti, Carni occupauerant. Cete-
rum Italiam inter se diuiserant populi quam-
plurimi, & maxime Hetrusci, Lucani, Brutii,
Epizephyrii, Locri, Calabri, Messepii, Sallenti-
ni, Apuli, Hirpini, Frentani, Pincentes, Senones,
Vmbri, Sabini, Marfi, Vestini, Marrucini, Peli-
gni & Samnites, qui diuersis bellis perdomiti,
foedere non vno in societatem a populo Ro-
mano accepti sunt. Bella cum tot populis ge-
sta accurate recenset Car. Sigonius *de antiquo iu-
re Ital.* l. 1, 8. *sequ.* Sed quibus annis singula ista
sint foedera, quibus conditionibus singuli po-
puli in societatem recepti sint, in tanto veterum
silentio obscurum est. Illud certum, & a V. C.
Christ. Gottl. Schwarzio in *Diff. de iure Ital.* re-
cte obseruatum est, distinguendas esse varias
iuris Italici periodos. Post prima enim illa &
antiquissima foedera plures Italici populi ad
Hannibalem defecerant, quorum alii vltro ad
officium redierunt, alii armis recepti. Hinc
anno V. C. 121. P. Sulpicius Galba Dictator
Italiam peragravit, & cognitis singularum ciui-
tatum causis, aliis & in his nominatim Brutiis,
Picentinis & Lucanis durius iugum imposuit,
aliis pristina iura restituit. Gell. *Noct. Att.* X, 3,

XCVI.
Italia
quam la-
te patu-
erit?

Postea anno V: C. IΩCXLIV. Itali iura ciuitatis impetrarunt legibus Iulia & Plotia. Vid. supra §. IX. Ex eo Sulla id ius iis haut parum imminuit, quia Itali partes aduersas sequuti fuerant. Quamuis hanc legem non adeo diu valuisse, testetur Cicero *pro Domo XXX.* Varia hinc porro Italis indulsit Augustus, *excogitato nouo genere suffragiorum, quae de magistratibus urbis decuriones colonici in sua quisque colonia ferrent, & sub diem comitorum obsignata Romam mitterent.* Suet. *Aug. XXXVI.* Idem Imperator etiam militiae necessitatem remisit Italis. Herodian. *Hist. II, 11.* Hadrianus per omnem Italiam quatuor consulares iudices constituerat. Spartian. *Hadr. XXII.* Hinc CONSVLARES CAMPANIAE sunt ap. Grut. p. CCCXLIV, 2. CCCCLXXI, 8. ΑΝΘΥΠΑΤΟΣ ΚΑΜΠΑΝΙΑΣ apud eundem p. MXC, 20. qui & PROCOS. vocatur in marmore Reines. *Class. VI, 4.* Consularem per Tusciam & Flaminiam fuisse patrem suum narrat Rutil. Numat. *Itiner. I. v. 575. 593.* Horum in locum iuridicos suffecit Marcus Antoninus. Iul. Capitolin. *Marc. XI.* Sequenti tempore Italia aliquando subfuit Correctoribus & praefecto Praetorio V. C. Euer. Otto *de Aedil. munic. XII.* Denique post Constantinum M. diuiso saepe imperio, Consulares Italiae iterum memorantur, ab Ammiano, Symmacho & Cassiodoro, quos aliquando & Moderatorum, Rectorum & Praesulum nominibus venire obseruat Thom. Reines. *Comm. ad Inscr. p. 397.* Et ab eo tempore immunitas Italis paene adempta, & tributa iis grauissima indicta sunt. Schwarz. *I. c. §. XII.*

p. 36. qui etiam obseruauit, vestigia iuris Italici tantum non omnia sustulisse Iustinianum, id quod verum esse, vel ex *L. vn. C. de vsucap. transf. L. i. C. de annal. exc. Ital. & princip. Inst. quibus alienare licet vel non*, satis adparet.

XCVII. Non multo certius videtur, qua in re ipsum ius Italicum fuerit positum. Multa Itali cum sociis Latini nominis habuere communia. Non magis gauisi sunt iure Quiritium, quam Latini; at vti tamen sunt iuribus nexus & mancipationum, annalis exceptionis, iure capiendi aliisque quibusdam beneficiis, si recte coniecit Henr. Noris. *de Epoch. Syro Maced. IV, p. 428.* Saltim in his omnibus eos melioris fuisse conditionis, quam Latinos, non temere crediderim. Eadem vtrisque fuit census, eadem tributorum & vectigalium ratio, nisi quod Itali paullo durius videntur habiti a Romanis. A Neapolitanis certo, Rheginis & Tarentinis Romani stipendium & naues ex foedere exegerunt. Immo ex Ciceronis *Verrin. III, 11*, patet, partem Italiae haut minimam vectigalem fuisse. (o) Porro Itali non minus quam Latini militiae iure obstricti fuerunt Romanis, tantaque subinde miserunt auxilia, vt L. Aemilio Papo, C. Atilio Regulo Coss. nunciato Gallico tumultu, equitum LXXX. millia, peditumque DCCM. armasse eos, tradat Plinius *Hist. Nat. III, 20.*
Deni-

(o) At remissum postea esse Italici tributum, diximus supra *num. LIX.* Hinc postremis reip. temporibus ius Italicum praecipue in immunitate a censu capitis & soli consistit. Vid. *L. 8. §. 7. D. de cens.*

(p)

Denique in eo quoque par fuit Latinorum Italicorumque conditio, quod utrique non Romanis proconsulibus aut praetoribus parerent, sed suis magistratibus. (p) Ast in hoc inferiores fuere Latinis, quod non gauderent iure suffragii, ad quod tum demum adspirarunt, quum lege Julia primum, ac deinde Plotia ciuitate Romana essent donati qua de re supra *num. IX.* egimus. Porro nec ea praerogatiua gauisi sunt Itali, ut, qui vel stirpem ex se domi reliquissent, vel magistratus gessissent in patria, ciues Romani fierent. Postremo neque communia sacra habuerunt Itali, adeoque his rebus omnibus Latinis fuerunt deteriores. Car. Sigon. *de antiquo iure Ital.* l. 22. Speciatim quaedam de Italicorum iuribus diximus *Lib. I. Tit. XXV. §. I. seq. Lib. II. Tit. I. §. XV. Lib. II, Tit. VI. §. II. Lib. II. Tit. VIII. §. IX.*

XCVIII.
Italia ciuitate donata, multis exteris datum ius Italicum,

XCVIII. Quemadmodum vero, communicata cum Latinis ciuitate, non ideo statim expirauit ius Latii: ita & ius Italicum, etiam ex

(p) Attamen etiam hac in re melior aliquanto fuit Latinorum conditio. Quum enim Latini numquam subessent Romanis magistratibus: Italia in grauioribus bellis extra ordinem nonnumquam Proconsulibus decreta est. Atque ita intelligendus Appianus *de Bell. Ciuil.* l. pag. 374. ἦσαν γὰρ, ὡς ἴσκει, τότε καὶ τῆς Ἰταλίας ἀρχόντες ἀνδύπατοι κατὰ μέρος. *Adparet enim, tunc quoque regiones Italiae distributas esse proconsulibus: Extra ordinem scilicet, si seditionis esset periculum. Sic belli Marfici tempore Picenis cum imperio praefuit Q. Seruilius, legatumque habuit Fonteium, ceu ex eodem discimus Appiano. l. c.*
(9)

ex eo tempore, quo Itali ciuitate donati sunt, non defuit, sed ad multas alias ciuitates prouinciales porrectum est. Sic Foroaugustanis in Hispania ius Italiae datum, scribit Plin. *Hist. Nat.* III, 3. Alias iuris Italici colonias recensent Vlpianus, Celsus, Caius, Paullus iureconsulti in *L. 1. L. 6. L. 7. L. 8. D. de censib.* de quibus nos infra agemus accuratius. Ceterum vel ideo hoc obseruandum est, vt intelligamus, quid in iure nostro sit SOLVM ITALICVM, cuius hinc inde fit mentio, veluti *pr. Inst. de usucap.* & apud Vlpian. *Fragm. XIX, 1.* Non enim in sola Italia id quaerendum est, sed & in prouinciis omnibus & ciuitatibus ac coloniis illis, quibus datum fuerat ius Italicum, qui agri etiam *censui censendo* dicuntur Cic. *pro Flacco XXXII.* Censui enim censendo dicebantur agri, qui venire emique poterant iure ciuili. Fest. *hac voce.* Iure ciuili vel Quiritium veniebant tantum res mancipi. In rerum autem mancipi numero erant tantum praedia soli Italici. Vid. Io. Ge. Graeu. *ad Cic. ibid.* & V. C. Schulting. *Adnot. ad Vlpian. p. 619.*

CAP. IV.

DE IURE PROVINCiarVM.

XCIX. Durissimae in orbe Romano conditionis erant prouinciae, quo nomine adpellatas constat omnes illas regiones quas vel armis deuictas, vel alio modo redactas in potestatem, magistratibus suis administrandas subiiciebant Romani. Festus *voce prouinciae. pag. 384.*

XCIX.
Quid prouincia?

Pro-

Prouinciae adpellabantur quod populus Romanus eas prouicit, id est, ante vicit. Isidor. Orig. XIV, 5. Prouinciae ex causa vocabulum acceperunt. Principatus namque gentium, quae ad alios Reges pertinebant, quum in ius suum Romani vincendo redigerent, procul positas regiones prouincias adpellarunt.

C. Quo-
modo re-
gio reda-
cta in
prouin-
ciae for-
mam?

C. Leges, quas a victore populo eiusmodi regiones accipiebant, PROVINCIAE FORMA vel FORMVLA dicebantur. Cuius rei haec obseruata est ratio. Senatus, acceptis ab Imperatore de superatis hostibus, & regione in potestatem populi Rom. redacta, literis, (solebant enim, qui res laetas nunciabant Romam nuncios cum hastis laureatis litterisque lauro inuolutis mittere, Gronou. *Diatr. ad Statium* Cap. XLVI, p. 310. vel sub Imperatoribus ipsas pugnarum victoriarumque picturas in urbem perferendas dare, Herodian. *Hist.* III, 9. VII, 2.) inprimis consultabat, quas leges victis dari placeret, factoque SC. Imperatorem, quid visum sit Senatui, admonebat, simulque decem legatos Senatores mittebat, quorum de sententia Imperator de hostili regione statueret. Tum Imperator, adhibitis in consilium legatis, victis certas leges praescripsit, & ciuitates, bene de populo Romano meritas, suis legibus vti iussit, reliquum terrae tractum legibus magistratibusque spoliauit, & hic tunc dicebatur in prouinciae formam redactus. Quidquid vero hunc in modum de consilii sententia statuerat Imperator, id in concione, facto antea per praecorem silentio, publice pronuntiari mandabat: eoque facto, Romam, relicto aliquo praefecto pro-

prouinciae, decedebat. Hunc in modum Asiam redactam in formam prouinciae constat ex Strabone. Alia exempla extant apud Liu. XXXIII, 18. Appian. in *Libyc.* p. 84. & alibi passim. Sed desit hic mos; ex quo Principes omnia pacis bellicae negotia suo arbitrio gerere coeperunt.

CI. Quamuis vero non vna eademque esset omnium prouinciarum conditio: illud tamen commune erat omnibus, quod suis legibus (q) magistratibusque non vterentur, populoque Romano penderent vectigalia. Non utebantur, inquam, suis legibus, sed iis, quibus Romani eos vti iubebant, quaeque trium plerumque generum erant. *Primo* enim ipse victor de decem legatorum sententia certas leges dabat prouincialibus, quas deinde in iure dicundo obseruari oportebat a magistratibus: *deinde* leges nouas aliquando ferebant Romani, quibus & prouinciales obsequerentur, qualem supra esse vidimus legem Iuliam & Titiam: *postremo*, ipsi qui cum imperio praeerant prouinciis, edicta proponebant, quibus modum, quem in iure dicundo essent obseruaturi, denunciabant. Nulla primo regio in prouinciae formam redigebatur, cui non certas leges daret victor de sen-

CI. Prouinciae suis legibus non utebantur: sed datis a victore.

(q) Attamen patriam religionem plerisque relinquebant, ceu exemplo Aegyptiorum patet, de quibus Tertull. *Apolog.* XXXIV. & Iudaeorum de quibus Philo. *legat. ad Caium Imp.* p. 864. Coitiones tamen religionis causa institutas saepe prohibitas fuisse, si e republica videretur, docet Ampl. Bynkersh. de *rel. peregr. Diss.* II. p. 250.

(r)

sententia legatorum. Siculis quales datae fuerint leges, ostendit Cicero *Verrin. II, 13.* *'Siculi hoc iure sunt, ut quod ciuis cum ciue agat, domi certet suis legibus: quod Siculus cum Siculo non eiusdem ciuitatis, ut de eo Praetor iudices ex P. Rupilii decreto, quod is DE DECEM LEGATORVM SENTENTIA statuit, quam legem Siculi Rupiliam vocant, sortiatur. Quod priuatus a populo petit, aut populus a priuato, senatus ex aliqua ciuitate, qui iudicet, datur, quum alternae ciuitates reiectae sunt. Quod ciuis Romanus a Siculo petit, Siculus iudex datur; quod Siculus a ciue Romano, ciuis Romanus datur. Ceterarum rerum selecti iudices ex ciuium Romanorum conuentu proponi solent. Inter aratores & decumanos lege frumentaria, quam Hieronicam adpellant, iudicia fiunt. Eiusmodi quoque leges Macedonibus a L. Paulo ex consilii sententia datas recenset Liu. XLV, 29. Achaeis praescriptas Pausan. VII. p. 427. sequ.*

CLII. Vt &
aliis, quas
S. P. R. Q.
iis dabat.

CLII. Accedebant his deinde leges quaedam a Romanis latae, quas in prouinciis obseruari oportebat. Sic quum lex Atilia de dando tutore tantum in vrbe valeret: lege Iulia & Titia eadem uti paullo ante diximus, etiam ad prouincias porrecta est. *princip. Inst. de Atilian. tut.* Quum ex lege Iulia de maritandis ordinibus tutor dandus esset ei mulieri virginique, quam ex hac ipsa lege nubere oportebat, ad dotem dandam dicendam, promittendamue; factum paullo post est SC. quo cautum, ut etiam in prouincia similiter a Praesidibus ex eadem causa tutores darentur. *Vlpian. Fragm. XI, 1.* Similia exempla suppeditabunt *L. 19. ff. de ritu nups.*

nupt. (quam vberius exposuimus in *Comm. ad L. lul. & Pap. Lib. I. Cap. V. p. 64. & Lib. II. Cap. 21. p. 334. sequ.*) & *L. 5. pr. ff. de manumiss.* Huc pertinent tot rescripta Principum ad prouinciarum Praefides, quibus vel noua iura dant prouinciis vel dubia & ambigua decidunt, ceu ex Pandectis nostris ac utroque Codice satis adparet. *L. 15. §. 10. D. de off. proc. L. 14. ad SC. Turpilian. L. 1. D. de abigeis. L. 3. D. de fide instrum. L. 12. D. de custod. reor.*

CIII. At praecipue ius in prouinciis proficiscebatur ex edictis proconsulum, & reliquorum magistratuum, quae simul ac in prouincias ituri erant, componere, ac dein publice proponere solebant. Hoc edictum tribus plerumque partibus constabat. Nam primo multa ex antecessorum edictis transferebant in sua, eaque pars edictum *tralatitium* vocabatur: deinde multa noua addebant ipsi, quae ad administrationem prouinciae, sumtus & rationes ciuitatum, pactiones cum publicanis, vsuras, syngraphas, hereditatem, possessiones, aliaque huius generis pertinebant: postremo etiam pleraque transferebantur ex edictis vrbani, quaecunque scilicet de iure dicundo seu de vilitatis priuatorum causis & controuersiis agebant, modo concinna essent conditioni prouincialium. Unde edictum *tralatitium* & ea pars vocatur apud Ciceron. *ad Att. V. 21.* Discimus haec omnia ex Cicer. *Epist. ad Famil. III, 8.* qui Proconsul in Ciliciam iturus: *Romae, inquit composui edictum, nihil addidi, nisi quod publicani merogant, quum Samum ad me venissent, ut de tuo edicto totidem verbis*

CIII. Nec
non edi-
ctis Pro-
col

transferrem in meum. (Habes ergo partem edicti tralatitiam) *Diligentissime scriptum caput est, quod pertinet ad minuendos sumtus ciuitatum, quo in capite sunt quaedam noua, salutaria ciuitatibus, quibus ego magnopere delector.* (En alteram edicti partem in qua noua quaedam addiderat Cicero.) In tertia parte, quae fuerint scripta, ipse quoque ostendit *Epist. ad Attic. VI, 1.* ubi & de reliquis capitibus agit distinctius: *Breue autem edictum est, propter hanc meam diuersionem, quod duobus generibus edicendum putauit: quorum unum est prouinciale, in quo est de rationibus ciuitatum, de aere alieno, de usura, de syngraphis: in eodem omnia de publicanis: alterum, quod sine edicto satis commode transigi non potest, de hereditatum possessionibus, de bonis possidendis, magistris faciundis, vendendis, quae ex edicto & postulari & fieri solent. Tertium de reliquo iure dicundo ἀρχαῖον reliqui.* Dixi, me de eo genere mea decreta ad edicta urbana accommodaturum. Ex quibus patet, quod supra iam obseruauimus, simillima quidem inter se fuisse edicta urbana & prouincialia: sed tamen non statim idem obtinuisse in prouincia, quod Romae fuerat vel lege vel moribus receptum. Vid. Ger. Nood. *Obseru. II, 5. p. 444.*

CIV. Sub
impera-
toribus
multa hac
in re mu-
tata.

CIV. Sed in his non vna contigit mutatio, ex quo ad principes deuoluta est res publica. Primo enim, quod iam supra obseruauimus, etiam prouinciale edictum concinnatum est perpetuum, quum antea non modo singulorum prouinciarum edicta inter se discrepant, aliudq; esset edictum *Cilicium*, aliud *Siciliense*, aliud *Asiaticum*, &c. sed & successores antecessorū edicta, praetorum urbanorum exemplo saepissime muta-

mutarent. Vid. Ezech. Spanh. *Orb. Rom. II, 12. p. 97. sequ.* Deinde, communicata cum vniuerso orbe Romano ciuitate, leges etiam Romanae prouinciis omnibus traditae sunt, eademque iura Romae fuerunt ac in prouinciis. Hinc de suo aeuo Gregorius Thaumaturg. *in Paueg. Origen. p. 47.* *Οἱ θαυμαστοὶ ἡμῶν τῶν σοφῶν νόμοι, οἷς τῶν τὰ πάντων τῶν ὑπὸ Ῥωμαίων ἀρχῆν ἀνθρώπων κατακυβύρεται πράγματα.* *Mirificae sapientum nostrorum leges, quibus omnium nunc qui Romano imperio parent, hominum res reguntur.* Rutil. Numatian. *Itin. I, v. 63. ad Roman:*

Fecisti patriam diuersis gentibus vnā,

Profuit iniustis, te dominante, capi.

Dumque offers victis proprii consortia iuris,

Vrbem fecisti, quod prius orbis erat.

Plura eiusmodi testimonia collegerunt Iurētus ad Symmach. *Epist. V, 44.* Ez. Spanhem. *Orb. Rom. II, 11. p. 91. sequ.* qui etiam erudite obseruat, post ea quoque tempora multis ciuitatibus ἀυτονομίαν relictam fuisse ab Imperatoribus.

CV. Alterum, quod commune fuit omnibus prouinciis, in eo positum est, quod illae non suis, vt socii & Latini nominis, sed Romanis magistratibus parerent. Duo vero in singulas prouincias magistratus mitti solebant, quorum alter generali nomine *Praefes* dicitur. *L. I. & II. D. de offic. praef.* alter *Quaestor.* adpellatur. Praesidium officio initio fundi sunt Praetores. Hinc quum initio duo in vrbe Praetores essent, quorum alter ciuibus, ius dicebat. alter peregrinis: Sicilia in prouinciae formam redacta, tertius: quum deinde Sardinia acce-

CV. Pro-
uinciae
parebant
vel Prae-
toribus
vel Conf-
vel Pro-
pact. vel
rocos.

deret, quartus; quumque & Hispaniarum duae provinciae essent constitutae, quintus & sextus additi sunt, qui inter se provincias fortiri solebant. XXVII, 36. & XXXIV, 55. Postea coeperunt & consulibus, si quando grauius immineret bellum, provinciae decerni, vnde aliae provinciae *praetoriae* erant, aliae *consulares*, Liu. VIII, 22. XLV, 17. ex quibus locis patet, Coss. tunc vel inter se comparasse provincias, vel sortitos esse. Conf. Liu. XXXIV, 35. Solebant tamen aliquando provinciae nec comparari, nec sorte, sed iudicio senatus populiue, decerni consulibus, ceu docent exempla apud Liu. XXXVII, 1. XXX, 27. XXXV, 20. Nonnunquam vtrisque prorogari solebat imperium; & tunc *Propraetores* vel *Proconsules* dicebantur, (r) quorum illi sex licitoribus totidemque securibus, hi duodecim utebantur. Qua de re Appianus *Syriac.* p. 95. Ἐφ' ἅπαντας περιεπεμπον

σπα-

(r) Ita sese res habuit, temporibus antiquissimis: primusque Coss. cui ita prorogatum imperium, est Q. Publilius Philo. Liu. VII, 26. Idem postea saepius factum esse docent exempla apud Liu. XXIX, 13. XXXV, 1. & alibi. Deinde & ii procos. dici coeperunt & praetores, qui nullis antea gestis magistratibus, ad bellum gerendum missi sunt in provinciam. Qualis procos. fuit P. Cornelius Scipio Liu. XXVI, 19. Propraetor C. Octavius Cic. *Philipp.* XI, 19. Suet. *Octau.* X. Postea inualuit, vt quotannis, antequam novi Coss. & Praetores designarentur, provinciae duae consulibus, & reliquae Praetoribus futuris decernerentur, quas illi designati vel sortirentur, vel inter se compararent, vt finito magistratu in eas proficiscerentur. Sigon. *de ant. iur. prou.* II, 1. p. 125.

(s)

στρατηγὸς ἐπὶ τῇ στρατιᾷ ὥς αὐτοὶ καλεῖσιν ἑξαπλί-
 κας, ὅτι τῶν ὑπᾶτων δώδεκα πιλίκεσι, καὶ δύοδεκα
 ῥάβδοις, ὥσπερ οἱ πάλαι βασιλεῖς, χρωμένων, τὸ
 ἡμῖν τῆς ἀξιώσεως ἐστὶ τοῖς δὲ τοῖς στρατηγοῖς καὶ τὰ
 ἡμίση παρὰσημα. *Ad omnes miserunt propraetores
 cum senis securibus, quia consules duodenis securibus
 totidemque fascibus, ut olim Reges, utuntur. Prae-
 tores autem, ut insignia consulum dimidiata, ita digni-
 tatis quoque ac potestatis habent dimidium.* Add.
 Plutarch. vit. *Paulli*, p. 256.

CVI. Postquam prouincias cum Senatu
 diuisit Augustus: alia sensim in usu esse coepe-
 runt nomina. Nam quos Senatus mittebat
 Praesides, ii *procoff.* veteri vocabulo adpellati:
 quos Imperatores, ii variis deinde nominibus
 nuncupati, *Legati Augg. pro consule vel pro praeto-
 re, Praefecti Augustales, Legati Caesarum, Praesides,
 Procuratores Caesarum, Consulares, Correctores, In-
 ridici*, quales aliquando in Italia & Alexandriae,
 Sex. Rufo *Romani iudices*, Straboni *Libro XIII.*
δικαιοδότης dicti, quin in minores quasdam pro-
 uincias *Procuratores Caesarum* iuere, vel *Rationales*,
 & *Catholici*, de quibus diximus in *Pand. P. I. §. 231.*
 de quibus omnibus legi merentur Dio Cass.
 LIII. Guido Panciroll. *notit. Imp. Orient. CLV.*
 Iac. Guth. *de Offic. Dom. Aug. I. §. sequ.* Aliis
 etiam sub Imperatoribus uti coeperunt insigni-
 bus. Consulares fasces: praesides praeterea
 vexilla habuere, quae vultum principis praefe-
 rebant. *L. I. C. Theod. de consul. & praesid. & ibi Iac.*
Gorboff. L. 4. C. de iniur.

CVII. Imperium praesidibus initio lege
 curiata dabat populus: Cic. *de lege Agrar. II, 12.*

A a 3

pro-

CVI. No-
 ua magi-
 stratum
 prouin-
 cialium
 nomina
 sub Im-
 peratori-
 bus.

CVII.
 Quis eius-
 modi ma-
 gistratus
 constitue-
 rit?

prouincias ipsas decernebat Senatus, cuius etiam erat, statuere, quas consulares, quas praetorias esse vellet, quamuis plerumque eam teneret rationem, ut eas, in quibus tumultuari, aut quas ab hostibus vicinis tentari intelligeret, Consulibus; quietas vero & pacificas Praetoribus decerneret, qui deinde eas inter se vel sortiebantur, vel comparabant. Sigon. *l. c. II, r. p. 125.* Id ius deinde veluti postliminio recepit Senatus, lege Sempronia, de prouinciis decernendis, lata a C. Sempronio Graccho, Q. Caecilio & T. Quintio Coss. anno V. C. DCXXX. Cic. *pro domo sua Cap. IX. de prouinc. consul. c. 11. Agrar. II, 12.* quum L. Calpurnius Piso Trib. plebis paullo ante anno DCIV. noua quaedam lege sua inuexisset. Extremis reip. temporibus, & labente vetere disciplina, multa contra morem maiorum excogitarunt Sulla, Marius, Pompeius, Crassus, Caesar, Antonius, quae accurate satis refert Sigon. *l. c.* donec Augustus, ut dixi, prouincias cum Senatu populoque Romano partitus est. (r) Dio Cass. *l. c.*

CVIII.
Quomodo orna-
ti?

CVIII. Ituris in prouincias Praesidibus mandata dabat Senatus, quantum pecuniae, quan-

(r) Hinc discrimen inter prouincias *populares* vel *publicas* & *Caesarum*. Sed saepe harum prouinciarum facta est permutatio. Publicas plerasque ad se rapuit Claudius, quas deinde Senatui sub imperii initia restituit Nero. Tacit. *Ann. XIII. 4.* Sub Traiano etiam Bithynia cum aliis a Senatu ad Imperatores translata est. H. Noris. *Cenotaph. Pisan. p. 207.* Postremo omnes prouincias ad se rapuere Principes, nihilque Senatui reliquum fuit, vltimis imperii temporibus.

(r)

quantum exercitum habiturus sit, quod stipendium eum dare, quantum viaticum capere oporteret; & hoc SC. praefides, ipsaeque provinciae ORNARI dicebantur. De quo ritu plura tradunt Is. Casaubonus & Torrent. *ad Suet. Caes. XVII. Sigon. de ant. iure provinc. II, l. p. 142. sequ.*

CIX. In comitatu Praesidum erant Legati, tribuni militum, centuriones, praefecti, decuriones, aliique militarium operum rationumque auditores: praeterea vero scribae, accensi, praecones, lictores, interpretes, tabellarii, aruspices, cubicularii, medici, & quae quotidianae vitae prope socia fuit iuuenum cohors, quae cohors praetoria, & quasi praetoria dicta est, in quem numerum etiam referendi contubernales. Sigon. *l. c. Cap. II, p. 149.* Legatos Praesidi aut Senatus dabat, aut huius permissu adscisciebat Praeses, aut plebs, lata lege, extra ordinem designabat. Cic. *Vatin. XV. Nep. Attic. VI.* Et hi sunt τῶ ὑπαμένους περιπομένοις, de quibus 1. *Petr. II, 14.* Numerus eorum non vnus idemque semper fuit. Q. Cicero tres secum legatos habuit in Asia. Marco fratri in Ciliciam eunti quatuor; Q. Pompeio quindecim adfuerunt. Quamuis vero & ipsi Legati lictoribus & fascibus vterentur: Liu. XIX, 9. non tamen nisi mandatam iurisdictionem habebant, quae quanta esse potuerit, ex tit. ff. *de officio eius, cui mand. iurisdiclio* constat, & egregie, suo more, disquirat Ger. Nood. *de Iurisd. II, 7. p. 161.* Vnde Caesar *de Bell. Cin. III, 51.* *Aliae sunt legati partes, aliae imperatoris: alter omnia agere ad praescri-*

CIX. Quo comitatu vsi sint?

ptum: alter libere ad summam rerum consulere debet.
 Idem *de Bello Ciu. II, 17.* *officium legati fiduciarium*
dicit operam obtinere. Reliquorum, qui in comi-
 tatu praesidum fuere, veluti tribunorum, cen-
 turionum, praefectorum, scribarum, medico-
 rum, accensorum, haruspicum, praeconum,
 (Vid. Liu. XLII, 49. Cic. *Verrin. II, 10.*) & hu-
 ius generis aliorum ministrorum, quatenus fue-
 rint officia, ex ipsa veteris rei militaris ac iudi-
 ciorum ratione facile colligitur. De solis con-
 tubernalibus addendum, fuisse ita adpellatos
 adolescentes, qui percipiendae rei militaris &
 prouinciae cognoscendae causa praesides in
 prouinciam erant sequuti, Cic. *pro Coel. XXX.*
 & *pro Planc. XI.* Ex toto vero illo prouinciali
 comitatu libera adhuc republica exfulabant fe-
 minae, quas ab Augusti demum temporibus
 (t) duci coepisse in prouincias, palam est. Hinc
 M. Seneca *Contron. Lib. IV.* laudat Flaminium,
 quod exiturus in prouinciam, uxorem a porta
 dimiserit. Ast postquam Augustus quibusdam,
 quamuis grauate, id concesserat sensim obsole-
 uit

(t) De ipso quidem Augusto Sueton. *Octau. XXIV.*
Disciplinam seuerissime rexit, ne Legatorum quidem
cuiquam, nisi grauate, hibernisque demum mensibus,
permisit uxorem interuifere. Tiberium quoque si-
 mile quid sanxisse, patet ex L. 14. *D. de offic. procos.*
 Sed non diu haec antiquae disciplinae mansit custodia,
 ex quo ipse Augustus Liuiam; Germanicus Agrippi-
 nam in prouincias duxerat. Cautum tamen fuerat
 SC. anno V. C. 10 CCIXXII. Cotta & Messala Coss.
 vt si uxor aliquid deliquerit in comitatu Praefidis,
 ab ipso marito ratio & vindicta exigeretur. L. 4. §. 2. *D.*
de offic. procos.

(u)

uit illa maiorum disciplina. Hinc & frustra fuit sub Tiberio Caecina, qui morem veterem reuocandum suadebat. Tacit. *Annal.* III, 33. *Inter quae Seuerus Caecina censuit, ne quem magistratum, cui prouincia obueneret, uxor comitaretur.* Et paucis interiectis: *Haut enim frustra placitum olim, ne feminae in socios aut gentes externas traherentur. Inesse mulierum comitatui, quae pacem luxu, bellum formidine morentur.* Sed, ut dixi nihil profecit Caecina, Valerio Messalino & Druso ei grauitur occlamantibus. Hinc saepe uxores cum magistratibus ex eo tempore in prouinciis haesisse legimus, veluti uxorem Pilati, *Matth.* XXVII, 19. Drusillam Felicis, *Act.* XXIV, 24. uxorem Plinii, ceu ex eius *Epistolarum Libro X*, 121. discimus. Nondum tamen res ordinaria: nec promiscua omnibus licentia. Id enim si fuisset: non fanciuisset Alexander Seuerus, *ut Praesidibus, qui uxores non haberent, singulas concubinas, quod sine his esse non possent, in prouincias ducere liceret.* Lamprid. *Vit. Alex. Cap.* XLII.

CX. Profecturi in prouincias Praesides, nuncupatis in Capitolio pro republica votis; atque inde demum paludamento, lictoribus, reliquisque adsumtis imperii insignibus, ad portam urbis ibant, & si quidem nonnulla superessent negotia, extra urbem aliquamdiu morabantur, quum intra urbem cum imperio esse haut possent: sin vero omnia parata essent, salutantibus amicis, & officii causa aliquantum prosequentibus, iter in prouinciam ingrediebantur. Liu. XLII, 49. XLV, 39. Cic. *Verr.* I, 13. Vbi attigerant prouinciam: certiore

CX. Quo-
modo
profecti
sint in
prouin-
ciam?

de aduentu suo faciebant antecessorem, vt cum eo congregientes de statu prouinciae cognoscerent. Quo facto intra triginta dies discedendum erat antecessori, id quod lege Cornelia a L. Cornelio Sulla lata fuisse statutum, patet ex Cic. *Epist. ad Fam.* III, 6. Immo & antequam prouinciam ingrediebantur, edicto de aduentu suo monebant prouinciales, continente commendationem aliquam sui, & maxime deprecante, ne publice vel priuatim sibi occurreretur, siquidem id melius in sua quisque patria facere posset. *L. 4. §. 3. 4. D. de offic. procos.* vbi & alia, a Procos. in prouinciae ingressu obseruanda, habentur.

CXI. Officia praesidum.

CXI. Quum vero duo essent Praesidum munera, quorum alterum iurisdictione, alterum continebatur imperio: solebant illi ita partiri annum, vt aestatem fere rei militari, hiemem iuri dicundo impenderent. Cic. *Epist. ad Att.* V, 14. Et ita quidem libera adhuc rep. se res omnino habebat. Augustus autem cum populo partitus prouincias suos quidem Praesides mittebat ita, vt & legionibus praessent, Dio Cass. LIII, p. 504. non autem vllam partem imperii militaris concedebat Proconsulibus a Senatu in prouinciam missis, nisi aliquando extra ordinem legiones ducere iuberentur. Lips. *Exceff. ad Tacit. Ann. I. litt. M.* Vtrique tamen ius summa auctoritate dicebant. Caussae, quae in litem deducuntur, vel publicae sunt, vel priuatae. Priuatarum caussarum cognitio vel domestica erat vel popularis. Domestica intra praetorium & in cubiculo querelis prouin-

uincialium audiendis, ministrante cubiculario, consumebatur : popularis in basilica ac pro tribunali, scribis, accensis, praeconibus, lictoribus adparentibus. Cic. ad *Q. Fratr.* I, 1. *Conflare inter omnes video, facillimos esse aditus ad te, patere aures tuas querelis omnium, nullius inopiam ac solitudinem, non modo illo populari accessu ac tribunali, sed ne domo quidem tua ac cubiculo esse exclusam.* Ut autem hanc potestatem eo commodius exercerent praefides: simul ac venerant in prouinciam, conuentum vel forum in certum diem certumque locum indicebant prouincialibus. Et eiusmodi conuentus deinde vel plures vno loco, vel singulos singulis locis agebant, ita, vt intra annum omnem prouinciam percurrerent. Sigon. *de antiquo iure prou.* II, §. p. 184. Ius eodem ordine dicebant, quo Romae Praetores, adeoque omnia obseruabant, quae infra *Libro IV.* de Romanorum iudiciis dicemus. Id modo addimus, quemadmodum Romae Praetori in consilio erant *Decemviri flitibus indicandis*: ita a praesidibus eorum loco adhibitos fuisse viginti Recuperatores, ciues Romanos. Vlpian. *Fragm.* I, 13. Theoph. §. 4. *Inst. qui & ex quib. causis manum. non licet.* Commissae Praesidibus erant etiam quaestiones de criminibus, in quibus eandem denuo rationem tenebant Praefides, quam in vrbe Praefecti Praetorio. Habebant enim ius gladii. *L. 6. pr. L. 11. D. de off. procos. L. 6. L. 13. sequi. L. 21. D. de off. praesid.* Neque tamen iis erat ius deportandi in insulam, *L. 2. §. 1. D. de poen. L. 6. §. 1. D. de interd. & releg.* neque liberam mortis facultatem concedendi, *L. 8.*

L. 8. §. 1. D. de poen. neque ius publicandi bona post constitutionem Theodosii & Valentianiani, *L. vn. C. Th. ne fin. iuss. princ. cert. iud. lic. confisc.* Cuius rei ratio non alia fuisse videtur, quam quod hae poenae fere personis illustribus & in dignitate constitutis irrogari solerent, ubi in plebeios gladio animaduvertebatur. *L. 27. §. 1. 2. de poen.* Vid. Vlr. Hub. *Digress III. 7.* Praeterea etiam rei frumentariae, omnisque in vniuersum prouinciae curatio penes Praesides erat, ceu prolixè docet Sigon. *II, §. 6. p. 207. sequ.*

CXII.
Quaestores
pro-
uinciales.

CXII. Praeter Praesidem, in vnaquaque prouincia etiam Quaestor erat, alter magistratus, qui potestatem non a Praeside, sed ab ipso populo accipere solebat. Vnde & ipse lictoribus ac scribis usus est. *Cic. pro Planc. XII.* Lecti enim a populo Quaestores sortiebantur prouincias, eorumque duo vrbanas, reliqui prouinciales Quaesturas obtinebant. Cicero *Verr. I, 13. Epist. ad Q. Fratr. I, 1.* Mortuo in prouincia Quaestore, alii interim hoc munus demandabat Praeses, qui *Proquaestor* adpellabatur. *Cic. Verrin. III, 15.* Instituerant autem veteres Romani, vt inter Praesidem & Quaestorem eadem intercederet necessitudo, quae inter parentem & filium. *Cic. Diuinat. in Verr. XIV. pro Plancio XI.*

CXIII.
Eorum
officium.

CXIII. Ceterum hi Quaestores curabant pecuniam publicam, quae aut ex aerario deprompta in usus prouinciae expendenda, aut in prouincia exacta, esset in aerarium referenda. Illa pecunia *attributa*, haec *uestigialis* dicebatur. Vtram-

Vtramque in tabulas referebant Quaestores, & deinde vbi prouinciis decederent, rationes accepti expensique reddebant, & residua inferebant aerario. Nonnunquam Quaestoribus Praefides etiam partem iurisdictionis imperii-que demandabant, cuius rei exemplum est apud Caesarem *de Bello Gall. VI, 6. Caesar partitis copiis cum C. Fabio legato. & M. Crasso Quaestore hostes adiit tripartito.* Add. Cicero *Verrin. I, 13.*

CXIV. Haec de magistratibus prouinciarum: proximum est vt de tertio, quod commune habuerunt prouinciae, agamus, de tributis puta & vectigalibus, quibus quam maxime prouinciae premebantur. Romani enim, quum bello aliquem populum vicissent, duabus maxime rationibus cum eo agebant. Aut enim victoriae praemium annuum ei stipendium vel tributum imperabant, vnde *censum capitis*: aut victos exuebant agris, eosque vel in publicum reip. patrimonium redigebant, vel colonos ex vrbe eo deducebant, vel eos victis reddebant, & ex eorum prouentu aliquam partem reipublicae tribui iubebant: qui *census soli* dicebatur. Cic. *Verrin. III, 6. V, 5.* Petr. Burmann. *de Vectig. pop. Rom. I.* Prioris generis populi tributarii vel stipendiarii vocabantur: posteriores *vectigales*, quamuis non tam anxie semper discrimen inter tributum & vectigal fuerit ab auctoribus obseruatum. Cuiac. *Obs. VII, 4.* Stipendiaria prouincia fuit Gallia comata, de qua Sueton. *Iul. XV. Omnem Galliam, quae a saltu Pyrenaeo Alpibusque & monte Gebenna, fluminibusque Rheno & Rhodano continetur, patetque circuitu ad bis tricies*

CXIV.
Tributa,
quae exigebantur
a prouincialibus.

trices centum milia passuum, praeter socias ac bene meritas ciuitates, in prouinciae formam redegit, eique quadringenties in singulos annos stipendii nomine imposuit.

CXV. Vt
& vecti-
galia &
speciatim
Decu-
mae.

CXV. Aliae prouinciae erant vectigales, eaeque ex agris suis *decumas*, ex pascuis *scripturam*, & ex portubus, qui mercibus inuehendis & euehendis patebant, *portorium*, pendebant, de quibus iam supra diximus num. LIII. *sequ.* Sic *decumas* dabant Sicilia, Cicer. *Verr.* III, 6. Sardinia, Liu. XLII, 1. Africa, Gruter. *Inscript. p.* lxxii. Asia Cicer. *Epist. ad Attic.* V, 13. Syria, Cic. *Agrar.* II, 19. Aegyptus, Plin. *Paneg.* XXX. Nonnunquam loco decimae, si minus fertilis esset prouincia, vicesima exigebatur, veluti ab Hispanis. Liu. XLIII, 2. Saepe etiam, si quando publica necessitas & angustia temporum id exigèrent, prouinciis alterae imperabantur decumae ultra debitas, quo casu tamen pecunia pro illis soluebatur aratoribus. Cic. *Verrin.* III, 31. vnde etiam *frumentum emtum*, item *decumanum* vel *imperatum* dicitur. Inter quae quid intersit, docet laudatus Burmann. *de Vectigal.* II, p. 28. Exempla huius rei plura occurrunt apud Liu. XXXVI, 2. XXXVII, 2. & 50. XLII, 31. Quum vero, libera adhuc republica, haec decumae non pecunia sed frumento a singulis soluerentur aratoribus: postea sub Imperatoribus confectus est *canon*, *frumentarius* dictus, quo, quid quaeuis prouincia quotannis praestare deberet, erat comprehensum, cuius meminit Spartian. *Sener.* VIII. Lamprid. *Elagab.* XXXVII. conf.

conf. Iac. Gothofred. *ad Tit. C. Theod. de Can. Frum. V. R.* Ceterum frumentum hoc, siue per decumas, siue secundum canonem exactum, tum Romae tum in prouinciis in publicis condebatur horreis, unde postea per curatores annonae populo & militibus distribuebatur. Buleng. *de Vect. pop. Rom.* VIII. Casaub. *ad Lamprid. Alex. Seu.* XXXIX. Lips. *Elect.* l. 8. Iac. Gothofr. *ad tit. C. Theod. de re milit. & ad tit. de erog. mil.* Talia erant horrea Galbiana, Grut. p. LXXV, 1. Reines. *Inscr. class.* VI, 126. itemque Seiana, Pupiana, & similia, de quibus erudite differit Reines. *Var. Lect.* III, 12. p. 545. *sequ.* Non solum vero frumenti, sed & vini oleique praestabantur decumae, quae & ipsae Romam ad populi vsus mittebantur, ut docet Burmann. *de Vectig. Pop. Rom.* II, p. 26. III. p. 43. *sequ.*

CXVI. Non minus pingue vectigal ex pascuis prouincialibus redibat & saltibus. Tales enim non solum in Italia erant, sed & in prouinciis. Vnde *Magistrorum scripturae in Asia & Sicilia* meminit Cicero *ad Att.* V, 15. *Verrin.* V, 70. Scriptura vero dicebatur hoc vectigal, quia pastores debebant apud publicanum numerum pecudum, quas in pascua publica immittere vellent, profiteri quem publicanus in tabulis suis adnotabat & scribebat, ex qua scriptura postea ratio inter pastorem & publicanum conficiebatur. Festus *uoce Scripturarius* p. 429. Sed hoc genus vectigalium sub Imperatoribus aliam induisse faciem, & praeter pensiones ex pascuis dominicis, etiam certum numerum

CXVI.
Scriptura.

rum pecudum ex gregibus praestandum fuisse a prouincialibus, ex Cassiodor. *Var. XI*, 39. *L. 3. C. Theod. de suar. pecuar.* Vopisc. *Prob. XV.* demonstrat V. C. Burmannus *de Vectig. pop. Rom. IV. p. 65. sequ.*

CXVII.
Portoria.

CXVII. Soluebant etiam prouinciae portoria. De Sicilia id certum est ex Cic. *Verr. II*, 72. *sequ.* de Asia ex eiusdem *Agrar. II*, 29. de Britannia ex Tacit. *Vit. Agric. XXXI.* Nec tantum de mercibus in portum deuehendis dabatur portorium, verum etiam pro itineribus. Sueton. *Vitell. XIV.* maxime pro cadauere, quod non nisi permissu maximi Pontificis vel principis transferri in alium locum poterat. *L. 37. D. de relig. & sumt. fun.* Sustulisse ea vectigalia dicitur Pertinax apud Herodian. *Hist. II*, 4. Sed restituta eadem esse oportet asequentibus Imperatoribus, siquidem adhuc illorum mentionem facit Vlpianus *L. 21. D. de donat. inter. vir. & vxor.* Vectigal tamen pro cadauere transferendo sublatum est constitutione, quae est in *L. ult. C. de relig.* quam ex Graecis restituit Iac. Cuiac. *Obs. XI*, 21. Plura de portoriis dabit V. C. Petr. Burm. *de Vectig. Pop. Rom. XI. p. 76. sequ.*

CXVIII.
Alia vectigalium genera.

CXVIII. Praeter haec & alia erant vectigalia, quae a quibusdam prouinciis exigebantur. Ex ferrariis argentariisque, immo & aurifodinis vectigalia magna dare cgebantur Hispani. Liu. *XXXIV*, 21. Strab. *Geogr. III.* Africam e marmoribus soluisse vectigalia constat ex *L. 1. C. Theod. de metall.* Macedonia etiam, Illyricum, Thracia, Britannia, Sardinia

ex

ex metallis vectigalia pendebant. Petr. Burmann *de Vectig. VI.* Potestas enim indagandi metalla etiam priuatis erat, antequam illis eadem ademerat Tiberius. Sueton. *Tiber. XLIX.* *Plurimis etiam ciuitatibus & priuatis veteres immunitates, & ius metallorum, ac vectigalia ademta.* Restituerunt deinde iisdem hoc beneficium sequentes principes, sed ea lege, vt certum inde *canonem metallicum* soluerent, de quo agit *L. 4. C. Theod. de Metallar. & ibi.* Iac. Gothofredus. Eiusdem generis fuit a cotibus prouentus in Creta insula, de quo Plin. *Hist. Nat. XXXVI, 22. L. 15. D. de public. & vectigal.* Meurs. *Cret. Lib. I. Cap. XII. p. 48. Lib. II. Cap. XI. p. 116.* Vectigalis picariarum mentio fit in *L. 17. §. 1. D. de V. S.* A vectigali etiam liberae non fuerunt salinae, quales in Macedonia aliisque prouinciis fuisse, patet ex Liu. *XLV, 29.* Plin. *Hist. Nat. XXXI, 7. 1. Maccab. X, 29. L. 4. §. 7. D. de censib.* De eo quoque vectigali pluribus agit Petr. Burmann. *de Vectigal. P. R. VI.*

CAP. V.

DE MVNICIPIIS, COLONIIS, PRAE-
CTVRIS, CIVITATIBVS
FOEDERATIS.

- CXIX. Quid interfuerit inter iura ciuitatis, Latii, Italiae & prouinciarum, satis adhuc videtur a nobis explicatum. At non omnes in Latio ciuitates iure Latii, nec omnes in Italia iure Italico, aut in prouinciis iure prouinciarum vsae sunt sed aliae MVNICIPIORVM, Bb aliae

CXIX.
Cur hic
agatur de
municipiis, colo-
niis &c.

aliae COLONIARVM, aliae PRAEFFECTV-
RARVM, aliae aliis nominibus sunt insigni-
tae, de quibus singulis paullo distinctius agen-
dum.

CXX.

Quid mu-
nicipia?

CXX. MVNICIPES erant *ciues Romani*, in
municipiis legibus suis & suo iure vtentes, muneris
tantum cum populo Romano participes, a quo munere
capeſſendo adpellati videntur, nullis aliis neceſſitatibus,
neque vlla lege, quam in quam populus eorum fundus
factus eſſet. Gell. Noct. Attic. XVI, 13. Erant
ergo I. *ciues Romani*, adeoque multis iuribus ac
priuilegiis, quae ſolis ciuibus Romanis propria
erant, gaudebant, (u) ſed non tamen erant *ciues*
ingenui, vt Romae habitantes vocat Cicero in
Bruto cap. LXXV. neque iure optimo ciuitatis
gaudebant, niſi Romae conſtituiſſent domici-
lium II. *Suis legibus & ſuo iure utebantur*, id eſt,
propriis ſuis legibus atque inſtitutis, quae leges
municipales dicuntur, L. 3. D. quod vi aut clam. L.
3. D. de ſepulcr. viol. regebantur, neque cogeban-
tur Romanas leges recipere, niſi id ſua ſponte
vellent, quo caſu fundi facti eiſmodi populi di-
cebantur. Cic. pro Balbo XX. Non ergo ius
ſuum vel *αὐτονομίαν* amittebant municipes, iure
ſuffragii donati, ceu exiſtimat Sigonius, de ant.
iure Ital. II, 7. ſed tantum foedus, id eſt, non
amplius foederati Pop. Rom. erant, ſed ciues.
Et ita intelligendus locus Ciceronis pro Balbo
Cap. VIII. In quo magna contentio *Heracienſium*
&

(u) Hinc & lupam cum puerulis ſolent in numis ſi-
gnare. Vaillant. de Numiſm. aen. Imp. in Municip.
& Colon. T. II. p. 113.

& Neapolitanorum fuit, quum magna pars in iis ciuitatibus FOEDERIS SVI (x) libertatem ciuitati antoferret. Vid. Ez. Spanhem. *Orb. Rom.* I, 15. p. 36. III, *Muneris cum populo Romano erant participes.* Idque praecipue intelligendum de muneribus militaribus. L. 18. D. *de Verb. Sign.* Gaudabant enim municipia iure legionis, adeoque participes erant munerum militarium, vnde & dicti videntur municipes.

CXXI. Municipia eiusmodi non nisi intra Italiam olim erant constituta, eoque nomine ante leges Iuliam & Plotiam celebrantur Caerites, Tusculani, Lanuuii, Arcini, Nomentani, Pedani, Fundani, Formiani, Campani Equites, Cumani, Sueffulani, Acerrani, Priuernates, Anagnini, Arpinates, Trebulani, Sabini, alique plures, de quibus Onuphr. Panuin. *de Rep. Rom.* III, p. 354. Car. Sigon. *de Ant. iure Ital.* II, 9. Postea vbi extra Italiam arma victricia extulere Romani, etiam in prouinciis ciuitas non vna municipiorum iuribus donata est. Sic in Baetica Plinius *Hist. Nat.* III, 2. *sequ.* numerat municipia VIII. in citeriore Hispania XIII. in Sardinia II. in Lusitania vnum

CXXI. Ea
vel Italica
vel Pro-
uincialia ?

(x) Ita editiones Ciceronis priores, & ad veterum librorum fidem adornatae. Aft Paull. Manutius & postea Ism. Bullialdus *de populis fundis* p. 1.926. *Tomo II. Thes. Ant. Rom. Graeu.* legit *iuris sui libertatem pro foederis sui libertatem*, quae lectio etiam editori Parisiensi Orationum Ciceronis, quae in vsum Delphini prodierunt, placuit. Sed antiquam lectionem erudite defendunt H. Vales. in eodem *Thes. Ant. Rom.* *Tomo II. p. 1947.* & Ez. Spanh. *Orb. Rom.* I, 15. p. 36.

vnum. Eodem pertinent tot numi, in quibus ciuitates prouinciales, etiam ciuitate donatae αὐτονομίαν suam celebrant, (γ) de quibus Henr. Noris. *de Epoch. Syro Maced.* III, p. 352.

CXXII.
Triplex
municipiorum
genus.

CXXII. Sed non vna tamen erat municipiorum conditio. Tria eorum genera accurate distinguit Festus voce *Municipium* p. 324. quem locum a multis laudatum, a paucis intellectum, primus accurate exposuit Ez. Spanhemius *Orb. Rom.* I, 15, p. 37. Primo ergo, ex Festi sententia, *municipium id genus hominum dicitur, qui quum Romam venissent, neque ciues Romani essent, participes tamen fuerunt omnium rerum, ad munus fungendum vna cum Romanis ciuibus, praeterquam de suffragio ferendo, aut magistratu capiendo.* Hi ergo dum in patria manserunt, peregrini habiti: Romani commigrantes iura ciuitatis, sed non optimo iure consequuti sunt, exclusi quippe a suffragii latione & petitione honorum.

(γ) In numis aeneis Imperatorum a municipiis & colonis cufis, quos collegit Io. Foy Vaillantius, occurrunt municipia varia veluti *Aelium Coillutanum* in Numidia T. I. p. 169. 198. 210. T. II. p. 31. 64. 79. *Bilbilis* in Hispania T. I. p. 12. 95. 100. *Calagurris* in eadem T. I. p. 21. 70. *Cuscantum* in eadem T. I. p. 71. *Cluua* in eadem T. I. p. 72. *Ergauica* in eadem T. I. p. 35. 76. 103. *Graccuris* in eadem T. I. p. 79. *Ilerda* itidem Hispanica. T. I. p. 16. *Illerganonia* ibidem T. I. p. 77. *Italica* ibidem T. I. p. 37. 51. 78. 92. 96. *Osca* ibidem T. I. p. 28. 78. 95. 103. *Oficerda* ibidem T. I. p. 80. *Stobiense* in Macedonia. T. I. p. 122. 135. 143. 149. T. II. p. 15. 22. 43. 59. quod tamen tempore Vlpiani iuris Italici fuit. L. 8. §. 8. D. *de censib.* *Tarraco* in Hispania *Tarraconensi*. T. I. p. 47. 53. 83. *Vtica* Italia T. I. p. 86.

rum. *Deinde & id hominum genus dicebantur municipes, quorum ciuitas uniuersa in ciuitatem Romanam venit.* Et hi quidem veri ciues Romani erant, ipsaque iura suffragiorum ac honorum habebant. Vnde & certae tribui Galeriae adscriptos fuisse docet Noris. *Cenotaph. Pisan. Diss. I, 1.* Tertium denique municipum genus ab eodem Festo memoratur, *qui ad ciuitatem Romanam ita uenerunt, ut municipia essent suae cuique ciuitatis & coloniae: vel, ut paullo ante dixerat, qui ea conditione ciues Romani fuissent, ut semper rempublicam a populo Romano separatam haberent.* Atque hi in populi Romani leges & iura fundi non erant facti, nec se iisdem obstrinxerant. Et in his tertii generis municipiis ciues non gaudebant iure honorum & suffragiorum. Vnde nec tribui erant adscripti, nec participes sacrorum curialium habebantur, sed sua illis erant sacra municipalia, de quibus Festus *l. c.*

CXXXIII. Illud adhuc obseruandum de municipiis, in plerisque eam fuisse institutam reipublicae formam, quae imaginem quamdam speciemque reip. Romanae referret. Quemadmodum Romae senatus: ita in municipiis decurionum erat collegium, (2) quod **AMPLISSIMUM**

CXXXIII.
Res publicae
municipiorum.

(2) Hi ita dicti videntur Velfero *Rer. August. V. p. 74.* a decuriis, in quas fuerint descripti. Habebant hi suum censum, non secus ac Romani senatores, qui erat centum millium. *Plin. Epist. I, 19.* Quemadmodum etiam Romae iis, qui non fuerant magistratus, nec triumphauerant, ornamenta aliquando consularia,

SIMVM ORDINEM Cic. *pro Coelio* XI. NOBILISSIMVM ORDINEM lapis apud Gruter. p. CCCXXI, 7. ORDINEM SPLENDIDISSIMVM alius p. CCLXXV, 2. VIROS PERFECTISSIMOS ET PRINCIPALES & ORDINEM SPLENDIDISSIMVM aliud marmor p. CCCLXIII, 2. ORDINEM SANCTISSIMVM marmor apud eundem p. CCCXCIII, 5. ac denique CONSCRIPTOS aliud p. CCCCLVI, 1. vocant. Quemadmodum porro Romae erant bini consules: ita in municipiis Duumuii, qui summo loco ciuitatibus praeerant, & ad consulum exemplum pro fascibus bacillis utebantur. Lips. *Elect.* I, 23. Sed nonnunquam tamen & fascium vsum adfectabant. Cicero *Agrar.* II, 34. de L. Confidio & S. Saltio Capuae duumuiris: *Anteibant lictores, non cum bacillis*, (ceu alias in municipiis fieri solebat,) *sed, ut hic praetoribus anteeunt, cum fascibus duobus*. Quin aliquando hi duumuii consulum adfectabant nomen. Quamuis enim id negent Veller. *Rer. Augustan.* V, 272. Reines. *Var.* III, 16. Capuanos tamen magistratus suos vocasse coll. obseruat. Cic. *pro Pis.* XI. Alia exempla sese offerunt apud Plin. *Hist. Nat.* VII.

ria, praetoria, triumphalia dari solebant: Ita & in marmoribus municipiorum frequenter mentio fit ornamentorum Duumuiralium, Aedilitiorum, Quatuoruiralium, Decurionalium, veluti in Marmore apud Spon. *Miscell. Erud. Ant.* p. CLXIV. EXORNATO ORNAMENTIS DECVRIONALIBVS. Inter ornamenta haec erat praetexta, decurionibus permissa. Liu. XXXIV, 7.

(a)

VII, 43. Phil. a Turre *de colon. Foroiul.* p. CCCLX. Gruter. *Inscr.* p. CCCLI, 5. Henr. Noris. *Cenotaph. Pis. Diff.* I 3. Fabret. *Inscript.* X, 439. Sic & Graece *ὑπατοι* & *δυνατοι* hi duumviri dicti. Olear. *ad Philostrat. vit. Herod.* p. 546. Conf. Eue-
rard. Otton. *Diff. de consul. extra Romam.* Cap. II. In municipiis porro erant Dictatores, (Cic. *pro Milon.* X.) Aediles (Sueton. *de clar. Rhet.* VI.) Quaestores, Censores, qui & *quinquennales* dice-
bantur. Cic. *Verr.* II, 52. Liu. XXIX, 15. Gru-
ter. p. CCCLXVI, 2. CCCCXXXII, 5. immo & praetores Liu. *Epitom.* LXXIII. Plin. *Hist. Nat.* XVII, 11. Spon. p. CLXXXII. Quatuor-
viri, Decem primi, & alii, de quibus Car Si-
gon. *de antiquo iure Ital.* II, 8. & omnium accu-
ratissime Henr. Noris. *Cenotaph. Pisan. Diff.* I, 3. Porro quemadmodum Romae leges fereban-
tur: ita & in municipiis, idque eadem fere ra-
tione utrobique factum esse, patet ex loco Cic.
de Leg. III, 16. *Et avus quidem noster singulari vir-
tute in hoc municipio, quoad vixit, restitit M. Gratidio,
cuius in matrimonio sororem, aviam nostram, habebat,
ferenti legem tabellariam.* Denique & Flamines
suos habebant, non secus ac Romani, quorum
meminit Cicero *pro Milon.* X. & publica vectiga-
lia, quibus sumtus in republica necessarii susti-
nebantur: *L. 17. pr. D. de Verb. sign.* ut adeo in
omnibus videantur municipes se ad Romanae
reip. formam, quantum fieri poterat, compo-
suisse.

CXXIV. Haec de municipiis: pergen-
dum ad COLONIAS. Ita vocabantur oppi-
da, in quae populus Romanus ciues suos ad in-
colen-

CXXIV.
Coloniae
quid? &
cur dedu-
ctae?

colendum deduxerat, vel, vt Gellius *Noſt. Att.* XVI, 13. ait, *civitates, ex civitate Romana quodammodo propagatae.* Solebant enim Romani ex Romuli instituto non ſervitute multare oppida bello capta, ſed ſaepe in ea colonos ex vrbe deducere, qui locis iſtis loco praefidii eſſent. Dionyf. Halic. VII, 439. Appian. *de Bello civili*, I, p. 604. Et proſecto vtiliſſimum erat hoc inſtitutum, tum ad coercendos veteres populos, tum ad reprimendas hoſtium incurſiones. Praeterea hoc pacto vrbana faex & ſentina exhauriebatur, multisque ſeditionibus ſubtrahebatur fomentum. Immo & luculentum hoc erat medium praemiis adficiendi veteranos, iisque certos agros, e quibus viverent, adſignandi. Car. Sigon. *de antiquo iure Ital.* II, 2. p. 625.

CXXV.
Modus
deducen-
di colo-
nias.

CXXV. Coloniae deductionem praecedebant leges agrariae, quibus & ager, quem diuidi vellet populus, definiebatur, & quibus hominibus, quam multis, per quos, & quomodo, eſſet diuidendus, praefcribi ſolebat. De quibus legibus agrariis accuratiſſime ſuo more egit Car. Sigon. *l. c.* II, p. 627. Lata eiſmodi lege, deducebatur colonia aut per *triumuiros* Liu. IV, 11. VIII, 16. aut per *decemuiros*. Cicer. *Agrar.* II, 35. quamvis & *quinqueuiroꝝ*, *ſeptemuiroꝝ*, *vigintiuiroꝝ* *coloniae deducendae* hinc inde fiat mentio: quos omnes decurionibus, auguribus, pontificibus, adparitoribus, ſcribis, librariis, praeconibus, architectis, mulis, tabernaculis, ſupelleſtile, ianitoribus, ſtipatoribus corporis magnifice ornatos, poteſtatem in certos annos

annos accepisse, non obscure indicat. Cicero *Agrar.* II, 12. 13. 35. Hi ergo ita constituti ornatique novos colonos in agros lege definitos sub vexillo, quasi exercitum quemdam, educebant. Cic. *Phil.* II, 40. Appian. *de Bell. ciu.* III, p. 552. *sequ.* Plutarch. *Gracch.* p. 839. *Tom.* I. Vbi ad destinatum peruenerant locum, nouam urbem & agrum (a) aratro circumscribebant, eo more, quem paullo post sequente titulo explicabimus, singulisque colonis agri partem assignabant. Liu. IV, 47. XXXVII, 57. Omnia vero fiebant auspicato, & factis sacrificiis, additaque lustratione, ut ex Cic. *Philipp.* II, 40. *Agrar.* II, 12. adparet, ex quo etiam constat, nefas fuisse, coloniam iterum eo deducere, quo antea deducta fuerat.

CXXVI. Ceterum, ut municipia, ita coloniae non erant unius generis. Aliae erant CIVIVM ROMANORVM, aliae LATINI, aliae ITALICI Iuris. Aliae porro TOGATAE vel plebeiae, aliae MILITARES dicebantur. Et has signis quibusdam in numis discerni, obseruant eruditi. Coloniae enim plebeiae aratro; militares signo militari plerumque denotantur. Quae aratrum & signa iungunt, indicant, primam deductionem e ciuibus, supple-

CXXVI.
Coloniae
quotupli-
ces?

(a) De urbe res certa est ex locis Varronis, Plutarchi, aliorumque, paullo post *Lib. I. Tit. II. n. 6.* adferendis. Agros quoque vomere circumscriptos, patet ex loco Cic. *Philipp.* II, 40. *Caesilium coloniam deduxisti, quo erat paucis annis ante deducta, ut vexillum tolleres, & aratrum circumduceres, cuius quidem vomere portam Capuae paene perstrinxisti, ut florentis coloniae territorium minueretur.*

B b 5

(b)

plementum e veteranis militibus fuisse, vtnotat Raph. Fabret. *ad column. Traian. p. 10. sequ.* Addunt alii alia signa, veluti Strauch. *de Beryt. Cap. II, 11.* quod coloniae Italici iuris praetulerint in numis virum ritu Gabino cinctum, & bovem agentem. Add. Io. Harduinus *Antirrhet. p. 136.* quod Italici & Latini iuris coloniae, (quas pro iisdem habet) nullis signis in numis distinguantur. Sed haec omnia plerumque falsa esse, iam alii docuerunt. Vid. Ez. Spanhem, *de Vsu & Praest. numism. Tom. II. p. 602. & Orb. Rom. II, 19.* Nos ea, quae certiora sunt, consecrantes de coloniarum generibus singulis distincte agemus.

CXXVII.
Quid Coloniae ciu-
ium Ro-
mano-
rum.

CXXVII. Coloniae CIVIVM ROMANORVM erant, quas potiore iure, quam Latini, deducebant Romani. Discrimen hoc tangit Liu. XXXIX, § 6. vbi de colonia Aquileiam deducenda agit; *Illud agitabant, inquit, uti colonia Aquileiam deduceretur, nec satis constabat, an CIVIVM ROMANORVM deduci placeret: postremo LATINAM potius COLONIAM deducendam, patres censuerunt.* Vtrum istae ciuium Romanorum coloniae omnia ciuitatis Romanae iura retinuerint, an eadem amiserint, adhuc disputant eruditi. Car. Sigonius *de ant. iure Ital. III, 3.* iis tantum iura Quiritium tribuit, veluti libertatis, gentilitatis, connubii, patriae potestatis, legitimi dominii, nexus, vfucapionis, & si qua sunt huius generis alia: adimit vero ipsis iura ciuitatis publica, veluti census, tributorum, vectigalium suffragii, honorum & similia. At Manutius *de ciuitate Romana* eos ius quoque

que ferendi suffragii magistratuumque Romae gerendorum retinuisse contendit, cuius sententiam etiam ex numis adstruxisse sibi videtur Io. Harduin. *Antirrbet.* p. 136. Et certe ciues saepe vocantur eiusmodi coloni apud Liu. VIII, 14. VI, 21. Ipsi quoque Latini, qui nomina in coloniam Romanam dederant, ciues Romani dicuntur facti, Liu. XXXIV, 24. Romae porro censi leguntur huius generis coloni apud Liuium XXIX, 37. Vnde non absurde colligas, omnia iura ciuitatis Romanae retinuisse ciues colonos. Sed potiozem, tamen hac in re esse Sigonii sententiam, luculenter ostendit Ez. Spanhem. *Orb. Rom.* I, 11. p. 23. Nihil enim clarius est loco Dionis XLIII, p. 233. vbi Caesarem, ait aliis immunitatem, aliis agros, πολιτείαν δὲ τοῖς, καὶ ἄλλοις ἀποίκους τῶν Ῥωμαίων νομί-ζεσθαι: aliis ciuitatem, aliis autem ut ius haberent coloniarum Romanarum, dedisse: vbi ius ciuitatis Romanae a iure coloniarum ciuium Romanorum manifesto seiungitur. Vt adeo admodum verosimile sit, colonias illas ciuium Romanorum iura suffragii, gerendorumque Romae magistratuum amisisse.

CXXVIII. Durior longe conditio erat coloniarum LATINARVM, quippe quae ne iura quidem Quiritium habebant. Quod adeo verum est, ut ciues Romani, qui nomina in huiusmodi coloniam dederant, capitis deminutionem mediam paterentur. Cicero *pro A. Caecina* XXXIII. Certe quaeri hoc solere, me non praeterit, (ut ex me ea, quae tibi in mentem non veniunt, audias,) quem admodum, si ciuitas adimi non posset, in colo-

CXXVIII.
Quid co-
loniae La-
tinae?

colonias Latinas saepe ciues nostri profecti sint? Aut sua voluntate aut legis mulcta profecti sunt: quam mulctam si sufferre voluissent, tum manere in ciuitate potuissent. Add. *pro Domo XXX.* Boeth. in *Topic.* Ciceron II, p. 780. Quod vero Salmasius cum aliis viris doctis autumat, colonias Latinas ex meris libertinis constituisse, illud dudum est a viris doctis explosum. Plura de coloniis Latinis dabunt. Ez. Spanhem. *Orb. Rom.* I, 9. Sigon. *de antiquo iure Ital.* II, 2. p. 661.

CXXIX. ¹
Quid co-
loniae iu-
ris Italici
& pro-
uinciales?

CXXIX. Coloniarum ITALICI IURIS iam supra meminimus. Eae procul dubio anteriores adhuc erant conditionis quam Latinae, paullo melioris tamen, quam prouinciales. Discrimen inter utrasque maxime in immunitate a tributis constitit, seu immunitate a censu capitis & soli. Donat. *ad Suet. Aug.* XI. Gothofr. *ad Cod. Theodof. Tom. V.* p. 222. 223. Quanquam enim & prouinciales coloniae nonnumquam immunes erant a tributis, ut constat exemplo coloniae Caesariensis primae Flauiae *L. ult. §. 7. D. de Censib.* & Plin. *Hist. Nat.* III, 3. & 11. colonias & ciuitates immunes ab iis, quae iuris erant Italici distinguit: tamen ex *L. ult. §. 5. D. de cens.* satis patet, non in leuatione census sed immunitate a censu capitis & soli, illud ius constituisse. Forma vero censuonis quae fuerit & cur ea fuerit instituta, satis adparet ex *L. 4. D. de censib.* cui addendus Iac. Guth. *de offic. Dom.* Aug. III, 9. p. 591.

CXXX.
Quid co-
loniae
militares?

CXXX. Coloniae MILITARES ex militibus veteranis: quemadmodum PLEBEIAE ex ciuibus, vel, ut posteriore aeuo dicebantur,
ex

ex *paganis* vel *privatis* (nam & hi militibus opponi solebant. *L. 19. C. de pact. L. 2. C. Theod. & L. 1. C. Iustin. de fals. mon. L. 5. C. ad L. Iul. maiest.*) deducebantur. Illae ideo inuentae, ut veterani milites stipendiorum diuturnitate fessi praemium aliquando laborum caperent. Auctor huius instituti L. Sulla, quem deinde Iulius Caesar, Augustus, alique sunt imitati. De coloniis militaribus a Sulla & Caesare deductis testatur Appian, *de Bello Ciu. III. p. 552. Epit. Liv. LXXXIX.* de aliis ab Augusto missis Hyginus *de Castramet. &*, qui hic diligentissime omnia exsequutus est, Sigon. *de antiquo iure Ital. III, 4. p. 776. sequ.* Ceterum in eiusmodi colonias integrae legiones cum centurionibus ac Tribunis suis deducebantur. Hyginus: *Multis legionibus contigit bellum feliciter transigere, & ad laboriosam agriculturam requiem primo tirocinii gradu pervenire. Nam cum signis & aquila & primis ordinibus ac Tribunis deducebantur.* Sed ab usu recessit hic mos tempore Neronis, de quo Tacit. *Annal. XIV, 28.* *Non enim ut olim, universae legiones deducebantur cum Tribunis & centurionibus, & sui cuiusque ordinis militibus, ut consensu & caritate remp. efficerent: sed ignoti inter se, diversis manipulis, sine rectore, sine adfectibus mutuis, quasi ex alio genere mortalium repente in unum collecti, numerus magis, quam colonia.*

CXXXI. Ad rempublicam coloniarum quod attinet, in eo potissimum inter colonias & municipia erat discrimen, quod haec suis legibus atque institutis; illae dato a Romanis iure utebantur. Gell. *Noct. Att. XVI, 13.* *Colonia-*

CXXXI.

Resp. colonia-
rum.

ym

*rum alia necessitudo est, (quam municipiorum,) non enim veniunt extrinsecus in ciuitatem, nec suis radicibus nituntur, sed ex ciuitatibus quasi propagatae sunt, & iura institutaque omnia populi Romani, non sui arbitrii, habent. Iis ergo legibus vivebant coloni, quas dederant Romani, & inprimis decemuiui, vel triumuiui coloniarum deducendarum. Quare merito apud eundem Gellium miratur Hadrianus Imp. quod Italicenses, & quaedam item alia municipia antiqua, quum suis moribus legibusque uti possent, in ius coloniarum mutari gestiuerint. Ceterum iisdem paene, quibus municipia, etiam coloniae gaudebant magistratibus. Publicum habebant decurionum consilium, nihilque in lapidibus frequentius est siglis DEC. COL. quemadmodum in iisdem marmoribus etiam SENATORES COLONIARVM occurrunt apud Reines. *Inscript. p. CXXXII.* Erant & in coloniis Duumuiui, Aediles, Quaestores, Censores. Erant sacerdotes, augures, pontifices. Cic. *Agrar. II, 35.* Ut adeo non abs re Gellius *l. c.* colonias *quasi effigies paruas & simulacra maiestatis populi Romani* adpellet. Addatur Car. Sigon. *de ant. iure Ital. II, 4. p. 666. sequ.**

CXXXII.
Quid
praefecturae?

CXXXII. Proximae sunt PRAEFECTURAE, quarum longe durior, quam coloniarum, fuit conditio. Vnde & eae demum ciuitates in praefecturae formam redigebantur, quae iniquae ingrataeque erga populum Romanum fuerant, fidemque semel atque iterum fefellerant. Vti vel ex earum origine apud Liui. I, 38. iuncto loco Dionys. *Hal. III, p. 187.* adparet,

ret. Parum vero a prouinciarum forma differbat forma praefecturarum. Quemadmodum enim in illam quotannis praefides: ita in praefecturas *praefecti* mittebantur, qui tamen eo quoque differebant, quod illi a populo, vel a Senatu libera adhuc republica deligerentur: hi partim a populo partim a praetore Fest. voce *praefecturae* p. 374. Praefecturae ergo neque iure ciuitatis, neque Latii, neque Italico gaudebant, sed priuatum eorum ius omne ab edictis praefectorum: publicum a Senatu Romano proficiscebatur, qui iis pro lubitu tributa, vectigalia, militiam imperabat. Fuere tamen & praefecturae aliae aliis liberiores. Quemadmodum enim, Capua in praefecturae formam redacta, nullum in vrbe remanebat corpus ciuitatis, nullus Senatus, nec plebis concilium, nec magistratus teste Liiuo: XXVI, 16. ita in aliis praefecturis, Festo auctore, fuit *quaedam respublica quamuis magistratus suos non haberent*. Sane fuit in reliquis praefecturis Senatus simulacrum, qui conuentus dici solebat, qualem etiam postea, patrono Cicerone, Capuani impetrarunt. Cic. *pro Sext. IV.* fuit ordo equestris, fuere, qui publicam rem curarent, Aediles & Quaestores. Sed his omnibus praecerant, qui iuris dicundi causa Roma mittebantur, praefecti, quos Festus (dummodo non in mendo cubat locus) *Sexuiros & Quatuor viros*; Horatius vero *Serm. I, 5 v. 35.* *Praetores*, adpellat, vbi de Praefectura Fundana:

*Fundos, Aufidio Lusco praetore, libenter
Linquimus, insani ridentes praemia scribae,*

Prae-

Praetextam, & latum clauum, prunaeque catillum.

Praefectura huiusmodi in quas Populi suffragiis Praefecti mittebantur; Feitus recenset Capuam, Cumas, Casilinum, Vulturum, Literum, Puteolos, Acerras, Sueffulam, Atellam, Calatiam: Contra Praetor praefectos teste eodem mittebat Fundos, Formias, Caeren, Venafrum, Allicas, Priuernum, Anagninam, Frusinonem, Reaten, Saturniam, Nurniam, Arpinum: ex quibus tamen urbibus pleraeque postremis temporibus ad coloniarum vel municipiorum conditionem peruenerunt. Vid. Car. Sigon. *de ant. iure Ital.* II, 10. *sequ.*

CXXXIII.
Ciuitates
foederatae?

CXXXIII. Reliquae ciuitates, quae neque municipia, neque coloniae neque praefecturae erant, ciuitates FOEDERATAE dicebantur. Erant enim liberae, nisi quod ex foedere quaedam debebant Romanis. Talis ciuitas foederata erat Capua, antequam in praefecturae formam redigeretur, item Tarentum, Tibur, Praeneste, Neapolis, quae licet foedere obstrictae Romanis, adeo tamen reipublicam suam habebant, ut & ii, quibus aqua & igni interdictum, ciuitatem Romanam amisisse viderentur, simul ac in eiusmodi ciuitatem fuissent recepti. Forma reip. varia erat siquidem aliae dictatoribus & consulibus, aliae aliis magistratibus parebant, ceu luculenter idem ostendit Sigon. *l. c.* II, 14. .

CAP.

CAP. VI.

DE STATV PEREGRINORVM.

CXXXIV. Omnes, qui non erant ciues, veteribus Romanis PEREGRINI dicebantur, siue Latini essent, siue Italici iuris; siue in provincia, siue in praefectura aliqua morarentur. Schilter. *Dissert. de iure peregrin. n. IX.* Hinc & in Latini iuris hominibus τῶν ξένων σύμβολα, *signa peregrinitatis* reperit Appian. *de Bell. cin. II, p. 443.* Et legem Menfiam, dum peregrinorum meminit, etiam ad Latinos pertinere, contra M. Vetr. Maurum demonstrauimus in *Comment. ad L. Iul. & Pap. II, 9. p. 226.* Neque tamen negauerim, Latinos, quippe ciuib. Romanis propiores, aliquando a peregrinis seiungi, veluti in *L. 17. §. 1. ff. de poen. & apud Vlpian. Fragm. V, 4. XIX, 4.* Postea vbi Antoninus Caracalla ciuitatem cum omnibus, qui in orbe Romano vivebant, ingenuis communicauerat: soli libertini Latinae & dedititiae conditionis peregrini habiti sunt, ceteri omnes Romani dicti. Inde est, quod dedititios peregrinis accenset Vlpianus *Fragm. XX, 14.* De reliquis omnibus Romani orbis incolis ait August. in *Psalm. LVIII. Part. 1. sub fin.* *Quisnam non cognoscit, gentes subiectas imperio Romano? quae quidem erant, quando omnes Romani facti sunt, & omnes Romani dicuntur.* Quod adeo verum est, vt & vniuersum Romanum imperium Romania adpellatum sit, vt pluribus veterum testimoniis demonstrant Casaubon. ad Lamprid. *Alex. Sev. V.* Iustell. ad *Can. Eccl. vniu.*

IV, p. 95. *Tom. I. Ez. Spanhem. Orb. Rom. II, 10, p. 89.* Ex quo vero Iustinianus etiam libertinos ciuitatis Romanæ fecit participes: exoleuit paene peregrinorum nomen, totiusque orbis incolae in *Romanos & Barbaros* diuisi sunt, quos solos una cum seruis in ea unica totius mundi ciuitate peregrinari dicit Sidonius *Epist. I, 6.* Quemadmodum ergo omnes Romani Imperii prouinciae Romaniae vocabulo veniebant: ita reliquae terrae dicebantur ἡ βάρβαρος, vel *barbaricum*, eadem forma, qua veteres dicere solebant *hossicum, pacatum, Vindelicum, Noricum, Celticum, Geticum*, ceu praeclare docuit Io. Fridr. Gronou. *Obs. II, 3. p. 233.*

CXXXV.
Peregrinis in vrbe praetor singularis ius dicebat.

CXXXV. Libera adhuc republica paulo durior erat peregrinorum conditio. Versari quidem in vrbe poterant, sed ita, vt seiuncta a ciuibus esset in peregrinos iurisdictio. Praeter urbanum enim Praetorem alius quoque erat, peregrinus dictus, qui iuri inter peregrinos & ciues dicundo praeerat. *L. 2. & L. 10. D. de dolo L. 1. D. de reb. eor.* Creatus primum est A. V. C. lxx. vt auctor est Flor. *Epit. Liu. XIX.* Inter urbanum vero & peregrinum Praetorem cum aliae, tum hae quoque erant differentiae, quod ille hoc erat honoratior, quod apud illum lege agi poterat, apud hunc non poterat, vt erudite ostendit Franc. Hotoman. *de Magistr. Rom. p. 121.* Eundem edictum in albo proponere consueuisse quod negat idem ὁ πάλιν Hotomanus, supra suo loco a nobis demonstratum est.

CXXXVI.
Saepe ex

CXXXVI. Deinde in vrbe quidem habitabant

tabant peregrini: sed veluti precario. Vnde vrbe ex-
 saepe magistratum arbitrio vrbe expulsi sunt. pelleban-
 tur.
 Sic iam anno V.C. lxxxvii. peregrinos omnes
 vrbe excedere iusserat M. Iunius Pennus, Tri-
 bunus plebis, cuius legis mentio fit apud Cice-
 ron. *de Offic.* III, 11. *in Brut.* XXVIII. & Fest. *vo-*
ce republ. p. 407. Similem legem A. V. C.
 lclxxxviii. L. Cotta & L. Torquato Coss.
 tulit, non Aemilius quidam Papus, (b) nec, vt
 Ant. Augustino visum, Papirius quidam, sed C.
 Papius Celsus, qui omnes peregrinos, exce-
 ptis iis, qui Italiam incolebant, & Glaucippo
 nescio quo, vrbe exesse iussit Dio Cass.
 XXXVIII. p. 37. Cic. *de Offic.* III, 11. *Agrar.* I, 4.
pro Archia V. (c) Idem deinde factitarunt Impe-
 ratores, quoties arctior annona incolarum nu-
 merum imminui suaderet. Augustum magna
 aliquando sterilitate ac difficili remedio vena-
 litas & Ianistarum familias peregrinosque
 omnes, exceptis medicis & praeceptoribus,
 partemque seruitiorum vrbe expulisse, auctor
 est Sueton. *Aug.* XLII. Idem suo tempore fa-
 ctum, conqueritur Ambros. *de Offic.* III, 7. Sed
 poste-

(b) Ita existimauerat nescio quis, quem erudite refel-
 lit. Car. Sigon. *de Nomin. Rom.* p. 1426. edit. Gothofr.

(c) Monumentum huius legis Papiae egregium exstat
 in numis L. Papii Celsi, C. illius Papii legislatoris agna-
 ti, in quibus tabella conspicitur, cum litteris PAPI,
 quam de lege hac Papia interpretantur Ez. Spanhem.
de Vsu & Praest. Numism. VI. p. 180. Fulu. Vrsin. *de*
Famil. Rom. p. 196. Adde, quae de hac lege diximus
 plenius in *Comm. ad L. Iul. & Pap. Popp.* l. 1. 3.

posterius hoc exemplum de barbaris Romae commorantibus videtur intelligendum. Nationem enim in orbe Romano tantum abest, ut Roma exularint, ut maximam plebis Romanae partem constituerent sub Imperatoribus, maxime ex quo tempore omnes qui in orbe Romano vivebant, ciues esse iusserat Antoninus Caracalla. Iam sub Domitiano ea de colluie conqueritur Iuuenal. *Sat. III. v. 58.*

*Quae nunc diuitibus gens acceptissima nostris,
Et quos praecipue fugiam, properabo fateri,
Nec pudor obstabit: non possum ferre, Quirites,
Graecam urbem, quamvis quota portio faecis
Aethaei?*

*Iam pridem Syrus in Tiberim defluxit Orontes,
Et linguam & mores & cum tibicine chordas
Obliquas, nec non gentilia tympana secum
Vexit; & ad circum iussas prostare puellas.*

Et Herodianus *Hist. I. 12.* referens, pestilentiam sub Commodio Romanum orbem deuastasse, eam potissimum addit in ciuitatem Romanam saeuisse, πολυάνθρωπον τε ἔσσην καὶ τὰς πανταχούθω ὑποδεχομένην, quae & per se populo abundaret & aduenas toto orbe confluentes exceperit. Idem *Lib. VII. cap. 7.* populi Romani indolem, qualis sub Maximino Imperatore fuerit, descripturus: Καὶ πάντες μὲν, inquit, ὄχλοι κῆφοι πρὸς τὰ κακωτομέμνητα, ὁ δὲ βρωμάτων δῆμος ἐν πληθεί μινίσσῃ καὶ ποικίλῃ συγκλύδῳ τε ἀνθρώπων πολὺ καὶ ῥάδιον ἔχει τὸ τῆς γνώμης ἐκίνητον. Nam etsi ubique vulgus semper ad res nouas leuissimum: tamen Romana plebs in primis, quae ex magna variaque etiam peregrinorum multitudine constat, longe ceteris mobilior est.

Et

Et sane tot Romae Syri, Phoenices, Aegyptii, Afri, Graeci, Asiatici non modo inter plebeios erant, sed & summis fulgebant honoribus, ut nihil fere Romani sanguinis Romae superesse videretur, & urbem incolis priuaturus fuisse, qui iussisset urbe excedere peregrinos.

CXXXVII. Quod ad iura peregrinorum attinet: paucis omnia complectemur, si eorum iuribus Quiritium, tum iure publico ciuitatis plane caruisse dixerimus. Non ergo liberi erant iure Quiritium ita, ut flagris virgisque caedi non possent. Neque erat ipsis ius connubii cum ciuibus, Vlpian. *Fragm. V, 4.* (quamuis esset ius matrimonii, quod vocabulum iuris gentium esse docuimus in *Elem. Iur. Ciu. §. CL.*) neque ius patriae potestatis, *L. 3. D. de his qui sunt sui vel alieni iur.* neque iura patronatus *L. 10. §. 2. D. de in ius voc. Plin. Epist. X, 12.* neque testamenti factio, (*d*) aut ius ex testamento quidquam capiundi. *L. 1. D. ad L. Falc. Vlpian. Fragm. XX, 14. L. 1. C. de her. Inst. L. 6. §. 2. D. eod.* Immo nec testibus eis esse licebat in testamento ciuis *L. 30. C. Theod. de haer. ret.* Denique nec ius habebant legitimi dominii, nexus, mancipii, (quamuis recte ab iis iniri

CXXXVII
iure Quiritium & ciuitatis carebant peregrini.

(*d*) Hinc mortuo peregrino, bona aut tamquam vacantia in fiscum cohebantur, aut priuato adquirebantur, si peregrinus se ad aliquem veluti patronum adplicuisset, eique in clientelam dedisset. Tunc enim, illo mortuo, patronus IVRE ADPLICATIONIS in istius peregrini bona succedebat. *Cic. de Orat. 1, 39.*

iniri & explicari possent contractus & negotia iuris gentium, (quibus etiam acceptilatio, non quidem ratione originis, sed ratione usus accensetur. *L. 8, §. 4. D. de acceptilat.*) nec ius usu, capionis, de quo iam in XII. Tabulis fuerat cautum; ADVERSVS HOSTEM AETERNA AVCTORITAS ESTO. Vid. infra *Lib. II. Tit. VI.* Quum ergo ius Quiritium nullo modo haberent: facile patet, eos multo minus gauisos iuribus census, legionis, tributorum, suffragii, petendorum honorum, aliisque huius generis.

xxxxviii,
Exceptiones quae-
dam hu-
ius regu-
lae,

CXXXVIII. Sed quamuis haec omnia recte se habeant: non vnam tamen illa patiuntur exceptionem. Primo enim, vt supra diximus, haut paullo melior erat conditio Latinorum & Italicorum, qui tamen & ipsi peregrinis ante legem Iuliam accensebantur Deinde multis peregrinis concedebantur quaedam iura Quiritium vel beneficio populi, vel clementia Principum, Sic iam supra obseruauimus, datum esse quibusdam peregrinis ius connubii, patriae potestatis, testamenti factionis. Et hoc est celebre illud ius, vtendi toga, cuius mentio fit. *L. 11. D. qui testam. fac. poss. L. 32. D. de iure fisci.* Accedit tertio, quod licet iure Quiritium testari haut possent peregrini, liceret tamen eis *aduersus ciuitatis suae leges testari*, (e) vt ait

(e) Hinc & ij, quibus aqua & igni interdictum fuerat, quamuis ad peregrinitatem essent reducti, testari tamen poterant, secundum leges videlicet ciuitatis, in quam fuerant recepti, & sub Tiberio adhuc exemplum eiusmodi testamenti memoratur apud Tacit.

ait Vlpianus *Fragm. XX, 14.* Vbi *aduersus* idem esse ac *secundum*, iam pridem obseruarunt eruditi. Quarto, multa etiam in fraudem legum commodumque peregrinorum fuerant inuenta. Sic tamen nihil ex testamento capere posset peregrinus: recte tamen & iure aliquamdiu capiebat per fideicommissum. §. 1. *Infl. de fideicommiss. hered.* quamuis postea omnia fideicommissa in fraudem legum relicta irrita esse iusserit SC. Plancianum, L. 59. §. 1, D. ad. L. Falc. Vlp. *Fragm. XXV, 17,* quod sub tempora Vespasiani, M. Plancio Varo Cos. ad Senatum referente, conditum esse, coniecimus in *Comm. ad L. Iul. & Pap. Popp. II, 6, p. 192. sequ.* Denique multa sensim sub Imperatoribus mutata sunt, quae antiqui Romani in peregrinorum odium constituerant. Sic quum *castra olim eos, quos ad labores & pericula accipiebant, fastidiosè legerent;* ut ait Seneca *Epist. XLIV.* postea etiam prouincialibus, ac denique ipsis peregrinis & barbaris locus non solum inter auxilia & socios, sed & in ipsa legione, concessus est, ut iam supra est a nobis obseruatum.

CXXXIX. Quum ergo tanta esset inter ciues & peregrinos differentia; haut sane mirandum est, etiam externis quibusdam signis secretos illos voluisse Romanos. Ciues incedebant togati, qui togae amictus tam proprius
iis

CXXXIX.
Peregrinis non erat ius togae.

cit. *Annal. IV, 43,* Sed hic ipse Princeps eiusmodi exsulum testamenta primus prohibuit, teste Diono *Caes. Hist. LVII. p. 618.*

iis erat, vt & Togati pro Romanis, quemadmodum palliati pro Graecis, dicantur. Sicuti ergo dedecori hoc erat Romanis, si palliati incederent: Cic. *pro C. Rabirio*, cap. IX. ita peregrinis togae vsu legibus fuerat interdictum, Sueton. *Claud. XXV*. Plin. *Epist. IV*, 11. *VII*, 3. adeoque speciali concessione opus erat peregrinis, qui togati incedere vellent. L. 32. *D. de iure fisci*. (f) Erat vero toga amictus exterior, laneus, semicircularis, tunicae superiniectus, apertus & ad talos vsque defluens, quem pluribus describunt A. Ruben. *de Re Vest. I*, 6. p. 39. Io. Bapt. Donius *de utraque penula*. Car. Sigon. *de Iudic. III*, 18. Ceterum quamuis communis hic esset ciuium habitus: ordines tamen insignibus quibusdam distinguebantur. Magistratus enim toga praetexta; senatores lato clauo; equites angusto clauo uti solebant. Enimuero exoleuit sensim ipsos inter Romanos togae vsus, (g) magisque placuere tunicae & birri, vt magno eruditionis adparatu ostendit. Claud. Salmas. *Adnot. ad Tertullian. de Pallio* p. 79.

CXL.

(f) Glossae ergo figmentum est, in ea lege togam accipi pro munere aduocati. Vid. Schilter. *diss. de iure peregrin. n. XXVII*.

(g) De Augusto Sueton. *Aug. XL*. *Etiam habitum cultumque pristinum reducere studuit. At visa quondam pro concione pullatorum turba, indignabundus & clamitans: En ait,*

Romanos rerum dominos, gentemque togatam.

Vnde patet, iam ipsis Augusti temporibus togae vsu exolescere coepisse.

(a)

CXL. Sic & nominibus discernebantur
 ciues & peregrini: siquidem illi etiam prae-
 nominibus, hi solis nominibus utebantur, ne-
 que prius praenomina accipiebant, quam es-
 sent in ciuitatem adsciti. Cic. *Epist. ad Famil. XIII,*
36. Cum Demetrio Megamibi vetustum hospitium est:
familiaritas autem tanta, quanta cum Siculo nullo. Ei
Dolabella, rogatu meo, ciuitatem a Caesare impetrauit:
qua in re ego interfui. Itaque nunc P. Cornelius voca-
tur. Ex quo loco etiam adparet, ipsa gentilia
 etiam nomina, ut & cognomina eorum, adsci-
 uisse peregrinos, a quibus fuerant ciuitate do-
 nati, vel alio adfecti beneficio. Id quod etiam
 ex praecedente epistola discimus, ubi de Phi-
 loxeno, qui postea C. Auianus dictus est: *No-*
men autem Auiani inquit consequutus est, quod homine
nullo plus est usus, quam Flacco Auiano, meo, quemad-
modum te scire arbitror, familiarissimo. Sed ne ni-
 mium excrescat haec adpendix: hic quidem
 ei colophonem imponere visum est.

CXL. Nee
 praeno-
 mina ha-
 bebant.

LIBRI II. TIT. I.

D E

RERVM DIVISIONE, ET ADQVI-
RENDO IPSARVM DOMINIO.

QUum superiore libro de iure personarum exposuerit Iustinianus : hoc secundo, Caius sequutus ducem, DE REBVS agit. Quare, rerum diuisiones paullo adcuratius ac distinctius ex antiquitatibus Romanis proponere, atque hinc inde illustrare iuuabit. Ceterum res & pecunia quomodo differant in iure nostro, ex *L. 5. pr. D. de Verb. sign.* satis notum est.

I. Prima
rerum di-
uisio.

I. Summa rerum diuisio, vt recte obseruat Caius, *L. 1. D. de diuis. rer.* (a) in duos articulos deducitur, Aliae enim erant DIVINI IV-
RIS; aliae HVMANI. Illae iterum in SACRAS & RELIGIOSAS diuidebantur, SAN-
CTAE enim quae vulgo addi solent, tantum quodammodo diuini iuris habebantur, vt diligentius *vrbs religione, quam moenibus cingeretur.* Cicero de *Nat. Deor. III, 40.*

II. Res
sacrae.

II. Res SACRAE dicebantur, quae publico ciuitatis instituto auctoritate Pontificum erant Dis superis sollemniter consecratae. Fest.

vocē

(a) In Aniani compilatione, in qua ea lex aliter legitur, totum hoc Caii fragmentum interpolatum esse, vel primo intuitu patet. Aleand. *Not. ad Caii Inst. II, 1. 1.*

(b)

voce sacer. p. 417, quales erant arae, aedes, donaria, (b) & quidquid fuerat Diis consecratum. Et quidem vni Deo publice consecratae aedes, *fana*; pluribus simul, tanquam *συμβόλιον* dedicatae *delubra* dicebantur. If. Voss. *ad Pomp. Mel. II. 3. p. 147*. Publice, inquam, consecratae. Nam vel Senatus auctoritas, vel populi iussus, vel principis decretum accederet, oportebat, Priuata enim auctoritate nihil fiebat sacrum, Vid. Guther. *de iure pontif. III, 12*. Tempia sacra fiebant, *inauguratione*, dum augures spatium sollemniter capiebant. Tacit. *Hist. IV, 83*. Id enim dicebatur *inaugurari* Cic. *pro Domo LIII*. Quaecumque vero loca non erant inaugurata, ea non *templa* dicebantur, sed *aedes sacrae*. Gell. *Noct. Att. XIV, 1*. Sequebatur II. *Lustratio areae*, quae fiebat a militibus, quibus fausta erant nomina, felicibus ramis; quibus succedebant virgines Vestales cum pueris puellisque patrimis & matrimis, quae aqua e riuis, fontibus amnibusque

(b) Aliae erant res *sacro commendatae*, vt vocat Cicero *de Leg. II. 9*. Hae enim non consecratae erant Dis, sed tantum securitatis causa in templis depositae, Cic. *de Leg. II, 16*. Sane in templis & delubris securitatis causa deponi solebant res pretiosissimae. In templo Saturni & Opis adseruabantur, leges, Sca, pacta, foedera & pecuniae publicae. Seuerus Imp. pecunias suas & thesauros in templis reposuerat. Herodian, *Hist. IV, 4*. Quin imo in pacis templum, omnium opulentissimum & egregie munitum vniuersos ferme suas diuitias congregasse, refert idem auctor. *Lib. I. Cap. XIV*. Vnde & templa custodiis militaribus cincta fuisse, obseruat. Lipf. *Not. ad Tacit. Annal. Lib. I. p. 17*.

(c)

que hausta vniuersam aream perluebant. Denique & magistratus aderant, qui praeunte Pontifice suouetaurilibus lustrabant spatium, & super caespitem reddebant exta, ac denique precati Deos, vt suas sedes diuina ope attollerent, fundamenta sollemniter iaciebant, iniecto ingente saxo. Tacit. *Hist. IV*, 83. Lapis eiusmodi dicebatur *aussicalis*, qualis describitur apud Grut. *Inscript. p. XXXIX*, 5. Absoluta aede, etiam III. *dedicatione* opus erat, peragenda a magistratu maiore, qui praeunte Pontifice sollemne carmen recitabat, (c) postem manu tenens, (d) Liu. II, 8. Cicero *pro domo XLVII*, Valer. Max. *V*, 10. Grut. *Inscript. p. XXIII*, 12. Formulas, vt solet, magno studio collegit Barn. Briffon. *de Formul. I*, p. 124. Vt vel vnam exempli causa proferamus, Ioui Feretrio templum his verbis dedicauit Romulus: IVPITER FERETRI, HAEC TIBI VICTOR ROMVLVS REX ARMA FERRO, TEMPLVM. QVE

(c) Ab his sollemnibus verbis templa etiam FANA dicta sunt. Fest. *voce fanum. p. 287*. *Fanum a sano dictum, siue a fando, eo quod, dum Pontifex dedicat, certa verba FATVR*. Ita & Varro *de Lingua Lat. V*, 7. p. 38. Argutiora enim sunt illa I. Vossii *ad Pompon. Mel. p. 147*. *fanum* deriuantis a Graeco *φᾶς*, *φᾶς*, vnde transpositione Aeolica factum *fanus* vel *sanum*. Plutarchus *in Poplic. p. 104*. Sollemne istud carmen vocat *νομιμισίας ἐπὶ τῇ κατὰ νόμον φωνῇ* legitima dedicationis verba.

(d) Vnde & manu consecrationes fieri dicebantur. Cicero *de Leg. II*, 11. Et Ouid. *Fast. l. v. 403*.
Sacra vocant augusta patres: augusta vocantur
Templa sacerdotum rite dicata manu.

(e)

QVE IIS REGIONIBVS, QVAS MODO ANIMO METATVS SVM, DEDICO SEDEM OPIMIS SPOLIIS, QVAE, REGIBVS DVCIBVSQVE HOSTIVM CAESIS, ME AVCTOREM SEQVENTES POSTERI FERENT. *Liu. I, 10.* Solebant denique dedicationi IV. *Leges* quaedam adiici, quales hinc inde in vetustis marmoribus leguntur, recensitae ab eodem Briffon. *Form. I, p. 125.* Accedebant demum epulae & sportularum distributio, vel publico nomine, vel a priuatis factae, quarum meminit marmor apud Reines. *Class. I, 99.* Quibus omnibus rite peractis, ita occupasse locum credebatur religio, vt nunquam esse posset in dominio priuati, etiamsi aedes essent dirutae aut vetustate collapsae *Plin. Epist. X, 76. L. 6. D. h. t. L. 73. D. de contrah. emt.* Vnde Macrobio *Saturn. III, 3.* Sacra *Deorum haberi*, id est, in Deorum dominio esse ait. Sacrae tamen res esse desinebant exauguratione, quae fiebat per euocationem sacrorum. *L. 9. D. h. t. quo de ritu videndi Macrobi. Saturn. III, 8. Iac. Raeuard. coniectan. II, 17. Briffon. de Form. I, p. 54. 63. 64.* Captae quoque ab hostibus res sacrae esse desinebant, liberatae tamen, quasi postliminii iure pristinam recuperabant sanctimoniam. *L. 36. D. relig. & sumt. fun.* Vnde facile patet, cur Romani hostes DIVINA HYMANAQVE omnia dedere iuberent. *Liu. I, 38.*

III. RELIGIOSAE res, non minus ac sacrae, iuris Pontificii erant, vt patet ex fragmento Ciceronis apud Nonium Marcell. II, 805.

III. Res
religio-
sae.

p. 582. Vnde etiam *sanctae* aliquando dicuntur, tamquam sanctione a Pontificibus munitae. Gell. *Noct. Att. IV, 9.* Statim vero locus fiebat religiosus, si quis mortuum in locum suum intulisset. *L. 6. D. h. t.* siue id liberi hominis esset cadauer, siue serui. *L. 2. D. de relig. & sumt. fin.* Vnde & diui fratres Cenotaphium religiosum esse negant, *L. 7. D. de rer. diuis.* quamuis aliud visum fuerit Marciano in *L. 6. §. ult. D. eod.* ubi conferendus Ampl. Bynkersh. *Obs. I, 5.* Ante rescriptum illud cenotaphium religiosum habitum esse, vel ex illis Virgilii *Aen. III, v. 303.* patet:

- - - Manesque vocabat
Hectoreum ad tumulum, viridi quem caespite inanem
Et geminam, lacrymis caussam, sacrauerat aras.

Religiosa eiusmodi loca semper erant extra urbem, (e) in agris, & maxime propter vias publicas. Vnde tam frequens *viatorum* mentio fit in antiquis monumentis.

IV. Qualia
Romae
sepulcra
fuerint?

IV. RELIGIOSA habebantur sepulcra, quia dedicata erant *Dis Manibus*. Haec qualia apud Romanos fuerint, paullo accuratius est explicandum. Vnusquisque sepulcrum sibi in suo

(e) Non licebat enim per Leges XII. Tabularum mortuum intra urbem sepelire. Cicero *de Leg. II. 23.* Quam legem confirmarunt Hadrianus *L. 3. D. de sepulcr. viol.* & Diocletianus & Maximianus, *Augg. L. 12. C. de religiof.*

suo aliquo fundo deligere solebat. Bene tamen de republica meritis locus publice dari, Reines. *Inscr. Class. VI*, 32. pauperibus & minus locupletibus indulgentia Pontificum attribui solebat. Idem *Inscr. Class. XVII*, 1. Aliquando plebem sibi conciliaturi, praedium aliquod sepulcris pauperum destinabant, veluti Baebius Gemellius Sallinas, qui in monumento apud Reines. *Class. VII*, 20. *municipibus singulis incolisque loca sepulturae dat, circa suum praedium, extra qui sibi laqueo manus intulerint, & qui quaestum turpem professi sint.* Ditiores plerumque eo loco exstruebant pyramidem, columnam aliamve molem splendidam, e marmore plerumque solido, unde & *Domus marmorea* pro sepulcro dicitur. Tibull. III, 2. Et quamvis, quantum sumtum sepulcris impendi posset, Edicto Aedilium expressum esset, teste Cicerone *Philipp. IX*, 7. *Epist. ad Attic. XII*, 35. 36. Reines. *Inscr. II*, 73. tanta tamen, gliscente luxu ea in re Romanorum magnificentia eluxit, ut eam non sine stupore in marmoribus & monumentis intueamur. In ipsis sepulcris specus subterranea dicebatur HYPOGAEVM ubi locus erat certo ollarum vel urnarum numero destinatus, qui OLLARIVM vocabatur, Grut. *Inscript. p. DCCCCXXXV*, 9. Reines. *Inscr. Class. XI*. 100. vel SCHOLA OLLARVM. Reines. *Class. XVI*, 53. Ius enim sepulcrorum erat diuersum. Alia plures; alia pauciores urnas habere poterant. In inscriptione Reinesiana *Class. XVI*, 60. sunt OLLAE SINGVLARES PERPETVAE V. In aliis monumentis numerantur

XV.

XV. Id. *Inscr. Class. XVI*, 53. in aliis *XXIV*. Id. *Class. XIV*, 145. in aliis *XXIX*. Id. *Class. I*, 240. Sed ita se res habebat, quamdiu corpora cremari solebant, id quod & post Antoninorum tempora factum esse, ex monumentis paene innumeris patet. Exolescente paulatim eo ritu, arcas loco ollarum constituebant in hypogaeis, vel marmoreas vel ex lapide Tiburtino, Grut. *Inscr. p.* MCVIII, 6. vel fictiles. Id. *Inscr. p.* DCCCCIII, 12. vel ex Asio lapide, cuius ea vis erat, ut cadauera statim consumeret. Qui lapis quum frequentissime his usibus inserviret, factum est, ut arcae illae dictae sint *sarcophagi*, ceu iam vidit Cuiac. *Obs. XXI*, 13. Quemadmodum ergo in aliis monumentis legimus, ibi sita esse OSSA, Grut. *Inscr. p.* DXXXVII, 7. p. DCCCLXII, 3. vel CINERES: Id. p. DCXCVI, 5. ita in aliis verba occurrunt: CORPVS INTEGRVM CONDITVM SARCOPHAGO. Id. p. DCLXXXVIII, 10. p. DCLXXXIX, 8. In eodem porro HYPOGAEO, ubi ossa, cineres, cadauera quiescebant, erant *lampadaria*, vel lychnuchi, quorum mentio fit apud Dion. Cass. in *Domitian. vit.* & apud Reines. *Inscr. Class. I*, 240. & *Class. XI*, 100. eorumque cura, nisi ita comparata essent, ut perpetuo lucerent, demandari solebat libertis vel servis. Supra hypogaeum erant caenacula. Grut. p. DCXL, 2. armaria, Grut. p. CCCLXXXIII, 4. arae, Grut. p. DCCVI, 13. p. DCCVIII, 4. p. DCCXXI, 8. p. DCCCVII, 12. immo & signa & simulacra deorum & genii familiae, qualia describuntur in

marmore apud Reines. *Inscr. I*, 240. Vnde facile patet, cur ibi & aeditui fuerint, qualis ille AEDITVVS SEPVL. SERG. FAMILIAE, qui AEDITVAVIT ANN. XII. Reines. *Inscr. Class. V*, § 3. itemque cur itum, ambitum, aditum sepulcris suis stipulati sint veteres, ad coronandum, sacrificandum, vescendum, quales formulae sunt apud Grut. p. DLX, §. p. DCCCLXIV, 2. p. DCLXII, §. p. MLXXXI, 1. cur item & eam legem sepulcris additam reperiamus, vt si quis ibi furtum fecisset, perinde obligatus sit, ac si sacrilegium commisisset. Grut. p. MLXXVI, 10. Denique vt hanc descriptionem sepulcrorum absoluamus, obseruamus & extra ea quaedam fuisse, quae ad illa referebantur, veluti *hortos, aedificia, tabernas, maceriat, scalaria*, & inprimis *vnstrina*, quamuis ea monimentis suis adplicari, quidam vetuerint. Grut. *Inscr. p. DCLVI*, 3. p. DCCLV, 4. p. MXLIV, 7. 8.

V. Iam ergo non est quod miremur, religiosa habita fuisse sepulcra quaelibet. Dedicata enim erant Diis Manibus vel Diis inferis. Discimus hoc ex ipsis monimentis, in quibus frequentissimae sunt formulae; D. M. vel D. M. S. id est DIS MANIBVS SACRVM vel DIS INFERIS MANIBVS SACRVM. Iac. Gu-ther: *de iure Manium. III*, 1. Immo & propter eosdem Manes consecrata dicebantur sepulcra. Gruter. *Inscript. p. DCCCLXVII*, §.

V. Cur illa religiosa habita sint.

HAEC AEDIFICIA, PROPRIA.
COMPARATA FACTA.
DICATAQ. SVNT. MONIMENTI.
SIVE. SEPVLCRVM. EST. ET.

Dd

OLLA-

OLLARVM. QVAE. IN. HIS. AEDIFICIIS.

INSVNT. ET. CONSACRATAE. SVNT. RELIGIONISQVE. EARVM. CAVSSA.

Consecrationis sepulcri mentio etiam fit apud eundem Grut. p. DCCCLXII, 5. & p. DCCCVII, 12. Nec raro monimenta LOCA SACRA appellantur apud Grut. p. DCCC, 9. p. DCCCCXXXIV, 4. p. DCCCCLVI, 8. Nec ipsum tantum spacium, quo cadauer concludebatur, occupat religio, sed & aliquam vicinae areae partem, cuius ambitum non solum in monimentis designabant, hoc modo IN. FR. P. X. IN. AGR. P. XX. id est, *in fronte pedes X, in agrum pedes XX.* Horat. *Serm. I. 8. v. 12.* sed & maceriis murisque includebant, ut erudite docet Briffon. *Antiqu. Rom. III, 15. & 16. p. 36. sequ.* Exempla sunt apud Reines. *Inscr. Class. VIII, 75. XII, 37. 69. 70.* Ceterum ob hanc religionem corpora semel illata sepulcro tolli non poterant, nisi impetrata a Pontificibus vel principe venia L. I. L. 8. & 33. pr. D. L. 14. C. de religiof. vel in prouinciis a Praefide L. I. C. de religiof. Exempla exstant apud Plin. *Epist. X.* ut & apud Gruter. *Inscript. p. IOLXXXVIII.* ubi RELIQUIAE TRAIECTAE dicuntur III NON. FEBR. EX PERMISS. COLLEGII PONTIFICVM, PIACVLO FACTO. Immo ne refici quidem monimentum poterat, sine permissu Pontificum, nisi id ita fieri posset, ne reliquiae non tangerentur. L. 44. §. 1. D. de religiof. Id quod etiam ex marmore constat apud Gruter. p. IOXVIII, 4. Immo nec corpus in alia
arca

arca poterat collocari, nisi volente principe.
Grut. p. DCVII, 1.

VI. Multo minus ergo sepulcra erant in commercio vel dominio, L. 12. §. 1. *D. de religiof.* quamuis ipsum ius inferendi mortuum in alium transferri quocumque titulo posset. L. 14. *C. de legat.* Si locus religiosus aedificiis iunctus erat, vendi non poterat cum aedificiis: at aedificia seorsum vendi poterant, licet coniuncta essent loco religioso, id quod ex insigni sententia lata a Senecione Subpraefecto Classis Misensis, & a se in lucem protracta probat. Iac. Cuiac. *Obs. XVIII*, 32. Id quod tamen vix intelligendum putauerim de vineis, aedificiis, agris, quae nonnunquam sepulcris adnecti solebant ad eorum tutelam. Cuius rei permulta exempla sunt apud Grut. *Inscr. p. DCCXVII*, 7. *p. DCCCII*, 8. *p. CCXXVII*, 5. *p. DCCLIII*, 4. *p. DCXXIII*, 8. *p. DCXXXVI*, 12. *p. CCCXCIX*, 1. & Reines. *Inscr. VI*, 112. Quum vero nihilominus ius inferendi quodammodo in commercio esset: facile intelligimus, cur cauerint veteres in monumentis suis, *ne sepulcrum mutaretur, neue veniret, neue donaretur, neue pignori obligaretur, neue de nomine exiret familiae, nec ullo modo abalienaretur.* Grut. *Inscr. p. DCCLXII*, 5. *p. DCCCIX*, 2. comminati etiam poenam, fisco inferendam, iis, qui secus facturi essent Grut. p. DCCCLXI, 13. Reines. *Inscr. Class. I*, 43. Selden. *de Synedr. Ebr. I*, 5. Aliquando tamen & diuisa sepulcra legimus eoque pertinet formula: IN PARTE DIMIDIA SVA, apud Gruter. *Inscr. p. DCCLXXII*,
D d 2 14

VI. An
sepulcra
vendi po-
tuerint.

14. p. DCCLXXII, 1. p. DCCCCXLVI, 5. & Reines. *Inscr. Class. IX*, 38. 39.

VII. Erant
vel fami-
liaria vel
heredita-
ria, vel
neutrius
iuris.

VII. Ceterum ea sepulcra vel FAMILIARIA erant, vel HEREDITARIA, L. 6. L. 7. D. *de religiof. & sumt. fun.* quibus tamen nos addimus tertium genus eorum, quae NEUTRIUS IVRIS erant. FAMILIARIA vniuersae familiae patebant, non autem heredibus extraneis. Vnde formulae in vetustis marmoribus: HOC MONIMENTVM EXTERVM NON SEQVETVR, NISI DE NOMINE VTRORVMQVE, POST OBITVM NOSTRVM CORPVS EXTRANEVM INFERRE NE LICEAT, NE DE FAMILIA EXEAT, aliaeque similes. Grut. *Inscript. p. DXCIV*, 2. p. DXXIII, 5. p. DCCCLXXXI, 9. Aliquando & libertis & libertabus simul ius inferendi indulgebatur, maxime si ad exstruendum tuendumque sepulcrum aliquid contulissent, cuius rei exempla sunt apud Grut. *Inscr. p. DCCCCXLV*, 10. p. DCCCCLIV, 2. vel si in nomine patronorum permansissent, ceu cauetur apud eundem *Inscr. p. DCXXXVIII*, 4. Si qui tamen ex libertis libertabusque male de patronis meruerant: iis locum denegare solebant in sepulcro familiae. Sic apud Grut. *Inscr. p. DCCCXLIV*, 4. aliquis monumentum posuit SIBI ET SVIS, LIBERTIS LIBERTABVSQVE POSTERISQVE EORVM, EXCEPTO HERMETE LIB. QVEM VERO PROPTER DELICTA SVA ADITVM, AMBITVM, VLLVMVE ACCESSVM HABERE IN HOC MONVMENTO, vetat.

Alibi

Alibi p. DCCCLXII, 5. excipitur SECVNDI-
 NA LIBERTA, IMPIA ADVERSVS CAE-
 CILIANVM FELICEM, PATRONVM
 SVVM. Alia & a familiaribus diuerfa erant
 sepulcra HEREDITARIA, quae omnes here-
 des, etiam extraneos sequebantur. Id quod
 indicare solebant formulis: H. M. H. S. id est,
 HOC MONIMENTVM HEREDES SE-
 QVITVR. Vel: HVIVS MONVMENTI
 VEL SEPVLCRI IVS AD HEREDES EIVS
 PERTINET PRO PORTIONIBVS, QVA
 QVIS TESTAMENTO EIVS SCRIPTVS
 EST. Grut. p. DCCCLXVI, 7, p. DCCCLXXI,
 8. Denique quaedam sepulcra NEVTRIVS
 IVRIS, & nec *familiaria*, nec hereditaria esse
 diximus. Modo enim sibi tantum condito-
 rium parabant, modo sibi & coniugi, modo
 sibi & suis, qui in potestate futuri sint, Grut.
Inscript. p. DCCCCXCIII, 4. modo diserte ca-
 uebant, ne quos inferri liceret, nisi quorum
 nomina scripta sint & quibus conditor eius
 sepulcri diserte cauerit. Grut. p. DCCCCXC,
 2.

VIII. Diuini quodammodo iuris habe- VIII. Res
 bantur etiam *res* SANCTAE, quales erant mu- sanctae.
 ri, non modo Romani, sed & omnes circa alia
 oppida; Fest. *voce religiosus*. L. 8. §. 2. *D. h. t.* &
 ex Caii sententia, etiam portae. Ast Plutarch.
Quaest. Rom. XXVI. muros quidem, non vero
 portas, sanctos esse ait. Quam controuersiam
 facile & sine pulueris iactu, componas. Sancta
 res dicitur vel ob sanctionem, qua res ita muni-
 ta est, vt violari impune haut possit; Fest. *voce*

sanctum p. 423. Marcianus L. 8. D. b. t. ubi etiam observat, dictum *sanctum* esse a sagminibus herbis, quas signum fuisse inuiolabilitatis inter omnes constat. Conf. Fest. voce *sagmina*. Et hoc sensu etiam portae erant sanctae, siquidem & haec violantibus capitale propositum erat supplicium: L. 2. & 3. D. ne quid in loco sacro fiat. Vel sancta dicuntur, quae per sollemnes quasdam caeremonias Dis medioxumis dedicabantur, & hoc sensu sola moenia ac pomeria non item portae, sancta habebantur, quia per has res etiam impurae ferri vehique solebant.

IX. Ritus in condendis urbibus & extruendis moenibus adhibiti.

IX. Quoties aut urbs nova extruenda, aut colonia condenda erat, toties conditor vel triumvir coloniae deducendae cinctu Gabino ornatus, aratro aptabat aeneum vomerem, iunctisque bobus, mare & femina, ipse circum lineamenta profundum ducebat sulcum. Sequebantur coloni, & excisas aratro glebas introvertebant. Vbi portam esse volebant, vomere exemto, atque aratro sublato, relinquebant spacium. Ducto sulco, cum boues illi, tum aliae victimae immolabantur Dis medioxumis, & tum demum extruendis muris admovebantur manus. Plut. Rom. Quaest. XXIV, & vit. Romuli p. 23. Dion. Hal. l. 1, p. 75. Hinc in numis coloniarum fere semper conspiciuntur iuncti boves, acti a viro cinctu Gabino ornato. (f)

Vid.

(f) Hinc urbes dicitur ab urbe. Urbare enim veteribus erat aratro definire: *Urbum* vero dicebatur curvatura, quod ea in urbe condenda adhiberi consueverat.

Varro

Vid. Ezech. Spanh. *de usu & praest. num. Dissert.* IX, p. 777. Vaillant. *de numis aeneis colon. Latini in is. Paris. MDCXCV. fol.* Adhibebantur & alia quaedam boni omnis causa, ut Festus docet voce *Quadrata*. p. 389. quae tamen, qualia fuerint, hodie vix constat. Iam vero ex his facile reddideris rationem, cur moenia, non autem portae, sancta visa sint. Eae enim auspiciato non signabantur aratro, quia per illas cadauera aliaque impura euehenda erant: & hinc quoque sacrae hoc quidem sensu non videbantur. Plutarch. *Quaest. Rom. XXVI.*

X. Perfecta moenia etiam dedicare sollemniter solebant. Idque adparet ex Inscriptione apud Gruter. p. CCXVI, 2. COLONIA AVGVSTA VERONA NOVA GALLIENIANA VALERIANO II. ET LVCILLO COSS. MVRI VERONENSIVM FABRICATI EX DIE III. NON. APRILIVM, DEDICATI PRID. NON. DECEMBRIS. Facta ergo hac dedicatione sancta habebantur moenia, atque hinc nec refici poterant sine Principum, tamquam Pontificum Maximorum, auctoritate, nec quidquam iis superimponi. L. 8. §. 2. L. 9. §. fin. D. h. t.

X. Dedicatio moenium.

XI. Si vero paullo accuratius rem consideres, facile adparebit, non aliam ob causam hac sanctitatis opinione imbutos esse homines, nisi ut ciues pro moenibus, tamquam pro re sancta

XI. Cur sanctitas tributa moenibus?

Diis-

Varro *de Lingua Lat.* V, 32. p. 24. Pompon. L. 2 19. §. 6. D. *de verb. signif.* Conf. Iac. Racuad. *Coniectan.* II. 7. p. 49.

Diisque dedicata tanto fortius pugnarent. Idque etiam obseruat M. Terentius Varro *apud* Plutarch. *Quaest. Rom. XXVII.*

XII, Res
humani
iuris quo-
tuplices,

XII. Res humani iuris iterum vel in NVLLIVS, vel in PRIVATORVM *quorundam* erant PATRIMONIO. In nullius patrimonio erant res *communes, publicae, (g) vniuersitatis, & quae κατ' ἐξοχὴν nullius* esse dicebatur, hereditas iacens.

XIII, Res
commu-
nes, vel
publicae,

XIII. COMMVNES, veteribus dictae etiam PVBLICAE habebantur, quarum domini-um nemo ita poterat occupare, vt excluderet alios. Tales erant aer, aqua profluens, mare eiusque littora. Vnde Virgil, *Aeneid. VII, v. 229.*

- - - *Littusque rogamus
Innocuum, & cunctis auramque vndamque pa-
tentem,*

Et Prudent. *adu. Symmachum II. v. 798.*

*Nunc adsunt homini data munera legibus isdem,
Quae concessa semel; fons liquitur, amnis inun-
dat,*

*Veliuolum ratibus mare finditur, influit imber,
Aura volat tennis, vegetatur mobilis aer,*

Et

(g) Tribonianus *princ. Inst. b. t.* res communes a publicis seiungit; quidam veterum iureconsultorum communia & publica pro iisdem habebant, vt vel ex Marciano *L. 2. D. de rerum diuis.* patet, vbi res publicae omittuntur. Pari quoque sensu veteres res communes & publicas vocasse, luculenter ostendit Ger. Nood. *Probabil. I, 7. p. 10. sequ.* Liceat itaque hic, vbi Antiquitates tradimus, loqui cum veteribus, sentire alias cum Iustiniano, cuius doctrinam alibi su-
sius atque accuratius exposuimus.

(h)

*Et res natura fit publica promtaque cunctis,
Dum seruant elementa suum famulantia cursum.*

Idem existimandum de fluminibus, portubus, ripis, quae & ipsa eatenus communia vel publica habebantur, ut liceret in iis piscari, alligare naues, aliaque huiusmodi facere. Sed ea omnia de innoxio usu intelligenda, neque eo extendenda sunt, ut in mare, flumina, portus, nullum fuisse principum vel reip. imperium existimemus. Alia omnia ostendit Iac. Gothofredus *Dissert. de Imperio maris*, quae cum aliis eius opusculis iuridicis, politicis, historicis, criticis prodiit Geneu. MDLIV, 40. Nota illa Oppiani *Halieut. III, v. 4. sequ.* ubi poeta ad Antoninum Caracalla:

- - Σῶς μὲν γὰρ ὑπὸ σκίπτροισι θάλασσα

ἔειλεται καὶ φύλα ποσειδάωνος ἐνάυλων.

- - Tuis enim sub sceptris mare

Voluitur, & greges Neptuni incolarum.

Idem de iure piscandi statuendum est. Tantum enim abest, ut illud semper commune fuerit, dominioque exemptum, ut potius, qui longo tempore in diuerticulo fluminis solus piscatus fuerat, posset alios ab eo iure excludere L. 7. *D. de diuers. & temp. praescr.*

XIV. Ceterum eas res communes & publicas dixere veteres, ex sententia Stoicorum, quorum principia iureconsultis fere omnibus erant in deliciis. Stoicos enim veluti regnum quoddam generis humani vel vniuersalem omnium Deorum hominumque rempublicam statuisse, nemo ignorat, idque luculenter docent Cicero *de Finib. III, 19. sequ.* M. Antonin. *ἐς*

XIV. Cur
eiusmodi
res iure-
consulti
vocarint
publicas
& com-
munes.

ἐαυτὸν II, 16. III, 11. IV, 3. VI, 44. XII, 36. Arrian. *Dissert. Epictet.* I, 12. III, 24. Senec. *de Benef.* IV, 28. Addantur Tom. Gataker, *Adnot. ad M. Anton.* p. 75. Tom. Stanley. *Hist. Philos. Part. VII. P. I. Cap. 13. p. 614.* Quum ergo etiam iureconsulti hanc philosophiam sequerentur, duplicemque adeo sibi conciperent rempublicam, maiorem vnam, quae erat omnium Deorum hominumque, alteram minorem, vnius cuiusque populi aut ciuitatis: consequens erat, vt & bona, siue publica, siue communia dupliciter acciperent, nonnullaque omni iure; alia tantum iure gentium communia adpellerent, quae tamen in iure ciuili Romanorum essent in reipublicae dominio. Quae omnia tam praeclare explicantur ab humanissimo iureconsulto, Gerardo Noodio, *Probabil.* I, 8. p. 21. *sequ.* vt otium nobis fecisse videatur.

XV. Res
vniuersi-
tatis.

XV. *Res VNIVERSITATIS* erant, quarum dominium vniuersitas, vsum singuli ex vniuersitate habebant, vt stadia, theatra, balnea, curiae. §. 6. *Inst. h. t.* *Vniuersitas* vero vocabatur vnaquaeque ciuilis societas, excepta familia liberaque republica. Adeoque omnes *ἱεραὶ* & societates, omnes tribus, omnia corpora opificum *vniuersitates* erant. Huber. *Praelect. ad Inst.* II, 8. Postquam vero in monarchiam degenerauerat respublica, inuisae fuerunt principibus, omnes sodalitates & *ἱεραὶ*, nec aliae ius vniuersitatis, arcae communis, & collegii habebant, quam quae singulari Principum priuilegio erant munitae. Quare non raro in Inscriptionibus legimus: Q. E. S. C. I. *Quibus ex SC. coire licet*, vel similia. Vid. Plin. *Epist.*

Epist. X, 93. & 94. tit. C. de colleg. & corpor. Cuiac. Obseru. VII, 30. & Diff. nostr. de Colleg. & Corp. Opif. Cap. I.

XVI. NVLLIVS denique erant, quae nullum reipsa agnoscunt dominum, quamuis sua natura in dominio esse possint. Tales sunt res hereditariae, antequam aliquis heres existit *L. 1. D. de rer. diuis.* Per fictionem tamen quamdam hereditas iacens defuncti personam repraesentare, eiusque in dominio esse dicitur. *L. 24. & L. 61. pr. D. de acquir. rer. dom.* Nonnunquam & personam heredis sperati sustinet. *L. 24. D. de nouat. L. 26. D. de stipul. seru. L. 1. §. 1. D. si is qui test. lib. L. 68. D. de furt.*

XVI. Res nullius.

XVII. Quae in priuatorum dominio erant, dicebantur RES PRIVATAE. Festus voce priuos p. 378. Priuos priuasque antiqui dicebant pro singulis: ob quam causam & priuata dicuntur, quae vniuscuiusque sunt, hinc est priuilegium. Add. Non. Marcell. de Diff. Verb. II, 694. Res illae priuatae apud veteres vel MANCIPI erant, vel NEC MANCIPI. (b) Apud veteres dico. Iustinianus enim hanc differentiam sustulit, quum tamen eius vestigia quaedam reliquerit in *L. 32. §. 1. D. de usurp. & usuc. in L. 68. D. de furt.* Vid. Meril. Obs.

XVII. Res priuatae vel mancipi vel nec mancipi.

(b) In vniuerso corpore Iustiniano nulla fit huius distinctionis mentio, quod ea sustulisset Iustinianus *L. vn. C. de iure Quirit. tollend.* Hotom. *Antitribonian. l. p. 113. sequ.* Fundamentum eius procul dubio fuit rerum pretium. Res enim pretiosissimae antiquis videbantur fundi, serui, pecudes, non nisi cum sollicitudine quadam & sollempnitate alienandae. Bynkersk. *de reb. mancipi & nec manc. p. 109.*

(i)

Obs. VIII, 38. p 132. Res MANCIPI dicebantur, quae certo ritu inter solos ciues Romanos ita vendi alienarique poterant, vt emtor manu eas caperet, (vnde & ipse MANCEPS, & res MANCIPI vel MANCVPI adpellabantur,) & venditor earum euictionem praestaret. NEC MANCIPI res erant, quae non poterant isto ritu alienari: vnde & periculum rei penes emptorem erat. *Plaut. in Pers. IV, 3. v. 55.*

*Ac suo periculo is emat, qui eam mercabitur,
MANCVPIO neque promittet, neque quis-
quam dabit,*

Et paullo inferius: v. 61,

*- - - Nihil mihi opus est litibus,
Nisi MANCIPIO accipio, quid eo mihi opus
mercimonio?*

Vnde & distingui solent *mancipium* & *usus*, *Lucret. III, v 985.*

Vitaque mancipio nulli datur, omnibus usu.

vt & *mancipium* & *fructus*, κτήσις & χεῖρος Cicer, *Epist. ad Fam. VII, 29. 30. (i)*

XVIII.

Quaenam
res man-
cipi fue-
rint?

XVIII. Mancipi res habebantur I. *praedia in Italico solo*, *Vlpian. Fragm. XIX, 1.* immo & in prouinciis, si quando locis erat datum ius Italicum, quales ciuitates permultae recensentur in *Tit. D. de cens.* Adde *Henr. Noris. de Epobis Syro Maced. IV, p. 427.* idque non modo de rusticis intelligendum, verum etiam de urbanis

(i) Mancipi non indeclinabile est, vt vulgo docent Lexicographi, sed contractum ex *mancipii* *Voss. de art. gramm. III, 46.* *Salmaf. de usur. VIII. Iac. Perizon. ad Sancti Mineru. IV. 4. 12.*

(k)

nis. Cic. *de Orat.* I, 39. *sequ.* & *de offic.* III, 67. Sed eiusmodi praedia rustica Mancipi erant suo iure, urbana iure fundi per accessionem ex mente amplissimi viri, Bynkersh. *de reb. Mancipi & nec Mancipi* p. 111. quamvis alia omnia videantur Icto pererudito Christ. Waechtl. in *Act. Erud. suppl.* VII, sect. 7. p. 301. Eiusmodi loca dicebantur *agri censui censendo*. Fest. *voce censui.* p. 265. Cic. *pro Flacc.* XXXII. & ibi Io. Ge. Graevius. Adeo autem omnes fundi rustici Italici partes erant Mancipi, ut & *columbaria emancipata* videamus in marmore apud Reines. *Inscr. Class.* VII, 21. vbi tamen in *Comment.* p. 490. errare videtur vir doctus, dum eam Mancipationem locationis causa factam existimat. Reliqua in provinciis praedia possessiones vocabantur, & usu tantum tenebantur, non Mancipio. Fest. *voce possessio* p. 372. Porro rebus Mancipi accensebantur II. *iura praediorum rusticorum*, veluti, actus, via, aquaeductus. De servitutibus urbanis tacet Vlpianus. Vnde eae accensebantur rebus nec Mancipi, dissentiente iterum viro laudatissimo Christ. Waechtlero. *ibid.* p. 300. *sequ.* Nec tamen ratio deest iis, qui iura praediorum urbanorum Mancipi fuisse negant. Quum enim praedia rustica ipso iure essent Mancipi: ideo & tales erant servitutes, iis inhaerentes per accessionem. Aliud de praediis urbanis, quae per accessionem tantum erant Mancipi, adeoque hanc qualitatem cum servitutibus communicare non poterant, quia non datur accessionis accessio. Bynkersh. *ib.* p. 130. III. *servi*, Mancipio dati, IV. *quadrupedes*, quae

quae dorso collouē domantur, veluti boues, muli, asini, equi, non bestiae, quamuis dorso collouē domantur, vt puta elephanti & cameli. V. *Hereditas*, seu familia, siquidem & ipsa per aes & libram mancipabatur Gell. *Noct. Att. XV*, 26. §. 1. *Inst. de test. ord.* Ergo & VI. *filii familias* Bynkersh. *de iure occid. lib. I*, p. 145. VII. *Margaritae*. Nam & has in mancipatum venire ait Plin. *Hist. Nat. IX*, 35. Atqui & monimenta seu sepulcra mancipata seu per aes & libram translata legimus in marmore Gruteriano p. MLXXXI, 1. An ergo & haec res mancipi sunt? Ipsa sepulcra in se neque mancipi neque nec mancipi habebantur, quia non erant in commercio. At ius sepeliendi erat ius praedii rustici, (quia sepulcra non in aedibus sed in agris exstrui solebant,) & hinc omnino in alium transferebatur per aes & libram. Eum rerum mancipi catalogum nobis suppeditant veteres. Ceterae res nec mancipi dicebantur, teste Vlpiano *Fragm. XIX*, 1.

XIX.
Res man-
cipi alie-
natae
mancipa-
tione.

XIX. Fiebat vero rerum mancipi alienatio praecipue MANCIPATIONE, vnde haec propria species alienationis rerum mancipi esse dicitur. Vlpian. *XIX*, 3. Cic. *Topic. X*. Quamuis enim res mancipi etiam tradi possint sine mancipatione: tamen tunc tantum in bonis erant accipientis, non in dominio. Vlpian. *I*, 16. adeoque res mancipi esse desinebant nisi per modum acquirendi iuris ciuilis accessisset dominium quiritarium. Quo pertinent verba Horatii *Epist. II*, 2. v. 158.

Si proprium est, quod quis libra mercatus & aere est,

Quaedam, consultis si credas, mancipat usus.

Loquitur sane Horatius de rebus Mancipi, quae ex sententia iure consultorum etiam usufructu possunt adquiri. Conf. Ant. Schulting. ad Vlpian. *Fragm. XIX, 3. p. 620.*

XX. Mancipatio vero erat actus legitimus, quo res Mancipi more sollemni tradebatur. Bynkersh. *de reb. manc. l, p. 105.* Ad eum adhibendi erant quinque testes, ciues Romani, puberes, cum libripende & antestato. Ritus & formulae iam supra *Lib. I. Tit. XII. num. 6. 7.*

9. a nobis descriptae sunt. Id modo addendum, vna mancipatione hic totum actum absolui consueuisse, quia ad patris tantum privilegium id pertinebat, ut filius non nisi ter emancipatus & manumissus, eius potestate & dominio exiret. Iungitur saepe Mancipio *nexus*, vel *translatio nexus*. De ea Varro *de Lingu. Lat. VI. §. p. 58.*

NEXVM Manilius scribit, omne, quod per libram & aes geritur, in quo sint Mancipi. Mucius Scaeuola, quae per aes & libram fiant, ut obligentur, praeterquam quae Mancipio dentur. Hoc verius esse, ipsum verbum ostendit, de quo quaeritur. Nam idem, quod obligatur per libram, neque suum sit, inde *nexus* dictum. Sed quum haec sint obscurissima, audiamus ea interpretantem virum doctissimum, Io. Fridr. Gronovium in *Epist. CCCII, ad Claud. Salmas.* quae in clarissimorum & doctissimorum Virorum Epistolis, nuper a celeberrimo Burmanno editis. Tomo II. p. 549. habetur. *De loco Varronis, quando sic illudere mibi*

XX.

Mancipatio quomodo facta? & differentia nexi & Mancipii.

mibi voluisti, ut sententiam meam quaereret, ludibrium debere tibi pergam. Puto ergo falli Varronem, non tantum in ridicula illa origine *tr* NEXI, sed & quod ceu diuersas ponit sententias Manilii & Scaeuolae, quarum utraque vera est, nec inter se pugnant. Sane & Cicero distinguit ea, quae tenentur *IVRE NEXI* & *IVRE MANCIPII* (Cic. Epist. ad Fam. VII, 30) Nempe quae habeo *IVRE MANCIPII*, eorum sum dominus: quae *IVRE NEXI*, in ea habeo obligationem. Ita sibi non contradicunt Manilius & Scaeuola. Nam Manilius requirit, ut quae nexa sint, eadem quoque sint Mancipi, hoc est, talia, quorum commercium sit, & quae Mancipari possint. Scaeuola dixit, nexum esse, quod per aes & libram geritur, praeterquam quae dantur Mancipio. Et haec enim per aes & libram geruntur, sed plus dant iuris, quam nexa. Non negat itaque Scaeuola, necesse esse, ut aliquid quod per aes & libram geritur, sit nexum, id esse rem Mancipi: sed dicit aliud esse tenere aliquid iure nexi, aliud iure Mancipii, quamuis utrumque per aes & libram geratur, seu omne id nexum esse, quod per aes & libram geritur, si non Mancipio detur. Ita negatione unius speciei, definit alteram, quod non negat Manilius. Quod *MANCIPIO* datur, eius fio dominus: quod *NEXVM* est, eius proprie non sum dominus, sed habeo tantum in id obligationem. Et ita quoque *NEXVS* differt a *SERVO*, etsi obligatus est ad seruiles operas praestandas. *NEXVM* habeo iuri nexi; non Mancipii: at *SERVOS* habeo iure Mancipii. Sic quod mihi pignoris loco datum est, habeo iure nexi; illud etiam si penes me sit, non tamen est meum. Logica haec etymologia est, non grammatica. Videntur omnia quidem Mancipia etiam

etiam esse generali vocis notione nexa, aut quae habeo iure Mancipii, eadem me habere iure nexi: sed non contra aut reciproce. Ita Cicero quum dicit abalienationem esse traditionem alteri nexu, sine dubio generaliter vocem accipit, ut etiam, quae Mancipio dantur, comprehendat. Sed ad utrumque requiritur, ut sint res illae, quae siue iure nexi, siue iure Mancipii tenentur, res Mancipi, quod volebat Manilius. Nec aduersatur, quod liber homo, qui non est Mancipi, obaeratus potest fieri. Reuera enim liberi hominis commercium non est, ideoque non potest esse Mancipi: sed ut fiat nexus, fit ex dispositione legis, quae obaeratos necesse iussit, & ad refrenandam indiligentiam quorundam patrum-familias hoc introduxit. Ita etiam si liberi hominis commercium non sit, idque leges sciuerint, homo tamen maior XX. annis, quum ad pretium participandum venundari se patitur, fit Mancipi & seruus, etiam dispositione legis, quae unicuique fauori pro se introducto renunciari licere, & hoc modo lasciniam fraudatorum coercere voluit. Haecenus locus Gronouii, prolixus ille quidem, sed quem ideo totum hic adscribere non piguit, quod eum vnum viderim, in quo discrimen Mancipii & nexi perspicue exponitur. Res eo credit. Omnis abalienatio rerum Mancipi fiebat per aes & libram vel Mancipationem: sed duplici fine, ut aut dominium iuris Quiritium transferretur, aut res illa tantum obligaretur, e. g. ut aliquis in ea ius pignoris vel simile haberet. Priore casu res dicebatur MANCIPIO dari; posteriore IVRE NEXI transferri. Hinc recte Festus in voce nexum: NEXVM est, quod per aes & libram geritur, (hoc enim commune habent nexum & Mancipium

pium, *nexum* *res dicebatur pecunia, quae per nexum* OBLIGATUR. (In hoc enim differunt *nexus* & *mancipium*.) Recte etiam Salmasius *de Mod. Usur. Cap. XVIII. p. 839. Nexum esse obligationem & nexos obligatos* docet quamvis quum epistola Gronovii anno MDCXXXVII scripta; Salmasii autem liber demum MDCXXXIX editus sit, rectius fecisset, si eum, qui omnia planius scripserat, vel honoris causa nominasset.

XXI. Modi
adqui-
rendi iu-
ris gen-
tium.

XXI. Quemadmodum vero *mancipatio* propria rerum *mancipi* erat: ita & alii erant *adquirendi* modi, quorum quidam e IVRE GENTIVM, quidem e IVRE CIVILI *de-* *licendebant*. Ad prius genus pertinent *occupatio, accessio, traditio*, de quibus copiose hoc titulo agit Imperator. Nos id modo addimus, quod si duo rem inuenerant, quorum alter *adpre-* *henderat*, alter eam *adprehendi* viderat, *com-* *munem* eam rem *utriusque* esse *visam*. Vnde *sollemnis* formula: IN COMMUNE, *simi-* *lis* quodammodo *hodiernae*: *Halbe part. Se-* *neca Epist. CXVII. Quoties aliquid inueni, non* *exspecto, donec dicas: IN COMMUNE; ipse mi-* *hi dico. Phaedr. Fab. V, 6.*

Inuenit caluus forte in triuio pectinem.

Accessit alter, aequae defectus pilis

Heia, inquit, EST COMMUNE quodcum- *que est lucri.*

Adde Plaut. *Rudent. IV, 3. v. 76.* vbi poeta fori Romani argutias hac in re in risum deducit.

- - - *Omitte vidulum.*

GR. *Numquam hercle hinc hodie ramenta fies* *fortunatior.*

TR.

TR. *Non probare pernegando mihi potes nisi*
 PARS DATVR,

Aut ad arbitrum reditur, aut sequestro ponitur.

GR. *Quemne ego excepi e mari?* TR. *At ego*
inspectavi e littore,

GR. *Meo labore, opera rete & borra?* TR.
Nam qui minus,

Si veniat nunc dominus, citius est, ego, qui inspe-
ctavi procul,

Te hunc habere, fur sum, quam tu? GR. Ni-
bilo. TR. *Mane mastigia.*

Quo argumento socius non sum, & fur sum, fac
dum ex te sciam.

GR. *Nescio neque ego istas leges vestras urba-*
nas scio,

Nihil quia hunc meum esse dico. TR. *Et ego*
item aio esse meum.

Praeclarus sane locus, quo non solum hic veterum ritus, sed & complura iuris nostri loca lucem hant mediocrem capiunt. Ger. Nood. *Probab. II, 6. p. 54. sequ.*

XXII. Modi acquirendi CIVILES complures sunt. Tres recenset Alexander ad Caii *Instit. I, 6. 3. mancipationem* puta, *in iure cessionem*, & *usucapionem*, sed deceptus male intellecto loco Vlpiani *Fragm. I, 16.* in quo servus, quem civis Romanus a ciue Romano emerit, quique ei traditus sit, tantum in bonis eius esse dicitur, *nisi sit mancipatus ei, nec in iure cessus, nec ab ipso anno possessus.* Sane enim Vlpianus hic non recensere voluit modos acquirendi iuris Quiritium, neque negat, rem aliis quoque modis transire posse in dominium Quiritarium. Sex modorum

XXII
 Modi ad-
 quirendi
 iuris ci-
 vilis.

meminit Varro *de re Rust.* II. 10. *Sex enim fere res in emtionibus dominium legitimum perficere ait, ac deinde huc refert HEREDITATEM, MANCIPATIONEM, IN IVRE CESSIONEM, VSVCAPIONEM, SVB CORONA EMTIONEM, AVCTIONEM.* Et hac in re Varro nem sequitur Sigonius *de antiquo iure civ. Rom.* I, 11. Sed nec Varronem modos omnes recensere voluisse, cum ex particula FERE, qua utitur, tum praecipue patet ex Vlpian. *Fragm.* XIX, 2. vbi & *adiudicationem & legem* addit. Iisdem vero haut immerito adieceris adrogationem, donationem & modum, quem SC. Claudianum induxit. Quae quum ita sint, duodecim erunt modi acquirendi iuris Quiritium, I. HEREDITAS, II. MANCIPIO, III. IN IVRE CESSIONE, IV. VSVCAPIO, V. SVB CORONA EMTIO, VI. AVCTIO, VII. TRADITIO, VIII. ADIVDICATIO, IX. LEX, X. ADROGATIO, XI. DONATIO, XII. MODVS ADQVIRENDI EX SC. CLAVDIANO. De primo modo infra *Lib. II. Tit. XIX.* de quarto *Libro II. Tit. VI.* de decimo *Lib. III. Tit. XI.* de vndecimo *Lib. II. Tit. VII.* de ultimo *Libro III. Tit. XIII.* agemus. De secundo modo iam diximus supra n. XVI. XVII. Ergo restant *in iure cessio, sub corona emtio, auctio, traditio, adiudicatio & lex* de quibus nonnulla ex antiquitatibus erunt monenda.

XXIII.
Quid in
iure cessio?

XXIII. IN IVRE CEDEBANTVR res tum mancipi tum nec mancipi, non modo corporales, sed & incorporales, & tunc requirebantur tres personae, quarum vna cedebat, altera

tera *vindicabat*, tertia *addicebat*. Vlp. *Fragm.* XIX, 9. Cedebat dominus, vindicabat is, cui cedebatur, addicebat Praetor vel Praeses provinciae. Vindicabat primo rem is, cui illa cedebatur, & ita quidem, ut eam tenens diceret: HANC EGO REM EX IVRE QVIRITIVM MEAM ESSE, AIO. Tum interrogabat Praetor vel Praeses, an alter contra vindicaret? Solebant enim olim possessores in contestanda rei vindicatione non solum negare intentionem actoris, sed & ipsi rem adferere: voluti apud Plautum *Rud.* IV, 3. v. 86. ubi altero dicente HVNC MEVM ESSE DICO, statim alter subiicit: ET EGO ITEM AIO ESSE MEVM. Cic. *pro Muraena* XII. & infra *Lib.* IV. *Tit.* VI. n. 24. Quaerebat ergo Praetor vel Praeses, utrum contra vindicaret, an auctor fieret? Quo proculdubio pertinet formula apud Valerium Probum: A. F. A. *An sis auctor?* Negante domino vel tacente, Praetor rem addicebat vindicanti, hac fere usus formula: QVANDO TV NEGAS, HANC EGO REM PRAESENTI ET VINDICANTI ADDICO. Cai. *Instit.* II, 1. 6. Boeth. *Comment.* ad Cic. *Topic.* Lib. III.

XXIV. EMTIO SVB CORONA quid fuerit, ostendendum paullo adcuratius. Victis hostibus praeda venibat, & in his etiam captivi, qui venditi in servitutem detrudebantur. Hi ergo sub corona venire dicebantur, non quod milites eos custodiae causa circumstarent, eaque circumstatio militum corona vocaretur, sed quod ipsi captivi venales starent coronati,

XXIV.
Quid sub
corona
emptio?

ceu ex Caelio Sabino & Catone docet Gell. VII, 4. ex quo etiam discimus, eos seruos, quorum nomine nihil praestabat venditor, pileatos venire consueuisse. Res ex innumeris Liuii, Caesaris, aliorumque historicorum testimoniis nota est. Vt pauca tibi suggeram, ea reperies apud Liuium LIII, 4. Caesar. de Bello Gall. III, 74. Flor. Hist. IV, 12. Iam id modo obserua, mancipia sub coronis emta statim in dominio iuris Quiritium esse coepisse, adeoque emtorem securum fuisse contra quoslibet, vt etiam patet ex Varrone *de re Rust.* II, 10. Cuius locum & ad reliquos acquirendi modos recte intelligendos vtilissimum adscribere iuuabit: *In emtionibus dominium legitimum sex fere res perficiunt, si hereditatem iustam adiit, si, vt debuit, mancipio ab eo accepit, a quo iure civili potuit: aut si in iure cessit, cui potuit cedere, & id vbi oportuit: aut si vsucepit: aut si e praeda sub corona emit tumue, cum in bonis sectionem cuius publice venit.*

XXV.
Quid au-
ctio est

XXV. AVCTIONE acquirebantur quaecumque publice, proclamante praecone, praesente atque addicente magistratu, sub hasta emebantur. Festus voce Hastae. *Hastae subiciebantur ea, que publice venumdabant, quia signum praecipuum est hastae.* Et Cicero Philipp. II, 26. *Hasta posita pro aede Iouis Statoris: bona Cn. Pompeii Magni voci acerbissimae subiecta Praetoris.* Hanc hastam publicam fugiebant viri honesti, quia & proscriptorum bona ibi venibant. Sic Atticus ad hastam publicam nunquam accessit. Nepos Attic. VI. Ceterum, quum res ei addici solet, qui plurimum auget, factum est vt
ipsum

ipsum illud venditionis genus *auctio*; isque a quo quis emerat *auctor*, & ius denique auctione quaesitum *auctoritas* adpellaretur. Quod vocabulum deinde ad dominium quodcumque prolatum est, ita ut omne dominii ius quocumque titulo acquisitum, vocaretur *auctoritas*, ut praeclare observavit Sigon. *de antiquo iure Civ. Rom. l. 111. p. 149.* Plura dicemus infra *Lib. II. Tit. XVIII. XIX. n. XI.*

XXVI. TRADITIONE acquirebantur solae res nec mancipi, quippe quarum dominia adprehendebantur, simul ac ex iusta causa fuerant traditae. Vlpian. *Fragm. XIX, 7.* Nec referebat, mobiles res essent an immobiles: ut adeo manifesto errent, qui traditionem ad res mobiles tantum pertinuisse existimant. Vid. V. C. Schulting. *ad Vlpian. l. c. 622.* De traditione vera & ficta egregia quaedam observat Ger. Nood *Probab. II, 6. p. 56. sequ.* Non multum diuersa a traditione erat cessio vacuae possessionis, quae & mancipationibus nonnunquam accedebat, ut patet ex Grut. *Inscript. pag. cclxxx1*, ubi Statia Irene, mancipans monumentum Licinio Timotheo dicit, *ELQVE VACVAM (k) POSSESSIONEM MONIMENTI S. S. CESSIT*, qua de re plura observauit Fr. Brummer. *ad Leg. Cinc. XIII.*

XXVII. ADIVDICATIONE dominium rerum tum mancipi, tum nec mancipi acquirebatur, in tribus illis iudiciis *familiae er-*
ciscun-

(k) Ita legendum esse pro *INQVE VACVAM*, recte monet. Fr. Brummer. *ad Leg. Cinc. XIII.*

ciscundae, communi diuidendo, finibus regundis. §. ult. Inst. de off. iud. Quoties enim iudex vni ex heredibus vel sociis, vel vicinis rem adiudicabat, statim haec sine traditione in illius transibat dominium Vlpian. *Fragm. XIX, 16.* Vnde adiudicatio traditioni atque vsucapioni aequiparatur, *L. 6. §. 3. D. de statu liber.* Praeter tria vero illa iudicia nullus erat casus, in quo dominium acquireretur iudicis sententia, quippe quae ius non dat, sed declarat, id cuiquam competere. *L. 8. §. 4. D. si seruit. vindic.* Vnde & actio iudicati non in rem est, sed in personam. V. C. Ortwh. Westenb. *de Causs. obl. Diff. VI, 8. sequ.*

XXVIII.

Quod dominium ex lege?

XXVIII. LEGE denique acquirebatur dominium rei singularis, siue mancipi esset, siue nec mancipi, quoties lex quaedam dominium alicui addiceret. Sic legatum ex lege XII. Tabularum statim erat in dominio legatarii. Vlpian. *XIX, 17. L. 120. D. de verb. signif. L. 47. §. ult. D. de pecul.* Eodem modo acquirebantur bona caduca atque ereptitia siue a fisco, siue a priuatis. Nam & his nonnunquam concedebantur caduca. Cuiac. *ad Nouell. 1. Scip. Gentil. de iure ad crescendi. X.*

XXIX.

Distinctio inter dominium Quiritarium & bonitarium.

XXIX. Quidquid vllō eiusmodi modo, fuerat adquisitum: IN DOMINIO QUIRITARIO; reliqua *in bonis esse* dicebantur. Vlpian. *Fragm. 1, 16. Theophil. Inst. ad §. fin. tit. de libertin.* qui dominium quiritarium eleganter *ἰννομον* vel *legitimum*; bonitarium *φυσικὸν* vel *naturale* vocat. Quod discrimen in eo maxime erat positum, quod domini Quiritarii re vsucapta vacui essent a litibus, vnde & optimo iure possi-

possidere dicebantur : quod secus se habebat in dominis bonitariis. Vid. Car. Sigon. *de antiquo iure civ. Rom.* I, 11. p. 150. Barn. Briffon. *Antiqu. Rom.* IV, 22. p. 78. Bynkershoeck. *de reb. manc.* IX, p. 131. Enimuero fustulit illud discrimen Iustinianus L. vn. C. de nudo iure Quirit. tollendo. L. vn. C. de usuc. transf. & de sublata diff. rer. manc. & nec Mancipi. Vnde & in toto iure nostro nullum eius expressum superest vestigium, quamvis aliqua incaute reliquerit Tribonianus paulo obscuriora.

TIT. II.

DE

REBUS CORPORALIBVS ET
INCORPORALIBVS.

NOuam rerum diuisionem hoc titulo subiungit Imperator, CORPORALES enim aliae sunt, aliae INCORPORALES, de quibus pauciora dici possunt ex antiquitatibus

I. Philosophiae stoicae deditos fuisse ple-
rosque Romanorum iureconsultos, iam supra
est obseruatum. Atqui Stoici non minus, quam
reliqui philosophi, res omnes in corporales at-
que incorporales distinguere, illasque definire
solebant, quod possent tangi. Seneca *Epist.* LVIII.
Quidquid est, aut corporale est, aut incorporale. Idem
Epist. CVI. *Numquid est dubium, an id, quo quid*
TANGI potest, corpus sit? Lactant. *Inst. Diuin.*
VII, 12. *Solidum & comprehensibile corpus est, & oculis*

I. Stoica
definitio
rerum
corpora-
lium &
incorpora-
lium.

lis & manu videtur & tangitur. Ex Epicureis
Lucretius. l, v. 306.

*Tangere enim & tangi, nisi corpus, nulla potest
res.*

II. Incor-
porales
res magis
non ex-
sistere,
quam ex-
sistere pu-
tabant
Stoici.

II. Idem e stoia philosophi res incorpo-
rales magis illis, quae non sunt, quam, quae
sunt, accensendas esse arbitrabantur, Cicero
Topic. V. Definitionum duo sunt genera prima. Unum
earum rerum, quae sunt, alterum earum rerum, quae
intelliguntur. Esse ea dico, quae cerni tangiue possunt,
ut fundum, aedes, parietem, stillicidium, mancipium, po-
cadem, supellectilem, penus & cetera. Non esse rur-
sus ea dico, quae tangi demonstratiue non possunt, ut si
usucapionem, si tutelam, si gentem, si agnationem de-
finias, quarum rerum nullum subest quasi corpus, est ta-
men quaedam conformatio insignita & impressa intelli-
gentiae, quam notionem voco. Tertullian. de Carne
Christi plane εἶδος: Omne quod est, corpus est sui
generis: nihil est incorporale, nisi quod non est. Ex
quo sane loco patet, veteres res solas corporeas
existere, incorporeas tantum intelligi existi-
masse.

III. Iure-
consulti
definitio-
nes stoi-
cas ado-
ptabant.

III. In his omnibus ergo philosophos seque-
bantur iureconsulti, qui & ipsi res incorpo-
rales & corporales diuidebant, iisdem adopta-
tis definitionibus, corporales tangi posse, in-
corporales non posse, dicebant. Cai. *Inst. l. 1, 1. 2.*
quamuis qui elegantius loquuntur, auctores il-
las RES, has IVRA adpellare malint Quindil.
Inst. Orat. V, 10. Et sane sic res multo est diluci-
dior, faciliusque intelligitur, cur pecunia, quae
manibus tangi potest, pro diuersa οὐκ ἔστιν modo
corporalibus rebus accenseatur §. vn. *Inst. h. t.*
modo

modo opponatur corporibus *L. 46. D. de condi& indeb. L. 5. princ. D. de impens. in res dot. L. ult. D. de adim. legat.* Prout scilicet vel res ipsa vel ius seu valor consideratur, ita vel corporalibus vel incorporalibus rebus adnumeratur pecunia.

IV. Eodem ex fonte, id est, ex philosophia stoica, manavit, quod res incorporales a iureconsultis magis iis, quae non sunt, quam quae sunt, adnumerantur. Paullus sane *L. 1. D. de usufr. leg. servitutes neque ex bonis, neque extra bona esse* contendit, quod ex principis illis stoicorum, quae paullo ante declarauimus, explicandum esse, erudite docet. Ger. Nood. *Probabil. II, 3. p. 48. sequ.*

IV. Res incorporeales & ipsi existere quodammodo negabant.

TIT. III.

DE

SERVITVTIBVS RVSTICORVM
ATQVE VRBANORVM PRAE-
DIORVM.

Incorporalia sunt omnia iura, atque adeo etiam SERVITVTES. Hae vel PERSONALES sunt vel REALES seu PRAEDIALES. Seruiunt enim non modo praedia rusticis atque urbanis praediis, verum etiam praedia & res personis, constituto in illis usufructu, usu vel habitatione vel in seruo operis. De illis titulo III. De his tit. IV. & V. agitur.

I. SER-

I. Quae-
nam prae-
dia rusti-
ca & vr-
bana?

I. SERVITVS REALIS inhaeret praediis, iisdemque praestatur. A praedio dominante illae servitutes a iureconsultis in VRBANO-RVM ac RVSTICORVM PRAEDIORVM diuiduntur. Sed caue hic respicias ad locum. Praedia enim non a loco, sed ab usu cognominabantur. Nam eodem modo & urbana mancipia rusticis non loco sed opere seiungebantur. *L. 99. D. de legat. 3. L. 166. pr. D. de V. S.* Et Labeo suppellectilem & penum rusticam non loco sed genere usus distinguendam putat. *L. 4. §. 5. D. de penu leg. L. 12. D. de supell. legat.* Immo & vestes, quibus ruri utebantur rusticas, quibus in vrbe urbanas vocatas ex loco elegante Titinnii demonstrat Merill. *Obs. III. 5.* Non ergo recte discrimen servitutum rusticorum urbanorumque praediorum desumitur ex *L. 3. D. de servit.* vbi Paullus *servitutes praediorum alias in solo, alias in superficie consistere*, ait. Praeterquam enim quod illud discrimen non ad praedia dominantia pertinet, a quibus alioquin servitutes diuersam denominationem sortiuntur: ne probari quidem potest, servitutes urbanorum praediorum tantum in superficie; rusticorum tantum in solo consistere, Sane Ulpianus *L. 11. §. 1. D. de Publ. in rem actio- ne* servitutem urbani praedii esse dicit, si per domum quis suam passus sit aquaeductum transduci: & ea tamen servitus in solo consistit. Contra si quis horto olitorio alterius deberet servitutem altius non tollendi, ea procul dubio foret servitus praedii rustici, quum tamen consistat in superficie, ceu recte animad-
uer-

uertit Merill. *Obf.* I, 32. Nec magis rem videntur acu tetigisse, qui praedia rustica omnes fundos & areas; urbana omnia aedificia existimant. VRBANA enim erant & fundi voluptatis causa culti, veluti horti, modo eorum plurima pars non esset in reditu, quales sunt horti vinearii & olitorii: *L. 198. D. de V. S. & omnia aedificia habitationi destinata, etiamsi in villis exstructa. §. 2. Inst. de seruit. L. 1. D. commun. praed. L. 198. D. de verbor. signif.* Veteres enim villam plerumque in tres diuidebant partes, quarum vnam *urbanam*, alteram *rusticam*, tertiam *fructuariam* adpellabant. *Urbanae* dicebantur aedes vel habitationis vel voluptatis causa conditae vbi-cumque sitae; *rusticae* complectebantur tecta, villico & reliquae familiae, ut & armentis & equis destinata: *fructuariae* denique constabant horreis & cellis, quibus omnium generum fructus recondebantur. Varro *de Re rust. Lib. I. Cap. XIII.* Columella *de Re rust. I. 6.* Urbanum in villis aedificium etiam praetorium dicitur apud Pallad. I. 8. Sueton. *Calig. Cap. XXXVII. L. 198. D. de verbor. signif.* Et ex eo iam satis manifestum est, aedificia etiam ab usu in praedia *rustica* ac *urbana* diuidi solere.

II. Praediis his urbanis variae praestabantur seruitutes, quales erant *oneris ferendi, tigni immittendi, stillicidii, fluminis, cloacae, altius tollendi vel non tollendi, luminum, & aliae. §. 1. Inst. h. t. Cai. Inst. II. 1. 3.*

II. Seruitutes praediorum urbanorum.

III. Sic vicinae aedes tenebantur nonnquam vicinarum onus ferre, vel alienum aedificium columna vel pariete suo sustinere, *columnam.*

III. Seruitus oneris ferendi.

lumnamque & parietem praeterea reficere. Haec erat SERVITVS ONERIS. Non vero ideo a domino praedii feruientis reficienda erat columna feruiens, quod hoc naturae huius feruitutis inesset: PARIES ONERI FERVNDU VTI NVNC EST, ITA SIT. L. 33. D. de Seru. urb. sed quod ea esset lex, id est, stipulatio in constituenda servitute interposita. Nam id sibi diferte a vicino solebant stipulari, VT REFICERET LAPIDE QUADRATO vel LAPIDE STRVCTILI vel quouis alio opere. L. 6. §. 5. D. si seru. vind. Quamuis vero hanc pactionem contra naturam servitutum esse iudicet Gallus Aquilius ob rationem L. 15. §. 1. D. de servitutibus, evaluit tamen Seruii sententia qui hanc conditionem in hac servitute admisit, quia feruientis praedii dominus facere nihil cogatur, sed parietem vel columnam derelinquere possit, ceu patet ex L. 6. §. 2. D. si seruit. vindic.

IV. Seruitus tigni immittendi.

IV. Si cuius paries non tam onus vicini ferre teneretur, quam pati dominus, vt tignum immitteretur suo parieti, erat haec SERVITVS TIGNI IMMITTENDI. Erat vero tignum omnis materies aedificii, quae alterius parieti immitti poterat, veluti trabs, lapis, ferum. Quamuis enim Architecti strictiore vfi vocabuli significatione tignum pro trabibus in contignatione accipiant: Vitruu. IV, 4. aliter tamen loquebantur Icti ob exemplum in Lege XII. tabularum existans, vbi tigni adpellatione omne genus materiae, ex qua aedificia constant, significatur L. 62. D. de V. S. Quod vt intelligatur rectius,

rectius, obseruandum videtur, veteres Romanos incendiis metu aedes aedibus ita vicinas esse iussisse, ut spatium quoddam vel interstitium relinqueretur, quod *ambitus* dicitur in legibus XII Tabularum. Varro *de Lingu. Lat.* IV, 4. p. 6. **AMBITVS**, iter, quod circummeundo teritur. Nam *ambitus circuitus*; ab eoque XII. tabularum interpretes *ambitum* parietis circumnitum esse describunt. Festus voce *ambitus* p. 250. **AMBITVS** proprie dicitur inter vicinorum aedificia locus duorum pedum & semipedis, ad circummeundi facultatem relictus: Et paucis interiectis: *Ambitus proprio dicitur circumitus aedificiorum, patens in latitudinem pedes duos & semissem, in longitudinem idem, quod aedificium.* Add. Cuiac. *Obs.* XIX, 21. Et huc pertinet Inscriptio vetus Romana in Sadoleti hortis effosa:

INTER DVOS.

PARIETES,

AMBITVS PRIVAT.

FLAVI. SABINI.

Brissou. *Antiqu. Select.* I, 2. Non ergo licebat antiquis aedes iungere sine interstitio; neque adeo tunc facile locum inueniebat seruitus tigni immittendi. Postea vero aucto ciuium numero, quum pomoria antiqua tantam aedium copiam vix caperent: non solum ipsa pomoria subinde prolata, verum etiam omnes arcae aedibus occupatae sunt, adeo ut non nisi inter quasdam interstitium relinqueretur. Quaecunque vero aedificia communi pariete concluderentur, circuituque publico aut privato cingebantur, ea dicebantur **INSVLAE**. Fest. voce

voce *Insulae* L. 2. §. 14. *D. ne quid in loco publ.* (cui non obitare L. 13. *pr. D. de seru.* ostendit Cuiac. *Obs. I, 4.*) Iis insulis vel potius inquilinis aedium vna insula comprehensarum, non modo singulares erant GENII Reines. *Class. I, 138.* sed & custodiendis iisdem praepositi erant serui, quos INSVLARIOS dici animaduertimus in L. 166. §. 1. *D. de V. S. & L. 16. §. 1. D. de usu & habitat.* Grut. p. DCXXIV, 4. Porro ambitus isti insularum dicebantur *angiportus*. Et quia per illos compendii caussa iri solebat, hinc Festo *angiportus* est *iter compendiarium in oppido*. Nihil tamen in illis agi poterat. Varro de *Lingua Lat.* V, §. p. 37. immo ne peruii quidem semper erant, vt ex Terent. *Adelph. IV, 2.* patet. Sed haec *angiporta* vt dixi rariora erant, postquam aucta vrbe omnes areae aedificiis occupabantur. Hinc est, quod Seneca *controu. II. 9.* conqueritur *tantas suo tempore fuisse viarum angustias, vt neque aduersus ignem praesidium, neque ex ruinis ullam in partem effugium fuerit.* Ex quo ergo propius sibi inuicem iungi coeperant aedes: seruitutes illae tum oneris ferendi tum immit-tendi tigna in usu esse coeperunt, ad id quippe comparatae, vt arearum spacium lucrifacerent, quod nouis muris, columnis ac parietibus ex-struendis occupandum fuisset. Primus Nero veterem aedificandi morem restituit, constituitque, vt ne communione parietum, sed propriis quaeque domus muris ambirentur. Tacit. *Annal. XV, 42.* Postea Antoninus, & Verus Augusti rescripserunt, *in area, quae nulli seruitutem debet, posse dominum vel alium eius voluntate aedificare,*

aedificare, intermisso legitimo spatio a vicina insula. L. 14. D. de seruit. urb. praed. adeoque ex eo tempore denuo aedes sibi propius iungi coeperunt, communique pariete concludi, ita tamen ut insularum maneret circuitus. Denique & Constantinus M. & sequentes Imperatores constitutionibus quibusdam definire coeperunt, quantum aedes priuatae ab horreo, quantum a loco publico abesse deberent. *L. 4. & L. 46. Cod. Theod. de oper. publ. L. 9. & L. 11. C. de aedificiis priuat.* Addantur Barn. Briffon. *Antiqu. Rom. Select. 1, 2. p. 4. Cuiac. Obseru. 1, 4. p. 3.*

V. Seruitutes STILLICIDII & FLVMINIS aquae pluviae causa erant constitutae. Te-
nebatur enim vicinus aquam istam vel in vicini hortum arcamue immittere, vel ex alieno tecto in suam aream recipere, si ab eo stipulatus erat vicinus: FLVMINA STILLICIDIA, VTI NVNC SVNT ITA SINT. Briffon. *Antiqu. Rom. Select. 1, 19. p. 22.* Stillicidium vero & flumen quomodo differant, docet Varro *de Lingu. Lat. IV, 5. p. 8.* *Fluvius, quod fluit, item flumen: a quo lege praediorum urbanorum scribitur: Stillicidia fluminaque ut ita fluant, cadantque. Inter haec hoc interest, quod stillicidium; eo quod stillatim cadat: flumen, quod fluat continue.* Sane quum aedes Romanorum pleraeque tecto declivi carerent non poterant non canales vel alvei plures in suprema superficie esse, per quos aqua pluvia deflueret: aut certe tegulas oportebat tecto imponi, quae imbres exceptas in terram demitterent. Vid. Guil. Philandr. ad Vitruv. *Archit. VII, 11.* Illud ergo flumen; hoc dictum est stillicidium.

V. Seruitutes stillicidii & fluminis.

VI. Serui-
tus cloa-
cae.

VI. CLOACAE Romae dicebantur con-
camerationes subterraneae, stupendi operis, per
quas sordes & collecta colluuijs vrbeeducta in
Tiberim exonerabatur (a) eaeque vel *publicae*
erant, vel *privatae* L. 1. §. 9. D. de cloac. PVBLI-
CAS duxit Tarquinius Priscus, testibus Livio
Hist. 1, 32. & Dionys. Halic. Ant. Rom. III. p. 200.
easque tam splendoris fuisse, ait Cassiodor. Var.
III, 30. *tantumque visentibus contulisse stuporem, ut*
aliarum quoque ciuitatum potuerint miracula supera-
re. Meretur illa tota Cassiodori descriptio le-
gi, eique addi idem Cass. Var. VIII, 29. 30. &
Plin. Hist. Nat. XXXVI, 15. Purgandarum ea-
rum causa non solum tributum inferebatur,
quod *cloacarium* dicitur L. 27. §. 3. D. de usufruct.
L. 39. §. 5. D. de legat. 1. verum etiam ii, qui ad
poenam fuerant damnati, eidem operi adhibe-
bantur. Traian. Imp. ad Plin. Epist. X, 41. Sed &
interdictum proditum erat: QVOD IN
CLOACA PVBLICA FACTVM, SIVE IM-
MISSVM HABES, QVO VSVS EIVS DE-
TERIOR SIT, FIAT, RESTITVAS. ITEM
NE QVID FIAT IMMITTATVRVE IN-
TERDICAM. L. 1. §. 15. sequ. D. de cloac. Quin
vt illae cauernae eo rectius conseruarentur: sin-
gulares iis praefecti erant magistratus, qui CV-
RATORES CLOACARVM VRBIS vocan-
tur apud Grut. Inscr. p. CXCVII, 5. p. CXCVIII,
2. 3. 4. 5. p. CCLII, 1. Ast quum publicae istae
cloa-

(a) Hinc Festus voce *cloacae* p. 268. dictas illas existi-
mat a *conluendo* & *cloacale flumen* Cato dixit, pro
cloacarum omnium conluuie.

cloacae initio per publicum essent ductae : post incendium Gallicum, mutato vicorum aediumque situ, illae passim subierunt tecta. Qua de re Liuius *Hist. V. fin. Festinatio curam exemit vicos dirigendi, dum omisso sui alienique discrimine in vacuo aedificant. Et est causa, ut veteres cloacae, primum per publicum ductae, nunc priuata passim subeant tecta formaque urbis sit occupatae magis, quam diuisae, similis.* Hae publicae cloacae. PRIVATAE erant, quae ex priuatis quibusque aedibus in publicas illas immittebantur. Quandoquidem ergo publicae illae, ut iam ex Liuiio demonstrauius, passim subierunt tecta priuata : opus nonnunquam erat seruitute CLOACAE, & vicinus a vicino stipulabatur, ut liceret sibi priuatam cloacam per eius fundum deductam in cloacas immittere. *L. 7. D. de seruit. L. 1. §. 4. D. de cloac.*

VII. Antiquissimis porro temporibus suas quisque aedes in infinitum tollere poterat, idque etiam est libertatis naturalis, *L. 9. & L. 24. D. de seru. urb. praed. L. 27. D. de damn. infect.* dummodo nihil in alienum immittatur. *L. 8. §. 5. D. si seru. vindic.* Enimuero quum id prospectui luminibusque officeret, aerque liberior hoc ipso vicinis interciperetur : saepe alter ab altero stipulabatur, ne altius tolleretur. Atque inde nascebatur seruitus ALTIVS NON TOLLENDI. At postea certus quidam aedium altitudini modus lege statutus est. Sane iam libera & florente republica ea de re fuisse cogitatum, docet Rutilii nescio cuius oratio de modo aedificiorum, quam ab Augusto recitatam esse in senatu, ut eam rem non a se primo animad-

VII. Seruitus non altius tollendi.

uerfam, sed antiquis iam curae fuisse, ostenderet, discimus ex Sueton. *Aug. LXXXIX.* Sed & ipse Augustus, vt crebris ruinis subueniret, lege lata statuit, vt ne quis septuaginta pedibus tolleretur altius Strabo *Geogr. V. p. 162.* πρὸς δὲ τὰς συνπιώσεις τὰ ὑψηλὰ τῶν καινῶν οἰκοδομημάτων καθλῶν, ἢ κωλύτας ἐξάγειν ποδῶν ὅ τὸ πρὸς ταῖς ὁδοῖς ταῖς δημόσιαις. *Ruinis quoque subuenturus, nimiam aedificiorum altitudinem sustulit, vetuitque ad vicos publicos altius septuaginta pedibus tollere.* Incensa deinde vrbe, etiam Nero aedificiorum altitudinem cohibuit, teste Tacito *Ann. XV, 43.* quamuis quem ea in re modum seruarit, non sit memoriae proditum. Denique & Traianus aedium altitudinem sexaginta pedes superare vetuit, ob ruinas faciles, & sumtus, si quid tale contingeret, exitiosos. Aurel. Victor. *Epit. vit. Traian. XIII.* Et sane haec quoque altitudo est maxima, vnde non mirum, de ea conqueri Senecam *Controu. II, 9.* quamuis eam ipsa necessitate ciuiumque frequentia excusari existimet Vitruu. *Architect. II, 9.* Vt vt sit, sane & posteris placuit is aedificiorum modus, vnde ad illum respiciunt Imperatores Seuerus & Antoninus *L. 1. C. de aedific. priu.* Quin & Constantinopoli eiusmodi legem obseruatam esse, docet Iac. Oisfel. *ad Caii Instit. II, 1. 3.* Quemadmodum ergo, quae sit non altius tollendi seruitus, ex ipso vocabulo eisque, quae dicta hactenus sunt, satis intelligitur ita eo obscurior est seruitus ei opposita **ALTIVS TOLLENDI.** Quamuis enim vulgo seruitutem altius tollendi explicent ex constitutione Zenonis *L. 12. §. 1. C. de aedific. priuat. de*

eo casu, si quis a vicino impetrauerit libertatem aedes suas altius, quam leges ferant, tollendi: tamen huius seruitutis iam ante Zenonem mentio fit a Caio *L. 2. D. de seru. urb. praed. nec* verosimile est, ante hanc constitutionem licuisse priuatis pactis restringere leges publicas. Itaque verosimilior est sententia eorum, qui hic putant de eo casu actum vbi vicinus pati teneretur vt vicinus *ὑπερώϊον* vel caenaculum imponere posset aedibus eius. A. A. Pagenstech. *Sicilim. Manip. III, p. 70.* Verum nec id dubio caret, si illud *ὑπερώϊον* vel caenaculum maneat aedificantis. Nam tunc non differet haec seruitus a seruitute oneris ferendi, vti recte vidit Sam. Stryk. *ὁ μακαρίτης. Vsf. Digest. VIII, 2. 7.* Fusius ea de re alibi erit dicendi locus.

VIII. Multum porro interesse videbatur veterum, ita clausas habere areas, vt remotis arbitris versari in iis posset familia. Vnde & Drufo promittebat architectus, ita se aedificaturum domum, vt procul ab omnium arbitrio atque adspectu in ea habitaret. Vellei. Patercul. *Hist. II, 14.* Licebat enim cuius, in pariete suo fenestras, quot vellet aperire, sed & alteri licebat fenestris vicini in aream suam apertis obstruere. Quod si itaque aliquis fenestras in alieno vel communi pariete apertas habere vellet, opus erat seruitute LVMINVM. Sin impedire vellet alter, ne vicinus fenestras in suo pariete apertas obstrueret, stipulabatur a vicino: LVMINA VTI NVNC SVNT, ITA SINT, Briffon. *Antiqu. Rom. I, 19. p. 21.* Atque inde nascebatur seruitus NE LVMINIBVS OFFI-

VIII. Seruitus luminum, & ne luminibus officiatur.

CIATVR. Nonnumquam etiam pacificebantur, ius esset vicino, se inuitis altius aedificare, atque ita officere luminibus, de qua seruitute *L. 3. D. de seru. urb. praed.* Immo vt prospicere liceret & ne prospectui officeretur, interposita stipulatione cauebant. *L. 14. & L. 15. D. eod.*

IX. Seruitutes praediorum rusticorum.

IX. Seruitutes praediorum rusticorum quatuor recenset Imperator *pr. Inst. b. t.* ITER, ACTVM, VIAM, AQVAEDVCTVM, sed §. 2. adiicit. AQVAE HASTVM, PECORIS AD AQVAM ADPVLSVM, IVS PASSENDI, CALCIS COQVENDAE, ARENAE FODIENDAE. Nos praecipua tantum consuetabimur.

X. Iter, actus, via.

X. ITER ab *eundo*; ACTVM ab *agendo*, VIAM a *vehendo* dictam esse, obseruat Varro *de Lingua Lat. IV, 4. p. 7.* Ergo ITER est ius eundi ambulandi hominis, non etiam agendi pecus aut ducendi vehiculum. *L. 1. D. de seru. rust. praed.* quamuis & equo vehi & sella gestari liceret ei, cui iter debebatur. *L. 12. D. eod.* ACTVS erat ius & eundi & agendi vel iumentum vel vehiculum, non tamen onustum *L. 1. & L. 11. D. eod.* (b) VIA denique ius & eundi & agendi & vehicula onusta per alterius fundum ducendi complectebatur. *L. 7. D. eod.* Adeoque tertia seruitus primam & secundam, secunda etiam primam in se continebat, adeo, vt diuidi non possent, & hinc si quis iter & actum acceptum

(b) Intelligendum hic esse non plaustrum, oneribus trahendis aptum, sed currum tralatilem, praeclare obseruat. Bynkersh. *Obs. IV. 7. p. 365.*

(c)

ptum tulisset, perimeretur etiam viae obligatio. *L. 13. §. 1. D. de acceptilat.* Nonnumquam tamen iter & actum simul sibi stipulabantur, ut patet ex Gruter. *Inscript. p. CCI, 3.*

PER. HANC.

VIAM. FVNDI.

C. MARCI. CL.

PHILERONIS.

ITER. ACTVS.

DEBTVR.

Cuius rei rationem elegantem reddit Cuiac. *Obs. XXII, 35.* quod viae iter & actus *propalam* inest, actui autem iter tantum tacite & per consequentiam. Vnde non mirum, saepe sibi homines actum & iter simul stipulatos. Ex eodem vero lapide etiam patet, servitutes non hominum sed praediorum esse, quod & ius nostrum inculcat. *L. 20. §. ult. D. de serv. praed. rust. L. 86. D. de verb. signif.* ubi addi meretur Ger. Nood. *Probab. I, 2. p. 4. sequ.*

XI. VIAE latitudo in porrectum octo pedum erat, in anfractum sedecim *L. 8. D. de serv. praed. rust.* Varro *de Lingu. Lat. VI, 2. p. 48.* Ex quibus discimus, hunc viae modum ex legibus XII. Tabularum esse, quibus cautum fuerat: VIA IN PORRECTO VIII. P. IN AMFRACTO XVI. P. LATA ESTO. Gothofr. *ad XII. Tab. Tab. VIII.* ACTVS latitudo quatuor pedum erat, teste eodem Varrone *de Lingu. Lat. IV, 4. p. 6.* & Festo *voce actus p. 243.* Itineris latitudo parum comperta est. Potuisse tamen pro paciscentium arbitrio vel latiore vel angustiore constitui viam vel actum, patet

XI. Viae
& actus
latitudo.

ex L. 23. pr. D. eod. adeoque idem de itinere dici posse videtur.

XII. Ser-
nitus
aquae
ductus.

XII. AQUAE DVCTVS erat ius aquam ducendi per alterius praedium, quod vel riuus per canales structiles, vel fistulis plumbeis, vel tubulis fictilibus fiebat, teste Vitruu. *Architect.* VIII, 7. quibus tamen & canales ligneos addit. Palladius IX, 11. Erant isti aquaeductus vel PVBLICI vel PRIVATI. In illis exstruendis tam splendidi tamque magnifici erant Romani, vt pauca, quae hinc inde supersunt, rudera posteris sint admirationi. Solebant enim exstruere fornices, & veluti pontes per quos aqua tanquam flumen aliquod in urbem duceretur, ceu docet aqua Traiana depicta in numo apud Vaillant. *Num. Imp.* p. 47. De eiusmodi Aquaeductibus Rutil. Numatian. *Itin.* I. v. 97.

*Quid loquar aereo pendentes fornice riuos,
Qua vix imbriferas tolleret Iris aquas?
Hos potius dicas creuisse in sidera montes,
Quale giganteum Graecia laudat opus.
Intercepta tuis conduntur flumina muris,
Consumunt totos celsa lauacra lacus.*

Tales erant Romae aqua Claudia, Curtia, Traiana aliaeque plures, quarum passim in Mar- moribus fit mentio. Et sane his aquis non solum ad necessitatem utebantur, sed & ad voluptatem & luxuriam, ad quam in primis comparata erant *Nymphaea*, quorum vestigia sunt in L. 5. L. 6. C. de aquaeduct. nec non apud Reines. *Inscr.* I, Class. I. 200. & Ioseph. de Bell. Iud. I, 16. Erant haec aedificia publica ambitiosi operis, in quibus aquae corruatae spectantium delectationi

stationi ac refrigerationi miris modis saliebant. Vid. Pancirol. *Thesaur. Var. Lect.* I, 5. Haec publicis sumtibus solebant extrui. Sed nec magis sumtibus pepercerunt privati, qui saepe aquam per omnia cubicula & triclinia ducebant, immo & euripos in his effodiebant, in quibus pisces inter coenandum caperent. Insignia huius luxuriae exempla exstant apud Senecam *Nat. Quaest.* III, 17. & *praefat. lib. I.* Item *de Tranquill. animi* I. Plin. *Epist.* V, 6. (b) Quum ergo aquam saepe procul & per alienos fundos duci oporteret: occasionem id dedit servituti aquaeductus, de qua plura dabunt iure-consulti.

XIII. Reliquae servitutes facile vel ex ipsis XIII. De
nominibus intelliguntur, & passim de iis copio-
se agunt Interpretes, quibus addendi lac. Cu-
iac. *Observ.* XXII, 35. Aeg. Menag. *Amoenit. iur.*
civil. XXXVI. Vlr. Hub. *Digress.* II, 12. *sequ.*
Corn. van Bynkershoek. *Observ.* IV, 7. *reliquis
servituti-
bus remis-
sive.*

TIT. IV & V.

DE

VSVFRVCTV, VSV ET
HABITATIONE.

HAe servitutes, de quibus adhuc actum, rea-
les sunt: personales vero VSVFRV-
CTVS,

(e) Huc pertinent etiam, rui aquae fluentis, parietibus inducti, de quibus Edmund. Merill. *Variant.* III. 1. & Ger. Nood. *de usufr.* I. 12. p. 565.

Ff 5

(d)

CTVS, VSVS, HABITATIO, OPERAE SERVORVM, de quibus his titulis agit Imperator. Nos post eruditissimas M. Aurelii Galuani & Ger. Noodtii commentationes pauca tantum monebimus.

I. Quid
veteribus
fuerit vti?

I. Ad vocabulum quod attinet: ab *utendo* & *fruendo* dictus est VSVSERVCTVS. *Vti* re, vt erudite ostendit Ger. Nood. *de vsufr.* l. 1. p. 526. est, eandem adhibere ad vitae necessitatem, sed quatenus sufficit, & vt salua maneat eius substantia. Vnde propria vsus tria sunt, primum, vt vtentis necessitate finiatur; alterum, ne rei conditio mutetur: postremum, vt ne res utendo consumatur, aut pereat. Primum Horatius significat, *Epist.* 11, 2. v. 190.

*Vtar & ex modico, quantum res poscit, acerno
Tollam.*

Secundum patet ex *L. 15. §. 1. & 5. D. de vsufr.* Tertium notat Donatus in *Terent. prolog. Andr.* VTIMVR fructibus rei, quae ab amantibus saluo vsu nobis subministrantur; ABVTIMVR, quando deperdimus rem & fructum, vsui est ager, domus: abusui vinum, oleum, & cetera huiusmodi.

II. Quid
frui?

II. FRVI latius patet ac vti: quemadmodum vel ex Seneca patet *de vita beata cap. X.* vbi philosophus: Tu, inquit, voluptatem complecteris: ego compesco, tu voluptate FRVERIS: ego VTOR. Fructus ergo non vtentis necessitate neque rei conditione circumscribitur: sed qualemcumque praesentem utilitatem, commoditatem, oblectationemue, quae ex rei eiusue occasione percipi potest, complectitur, prorsusque adeo neque finem habet neque modum, ceu egregie
osten-

ostendit Augustinus *de Doctrina Christ. cap. III.*
Ger. Nood. I, 1. p. 526. *sequ.*

III. Vfusfructus ergo neque merum fructum neque merum vsum continet, sed ex utroque colligitur. Ex *usu* enim id habet, quod saluam relinquit substantiam : ex *fructu* vero, quod non sola necessitate finitur. Adeoque est *ius utendi fruendi rebus alienis, salva earum substantia.* L. 1. D. de usufr.

IV. Poterat ergo usus quidem legari sine fructu : sed non fructus sine usu. Non enim debet, cui plus licet, quod minus est, non licere. L. 21. D. de R. I. Et praeterea *frui* dicimur etiam, quum rem plane absumimus, neque saluam relinquimus substantiam. Quum ergo hoc casu nihil reliquum mansurum esset : facile patet, inutilem esse proprietatem, si fructus, deducto usu, legetur. L. 14. §. 1. D. de usu & habit. At usus, sine fructu legatus, sola utentis necessitate finitur, saluamque esse oportet non solum rei substantiam, sed & conditionem, L. 12. §. 1. D. de usu & habit. Minus ergo continet usus, quam ususfructus, & hinc ille nec pro parte legari potest, quod potest ususfructus. L. 19. D. eod. nec etiam res vsui concessa vel donatione vel locatione, vel vlllo alio titulo, in alterum transferri, quod itidem poterat ususfructus §. 1. Inst. eod. L. 12. §. 2. L. 38. seq. L. 67. D. de usufruct.

V. Parum ab usu differt HABITATIO, sed differt tamen. Nam I. aliquid amplius habitationi inest quam vsui : liquidem is, cui debetur habitatio, totam domum non solum inhabitare, sed & locare vel gratis concedere potest. L. 13.

III. Quid
Vfusfru-
ctus?

IV. Quid
usus?

V. Quid
habitatio?

L. 13. C. de usufr. quae fecus se habent, si solus usus aedium legatus sit. II. Habitatio non amittitur, non utendo, neque III. capitis diminutione, perinde ut usus, perimitur, ut ex *L. 10. D. de usu & habit.* a se ingeniose emendata ostendit Ger. Nood. *Probab.* III, 7. p. 79.

VI. Origo
horum
iurium.

VI. Ceterum haec omnia originem debere videntur ultimis voluntatibus. Quum enim morientes alicui bene cuperent, neque tamen eius heredibus consultum vellent: excogitarunt ius illud utendi fruendi, a dominio & proprietate seiunctum, ut moriente legatario, rei legatae ususfructus cum proprietate consolidaretur. Postea etiam aliis modis, veluti stipulatione, quam tamen sequebatur traditio, nec non iudiciis diuisoriis, immo etiam lege, constituebatur ususfructus, ut accurate docet Ger. Nood. *de Usufr.* II, 1. *sequ.* p. 601. *sequ.*

VII. Usus-
fructus
quantita-
tum &
iurium
SC. intro-
ductus.

VII. Et initio quidem ususfructus in solis constituebatur corporibus postea SC. prodiit, quod etiam in quantitativis, & iuribus quasi ususfructum constituere permittebat, dummodo caveret fructuarius, se finito usufructu tantundem restitutum. Qua de re Vlpianus *Fragm. XXIV, 26. & 27.* *Ususfructus iure civili legari potest earum rerum quarum salua substantia utendi fruendi potest esse facultas, & tam singularum rerum, quam plurium, id est, partis. Senatusconsultum est: ut etiam, si earum rerum, quae in abusu continentur, ut puta vini, olei, tritici ususfructus legatus sit, legatario res tradantur, cautionibus interpositis, de restituendis eis, quum ususfructus ad legatarium pertinere desierit: Eiusdem SC. mentio fit L. 1. D. de*

de usufr. ear. rerum. L. 24. de usufr. leg. L. ult. usufr. quemadm. cauent. L. 69. ad L. Falcid. L. 1. C. de usufr. Quando factum sit id SC. non liquet. Sane non illud adscendit ad tempora Ciceronis, cuius tempore, ceu ex *Topic. cap. III.* patet, corporum tantum, non item quantitatium & iurium erat usufructus. Quum vero illud iam interpretati sint Massurius Sabinus, Nerua & Cassius & Proculus, ceu colligi potest ex *L. 5. §. 1. & L. 3. D. de usufr. ear. rer.* quos omnes sub Tiberio floruisse constat: hoc quoque, vel certe Augusto imperante, SC. factum esse oportet. Vid. Marc. Aurel. Galuan. *de usufruct. cap. III.* Ger. Nood. *de usufr. II, 20. p. 589.* Schulting. *Iurisp. vet. Anteiustin. p. 658.*

VIII. Ceterum ita constitutus usufructus, finiebatur vel tempore, ad quod fuerat constitutus, vel morte fructuarii, vel capitis deminutione, vel non utendo per constitutum tempus, vel facta in iure cessione, vel consolidatione, vel mutatione denique aut interitu rei fructuariae, de quibus omnibus plenius iureconsulti, inprimis Ger. Nood. *de Usufr. II. 5. sequ.* Eadem omnia locum quoque habebant in usufructu ciuitati legato. Mori enim & ciuitas videbatur, simulac interiisset, veluti absorpta terrae motu, vel inundatione. Capite minui, si in eam induceretur aratrum. *L. 21. D. quib. modis usufructus vel usus am.* Quemadmodum enim aratrum adhibebatur in condendis vrbibus, eo fine, ut vbi sulcum duxissent Triumviri coloniae deducendae, muri exstruerentur, & eos quodammodo religio occuparet: Vid. *Lib. II.*

VIII. Quibus modis finitus usufructus?

Tit.

Tit l. §. 6. ita aratrum toti areae vrbis inductum, eam reddebat sacram, vt habitari a nullo mortali-um posset. Hinc. Zonar. *Tomo 11. Annal.* refert, Carthaginis aream Senatum Romanum sacrasse, & decreuisse, ἱεράτον, τὸ ἐπ' αὐτὴν κατοικῆσαι τινα. *Execrabile fore, ibi quemquam habitare.* Plura de eo ritu habent P. Faber *Semestr. l. 8.* Iac. Ræuard. *Coniectan. 11, 7.* Quod si neutrum horum contingeret, vsusfructus saeculo circumactō finiebatur. *L. 56. de vsufr. L. 8. de vsufr. leg. P. Fab. Semestr. l. c.* Ger. Nood, *de vsufr. 11, 6. p. 614.*

TIT. VI.

DE

VSUCAPIONIBVS ET LONGI
TEMPORIS PRAESCRIP-
TIONIBVS.

MODIS acquirendi rerum dominium, iure ciuili inuentis, accensenda etiam est VSUCAPIO, de qua singulari hoc titulo agit Imperator. Nos rem ex antiquitate explicabimus.

I. Vsuca-
pio e iure
Attico est. I. Vsuca-
pionem, quae & *usus auctoritas* dicta veteribus, ex iure Attico ad Romanos fluxisse, admodum fit verosimile. Plato certe, qui in plerisque talibus ius Atticum sequi solet, vsucapionem quoque admittit in sua republica, Vid. Plat. *de Leg. XII. p. 691.* Sed non nisi mobilium, quibus si quis aperte intra urbem per annum; ruri per quinquennium vsus sit, vsucapionem completam esse iusserat. Porro si

si ruri occulte res haberetur, usque ad decennium vindicari eam posse volebat, sin extra territorium, aduersus possessorem aeternam auctoritatem fore denunciabat. Et ad leges Atticas procul dubio respicit Isocrates, quando sub persona Archedami ait: ἀλλὰ μὲν ὕδ' ἐκείνο ὑμᾶς λήλθω, ὅτι τὰς κτήσεις, καὶ τὰς ἰδίας καὶ κοινὰς, πν ἐπιγίνῃσι πολλὸς χρόνος, κυρίας καὶ πατρῶας πάντες νομίζουσιν. Sed nec illud quos praeterit, possessiones siue priuatas, siue publicas praescriptione longi temporis & confirmari, & patrimonii loco habendas, persuasum esse hominibus.

II. Romam eam inuexerunt leges decennuiales, in quibus ita cautum legimus: VSVS AVCTORITAS FVNDI BIENNII, CETE. RARVM RERVM ANNVVS VSVS ESTO. Gothofr. ad Leg. XII. Tab. Tab. VI. Res ergo immobiles Romae biennio, mobiles anno vsucapiebantur. Quum vero eo tempore, quo XII. Tabulae condebantur, intra Italiam confisteret Romana potentia: factum est, vt vsucapio non nisi in fundis Italicis vel Italici iuris, adeoque in immobilibus rebus tantum Mancipi haberet locum. Fundorum vero prouincialium proprietatem nunquam adquirebat priuatus, sed populus, (a) adeoque in iis non pro-

II. Lex
XII. Tab.
de vsuca-
pionis
tempore.

(a) Quamuis enim praedia eiusmodi sub conditione annuae praestationis vel prouincialibus, vel ipsis ciuibus concederentur; supremum tamen & directum dominium erat penes populum. Hinc vocabantur praedia stipendiaria & tributaria. Theophil. in §. 40. Inst. de rer. diuis. Vid. Bynkersh. de rebus manc. & nec Mancipi LX. p. 130. sequ.

(b)

procedebat *usucapio*. Qua de re eleganter Theophilus in §. 40. *Infl. de rer. diuis.* αἱ τὰ σιτηνδιάρια καὶ τριχιδάρια ἔχοντες πάλα κατὰ συγ-
χώρησιν δῆμου ἢ βασιλείας, ὡς ἦσαν δεσπόται. Ἡ γὰρ
δεσποτεία αὐτῶν ἢ παρὰ τῷ δήμῳ, ἢ παρὰ τῷ βασιλεῖ,
ἀλλ' εἶχον τὴν ἐπ' αὐτοῖς χεῖρην, καὶ ἐπικρασίαν, καὶ
πληρυσάτην κατοχὴν, ὥστε δύνανται καὶ ἐφ' ἑτέρων μετα-
φίρειν, καὶ κληρονόμοις παρατίμπειν. Τῶν γὰρ Ἰταλι-
κῶν ἀγρῶν ἤτοι οἰκίων οἱ δεσπόται τὴν δεσποτείαν ἔχον.
*Qui olim ex concessione populi vel Principis stipendiaria
vel tributaria praedia habebant, domini non erant:
nam dominium illorum erat aut apud populum aut
apud principem, sed usum & fructum eorum habebant,
& plenissimam possessionem, ita ut & transferre possent
in alios, & ad heredes transmittere. Italicorum au-
tem fundorum domuumque domini dominium habe-
bant. Itaque non magis usucapione adquire
poterat praedii prouincialis dominium quam
rei comodatæ aut praedii fructuarii. Ian. Vinc.
Grauin. de Leg. XII. Tabul. p. 317. Res mobiles
omnes usucapi poterant, mancipi aequè ac nec
mancipi: atque ita intelligenda illa Vlpiani
Fragm. XIX, 8. Usucapione dominia adipiscimur tam
mancipi rerum, quam nec mancipi. Cuiac. Paratit.
ad tit. C. de usucap. transf.*

nl. Vt &
de usucapione pe-
regrinis
deneganda.

III. Iisdem legibus decemuiralibus dene-
gatum fuerat peregrinis ius *usucapiendi*, eam-
que in rem ita cautum: **ADVERSVS HO-
STEM AETERNA AVCTORITAS ESTO.**
Cicero *de Offic.* I, 12. Hostis tum erat peregri-
nus, ceu post Ciceronem etiam Caius docet L.
234. pr. D. de verbor. signifi. Et hoc sensu Ennius
de Scipione Africano.

His

Hic est ille situs, cui nemo civis neque hostis

Quinit pro factis reddere operae pretium.

Quum ergo vsucapio esset modus acquirendi iuris civilis: non magis communis ea cum ciuibus erat peregrinis, quam mancipatio aut in iure cessio. Videtur tamen postea hoc ius communicatum esse cum Latinis Iunianis, iisque peregrinis, quibus commercium datum erat. Nam hos etiam mancipationis ius habuisse, patet ex Vlpiani *Fragm. XIX, 4.* Post constitutionem Antonini Caracallae, ciuitatemque cum omnibus ingenuis communicatam non superfuit Latinitatis illius vsus, superfuit tamen peregrinitas, vnde & postea tempora cum multis peregrinis & barbaris ius nexus, hereditatum, vsucapionis communicari consuevit. Ezech. Spanh. *Orb. Rom. Exerc. II, 13. sequent.*

IV. Quod vero Lex XII. Tabularum rerum furtiuarum vsucapionem inhibuit, id de ipso tantum fure videtur intellectum, vsque ad legem ATINIAM, qua primum cautum, *ut quod subreptum esset, eius rei aeterna esset auctoritas, nisi si in eius, cui subreptum esset, potestatem reuertisset.* Ita. Gell. *Noct. Att. XVII, 7.* Paullus. *L. 4. §. 6. D. de usurp. & vsucap.* Iulianus *L. 33. pr. D. eod.* Incerta est legis aetas, nisi quod ante Scaeuolam, Brutum, & Manilium vt & P. Nigidium latam fuisse ex Gellio constat. Praeterea iam Cicero *Verrin. III.* eius meminit. Vnde non admodum a veritate abludere videtur coniectura Steph. Vin. Pighii, *Annal. T. II. p. 255.* legem hanc A. V. C. IOLVI. Caio Cornelio Ce-

IV. Lex
Atinia de
vsucapio-
ne rerum
furtiuarum.

G g

thego

thego & Q. Minutio Rufo coss. a C. Atinio La-
beone Tribuno plebis latam, existimantis. Ex-
stat Andr. Puluaei *liber singularis ad legem Atini-*
am, seu de rei furtinae prohibita alienatione qui editus
Venetiis, MDLXXXV. postea in *Oceano Iuris*
vel *tractatu tractatum Tom. XVII. Vol. XXIV.*
p. 216. locum obtinuit.

V. Leges
Iulia &
Plautia de
vsucapio-
ne rerum
vi posses-
sorum.

V. Sequuntur sunt leges IULIA & PLAV-
TIA (b) de vsucapionibus, aut potius de vi pu-
blica & priuata, quibus ad res vi possessas pro-
latum est, quod de furtiuis statuerat lex Atinia.
Cautum enim his legibus fuerat, vt res vi posses-
sae vsucapi haut possent, longo quantumuis
tempore, nisi reditu ad verum dominum viti-
um exuissent. L. 33. §. 2. D. de *vsurp. & vsucap.*
Legis PLAVTIAE vel PLOTIAE iam memi-
nerunt Coelius ad Ciceronem *Epist. ad Fam.*
VIII, 8. & ipse Cicero *ad Att. Epist. IV, 16. pro*
Caecin. cap. XXVI. pro Milon. XIII. nec non Sal-
lust. *de Bello Catilin. cap. XXXI.* eaque lata est
A. V. C. IOCLXIV. Cn. Pompeio Strabone &
L. Porcio Catone Coss. a M. Plautio Tribuno
plebis, vt luculenter ostendit Steph. Vin. Pigh.
Ann. T. III. p. 228. Iulia vero, vt recte obser-
uat Hotomanus *de legib. p. 77.* non alia est ac il-
la, quam de vi publica & priuata tulit Augustus.

Et

(b) Iura nostra de his legibus tamquam de vna lo-
quuntur. Legem *Plautiam & Iuliam* commemo-
rant Iulianus d. L. 13. §. 2. D. de *vsurp. & vsuc.* &
Tribonianus §. 2. *Inst. b. t.* Sed diuerfas fuisse le-
ges *Iuliam & Plautiam* vel *Plotiam*, hancque illa
multo esse antiquiorem certissimum est, ac paullo
post demonstrabitur.

(c)

Et quia in illam procul dubio & Plautia migravit, inualuit, ut iuncto nomine diceretur Iulia & Plotia quemadmodum *Iuliae & Papiae* vocabulum duas diuersas leges coniungit.

VI. His attextenda lex SCRIBONIA quae & ipsa ad vfucapionem pertinuit. Eam aliqui Coelio Curioni, Tribuno plebis: alii, & in his Galuan. *de usufr. cap. XII.* L. Scribonio Liboni, qui anno Iocccxxi. cum M. Antonio consulatum gessit; alii denique, & maxime Raeuardus *ad Leg. Scribon. l. p. 794.* huius nepoti L. Scribonio Liboni tribuunt, quem Tiberii temporibus cum Sisenna Tauro consulem fuisse, ex Dione Cass. LVII. p. 701. adparet. Cuius legis sensus ut eo expeditior sit, notandum est, antiquissimis temporibus seruitutes vfucapi haut potuisse. Quum enim possessionem requireret vfucapio, L. 25. *D. de usurp.* quae in seruitutibus, utpote incorporalibus, locum non habere videbatur: L. 31. f. *D. de seru. urb. praed. & L. 43. D. de adquir. rer. dom.* factum est, ut nec vfucapi possent crederentur, maxime quum in duodecim tabulis nihil esset de rerum incorporalium vfucapione statutum, L. 14. pr. *D. de seruitut.* & praeterea, vfucapio sit modus acquirendi dominium, seruitutis autem dominium nullum esse posset. Ast licet non esset seruitutum possessio: erat tamen eorundem vfus, quem deinde prudentes quasi pro possessione acceperunt, adeoque interpretatione sua etiam seruitutum, saltim rusticarum, vfucapionem inuexerunt. Clarissime hoc elucet ex verbis Ciceronis *pro A. Caecin. XXVI.* *Aquaeductus, haustus, iter, actus, a*

VI. Lex
Scribonia
de serui-
tutibus
non vfucapien-
dis.

patre; sed rata auctoritas harum rerum omnium a iure civili sumitur. Quum vero haec quasi vfucapio seruitutum a prudentibus inuecta a veteris iuris prudentiae principiis videretur abhorrere: lata demum est lex Scribonia, qua seruitutum vfucapio penitus sublata est *L. 4. §. ult. D. de usurp. & vfuc.* Neque dubium est, quin ea lex ad omnes in vniuersum seruitutes pertinuerit; siquidem hoc ius vsitatum fuisse generaliter, scribit Vlpianus. *L. 10. §. 1. D. de usurp. & vfucap.* Attamen etiam post hanc legem is qui longo tempore non vi, clam, vel praecario vsus erat seruitute, utili actione a praetore adiuuabatur. *L. 10. D. de seruit. vind.* Demum & Iustinianus legem Scriboniam satis aperte sustulit, & seruitutum quoque omniumque rerum incorporalium praescriptionem admisit *L. ult. C. de praescript. long. temp.* Conf. *Raeuard. l. c. Ant. Schulting. Iurispr. vet. anteiusl. p. 256. sequ.*

VII. Longa possessio-
ne capiorum
immobili-
um in-
uenta.

VII. Haecenus de vfucapione, cui leges decemuirales, vt dixi, in rebus mobilibus anni, in fundis biennii spatium praefinierant. Quandoquidem enim tunc ciuitate agrisque perpetuo ciues detinebantur, rariusque relicto natali solo Italia egredi consueuerant: tam breue temporis spatium rebus vsu acquirendi habitum inter praesentes & absentes nulla distinctione, sufficere credebatur. *Iac. Raeuard. Tribon. IV, p. 772.* Quum vero sensim Romani longe lateque proferrent imperii fines, partim edictis, partim principum constitutionibus in eius, quod lege antiqua rebus immobilibus vsu acquirendis datum fuerat, spatii locum eatenus lon-

longius temporis interuallum surrogari coepit vt vbi vsucapio cessaret, veluti in praediis prouincialibus, praescriptione saltim hoc ius posset adquiri. §. 2. *Inst. de vsuc.* Vnde res immobiles prouinciales non biennio, sed longo tempore vsu acquirebantur, id est, vt Paullus *Recept. Sent. V, 2. 3.* interpretatur, *inter praesentes decennii, inter absentes vicennii spatio continuo.* Quum vero antiqua illa ac decemuiralis adquisitio vsucapio diceretur: noua haec dicta est LONGA POSSESSIONE CAPIO. *L. 4. fin. D. pro emt. L. ult. eod.* vel LONGAE POSSESSIONIS PRAEROGATIVA. *L. 5. D. de itin. actusque priu.*

VIII. Qua in re vero ab vsucapione distincta fuerit illa longa possessione capio, luculenter suo more ostendit Jac. Raeuard. *Tribon. VIII. sequ. p. 776.* Illa ciuilis erat, haec partim ciuilis partim honoraria. Illa exiguo; haec longiore tempore constabat. In illa nulla absentiae praesentiaeue ratio habebatur; in hac multum intererat, praesentium an absentium ius excludendum esset. In illa tempus semper certum erat: in hac nonnumquam incertum, quoties scilicet quis titulum probare non poterat. Tum enim requirebatur vetustas, cuius origo excederet memoriam; eaque legis vicem tenebat, teste Vlpiano *L. 1. fin. D. de aqua & aqu. plu. arcend.* Denique quum vsucapio rerum immobilium tantum in Italico solo procederet: princip. *Inst. de vsucap.* longa possessione fundi tam prouinciales quam Italici iuris capi poterant, vt erudite demonstrant Theophilus *pr. Inst.*

VIII. Differentiae inter vsucapionem & longa possessionem capionem.

h. t. & Iac. Raeuard. Tribon. X. p. 781. seqq.

IX. Iustini-
niani
constitu-
tio.

IX. Sed Iustinianus *L. vn. C. de vsucap. transf.* vsucapionem rerum immobilium & longi temporis praescriptionem in vnam veluti massam conflavit resque mobiles triennio, immobiles inter praesentes decennio, inter absentes vicennio vsucapi voluit. Negat Raeuardus, eius rei iustam rationem habuisse Imperatorem, quia haec omnia, quae de vsucapione rerum immobilium sanxit, iamdudum ante eius tempora Praetorum edictis Principumque constitutionibus fuerint inuenta. Quare & hic Iustiniani prudentiam legislatoriam requirit in *Tribon. X. p. 781.* Sed ea de re alibi erit dicendi locus.

X. Quid
vsurpationis?

X. Ceterum quum tempus in vsucapionibus deberet esse continuum: interruptio illius dicebatur VSVRPATIO, *L. 2. & L. 5. D. de vsurp.* & de hac re egit Appii Claudii liber de vsurpationibus, cuius meminit Pompon. *L. 2. §. 36. D. de orig. iur.* Sunt tamen & aliae huius vocis significationes. Sic vsurpari dicitur seruitus, quae vtendo retinetur. *L. 6. §. 1. L. 8. fin. L. 9. L. 16. D. si. seru. vind.* Immo & vsurpata dicitur seruitus, quae amissa vsu iterum acquisita est. *L. 40. §. 1. D. ex quib. causis mai.* Reliqua, quae ad hunc titulum pertinent, a doctoribus plenius solent inculcari.

TIT. VII.

DE

DONATIONIBVS,

INter modos acquirendi iuris gentium etiam DONA-

DONATIO est. Modis tamen acquirendi civilibus eam accensuit Caius, quia tunc ex lege Cincia non valebat donatio, nisi sollemniter & per mancipationem facta. Frid. Brummer: *ad leg. Cinc. cap. XIII.* Quod quamvis mutatum esset tempore Iustiniani: noluit tamen Tribonianus Cui ordinem turbare. Plura hanc in rem diximus in *Additionibus ad Vinn. p. 253.* Hic, quum ritus nonnulli observati sint in donationibus, ii paullo accuratius videntur ex antiquitatibus Romanis explicandi.

I. DONATIONES veteri iure in varia genera dispersebantur. Aliae erant *simplices*, aliae *remuneratoriae*. Illae iterum vel *mortis causa*, vel *inter vivos* fiebant; ad posterius genus etiam donationes propter nuptias referendae.

I. Donationes quotuplices.

II. DONATIONES, quae ob causam fiebant MVNERA; reliquae generatim DONA (a) adpellatae sunt Corn. Fronto *de Differ. verb. p. 1331.* MVNVS, quod amicus vel cliens, vel libertus officii causa mittunt. Possunt & illa nihilominus DONA dici, quae donant pauperibus divites vel potentes. Illud quoque donum putandum est, quod militibus donatur in castris, ut corona vallaris. Clarius Ulpianus L. 194. D. de verb. sign. Inter DONVM & MVNVS hoc interest, quod inter genus & speciem: nam genus esse donum, Labeo a donando dictum; munus speciem. Nam munus esse donum

II. Differentia doni & muneris.

cum

(a) Vix ergo locum habet observatio Agracii apud Dionys. Gothofr. *Vet. Gramm. p. 1348.* Donum dantis est, munus accipientis: illud a dando, hoc a muniendo vel movendo dicitur.

cum causa, ut puta natalitium, nuptialitium. Et Marcianus L. 214. D. eod. MVNVS proprie est, quod necessarie obimus, lege, more, imperione eius, qui iubendi habet potestatem. DONA autem proprio sunt quae nulla necessitate iuris, officii, sed sponte praesentantur, quae si non praesentantur, nulla reprehensio est, & si praesentantur plerumque laus inest. Vbi adde, quae notat Io. Goeddeus.

III. Dona
& mune-
ra Romae
frequen-
tissima.

III. Et initio quidem & munera & dona rara admodum erant in tanta veterum paupertate, etiam inter cognatos & personas coniunctas, ut patet ex *Excerpt. Peirescian. p. 154.* ubi Polybius, de rebus Aemiliae matri a P. Scipione donatis agens: τὸτο δὲ, inquit, πανταχῇ, μὴ ἂν ἐικότως φαίνοιτο καλὸν, ἐν δὲ Ρώμῃ καὶ θαυμαστὸν, ἀπλῶς γὰρ εἰδείς ἢ δυνὶ δίδωσι τῶν ἰδίων ὑπαρχόντων ἑκὼν ἢ δ' ἐν. Atque id, quum ubique praeclarum, tum Romae admirabile videatur esse, quia in urbe nemo quidquam sponte alteri de suo donat. Postea crescente luxuria nihil fuit Romanis in donando magnificentius. Munera & dona patronis mittebant clientes & liberti, dominis serui, principibus & magistratibus ciues, amicis amici, cognatis cognati, (b) & quidem variis occasio-
nibus,

(b) De clientum liberalitate erga patronos iam supra Cornelium Frontonem audiuiimus. De donis & munusculis, quae liberti praeter operas debebant, videndus Cains *Inst. II, 9. 4.* Quintilian. *Declam. ult.* Nec seruos ab illo donandi onere immunes fuisse, docet Terent. *Phorm. I, 1, v. 5. sequ.* ubi Dauus;

Nam herilem filium eius duxisse audio
Vxorem, ei, credo, munus hoc corraditur.

Quam

nibus, quarum praecipuas hic considerare operae fuerit pretium.

IV. Praecipue donis & muneribus celebrabantur Kalendae Ianuariae, quibus strenae mittebantur vel munuscula, dulcia praesertim boni omnis causa, veluti caricae, id est, ficus in Caria prouenientes, quarum optimae erant Cauniae. Gronou. *Diatr. in Stat. Papin. Cap. XIV*, p. 77. caryotides, mella, huiusque generis alia, ut a rebus dulcibus dulces anni dies

Quam inique comparatum est, hi qui minus habent,

Vt semper aliquid addant ditioribus?

Quod ille unciatim vix de demenso suo,

Suum defraudans genium, comparsit miser,

Id illa uniuersum accipiet, haud existimans,

Quanto labore partum. Porro autem Geta

Ferietur alio munere, ubi erit puero natalis dies,

Vbi initiabunt: omne hoc mater auferet:

Puer causa erit mittundi.

Imperatoribus missa munera, imprimis Kalendis Ianuariis, patet exemplo Augusti apud Sueton. *Octau. LVII*. Tiberius vero eum donandi morem edicto inhibuit, strenasque oblatas respuit. Dio Cass. *LVII*, p. 613. Caligula eas se recepturum, edixit Suet. *Calig. XLII*. Claudius eas denuo edicto sustulit. Dio Cass. *LX*, p. 659. Postea vix quisquam Imperatorum eiusmodi munuscula respuit. Magistratus provinciales dona & munera non poterant iure recipere; mittebantur tamen iis xeniola. *L. 6. §. 3. D. de off. procos. L. 18. D. de off. praesid.* Vnde mira continentia Ciceronis, qui in provincia etiam xeniola illa respuit. *Cicero ad Attic. Epist. I^a, 10.*

dies auspicarentur. Quam in rem egregia multa habet Iof. Scalig. *ad Tibull. lib. I.* Martialis *Epigr. VIII, 33. v. 11.*

Hoc linitur spūto lani caryota Kalendis,

Quam fert cum paruo sordidus asse cliens.

Et *Epigr. XIII, 27.*

Aurea porrigitur lani caryota Kalendis,

Sed tamen hoc munus pauperis esse solet.

Ditiores aurum & argentum mittebant, praecipue Imperatoribus, vt Augusto apud Sueton. *Octau. LVII.* Theodosio & Arcadio apud Symmach. *Epist. X, 28.* Sed & aliis occasionibus, veluti ob victoriam, quinquennalia, decennalia, &c. Imperatoribus offerebantur dona. Et inde est *aurum oblatitium*, de quo *L. 5. L. 9. L. 14. C. Theod. de Senat. Lib. VI, tit. 2.* id est aurum a Senatoribus & viris clarissimis sponte promissum. Decuriones enim & curiales iis occasionibus offerebant aurum coronarium, de quo integer titulus est in codice Theod. puta *Libro XII. Tit. XIII.* ad quem praeclare docet Gothofredus, iam libera rep. parta victoria Ducibus triumphaturis offerri consueuisse coronas aliaque munera ad ornandum triumphum, & inde ortum esse aurum coronarium, quod a bonis principibus saepe remissum, a malis reuocatum esse copiose ostendit. Vide eius *Comment. ad Cod. Theod. Tom. IV. p. 602.* Nec Kalendis tantum Ianuariis, sed & diebus proxime insequentibus strenas mittebant. Et inde est, quod Festus *voce strenae p. 447.* hoc munus ita dictum putat, a numero, veluti TRENAM vel trinam, quippe quo significatum sit, alterum tertiumque venturum similis com-

modi,

modi. Sed fustulit illam donandi licentiam Tiberius, edictoque cauit, ne strenarum commercia ultra Kalendas Ianuarias exercerentur. Sueton. *Tiber.* XXXIV.

V. Porro viri Saturnalibus: feminae matronalibus id est, Kal. Martiis strenas atque apophoreta dabant & accipiebant. Apophoretorum in Saturnalibus (c) exempla sunt apud Sueton. *Octau.* LXXV. *Vesp.* Cap. XIV. & Martial. *Epigrammatum libro XIV.* qui totus huc pertinet. De matronalibus Tibullus. *Eleg.* III, 1. v. 1.

V. Apophoreta Saturnalia & matronalia.

Martis Romani festae venere Kalendae:

Exorietis nostris hinc fuit annus auis.

Et vaga tunc, certa discurrunt undique pompa

Perque vias urbis, munera, perque domos.

Et Martialis *Epigr.* X, 24.

Natales mihi Martiae Kalendae,

Lux formosior omnibus Kalendis,

Qua mittunt mihi munus & puellae

Quinquagesima liba.

Et *Epigr.* V, 84. v. 10.

Scis certe, puto, vestra iam venire

Saturnalia, Martias Kalendas,

Tunc reddam tibi, Galla, quod dedisti.

Vnde est, quod Kalendas has Martias Calendas femineas adpellat Iuuenal. *Sat.* IX. v. 53. Quum vero multi Saturnalibus auidius a clientibus exigent munera: Publicia lex lata est a Publicio

(c) Haec apophoreta dicta etiam *figillaria*. Sueton. *Claud.* V. Spartian. *Hadr.* XVII. Alias ipsa Saturnalium dierum adpendix dici consuevit *figillaria*, a figillis vel parvis imaginibus, quibus pro se & suis piasculum Saturno faciebant. Macrob. *Sat.* I, 13.

(d)

blicio, Tribuno plebis, ut non nisi cerei ditioribus mitterentur. Macrobi. *Saturn.* I, 7. Quae lex eadem videtur, cum illa, qua vetitum ne quis in pecuniam luderet, sponsonemue in ludo, nisi qui virtutis causa susceptus esset faceret, de qua L. 3. *D. de aleatorib.* Tota enim lex procul dubio fuit sumptuaria.

VI. Munera natalitia,

VI. Solebant & diebus natalibus munera accipere honoratioris atque amici. Martialis *Epigr.* IX, 54.

Natali tibi, Quinte, tuo, dare parua volebam

Munera, tu prohibes, imperiosus homo es.

Et alibi *Lib.* VIII. *epig.* 64. lepide exagitat Clytium, qui ut noua semper munera natalitia auferret, septies octiesue in anno natalem celebrabat. A natalibus diuersa *χαριστία*, id est sollemne conuiuium, cui tantum cognati intererant litium ponendarum & amoris instaurandi gratia institutum. Val. Max. II, 1. Hic aequae ac in natalibus dabantur munera. Inprimis mittebantur aues, (Martialis. *Epigr.* IX, 56.) die natali & annuli, lunulae, aliaque huius generis ad mundum muliebre pertinentia. Plaut. *Epidic.* V, 1. v. 33. Vestis cubitoriae natali suo sibi donatae meminit dispensator Trimalcionis apud Petron. p. 14. ubi conferendae Iani Woweri aliorumque doctissimorum virorum adnotationes, p. 150. ex quibus patet, caenatorias eiusmodi vestes a clientibus mitti consueuisse patronis. Nec modo accipiebant natalibus suis munera, sed & dabant, ut patet ex Inscriptione apud Gruter. p. CCCCXIV, 2.

HIC.

HIC. ARCAE. AVGVSTALIVM. SE.
VIVO. HS. XX. DEDIT. VT. EX.
REDITV. EIVS. SVMMAE. DIE. NA-
TALI SVO. IV. KAL. FEBR. PRAE-
SENTES. VESCERENTVR. ET. OB.
DEDICATIONEM. STATVAE. DE-
CVRIONIBVS. ET. SEVIRIS. ET. IV-
VENIBVS. SPORTVLAS. ET. POPV-
LO. EPVLVM. ET. OLEVVM. EADEM.
DIE, DEDIT.

Et p. DLXXI, 1. alius municipio HS. LXV.
legat, VT. EX. REDITV. EIVS. SVMMAE.
QVOTANNIS. VIII. ID. NOVEMBRIS.
NATALE. SVO. MVNICIP. EPVLVM.
ET. CRVST. ET. MVLSVM. DARE-
TVR.

VII. Die octauo a natali puellae; nono
pueri lustrabantur, accipiebantque nomina Fe-
stus *vocelustrici p. 507. Lustrici dies infantium ad-*
pellantur puellarum octauus, puerorum nonus, quia bis
lustrantur, atque eis nomina imponuntur. Addi pos-
sunt Macrobian. Saturn. I, 16. Plutarch. Quaes-
Rom. p. 288. Vnde hi dies nominum adpellantur
apud Vlpian. Fragm. tit. XV. Ita enim ibi le-
gendum esse pro *nonum diem*, ex codice Tiliano
ostendit Em. Merill. Obs. II, 33. Fiebat haec
lustratio vel vti Terent. Phorm. I, 1. vocat, *initia-*
tio, impositioque nominum variis adhibitis sol-
lemnitatibus. Expiatum enim infantem, &
aduersus fascinum probe praemunitum, exi-
mebant cunis, & per aedes ditissimorum ciui-
um boni ominis causa, nec non ob religionem
per Deorum Dearumque templa circumfere-
bant.

VII. Item
que die-
bus lustrici
missa.

bant, *Perf. Sat. II, v. 31. Suet. Calig. cap. XXV. Ner. Cap. VI.* Hinc porro nomen accipiebat infans & vocabantur ad epulum propinqui: *Iul. Capitolin. Clod. Albin. IV.* & denique intra trigefimum a natiuitate diem professio natalitia ad acta fiebat. Ita enim intelligendum esse locum Iulii Capitol. *in vit. Marc. cap. IX.* ostendimus in *Comment. ad L. Iul. & Pap. II, 14. p. 266.* Tunc ergo dona & munera mittebantur infanti eiusue matri, idque est, quod significat Terent. *Phorm. I, 1. v. 13.*

Ferietur alio munere, ubi erit puero natalis dies
Vbi INITIABVNT: omne hoc mater auferet:
Puer causa erit mittundi.

VIII. Nuptialia dona.

VIII. Nec praetermittenda munera nuptialia. Neque enim temere quisquam conuiuiis nuptialibus intererat, quin munusculo sponso sponfaeque oblato benevolentiam testaretur. Et haec sunt *nuptialia munera*, (d) quorum mentio fit apud iureconsultos. *L. 1. §. 5. D. de tut. & rat. distrab. L. 13. §. 2. D. de administ. tut.* Quae tam nonnunquam magna erant, ut sponfae vel ad dotem sufficerent. Quinctiliani sane filiae Nonio Celeri nubenti L millia numum contulit Plinius. Vid. *Epist. VI, 32.*

IX. Xenia hospitibus missa aliaeque liberalitatis exempla.

IX. Liberalitatem non minorem ostentabant, in donandis hospitibus. His missa munera

(d) Item *munera nuptialia* L. 194. D. de Verbor. sign. Apud Ciceron. *pro A. Cluentio VI. IX.* & Apulei. *de asino aureo VI.* nuptialia dona paullo aliter accipiuntur, pro muneribus, quae ante contractas nuptias mulieri a viro offerbantur.

(c)

nera XENIA κατ' ἐξοχὴν adpellata sunt. Plin. *Epist.* VI. 31. *Summo die, abeuntibus nobis xenia sunt missa.* Sed saepe diuites ac potentiam adfectantes, donis plane priuati sortem transgressis, plebeiorum animos, liberalitatisque laudem sibi conciliare studebant. Exemplo esse potest Plinius, qui Curiano, Gratillae filio, legatum remisit, Plin. *Epist.* V, 1. Voconio Firmo censum equestrem suppleuit, Id. *Epist.* I, 19. Martialem viatico iuuuit, idem *Epist.* III, 21. Artemidoro philosopho, vrbe excedere iusso sub Domitiano, pecuniam, qua opus erat, a locupletibus negatam, ipse mutuatus gratuitam dedit, Id. *Epist.* III, 11. Caluinae patris debita remisit. Id. *Epist.* II, 4. Vt alia stupenda prorsus liberalitatis exempla praetermittamus.

X. Et olim quidem libere quisque donare poterat, quantum vellet. At postea A. V. C. IOXLIX. a M. Cincio Alimento, Tribuno plebis, lata est lex CINCIA, quam & MVNERALEM vocat Plautus apud Festum *voce muneralis* p. 323. Eius primo capite cautum, ne quis ob causam orandam donum munusue caperet. Vid. Cic. *Epist.* ad Attic. I. ult. Tacit. *Annal.* XI, 5. XIII, 42. Quum enim instituto iure patronatus, de quo supra *Lib. I. Tit. II. num. XXIX.* patroni pro clientibus gratis postularent: hi gratum animum ostensuri patronis Kalendis Ianuariis, Saturnalibus, natalibus, varia xeniola, strenas & munuscula offerebant, quae deinde a rabulis in debiti necessitatem transformata, adeo plebem premebant, vt patriciis veluti stipendiaria viderentur. Hinc veterem morem reduxit Cincius

X. Legis Cinciae de donis & muneribus caput primum.

cus. Vid. Fridr. Brummeri V. C. *Comment. ad Leg. Cinc. III. sequ.*

XI. Variæ
huius le-
gis rela-
tiones &
mutatio-
nes.

XI. Paulo post ea lex obsoleuit. Contemptu tamen oppressam renouauit Augustus Imperator, poenamque quadrupli adiecit. Iterum desuetudine abolitam, quum reuocari non posset, Claudius ita temperauit, ut ne oratores ultra dena sestertium caperent. Tacit. *Ann. XI, 5.* Sub Nerone lex iterum pristino vigori reddita, at sub finem eius imperii, vel certe paulo post, constitutio Claudii renouata. Addidit Traianus SC. ut omnes litigantes iurarent, antequam agerent, nihil se ob aduocationem cuiquam dedisse, promississe, cauisse: peractis vero causis, non nisi dena sestertium dare liceret. Post ea tempora adeo exspirauit lex ista, ut honorario aduocatorum tantum non sordidum mercedis nomen obueneret, neque dubitarent iureconfulti statuere, locationem conductionem intercedere inter aduocatum & clientem L. 38. §. 1. *D. locati L. ult. C. de condiç. ob caus. dat.* Immo iam ante multae fraudes huic legi factae erant per xenia, strenas, natalitia, captationes ultimarum voluntatum, palmaria, redemptiones litium, aliasque huiusmodi artes, quas erudite, ut solet, explicat laudatissimus Brummerus. *l. c.*

XII. Eius-
dem legis
caput
aliud.

XII. Alio eiusdem legis capite cohibebantur donationes intra certam summam, quae tamen hodie ignota est: (e) neque licebat cuiquam

(e) Quanta fuerit haec summa, nondum constat. Franc. Hotomanus de *Donat. LX.* negat, quemquam potuisse donare

quam plus donare, quam lex permiserat, nisi donatio vel publica esset, vel remuneratoria, vel cognatis personisque coniunctis facta. Si plus donatum fuerat: non tota donatio, sed qua legitimum modum superabat, rescindebatur; (f) si acu rem tetigit Brummerus *ad Leg. Cinc. XII.*

XIII.

donare ultra dodrantem bonorum. Sed id nullo fundamento dici ostendit Brummer. *ad L. Cinc. XII.* Alii ducentos tantum aureos donari potuisse, existimant, *L. 34. C. de donat.* Sed nec hoc certius videtur, istam legem de lege Cincia loqui nec recte intertur, quia donationes ex aureos excedentes ea lege iubentur insinuari, ideo eas lege Cincia fuisse prohibitas. Maximarum sane donationum exempla existant apud Plin. *Epist. VI, 25. & 32. II, 4. VIII, 14. I, 19.* Vnde satis magnam oportet fuisse summam hac lege praefinitam. Schulting. *ad Vlpian. p. 561. seq.*

(f) Ita Brummerus ob Vlpiani locum, qui exstat *Fragm. 1. 1. Imperfecta lex est, veluti Cincia, quae supra certum modum donari prohibet, exceptis quibusdam cognatis, sed si plus donatum sit, donationem non rescindit.* Vnde colligit vir doctissimus, donationem ex hac lege pro parte, qua modum excedebat, fuisse rescissam. Enimvero sic perfecta fuisset lex Cincia. Rectius itaque dixeris, ex lege Cincia donationem etiam immo-licam ipso iure valuisse, exceptionem tamen datam fuisse ei, qui conveniebatur ex sua liberalitate ultra modum a lege definitum, *L. 21. §. 1. L. 24. D. de donat. L. 5. §. 2. & 5. D. de doli mal. & met. except.* quae exceptio etiam fideiussori proderat. *L. 21. D. de donat.* Proditam quoque fuisse videtur actio rescissoria, qua rescindebatur, quod fuerat ultra modum donatum. *L. 21. §. 1. de eod.* Quibus remediis non fuisset opus, si ipsa lege Cincia irritum fuisset, quod erat ultra modum legitimum donatum. Vid. Ant. Schulting. *ad Vlpian. l. c. p. m. 562.*

XIII. Caput tertium eiusdem legis.

XIII. Alio huius legis capite cautum fuerat, ut in donatione, quibusque personis facta, mancipatio traditione interueniret, exceptis donationibus conditionalibus & mortis causa factis. Brummerus *ad Leg. Cinc. XIV.* Exempla exstant in marmoribus Gruterianis, quae egregie illustrat idem Brummerus.

XIV. Variarum horum capitum relationes & mutationes.

XIX. Accesserunt postea varia SC. variaeque constitutiones, quibus legi Cinciae subinde vel obrogatum vel derogatum est. Sic postea inualuit, ut inter personas coniunctas donatio valeret, quibuscumque verbis facta, etiam si nulla intercessisset mancipatio. Paull. *Sent. Recept. IV, 1. 11. & V, 11. 4.* idque introductum est constitutione D. Pii, cuius mentio fit *L. 4. C. Theod. de donat.* Sane ante haec tempora etiam cognati, personaeque coniunctae in donationibus ius commune, hoc est, legem Cinciam sequebantur, ut patet exemplo matris Voconii Romani, quae donationem sestertii quadringentis, non prius legitime peregisse videbatur, quam fundos emancipasset teste Plin. *Epist. X, 3.* Brummer *ad L. Cinc. XIII.* Idem D. Pius primus vetuit, ne posset donatarius ulterius conueniri, quam in quantum facere posset. *L. 20. L. 41. §. ult. ff. de re iud. L. 28. ff. de R. I.* Sic & miles donare non poterat *focariae L. 2. C. de donat. iut. vir. & vx.* immo nec heredem illam instituere, ut vulgo colligunt ex *L. 14. D. de his quae ut indign.* Aliud tamen adparet ex marmore apud Grut. *Inscr. p. MCVII, 3.* D. M. M. AVRELI VITALIS MILITIS CL. PR. ANTONINIAN. RAVENN. NATIONE PANN.

PANN. III. PROVIDENTIA STIP. XXVIII.
VALERIA FAVSTINA FOCARIA ET HE-
RES EIVS BENE MERENTI POSVIT.

Conf. Merrill. *Obferu. Lib. VIII*, 32. p. 124. Ipſi-
ne legi Cinciae, an Principum constitutioni-
bus id debeatur, quod ei, qui aliquem a la-
tronibus vel hoſtibus eripuerat, in infinitum
donare liceret, dummodo donatio, & non
merces laboris adpellaretur, non facile dixeris.
Exſtateiusmodi exceptio apud Paullum *Recept.*
Sent, V, 11. 6. & verbis nescio qua ratione im-
mutatis *L. penult. §. ult. D. de donat.*

XV. Inualuerat etiã, vt donatio fieri non
poſſet verbis generalioribus, ſed ſingulae res,
quas quis eſſet donaturus, enumerari deberent.
L. 1. Cod. Hermog. de donat. Ex quo patet, aeuo
adhuc Diocletiani hoc ius obtinuiffe. Ita
enim ibi Diocletianus & Maxim. Auguſti: *Non*
eſt iuris incerti, (in emancipatum donatione ali-
quid transferri non poſſe,) *ſi generaliter eidem par-*
tem tertiam bonorum donaffi, quia generaliter bono-
rum portio donari non poteſt quum ſingulae res nomi-
nari debeant, quae donatione, mancipatione, vel in iure
ceſſione transferuntur. Scilicet quia in donatione
requirebatur mancipatio: haec fieri non aliter
poterat, niſi per adprehenſionem rei. Vnde
Ulpian. *Fragm. XIX*, 6. *Res mobiles non plures*
mancipari poſſunt quam quae manu capi poſſunt: im-
mobiles autem etiam plures ſimul. At ſecus tamen
ſe res habebat inter patrem & filium ſuum, cui
partem bonorum donare licebat. Idque patet
ex inſcriptione apud Gruterum, p. 13ccclxxx,
3. qua pater liberis omnibus bonis cedit:

XV. In
donatio-
nibus res
ſingulae
nominari
debe-
bant.

MARVILLO ANTIOCHENO.
HELENÆ. TERTVLLIANÆ. P. MARVIL. PAT.
VIVENS. BONIS. CESSIT.
PARTE. SIBI. QVOAD. VIXER. RETENTA.

Vid. V. C. Schulting. *Not. ad Cod. Hermog. p. m.*
713. *sequ.*

XVI. Donatio facta a parentibus.

XVI. Quae filius suis donabant parentes, magis destinata videbantur voluntate paterna, quam donata. *L. 11. C. b. t.* Hinc requirebatur, ut pater in ea voluntate perseverans decesserit. *Paull. Rec. Sent. V, 11. 3.* Tamen ne sic quidem rata erat donatio, ita, ut res donata posset a filio usucapi, nisi eadem res arbitrio familiae eriscundae esset adiudicata. *L. 18. C. famil. erisc.* Unde & parentes praelegare solebant liberis, quae viui donauerant. Vid. *Plin. Hist. Nat. XXXIII, 2.* At nouissimo iure id quoque mutatum est *L. 25. C. de Donat. inter vir. & vx.*

XVII. Insinuatio ad acta introducta a Constantino Choro, postea subinde mutata.

XVII. Aliam mutationem ius istud subiit tempore Constantini Chlorig, qui omnes donationes in scriptis fieri, actisque insinuari iussit. Eius deinde constitutionem confirmavit filius Constantinus Magnus. *L. 1. C. Theod. de sponsal.* Postea Theodosius & Valentinianus, non modo scripturam remiserunt, sed & insinuationem, si donum ducentos aureos non excederet. *L. 29. C. b. t.* Idem principes etiam secundum caput legis CINCIAE de certa donationis summa fuisse dicuntur. (g) Ast Iustinianus sum-

(g) Ita Brunnerus V. C. *ad Leg. Cinc. XIII.* qui id colligit

summam actis insinuandam primo ad trecentos, mox ad quingentos aureos extendit, exceptis quibusdam donationum speciebus. *L. 34. L. 37. C. eod. Conf. Brummer. ad leg. Cinc. XII. sequ.* inter quas & remuneratoriam esse, docet Cuiac. *Obs. XXVII, 40.* Videtur tamen etiam Iustini tempore saepe scriptura adhibita, ut docet fragmentum vetustae donationis, Iustini aeuo, Maximo consulatum gerente, factae, quod recenset Barn. Brissou. *de Formul. VI. p. 558.*

XVIII. Ad donationes propter nuptias quod attinet, earum naturam satis accurate exponit imperator §. 3. *Infl. b. t.* Alias quidem inter virum & uxorem constante matrimonio donatio non valebat, nisi certis ex causis, veluti mortis causa, serui manumittendi gratia &c. Eandem prohibitionem constitutione sua confirmauerat Antoninus Imperator, (b) *L. 42. D. de donat. inter vir. & ux.*, qui tamen & ideo mulieri donare permiserat, ut vir ab Imperatore lato clauo, (i) vel equo publico, (k) similie

XVIII.
Donatio
propter
nuptias.

Hh 3

ho-

git ex *L. ult. C. Theod. de spons.* Sed ibi tantum de donatione propter nuptias agitur, ostenditurque, quatenam sit insinuanda.

(b) Lex haec est ex Cui Commentariis ad Edictum desumpta, adeoque intelligi non potest Antoninus Caracalla, ut existimat Lud. Charondas *ad Ulpian. l. c.* cuius ad tempora Caius non peruenit, sed Antoninus Pius. Vid. Guil. Grot. *de vit. Iureconf. II. 7.*

(i) Id est, dignitate senatoria, cuius insigne erat latus clauus. Vid. Graeu. *Praef. Tomi VI. Thejur. Antiqu. Rom.*

(k) Id est, dignitate equestri. Ita explicat etiam Caius *L. 42. D. de donat. inter vir. & ux.* (l)

honore ornaretur. Vlpian. *Fragm.* VIII, 1. Paull. *Recept. Sent.* II, 23. Quod, vel ideo prouisum, aiunt, vt ne coniuges ob mutuum amorem se inuicem spoliarent, vt ait Vlpianus *L. 1. D. de donat. inter. vir. & vxor.* vel, ne bonorum, quae inter eos quasi communia esse debebant, societas leuissimi munusculi acceptatione tolleretur, vt existimat Plutarch. *Quaest. Rom.* p. 265. (1) & *Coniugal. praecept.* p. 143. *Tom. II. Operum.* Sed haec omnia intelligenda de donationibus stante matrimonio factis. Alia erat ratio donationis propter nuptias, id est, constitutionis pecuniae, qua mulieri praestabatur securitas dotis, vt, si de hac periclitaretur, aliquid vice dotis dissipatae haberet §. 3. *Inst. de donat.* Ea quum initio donatio ante nuptias vocaretur, eo quod tantum ante matrimonium impletum fieret; postea D. Iustini constitutione permissum est, vt tam ante, quam post nuptias constitui vel

(1) Rationes alias suppediant, *L. 2. & L. 3. eod.* Sed nulla tamen harum genuina esse & ad prohibitionis huius originem pertinere videtur. Vera causa ex principiis iurisprudentiae veteris deriuanda, secundum quae uir & vxor pro vna persona habebantur, non secus ac pater & filia familias. Queniam ergo inter hos donatio non valebat, nisi pater donans in ea voluntate perseverans decellisset, ita non magis valida erat donatio inter virum & vxorem, quae in manum conuenerat. Barn. Briffon. *de Ritu Nuptiar.* p. 214. Postea quum raro vxores in manum conuenerent, & tamen posteriores Imperatores ius vetus constitutionibus suis firmarent: Icti alias rationes excogitandas putarunt, quamuis sibi ipsi non satis consentiant.

(a)

vel augeri posset, quumque iam nomen antiquum inconcinnum videretur: Iustiniani iussu Donatio propter nuptias vocari coepit §. 3. *Inst. h. t. L. ult. C. de donat. propter. nupt.* Graecis est ἀντιφέρειν, ad quam proxime accedunt διεσπότηρον & ὑπόβολον, quorum illud est, quod ob dotis quantitatem, quum soluto matrimonio dos reperitur, huic subiicitur, & veluti sub dote, quae in maiorem quantitatem excrescit tanquam minus & infirmius ponitur: Harmenop. IV, 10. 1. hoc autem quod virgini, non viduae datur, διὰ τὴν τιμὴν τῆς παρθένης, in honorem virginittis. Id. *Promtuar. V, §. 7.* Vnde hoc cum veterum ἀνακαλυπτήριον non male comparat Dionys. Gothofredus. Similis quoque est theoretro Germanorum morgengaba vti & incrementum dotis ibidem passim receptum. Erat autem Theoretri quantitas in singulas libras dotis semiaureus: Harmenop. *ib.* §. 9. & hypoboli apud veteres dotis dimidia pars, postea pro libra librae triens. Idem §. 4. Videtur res pactis definita, eoque pertinere puto instrumenta ὑποβολαῖα apud Sidon. Apollin. *Epist. VII.* & συμφωνεῖν ὑπόβολον, pactum hypobolum apud Harmenop. IV, 10. 7.

XIX. Quemadmodum vero donationes inter vivos sua natura erant irrevocabiles, nisi ob certas causas, quas iureconsulti exponunt: ita semper reuocari poterant donationes MORTIS CAUSSA factae, morte non sequuta sed & hic ad formulas erat respiciendum. Poterat enim etiam sic mortis causa donari: VT NVLLO CASV EIUS REPETITIO ES.

XIX. Donatio mortis causa.

Hh 4

SET,

SET id est, ne si conualuisset quidem donator, & tunc credebatur inter viuos donatum *L. 27. D. de mort. causs. don.* Plures formulas in huiusmodi donationibus vsurpatas accurate suo more collegit Barn. Briffon. *de Form. VII. p. 690.*

XX. Leges
adiectae
donatio-
nibus.

XX. Postremo & hoc monendum videtur, donationibus consueuisse varias condiciones ac leges adiici, vt non modo ex multis iuris nostri fragmentis constat, quae idem colligit Briffon. *de Form. IV. p. 557.* verum etiam ex Plauti *Afin. IV. 1.* vbi scitum & elegans exstat syngraphi inter adolescentem, amicam & lenonem conscripti exemplum in quo plurimae leges viginti minarum donationi adiiciuntur. Immo & lapides exstant, in quibus curiis vel integris corporibus donationes fiunt, certis adiectis legibus, veluti VT QVOTANNIS NATALI SVO SPORTVLAE VIRITIM DIVIDANTVR, vel VT LARGIVS ROSAE ET ESCAE PATRONO SVO ET QVANDOQVE SIBI PONERENTVR, & quae sunt huius generis aliae. Briffon. *l. c.*

TIT. VIII.

QVIBVS ALIENARE LICET, VEL NON.

COniunctim hoc titulo exhibet Imperator quae dici poterant de iis, quae vel non alienari poterant a dominis, vel alienari a non dominis. Nos singula ex antiquitatibus Romanis illustrabimus.

I. A,

I. A marito alienari non poterat fundus dotalis, quamvis alias eius esset dominus *pr. Inst. b. 1.* Ad quae rectius intelligenda monere nonnulla licebit de dotium origine & natura, maxime quum haec materia in Institutionibus plane praetermissa sit a Triboniano.

I. Fundus dotalis alienari non poterat a marito.

II. Dotes quo fine olim inter mortales constitutae sint, a nemine, quod sciam accuratius ostensum est, quam a Iac. Perizonio V. C. in *Dissert. ad Leg. Vocon. p. 113. sequ.* Quemadmodum scilicet filii apud plerasque gentes in domo paterna manebant, domini ac heredes omnium quae parentes reliquissent, bonorum futuri: ita filiae contra per nuptias in perpetuum dimittebantur e domo paterna; atque hinc innuptae debebant ex bonis paternis ali, nuptae vero instrui dote, ne plane exfortes essent paternae hereditatis. Apud plerasque tamen gentes dotem maritus vxori, non vxor marito offerebat. Ita sane consuetudo viguit inter Germanos, teste Tacito *de Mor. Germ. Cap. XVIII.* Assyrios, teste Aelian. *Hist. Var. IV, 1.* Babylonios, teste Herodot. I, 196. & Armenios, ceu patet ex *Nou. XXI.* Sed diutissime permansit apud Germanos, eiusdemque originis gentes, ceu ex multis medii aevi testimoniis & diplomatibus alio loco probauimus.

II. Dotium origo & natura apud alias gentes.

III. Communis hic mos erat omnibus fere gentibus, praeterquam Romanis, qui dotem dabant filiabus, (a) etiam si easdem ad aequas he-

III. Ut & apud Romanos,

(a) Dos illa Romanarum mulierum veluti complementum pretii erat, quo mulieres sibi viros coehebant, &

hereditatis partes admitterent. Tam necessariae enim Romanis videbantur dotes, ut vel his solis se a concubinis seiungerent matronae. Hinc apud Plaut. *Trin.* III, 2. v. 63. adolescens:

Sed ut inops, infamis ne sim, ne mihi hanc famam differant,

Me germanam meam sororem in concubinatum tibi

Sic sine dote dedisse magis, quam in matrimonium.

Conf. Id. *Aët.* III. *Scen.* III, v. 3. Postea tamen, lata lege Voconia, Romanae quoque mulieres contentae esse iussae sunt dote sua, nec hereditates adfectare. Eae dotes fuere luculentissimae. L. Paullo vxor secunda attulerat dotem XXV. talentorum. Excerpt. Peiresc. ex Polyb. p. 99. Africanus quoque maior utrique filiae dotis nomine promiserat L. talenta. Ibid. p. 155. (b) Non semper tamen dos in numerata pecunia

hinc Tacitus tamquam rem a Romanis moribus diuersissimam notat, quod apud Germanos viri sibi coemerint vxores. Vid. Tacit. *de moribus Germ.* XIX.

(c) Plerumque tamen dos illustrium feminarum erant *decies centena*, id est, *decies centum millia sestertium* Martial. *Epigr.* XI, 24.

*Nubere Sila mihi, nulla non lege, parata est,
Sed Silam nulla ducere lege volo.*

*Quum tamen inflaret: decies mihi dotis in
auro*

*Sponsa dabis? dixit: Quid minus esse
potest?*

Hortalum quoque Augustus, promissa decies sestertii censu

nia constabat, sed & in fundis & praediis, tam urbanis quam rulticis *L. 13. D. de fund. dotal.* immo & in seruis aliisque, quae aestimationem admittebant, & vsui esse poterant marito ad ferenda matrimonii onera.

IV. Triplex vero erat dotem constituendi ratio. Aut enim DABATVR, aut PROMITTEBATVR, aut DICEBATVR, Vlpian. *Fragm. VI, 1.* Quae saepe coniunguntur in iure veteri, quamuis a Triboniano sollemnina haec vocabula passim sublata, aliaque reposita sint, vti obseruat. Cuiac. *Obs. XI, 29. & Papin. Quaest. Lib. XI. ad L. 7. §. 1. D. solut. matr.* Dari dos dicebatur, si praesens offerretur marito, idque plerumque fiebat eo ritu, vt pecunia illa dotalis consignata pridie nuptiarum apud auspices deponeretur, in crastino nuptiarum viro tradenda. De Messalina Sueton. *Claud. XXVI. Messalinam, quum comperisset, super flagitia atque dedecora C. Silio etiam nupsisse dote inter auspices consignata, supplicio adfecit.* Et Iuuenalis *Sat. X. v. 333.* de eadem Messalina:

- - - Dudum sedet illa parato
Flammeolo, Tyriusque palam genialis in hortis
Sternitur, & RITV decies centena DABVNTVR

AN-

cenfu, quem forte vxor in dotem non dedisset, adlexit ad ducendam vxorem procreandosque liberos. Tacit. *Annal. II. 37.* Eandem dotem Flauiae Athenagorae filiae dedit Seuerus. *L. 6. §. 1. D. de usur. & fruct.* Adde Iuuenal. *Sat. VI. & X. v. 335.* Martial. *Epigr. II. 65.* Senec. *consolat. ad Helu. Cap. XII.*

(c)

ANTIQUO, *venit cum* SIGNATORI-
BVS *aussax.*

v. Vel
promitte-
batur.

V. Dos PROMITTEBATVR interposita stipulatione, dummodo *persona interrogata responderet, & stipulato promitteret, ut ait Caius Instit. II, 9. 3.* Exemplum eiusmodi stipulationis est apud Plautum *Trinum. V, 2. v. 34. sequ.*

- - LY. *Sponden' ergo tuam quanam uxorem mihi?*

CA. *Spondeo, & mille auri Philippum dotis.* LY. *Dotem nihil moror.*

CA. *Si illa tibi placet, placenda dos quoque est, quam dat tibi.*

CH. *Postremo, quod vis, non duces, nisi illud, quod non vis, feres.*

CH. *Ius hic orat.* LY. *Impetrabit te aduocato atque arbitro.*

Istac lege, (cum ista dote,) filiam tuam sponden' mihi uxorem dare?

CH. *Spondeo.* CA. *Et ego spondeo idem hoc.*

Illud addo, dotem promissam solui consue-
nisse tribus pensionibus, annua, bima, trima
die, ut docent exempla apud Cicer. *Epist. ad Attic. XI, 4. 23. & ult.* & in Excerptis Peirescianis
p. 157. ubi id fieri oportuisse ait Polybius *κατὰ
τὰς Ῥωμαίων νόμους, secundum Romanorum leges.*
Quem locum a Salmasio mirifice perturba-
tum egregie illustrat Ger. Nood. *de Foen. &
Vsur. III, 6.*

vi. Vel
diceba-
tur.

VI. Dotis denique DICTIO fiebat verbis
quibusdam sollempnibus, (c) ut recte notarunt
Cuias-

(c) Negant hoc Gl. Salmas. *de modo vsur. XVI.* & Oifel *ad*
Ca i

Cuiacius ad Vlpian. *Fragm. VI, 1.* Barn. Briffon, *de Form. VI. p. 543.* At docet tamen Caius *Instit. l. c. obligationem hanc & nulla praecedente interrogatione contrahi potuisse.* Videtur ergo haec dotis dictio in eo constituisse, quod dotem dicturus summam nominaret, sponsus eandem, stipulatione haut interposita, acciperet. Exemplum est apud Terent. *Andr. V, 4. v. 47.* vbi Chremes:

- - *Dos, Pamphile est*

Talenta quindecim. PA. Accipio.

Ea enim verba sollemnia & legitima fuisse observat Donatus Scholiastes, *Ille nisi dixisset: ACCIPIO, dos non esset.* Vnde facile patet, hanc sollemnem fuisse dotem constituendi formulam a datione ac promissione dotis diversissimam. Add. Sidon. Apollin. *Epist. I. 11.* Tales formulae dotem dicendi occurrunt etiam in iure nostro *L. 25. L. 44. §. 1. L. 46. §. 1. L. 57. princ. D. de iure dot.*

VII. Dicere vero dotem poterat ipsa mulier, vel eius debitor, vel pater, avus alique per virilem sexum cognatione iuncti. *Dare* autem & *promittere* licebat omnibus, etiamsi nulla propinquitate coniunctis. Vlpian. *Fragm. VI, 2.* & Paullus

VII. Qui dare, promittere, dicere dotem potuerint?

Caii *Instit. l. c.* Sed non sequitur, ut ideo, quod nulla intercesserit stipulatio, verba quoque sollemnia adhibita fuisse negemus. Erant etiam praeter stipulationes multae aliae formulae sollemnes. Sane sollemnium verborum in dotis dictione observandorum meminit, *L. 3. C. Theod. de incest. nupt.* & dictio dotis a datione minus sollemni distinguitur in *L. ult. C. Theod. de dotib.*

(d)

Paullus *L. 41. D. de iure dot.* Ipsa vero mulier nihil in his poterat sine auctoritate tutorum. Cicero *pro Flacco XXXIV. XXXV. Dotem Valeria pecuniam omnem suam dixerat. Nihil istorum explicari potest, nisi ostenderit, illam in tutela Flacci non fuisse. Si fuit, quaecunque sine hoc auctore est dicta dos, nulla est.* Addatur Cicero *ibid. cap. XXV. Vlpian. Fragm. XI, 27.* Hinc si nullus erat mulieri tutor: dandus erat a Praetore urbano & lege Papia Poppaea, ad dotem dandam, dicendam promittendamue. Vlpian. *Fragm. XI, 20.* De eo tutore plura diximus in *Comment. ad L. lul. & Pap. Popp. Lib. II. Cap. XIII. p. 253. sequ.* ubi & ostendimus tutorem mulieri ob dotem vel pupillo ob litem cum tutore datum ideo Praetorianum vel praetorium adpellatum esse, quia hic non dabatur suffragante maiore parte tribunorum plebis, uti alii tutores ex lege Atilia dati, sed a solo praetore. Add. Vlpian. *Fragm. XI, 24.*

VIII.
Quid dos
profecti-
tia, ad-
uentitia,
recepti-
tia.

VIII. Quaecunque pater genero vel eius patri ad ferenda matrimonii onera dederat, ea dotis *profectitiae* nomine veniebant. Quae alius quicumque obtulerat, dos *aduentitia* vocabantur. Ac olim quidem *profectitia* aequae ac *aduentitia* dos marito cedebat: (vid supra Lib. I. Tit. X. §. VII.) Postea quum raro vxores in manu conuenirent, & frequentissima contra essent diuortia, distingui inter *profectitiam* & *aduentitiam* coepit. *Profectitia*, mortua in matrimonio muliere, ad patrem tota reuertebatur, siue esset filia familias siue sui iuris *L. 59. D. sol. matr.* liberis tamen relictis, in singulos quin-

quintae partes manebant penes virum, quemadmodum & praemortuo patre, dos profectitia tota penes virum remanebat. Vlpian. *Fragm. VI, 4.* Aduentitia dos semper penes maritum remanebat, (d) Cuiac. *Observ. IX, 4.* praeterquam si is, qui dederat, ut sibi redderetur, esset stipulatus: quae dos specialiter *receptitia* dicebatur. Vlp. *l. c. n. 5.* Quae iure nouo mutata esse, ex *L. 6. D. de iur. dot. L. 12. L. 26. §. 2. D. de pact. dot. L. 5. D. de diuort. L. 48. L. 59. D. solut. matr. L. vn. §. 6. C. de rei. vx. act.* satis constat.

IX. Quum vero frequentissima essent apud Romanos diuortia,, adeoque verendum videretur, ne dissipata dote vxores domo extruderentur: non modo repudiatæ concessum ut dotem actione rei vxoriae repeteret, quam in actionem ex stipulatu conuertit Iustinianus, *L. vn. C. de rei vxor. act. in ex stipul.* verum etiam cautum est sub Augusti imperio, ne maritus fundum Italicum dotalem, vxore vel inuita alienaret, vel consentiente obligaret. Ex qua lege istud ius manarit, dubium visum est viris doctis. Legi Iuliae & Papiae illud tribuit Iac. Gothofredus ad *L. Iul. Pap. Cap. XX. sequ.* sed argumentis admodum incertis, & quae ipse postea deserit p. 335. Magis probabile est, esse hoc caput

IX. Alienatio fundi dotalis Italici lege Iulia prohibita.

(d) Exemplum tamen Augusti, qui marito dotem aduentitiam abiudicauit, exstat apud Valer. Max. VII, 7. 4. Sed tum Augustus facti indignitate motus, magis ex aequo & bono, quam ex iuris rigore vel fori usu, decreuit, ut obseruat Ant. Schulting. ad Vlpian. *Fragm. VI. 5. p. 582.*

(a)

put legis Iuliae de adulteriis, cui etiam illud int-
ferit Barn. Briffon. *ad L. Iul. de adult. XXIX. p.*
123. Nam huic legi itud caput diferte tribuit
Paullus *recept. Sent. 11, 21.* Et caput legis Iuliae
de dote foluto matrimonio repetenda plane
aliud & ab hoc diuerfiffimum fuiffe, demon-
ftrauimus in *comm. ad L. Iul. & Pap. Popp. 11, 19.*
p. 327. Cur vero ad folapraedia Italica haec
lex pertinuerit, facile patet. Sola praedia Itali-
ca poterant vfucapi, non item prouincialia, vt
fupra oftensum. Hinc non opus erat, vt viro
alienatione praedii dotalis prouincialis inter-
diceretur, quum hoc ab vxore, foluto matrimo-
nio, facile poffet vindicari, nullaue ei oppo-
ni poffet exceptio vfucapionis. Ex quo vero
Iuftinianus vfucapionis ius etiam ad praedia
prouincialia protulit: non potuit non etiam
praediorum dotalium in prouincijs alienatio-
nem inhibere. *L. vn. §. 15. C. de rei vx. act.* qua
etiam maritum fundum dotalem consentiente
vxore alienare vetuit.

X. Alie-
nare pi-
gnus po-
terat cre-
ditor, &
quomo-
do.

X. Vidimus maritum, licet dominum prae-
dia dotalia alienare haut potuiffe: fecus in
pignore fe res habebat, quod alienari poterat a
creditore non foluente debitore, etiamfi ille
non elfet dominus. §. 1. *Inft. b. t.* Equidem fi
ea lege traditum fuerat pignus, vt a creditore di-
ftraheretur, non opus erat vlla denunciatione:
L. 4. princ. D. de pign. act. nec exigebatur denun-
ciatio, fi certo die foluenda erat pecunia, &
pignus fimpliciter datum modo non antequam
dies venerat, vendidiffet, fi quidem tunc furti fe
obligabat. *L. 73. D. de furt.* At pofttea tamen
&

hoc casu requisita vna denunciatio, & mora biennii. *L. 4. C. de pign. distr. L. ult. §. 1 C. de iur. dom. imp.* Reliquis casibus trina requirebatur denunciatio, vt debitor vel pignus lueret, vel sciret, illud distractum iri Paull *Recept. Sent. II, §. 1.* Iustinianus vero veteres ambages nouis, iisque multo longioribus commutauit, & trienam quidem denunciationem plerisque casibus sustulit, vnicamque sufficere voluit: addidit tamen, vt facta denunciatione, elapsoque post eam triennio, pignus creditori adiudicaretur, dato insuper debitori biennio, intra quod rem suam posset recuperare. *L. ult. C. de iure dom. impetr.*

XI. Pupillos pupillasue alienare haut posse, nisi auctoribus tutoribus, vel ius naturae suadet. Et quid Romae hac in re vsitatum fuerit, iam supra ad titulum *de auctoritate tutorum* dicere occupauimus.

XI. De alienatione rerum pupillarium remissive.

TIT. IX.

PER QVAS PERSONAS CUIQUE
ADQVIRITVR.

Q Vicumque erant alieni iuris: ii non sibi acquirebant, sed iis, quorum in potestate erant. Quia enim & serui omnino; & liberi ratione patris in classe rerum esse censebantur: nihil magis videbatur rationi consentaneum, quam vnumquemque per rem suam acquirere. Vid. *Elem. nostra iur. ciu. Lib. II. §. 470.* Ea de re hoc demum titulo agit Tribonianus.

Ii

I. Et

I. Ad-
quaestus
per libe-
ros.

I. Et liberi quidem, quum ex Romuli insti-
tuto non multo melioris essent conditionis,
quam serui: instar horum quoque non sibi ad-
quirebant, sed patri, qui liberam habebat re-
rum omnium, quas liberi quocumque titulo
adquisuerant, dispositionem, adeo ut eas alteri
ex liberis, immo & extraneis, donare possent.
Vid. Sext. Empir. *Pyrrhon. hypot. III. 24.* Adde
Senec. *de Benef. VII, 4.* Dionys. Hal. *Ant. Rom.*
VIII. ubi hic auctor *πολιτικώτατος: Romanis*, in-
quit, *filiis nihil proprii est viuis patribus, sed & pecuni-*
as & corpora liberorum patribus ad eorum arbitrium
tradidit lex Romuli. Et Arrian. *Diff. Epictet. II.*
IO. *Ἦν τῷ πατρὶτι ἡ πατρὶα πάντα αὐτῷ*
ἡγεῖσθαι τὰ πατρὸς. Filii officium est, ut, quae habet,
omnia patris esse ducat. Add. Sueton. *Tiber. XV.*

II. Muta-
tio huius
iuris.

II. Postea tamen filiis concessum tanquam
peculium, quidquid militiae labore erant lucra-
ti. Et id quidem eodem tempore factum vide-
tur, quo ipsa libera testamenti factio concessa
est militibus, quod primo sub Iulio Caesare fa-
ctum ad tempus, postea id ius auctum a Tito,
Domitiano, Nerua & Traiano Imperatoribus:
vti testatur Ulpianus. *L. 1. pr. de test. milit.* Sane
sub Claudio & Nerone non ignotum fuisse pe-
culium militare, docet Iuuenal. *Sat. ult. v. 52.*

- - *Nam quae sunt parva labore*
Militiae, placuit non esse in corpore census,
Omne tenet cuius regimen pater.

Quem locum frustra sollicitauit P. Pithoeus:
Additum postea & quasi castrense peculium,
(a)

(a) permissumque iisdem, quidquid artibus liberalibus adquisuerint, separatim habere a rationibus parentum §. *ult. Inst. de milit. test.* Excepit etiam Constantinus M. (b) bona materna quorum ususfructum tantum patribus concessit *L. 1. C. de bon. mat.*. Vnde multo magis rationi videbatur consentaneum, bona materni generis, ad liberos pertinere, & ista statuerunt Gratianus, Valentinianus & Theodosius. *L. 6. C. Theod. cod.* Porro idem ad lucra nuptialia & sponsalitia porrectum est a Theodosio & Valentiniano, Leone & Anthimio *L. 1. L. 4. & L. 5. C. de bon. liber.* Denique Iustinianus haec generatim ad omnia bona liberorum aduentitia produxit, quorum dominium penes liberos. ususfructum penes parentes esse iussit. *L. 6. C. de*

(a) Occurrit illius mentio etiam in Digestis *L. 1. §. 15. de collat. L. 2. §. 5. de bon. possess. L. 7. §. ult. de donat. L. 16. §. 12. ad SC. Trebell.* quae loca omnia a Triboniano interpolata putat Fr. Balduin. *Iustinian. III.* Sed Iac. Gothofr. *ad L. 3. C. Theod. de postul. Tom. 1. p. 143. sequ.* de omnibus id adfirmare non audet quia quamvis aduocatis prius hoc privilegium tribuerint Theodosius iunior & Valentinianus III. tamen ante ea tempora peculium quasi castrense habuerint praecincti, vel administratores prouinciarum. Hieronym. *ad Nepotian. f. 17.* Absoluit etiam Tribonianum V. C. Ant. Schulting. *ad Paull. Rec. Sent. F. 9. 4. p. 470.* ob *L. 8. D. pro soc.* ubi locum habere haut potuit interpolatio.

(b) Iam ante Constantinum M. notabilem quamdam exceptionem introduxit Hadrianus, quae existat *L. 50. D. ad Senatusc. Trebell.* alteramque Diuus Pius, quae est in *L. 52. D. de acquir. vel omitt. hered.* Vid. Ger. Nood. *de usufructu* II. 4. p. 608.

de bon. liber Reliqua, quae vel a patre vel eius contemplatione ad filium perueniebant, patri acquirebantur. Quo etiam pertinuisse, quae filius accipiebat, congiaria, ostendit Cuiac. *Obs.* XXI, 7.

III. Ad-
quaestus
per ser-
uos.

III. Simile quid in seruo obseruatur, qui nihil habere poterat proprii, nisi quod dominus habere permetteret, idque itidem vocabatur *peculium*. Solebant illud de demenso suo vnciatim colligere serui, ac eo deinde ita negotiari, ut lucrum inde quaecunque ad se rediret. Demensi loco singulis mensibus accipiebant serui quinque modios & quinque denarios, idque vocabatur *mensurum*. Sen. *Epist.* LXXXI. Lips. *Elect.* I, 8. p. m. 50. Talia etiam erant *annua*, quae dabantur seruis publicis Plin. *Epist.* X, 40. Lips. *Elect.* I. 22. p. 125. Quidquid ergo de hisce mensuris annuisque stipendiis deparserant, peculii loco erat. Apud Terent. *Phorm.* I, 1. v. 5. seruus conferui fortunam dolens :

*Quod ille vnciatim vix de demenso suo,
Suum defraudans genium, compar sit miser,
Id illa vniuersum accipiet, hanc exijimans,
Quanto labore partum.*

Eam deinde pecuniam, concedente domino vel foenore locabant, vel inde libi emebant seruulum, cuius opera lucrarentur. Et alias seruus serui vocabatur *vicarius*, & pertinebat ad *peculium*. Immo si his quoque seruis vicariis aliquid peculii esset, & hi seruulos haberent : erant hi vicariorum vicarii, quorum mentio fit in L. 25. *D. de pecul. leg.* Haec erant seruorum *peculia*, in quae quid iuris fuerit domino, lurreconfulti docere solent.

IV.

IV. Addi personis per quas acquiritur, veteri iure oportebat etiam matres familias, quae & ipsae olim in manu maritorum erant, adeoque omnia acquirebant maritis. Sed de his harumque peculio dictum est supra *L. 1. Tit. X. n. VI.* Iam addo, inde natam esse praesumptionem, quod quidquid habet vxor, id mariti esse intelligatur. *L. 51. D. de donat. inter vir. & vx. cuius legis sensum plane exprimere videntur illa Plauti Casin. II, 2. v. 27. vbi Murrina:*

*- Quae habet partum, ei haut commodi est,
Quin viro aut subtrahat, aut supro inuenerit.
Hoc viri esse censeo omne, quidquid tuum est.*

V. Solebant nonnunquam & liberae personae in seruitute esse, quamvis non essent seruilis conditionis. Et hae quoque acquirebant dominis, ex operis suis, quamdiu hi bona fide eas in seruitute tenebant. Alias per extraneam personam nihil acquiri poterat, si discesseris a procuratoribus, quos ipse excipit Imperator §. *Inst. h. t.* qui tamen si in iudicio aliorum causas agerent, domini litis fingeantur, de quo dominio litis vid. Boehmeri *Diff. sing.* & Christ. Göthofr. Hoffm. *Diff. de procurat. cap. 1, 7. & seq.*

VI. Tollebatur istud ius parentum & minorum emancipatione & manumissione. Sed emancipatorum liberorum, antiquo iure parentes tertiam peculii aduentitii partem propriam sibi retinebant, ex constitutione vero Iustiniani dimidii peculii usumfructum. *L. 6. §. 3. C. de bon. quae lib.*

IV. Ad-
quaestus
per ma-
trem fa-
milias.

V. Ad-
quaestus
per per-
sonas li-
beras.

VI. Quid
iuris post
emanci-
pationem
libero-
rum.

TIT. X. XI. XII.

DE

TESTAMENTIS ORDINANDIS,
TESTAM. MILITARIBVS, ET QVI
TESTARI NON POSSVNT.

VLtimae sequuntur voluntates, quibus vel vniuersitatem adquirimus, seu vt Ambros. *Lib. 1. de Caino & Abele* loquitur, *bonorum hereditatem* vel res singulas. Ad prius genus testamenta pertinent, quorum antiquissimam rationem hic expendemus, maxime quum ipse Imperator dicat, *nihil hic antiquitatis nos penitus ignorare debere* §. 2. *Inst. de test. ordin.*

I. Testa-
menta
quotu-
plicia.

I. Duorum generum apud Romanos fuisse testamenta, quorum altero IN PACE, altero in PROCINCTV vsi sint, recte docuit Iustinianus §. 1. *Inst. de testam. ord.* quamvis satis incommode ipsa testamenta haec *procincta* vocet, quae veteres, & ipse Theophilus rectius IN PROCINCTV, vel, vti in vetere Glossa est, ENDO PROCINCTV adpellitant. Vtraque sunt antiquissima, & iam ante leges XII. tabularum Romae inualuerant. Sane testamenta in procinctu facta sunt iam tempore M. Coriolani, qui ante decemuiros vixit. Plutarch. *Coriolan. p. 198.* Testamenti vero in pace iam sub regibus facti, idem meminisse videtur Plutarchus in Romulo, vbi Tarrutius, Anci Marci temporibus, Laurentiam dicitur τελευτήσας ἀπο-
λυσαι κληρονόμον, quae phrasis alias hereditatem testamento delatam denotat. Vid. Perizon. *ad Leg.*

Leg. Vocon. p. 134. Fallitur ergo Desid. Herald. *Rev. quotid. cap. ult. §. 4. & 9.* falluntur & alii interpretes, qui haec testamentorum genera demum in XII. Tabulis exemplo iuris Attici recepta putant.

II. Testamenta IN PACE fiebant in comitiis calatis id est, quae pro collegio pontificum, aut regis flaminumue inaugurandorum causa, habebantur, & dividebantur in *curiata* per lictorem curiatim calata, & *centuriata* per cornicinem. Lael. Felix. apud Gell. *Noct. Att. XV, 27.* In his ergo & testamenta fiebant per modum legis, & praemissa procul dubio sollemni rogatione, qualem in adrogatione factam observat Gell. *Noct. Att. V. 14.* VELITIS IVBEATIS, QVIRITES, VTI L. TITIVS L. VALERIO TAM IVRE LEGEQVE HERES SIBI SIT, QVAM SI EIVS FILIVS FAMILIAS PROXIMVSVE ADGNATVS ESSET. HAEC ITA VT DIXI, ITA VOS QVIRITES ROGO. Vnde recte observavit illustris Thomas. *Diss. de prim. init. success. testam. §. XII.* heredes hoc modo institutos legitimos potius fuisse, quam testamentarios. Scilicet existimabant Romani legem non nisi nova lege tolli posse adeoque & nemini licere leges de hereditatibus intestatorum migrare, aliumque instituere heredem, nisi nova lege in comitiis calatis condita. V. A. Bynkersh. *Obs. II, 2. p. 113.* Ex quo fundamento etiam pacta successoria irrita putabant, quia *privatorum cautio legum auctoritate non censebatur. L. ult. D. de suis & legit. hered.* neque *ius publicum privatorum pactis mutari*

II. Testa-
menta in
comitiis
calatis
facta.

poterat. L. 38. D. de pact. Haec certa sunt, reliqua quae refert Theophilus *ad §. 1. Inst. h. t.* de populo bis in anno huius rei causa conuocato, ab eruditis vocantur in dubium. (a) Id vero certius est, ideo electa videri comitia calata, ut notio pontificum interueniret, sine quorum auctoritate sacra priuata ad heredem transire non potuissent. Vnde etiam auctores eos fieri oportebat in arrogationibus. Cic. *pro Domo cap. XIII.*

III. Testa-
menta in
procin-
ctu.

III. Testamenta IN PROCINCTU fiebant a militibus in cinctu Gabino (vid. Seru. ad Virgil. *Aen. VII. v. 612.*) ad praelium ituris. Vellei. *Paterc. II. 5.* In procinctu enim stantes vel cinctu Gabino, & scutis manus inferentes, sagaque accingentes, simul etiam tribus aut quatuor (b) audientibus, heredem suum nuncupabant. Plutarch. *in Coriolano p. 198.* Vnde ignorantiam antiquitatum produnt, qui huius gene-

(a) Maxime ob locum Gellii *Noct. Att. XV. 27.* In libro Laelii Felicis ad Q. Mucium primo scriptum est, Labonem si rillere, calata comitia esse, quae pro collegio pontificum habentur, aut regis aut flaminum inaugurandorum causa, eorum autem alia esse curiata, alia centuriata: curiata per lillorem curiatim calari, id est, conuocari, centuriata per cornicinem. Iisdem comitiis quae calata adpellari diximus, & testamenta fieri solebant. Unde ergo patet, populum non testamentorum causa calatum, sed testamenta fuisse comitorum veluti adpndicem. Thomas. *Dissert. cit §. XVI.*

(b) In Plutarchi textu est: *τῶν ἑπτὰ, καὶ τῶν ἑπτὰ*, qui conficiunt septem, sed aut particula coniunctiua hic, ut alias saepe, pro disiunctiua ponitur. Strauch. *Lexic. part. iuris voce.* Et, aut pro *καὶ* legendum n.

(c)

generis testamenta ob militum simplicitatem inuenta putant. *arg. princ. Inst. de milit. testam.* Lecta enim erat antiqua militia ex ciuibus, & quidem non ex vltima faece plebis, sed ex flore delibuto ciuium. Quare potius ad pelliciendos in militiam animos inuentum est hoc testandi priuilegium: *Thomas. l. c. §. XXIII.* immo & religionis causa admissum, & hinc abolitum, simul ac bella auspiciato geri desierant *Cic. de Nat. Deor. II, 3.* Nimirum cinctum Gabinum sumebant, qui ab Imperatore Dis Manibus pro exercitu deuouebantur. *Liu. VIII, 9. 10. X, 7. 28.* Hinc eodem induebantur milites, in rebus trepidis, quasi deuoti Dis Manibus. Vltima vero horum deuotorum voluntas quum pro lege esset, *Liu. X, 29. iunct. XXVI, 11.* etiam testamenta militum in procinctu facta rata esse iuebantur tacito populi suffragio, tanquam νόμοι ἀγροφῶν, quemadmodum testamenta in comitiis calatis condita tanquam νόμοι ἐγγραφῶν valebant. Hinc facile reddideris rationem, cur tam raro & non nisi in extremo rerum discrimine huiusmodi testamenta condita. Vid. *Vellei. II, 5. Plutarch. in Coriol. p. 198.* Extra periculum enim & cinctum Gabinum milites testabantur iure ordinario. *Caesar de B. G. I, 39. Flor. III, 10.*

IV. Quum vero non nisi praesentissimo mortis periculo in procinctu fierent testamenta: *Vellei. Paterc. Hist. II, 5. Cic. de Orat. I, 53.* verosimile est, defunctis periculo testatoribus, testamenta illa euanuisse, instar donationum

IV. An
haec rata
fuerint
post periculum?

mortis causa, licet verbis difertis haut reuocata.
 Thomaf. *Diss. alleg.* §. XXVII.

V. Testa-
 menti fa-
 ctio per
 Leg. XI.
 Tab. in-
 troducta.

V. Ceterum testamenta in calatis comitiis facta exoleuisse videntur, latis legibus XII. Tabularum. In iis enim quum fuisset cautum: PATER FAMILIAS VTI LEGASSIT SUPER FAMILIAE PECVNIAE TUTELAE VE SVAE REI, ITA IVS ESTO: Vlpian. *Fragm.* XI. 14. L. 53. D. de V. S. pr. *Inst. de L. Falc. Nou.* XXII. cap. 2. Cic. de *Inuent.* II, 50. Auct. ad Herenn. I, 13. latissima profecto omnibus facta est testandi facultas. Vnde quum ciues iam suo arbitrio possent de bonis disponere: quis quaeso adeo desipuisset, ut mallet in comitiis calatis, auctore populo, collegioque pontificum testari? Ergo tum demum videntur testamenta proprie sic dicta exemplo iuris Attici inualuisse. (c)

VI. Testa-
 mento-
 rum for-
 ma.

VI. Quemadmodum vero Icti eodem fere tempore legis actiones componebant: Pompon. L. 2. §. 6. D. de O. I. ita & testamentis certam quamdam formam dabant, inueniebantque *testamentum per aes & libram*, cuius meminit Imperator §. 2. *Inst. de testam. ordin.* vel *per familiae emptio-*

(c) Leges enim Solonis Atheniensibus non exstantibus liberis concessisse liberam testandi facultatem, constat ex Plutarch. *Solon.* p. 90. & Demosth. *Orat. in Steph.* II. p. 983. Exemplum testamentorum Atticorum haut pauca exstant apud Diog. Laertium. Adde Pfeifferi *Antiqu. Graec.* IV. 63. p. 770. sequ. Quin in testamentorum vi atque auctoritate Graeciae populos alioquin inter se moribus & institutis dissidentes conuenisse, Isocrates in *Aegnetico* tradit.

(d)

emtionem, uti vocatur §. 1. *Inst. h. t.* Quum enim ex iuris Romani principis leges de successione intestatorum non nisi alia lege tolli possent, & tamen decemuiri liberam cuius patrifamilias testamenti factionem concessissent: inueniendus erat color, quo iuris analogia seruaretur. Itaque fingeant, hereditatem non tam per ultimam voluntatem, quam per venditionem & mancipationem transferri. Vnde errat Balduin. *ad XII. Tab. XXIX. p. 119. edit. Basil.* qui ipsum ritum mancipationis vel aeris & librae in testamentis eiusmodi adhibendum in duodecim tabulis praescriptum putat. (d) Vid. Thomaf. *Diff. alleg. §. XXXIII. sequ.*

VII. In testamento vero, quod per aes & libram fiebat, duae res agebantur, nam & *familiae mancipatio fiebat & nuncupatio testamenti*. Constituebantur scilicet *familiae emtor*, antestatus & libripens, cum quinque testibus ciuibus Romanis,

VII. Te-
stamen-
tum per
aes &
libram.

(d) Exstitit equidem in XII. Tabulis lex: QVI SE SINIT TESTARIER, LIBRIPENSVE FVERIT, NI TESTIMONIVM FARIATVR, IMPROBVS INTESTABILISQVE ESTO. Gell. *Noft. Att. XV. 13. VI. 7.* Sed haec non ad testamenta pertinuit, verum ad eos, qui in mancipatione quacumque vel testes adhibiti vel libripendes, postea testimonium ferre de eo, cui interfuerant, detredebant. Vid. Iac. Gothofr. *XII. Tab. Tab. VII. p. 221.* Idemque sentiendum de altero capite: QVI NEXVM FACIT MANCIPIVMQVE, VTI LINGVA NVNCVPASSIT, ITA IVS ESTO. Festus *voce nuncupata*. Nam hoc quoque caput ad mancipationem, non ad testamentum, pertinet, ut contra Franc. Hotomanum docuit Iac. Gothofr. *ad XII. Tab. Tab. VI. p. 210.*

(e)

nis, quibus praesentibus more maiorum fiebat mancipatio vel imaginaria venditio hereditatis. Quinctilian. *Declam. CCCVIII.* Non dixerim, inquit, *testamentum, cui libripens deest, & familiae emptor, & caetera iure necessaria.* Postea testator tabulas tenens: HAEC, inquit, VTI IN HIS TABVLIS CERISVE SCRIPTA SVNT, ITA DO, ITA LEGO, ITA TESTOR, ITA-QUE VOS, QVIRITES, TESTIMONIUM PRAEBITOTÉ. Ulpian. *Fragm. XX, 9.* Isidor. *Orig. IV, 24.* Tum ultimis verbis accedebat antestatio, auresque testium tangebantur, ut docet Clem. Alex. *Strom. V, p. 574.* in testamento facitione sui temporis memorans ζυγά καὶ ἀττάρια, καρπισμύς τε καὶ τὰς τῶν ὧτων ἐπιψύσεις, *libras, asses, mancipationes & attrectationes aurium.* Testium vero nec subscriptio requirebatur, nec subsignatio, quam primus exegit Praetor. §. 2. *Inst. de test. ord.*

VIII. Te-
stamentis
confici-
endis ad-
hibiti iure
consulti.

VIII. Ipsis concipiendis consignandisque tabulis plerumque adhibebant iureconsultum, ne quidquam, quod ad earum auctoritatem pertinet, praetermitteretur. Docet id Arrian. *Dissert. Epict. II, 13.* Νομικὸς ἢ ἐξηγῆται τὰ νόμιμα, ἀλλὰ διαθήκην μὲν οὐ γράφει, μὴ εἰδώς, τῶς δ' εἰ γράφει, ἢ παραλαβὼν τὸν εἰδύτα. *Iureconsultus ei leges enarrat. Atqui testamentum nemo scribit, nisi aut ipse sciat, quomodo scribendum sit, aut eius rei peritum adhibeat.* Cicero *de Orat. II, 6.* Scaeuolae illudens: *Nam si nullum erit testamentum recte factum, nisi quod tu scripseris, omnes ad te ciues cum tabulis veniemus, omnium testamenta tu scribes unus.* Add Suet. *Ner. XXXII.* ubi studiosis iuris, id est, Ictis, sub
Ne-

Nerone haut impune fuisse dicitur, qui testamenta scripssent aut dictassent, in quibus principi nihil fuerit relictum. Nonnumquam tamen testatores, non adhibito iureconsulto, voluntatem suam, quam poterant, clarissime exprimebant. Cuius rei elegans exemplum est in *L. Lucius Titius* 88. §. 17. *D. de legat. 2.* Vbi testator: *Lucius, inquit, Titius hoc meum testamentum scripsi sine ullo iurisperito, rationem animi mei potius sequutus, quam nimiam & miseram diligentiam: & si minus aliquid legitime, minusue perite fecero, pro iure legitimo haberi debet hominis sani voluntas.* Quo casu petita intestati bonorum possessione, heredes scripti portiones suas ex fideicommissio petere poterant.

IX. Scribendo nonnumquam serui vel liberti, nonnumquam amici adhibebantur; aliquando etiam ipsi testatores testamenta sua integra conscribebant, quae tunc vocabantur *holographa*. *L. 28. §. 1. C. b. t.* Testamentorum a seruis & libertis scriptorum exempla sunt in *L. 1. §. 8. L. 15. princ. D. ad L. Cornel. de fals. nec non apud Suet. Aug. Cl. Tiber. cap. ult.* De amicis testamenta scribentibus videndus *Plin. Epist. VI, 22.* De holographis agit *Isidorus Orig. V, 24.* Testamenti alieni scriptor *testamentarius* in iure nostro vocatur, de quo vocabulo *Briffon. de Form. VII, p. 587. & de Verb. signif. hac voce.* Ceterum vel sub Nerone, vel sub Claudio ut ne quis alieni testamenti scriptor legatum sibi adscriberet, cautum est. *Suet. Ner. XVII. L. 1. §. 7. L. 6. L. 14. pr. §. 2. L. 15. pr. D. ad L. Corn. de fals. Pariat. Leg. Mos. & Rom. VIII, 9.*

IX. Scribendis vero liberti serui amici. Quaedam testamenta holographa.

X.

X. Con-
scribenda
erant lin-
gua Lati-
na.

X. In testamentis semper utebantur lingua Latina, (e) ac proinde legatum, Graece scriptum, haut valebat, teste Vlp. *Fragm. XXV*, 9. Secus se res habebat in fideicommissis, quae & Graece relinqui poterant, immo & Punice, & quacunque alia lingua. Quae enim iuris gentium erant & alia lingua; quae iuris civilis; Latina duntaxat poterant explicari. *L. 8. §. 4. D. de acceptilat.*

XI. Saepe
plures ta-
bulae eo-
dem ex-
emplo
factae.

XI. Plerumque plures tabulae eodem exemplo conficiebantur. *L. ult. D. de his quae in test. L. 1. D. de bon. poss. sec. tab.* Quem morem etiam Augustus observavit, teste Suet. *Oct. Cl.* & Tiberius, teste eodem in *Tiber. cap. ult.* Tabulas has vel priuatim apud amicum, vel in aede sacra apud virgines Vestales vel aedituos deponebant *L. 1. D. de bon. poss. sec. tab. L. 3. §. 1. D. de tab. exhib.* Lips. ad Tacit. *Ann. I. p. 17.* Virgini Vestali maxime testamentum suum commendauerat Iulius Caesar. Suet. *Iul. LXXXIII.* cuius exemplum sequutus etiam Augustus. Id *Octau. Cl. Conf. Tac. Annal. I, 8.*

XII. Te-
stamenta
quomo-
do scri-
pta?

XII. Scribebantur fere testamenta in ceris, quae ligneis tabulis erant infusae. Vnde in formula nuncupationis dicitur: *uti in his tabulis cerisue scripta sunt*, quemadmodum & alias loquebantur veteres. *Liu. I, 24.* Vtrumque iunge-

(e) Plura testamenta Romanorum integra ex vetustis lapidibus aliisque monumentis collegit. Barn. Briffon. *de Form. VII. p. 677.* sequ. & Mabillon. in *adpend. de re diplom.* qui tamen & testamentum Iulii Caesaris manifesto supposititium retulit *Lib. V. Tab. I. n. III.*

(f)

iungebatur euitandae captionis ergo. Proprie enim non inscribebatur tabulis, sed ceris V. A. Corn. van Bynkershoeck. *Observat.* III, 21. Schulting. *Iurisprud. Antiqu.* p. 629. Male ergo Cl. Salmasius per ceras intelligit ceras exteriores, quibus signa impressa erant, negatque cetratarum tabularum mentionem facere in scriptis suis iureconsultos. (f) Salmasius *de subscrib. & sign. testam.* XIX. XX. XXVI.

XIII. Aliud postea testamentorum genus XIII. Te-
sensim inualuit quia Praetor insuper habitis il-
lis sollemnitatibus, mancipatione scilicet & stamen-
nuncupatione, sola exigebat septem testium tum prae-
signacula. Septem, inquam, testium, ut scilicet torium.
praeter quinque illos, quos exigebat ius civile, etiam essent, qui emtorem familiae & libripendem referrent. Vid. §. 2. *Inst. h. t. & ibi interpretes.* Ceterum satis antiquum est hoc testamentum Praetorium, iam Ciceroni in *Verr.* I, 45. memoratum. Ibi enim Verres Praetor edixisse dicitur: SI DE HEREDITATE AMBIGATVR, ET TABVLAE TESTAMENTI NON MINVS MVLTIS SIGNIS, QVAM E LEGE OPORTEAT AD ME PROFERENTVR, SECVNDVM TABVLAS TESTAMENTI

(f) Quamvis enim earum usus, reperta papyro, rarior fuerit; aliquem tamen adhuc fuisse tempore Constantini M. immo & Theodosii, ex Themist. *Orat.* XVI. & XVIII. patet, ubi mentio fit *αὐτῶν τῶν σιδήρων*. Occurrunt etiam cerati codicilli. L. 52. *D. de Legat.* 2. & lignae tabulae L. 1. *D. de bon. poss. contra tab.* Adde Schulting. ad Vlpian. *Fragm.* XX. 9. p. 629.

(g)

STAMENTI POSSESSIONEM HEREDITATIS DABO. Et ne quis hoc Edictum a Verre primum inuentum existimet, statim addit Cicero: *Hoc tralatitium est*, id est edictum vetus & ex anteriorum Praetorum albis in illud Verrinum translatum.

XIV. Noua testandi ratio per constitutiones introducta.

XIV. Mansit antiqua testandi ratio per aes & libram diutissime, adeo ut Vlpianus scribat, *Fragm. XX, 2. Illis duobus testamentis* (in comitiis calatis & in procinctu) *abolitis, hodie solum in usu est, quod per aes & libram fit, id est, per mancipationem imaginariam.* Vnum itaque memorat testandi modum. Quamuis enim & Praetoria testamenta frequentarentur: ea tamen non nisi improprie hoc nomen sustinebant quum ex eis non hereditas, sed bonorum possessio daretur. *L. 7. L. 9. D. de bon. poss. sec. tab.* Denique quum & constitutionibus quaedam nouae inueherentur obseruationes: in vnum conflare coeperunt ritus ex iure ciuili, praetorio & constitutionibus principum nati, id quod temporibus Theodosii iunioris factum esse, non sine adparatu docet Iac. Gothofredus *ad L. 1. C. Theod. de testament. & codicill. Tom. 1. p. 334. sequ.* Ex eo itaque inualuit, ut testamenta I) vno contextu, II) praesentibus septem testibus, III) iisdemque subscribentibus & IV) annulo signantibus fierent, & V) a testatore ipso vel scriberentur vel subscriberentur. §. 3. *Inst. h. t.* Quibus sextam sollemnitatem addiderat Iustinianus ut per manus testatoris & tertium nomen heredis exprimeretur. §. 4. *Inst. h. t.* Eam vero ipse Iustinianus iterum sustulit, *Nov. CXIX, 9.* Ut adeo parum

parum diuturna fuerit huius subtilitatis obseruatio.

XV. His praemissis, & maxime si obseruaueris, testamenta olim in comitiis calatis facta esse, facile patet, cur quidam testes esse non potuerint, veluti mulieres, impuberes, serui, furiosi, surdi, muti. Nam nullus horum admittebatur ad comitia. *Thomas. not. ad Inst. h. t.* Et hinc etiam dicitur, nullam cum iis esse testamenti factionem.

XV. Sur quidam testes esse non potuerint?

XVI. Ad testamentum militare quod attinet, quo ritu illud antiquissimis temporibus in procinctu factum, iam supra (§. III.) diximus. Vbi etiam illud cum auspiciis euanuisse, ex Cicerone obseruauimus. Sub Imperatoribus, (g) quum loco militiae lectae placeret mercenaria: eo quoque inter alia priuilegio ornati sunt milites, vt quomodocunque facta ab iis testamenta, valerent, etiam sine legitima obseruatione. *Vlp. Fragm. XXIII, 10.* Hinc & ratum erat militare testamentum, si praesentibus comilitonibus aliquot, heredem quis nuncupasset, vel si gladio in arena; vel litteris sanguine rutilantibus in vagina scripsisset. *L. 1. §. C. de test. milit.* Ita vero demum valebat testamentum, si testator vel in castris mortuus esset, vel post missionem

XVI. Testamentum militare.

(g) Quia Testamenta in procinctu facta iam Ciceronis tempore exoleuerant: militaria testamenta, de quibus in iure nostro agitur, ex constitutionibus Principum deriuanda. *Vlp. Fragm. XXIII, 10.* & quidem primum ex edicto Caesaris, hinc Titi, postea Domitiani, mox Neruae, ac postremo Traiani. *L. 1. pr. D. h. t.*

sionem intra annum. Vlpian. *l. c.* Neque opus tamen erat, ut in acie extremoque periculo fierent testamenta, donec Iustinianus in expeditione & castris tantum constitutis militibus sollemnitates remitteret. Sibi sane hanc militaris testamenti restrictionem disertis verbis tribuit Iustinianus. *pr. Inst. b. t. L. 17. C. eod. (b)*

XVII. Distinctio inter paganos & milites.

XVII. Nihil horum licebat *paganis*. Ita enim sub imperatoribus dici coeperant, quicunque non erant milites. Suet. *Aug. XXVII. Galb. XIX.* Plin. *Epist. VII, 25. X, 18.* Tacit. *Hist. I, 35. II, 14. 88. III, 43. & 77.* Eaque adpellatione nihil est in iure frequentius. Ratio videtur, quia milites emeriti impetrata missione ab Imperatoribus in pagis ad colendos agros, sibi donatos, collocabantur. Vnde pagani; qui non amplius erant milites, & productio vocis usu, omnes ἀπόλεμοι καὶ ἀστράτευτοι, qui & *privati* saepissime adpellantur.

XVIII. Quinam testari non poterant.

XVIII. Immo inter paganos ne poterant quidem omnes testari. Cuius rei in promptu est ratio. Non peregrinis hoc licebat, quia testamenti factio ad iura Quiritium pertinebat. Non filiisfamilias, quia nihil habebant, de quo testarentur, praeter peculia castrense & quasi castrense, in quibus pro patribusfamilias erant. Nec filiisfam. participes erant iuris comitiorum, nisi magistratum gererent. Vlpian. *Fragm. XX, 10.* ut taceam Legem XII. Tabularum non filiisfam.

(b) Tribonianismum ergo esse oportet, quod *L. 1. C. 15. C. de milit. test.* huius coarctati privilegii mentio fit. Vid. Giphani ad *L. 1. C. eod.* Donell. *Comm. l. 128.*
(i)

fam. sed patribus familias liberam fecisse testandi facultatem. (i) Non impuberibus, quia iis nec in comitiis locus erat, nec in militia. (k) Non furiosis, quia nullum iis erat animi iudicium. Hinc si dilucida erant furoris interualla, interea dum furor remiserat, poterant testari *L. 9. C. qui test. fac. poss.* Non prodigis porro, quia vetere iure furiosis equiparabantur. *L. 12. ff. D. de curat. & tut. dat.* Non surdis & mutis, quia & hi nec rogationem audire, nec suffragium dare in comitiis poterant, immo nec testes rogare, pronunciata sollemni formula: *Vos Quirites testimonium praebitote.* Apulei. *de asino aur. 11.* Ulpian. *Fragm. XX, 9.* Cuiac. *Obs. VI, 37.* Quod secus erat in caecis. Denique nec captis ab hoste, deportatisue in insulam, ut & quancunque capitis deminutionem vel maximam vel median passis testari licebat, amisso quippe iure ciuitatis, quum testamenti factio esset ciuium Romanorum propria. Sigon. *de antiquo iure Cin. Rom. I, 12. p. 153.*

XIX.

(i) Vnde Iuuenal. *Sat. XVI.*

Solis praeterea testandi militibus ius

Viuo patre datur.

Exceptam tamen peculium castrense & quasi castrense per constitutiones principum.

(k) Augustum tamen etiam impuberes Tribunos militum fecisse, probant ex Sueton. *Aug. XXXIII.* Vnde & tribunis militum impuberibus factam esse testandi potestatem ex *L. 4. C. de test. milit.* obseruat Alexander ad Cai. *hyst. 11, 3. 3.* Sed nec Suetonius nec dicta lex loquitur de impuberibus. Vid. notas Graeuii, Rubenii, Casaub. ad Suet. & Schult. ad Caii *hyst. I. c. p. 45.*

XIX. An
feminis
olim te-
stari li-
suerit?

XIX. Feminae olim in comitiis calatis plane testari non poterant, quia nullus iis accessus ad comitia. Postea permilla iis testamenti factio, si essent sui iuris, sed non nisi auctoribus tutoribus. Vlp. *Fragm.* XX. 15. Cic. *pro A. Caecina*. VI. Hinc earum testamenta non poterant esse arcana, sed magno periculo subiiciebant feminas, ceu discimus ex L. 77. §. 24. *D. de legat.* 2. Ex qua lege inferri haut potest, feminas non nisi nuncupatiua testamenta condidisse, quamuis id intulerit Merill. *Obs.* II. 1. p. 69. & IV, 39. p. 55. Tabularum enim a feminis scriptarum exempla habemus apud Val. Max. VII, 8. 2. Suet. *Galb.* V. Plin. *Epist.* II, 20. Heredum quoque a feminis scriptorum mentio fit L. 19. *D. de inoff. test.* L. 37. §. 6. *D. de legat.* 3. L. 3. *C. de inoff. test.* L. 33. *D. de vulg. & pup. subst.* Vid. *Comment. nostr. ad L. lul. & Pap.* II, 11. p. 240. *sequ.* Feminae, quae in manum conuenerant, capite deminutae & filiarum familias instar erant, neque adeo testari poterant, ut recte docent M. Aur. Galuan. *de usufr.* IX. ult. & V. C. Ant. Schult. *ad Vlpian.* p. 632. Vnde errant Cuiac. *Obs.* VII, 11. & Aleander *ad Caii Inst.* II, 2. 1. qui matribus familias, si in manum conuenissent, testandi fuisse facultatem existimant.

XX. Ius
exhere-
dandi
olim li-
berri-
mum.

XX. Ad exheredationem quod attinet, liberum olim erat, ex XII. Tabulis, filios uti occidere ita exheredare, L. 11. *D. de liber. & postum.* immo & praeterire, idque adhuc tempore Ciceronis obseruabatur, ut patet ex libro *de Orat.* I, 38. Postea filii in potestate constituti aut instituendi, aut nominatim exheredandi erant.

pr.

pr. Inst. de exh. lib. L. 30. D. de lib. & post. Itaque ex eo tempore filios suos exheredare quidem licebat, at nominatim. (1) Idemque obseruandum erat in adoptiuo, quamdiu in potestate erat, itemque in postumo, non item in postuma. Filiae enim postumae, nepotes & pronepotes, exheredari poterant inter ceteros, immo & praeteriri, dummodo postumae legatum relinqueretur, ne per oblivionem videretur praeterita. *Ulpian. Fragm. XXII, 21. seq.*

XXI. At quum parentes abuti coepissent hac exheredandi licentia veluti Tettius, qui in gratiam nouercae filium infantem exheredabat: *Valer. Max. VII, 7. Reincl. ad Inscr. Class. I, 10. p. 24.* factum est, ut leges querelam inofficiosi testamenti concederent liberis iniuste exheredatis. Et de ea sub imperatoribus iudicabant Centumviri. *Valer. Max. VII, 7. Quintil. Inst. IV, 7. Plin. Epist. IV, 8.* Qua de re plura ad titulum XVIII.

XXII. Sed Iustiniano minus e republica visum est, tantam rem esse arbitrariam. Hinc certas tantum ob causas ratam esse iussit exheredationem, quas recensuit *Nou. CXV.* & de quibus plura tradunt Iureconsulti.

XXIII.

(1) Non requirebatur tamen praecise nomen proprium, sed & sufficiebat descriptio, vel demonstratio, e. g. *filius meus exheres esto*, dummodo unus esset filius: aut cum elogio vel conuicio: *non nominandus, non filius meus, latro, gladiator, L. 1. 2. § 3. D. de lib. & postum.* Conf. *Aleand. & Oifel. ad Cañ Inst. II. 3. princ.* *Barr. Brissou. de Form. VIII. p. 605.*

XXIII.
Abdicatio
dicer-
enda ab
exhere-
datione.

XXIII. Id iam ex antiquitate addendum, distinguendam ab exheredatione esse abdicationem, qua parentes liberos degeneres & se indignos e conspectu suo abire iuebant. Exempla sunt apud Valer. Max. V, 8. 3. & 4. Vnde recte quidem Hotoman. in *partit. iur.* X, 10. statuit, abdicationem non fuisse modum soluendi patriam potestatem; in eo tamen ipsi adfentiri nolim, quod Graecis tantum nota fuerit qui liberos per praecones e familia eiicere solebant idque vocabant ἀπειρεῖν vel ἀποκηρύσσειν vel ἐκκηρύσσειν. Nec probabile est, Quintilianum, dum huius abdicationis toties meminit, exempla tantum puerilium exercitationum ex Graecorum Scholis proferre voluisse; Graecum enim hunc ritum etiam inter Romanos sensim inoleuisse, quamuis eum leges Romanae haut probarent, adparet ex L. 6. C. de patr. potest.

TIT. XIV.

DE

HEREDIBVS INSTITVENDIS.

Satis succincte hanc materiam tractauit Tribonianus, quum latius multo patuerint veteres illae de heredum institutione leges. Iuabit ergo, quae defunt, ex antiquitatibus Romanis supplere.

I. Etiam
serui insti-
tui pote-
rant here-
dos.

I. Nihil intererat, liberumne quis hominem, an seruulum heredem institueret. Nam & serui heredes esse poterant, siue alieni, siue proprii. Illi quia hereditatem adquirebant domi-
nis

nis adire iubentibus: hi, quia libertatem simul consequebantur, & sic fiebant hereditatis capaces. Hinc est, quod serui proprii non nisi data simul libertate, institui possent donec Iustinianus, Iureconsultos quosdam sequutus, institutionem serui proprii etiam sine expressa libertatis datione valere voluit *L. pen. C. de necess. seru. hered. instit.*

II. Institui tamen non poterant I.) *peregrini*, qui plane nihil capiebant. *Cic. pro A. Caecina XXXV.* II.) *caelibes*, qui nihil ex testamento capiebant per legem Papiam Poppaeam. *Dio Cass. LIV. p. 608. Sozom. Hist. eccl. I, 9.* Quae caelibatus poena a Constantino demum M. sublata est. *Sozom. I, c. L. vii. C. Theod. de infirm. poen. caelib.* III.) *Orbi* id est, parentes, qui sterile matrimonium fuerant experti. Hi enim inter se decimam tantum, non solidum, capiebant. (a) Sin vero ex priore matrimonio superessent liberi, totidem decimas capere poterant, quot sustulerant liberos. *Ulpian. Fragm. XIII, 1.* Ex testamento extranei non nisi semissem capere poterant. *Vid Comm. nostr. ad L. Iul. & Pap. II, 21. p. 343.* Excipiuntur porro IV.) *Vniuersitates*, quas quidquam capere potuisse negat *Plin.*

II. Qui heredes institui non potuerint?

(a) Per legem Papiam Poppaeam, cuius caput ea de re agens singulari nomine dicitur *lex decimaria I., 2. C. Theod. de iure liberor.* Thalel. *Βασιλικών Tit. V. p. 47.* Praeter decimam tamen etiam vsumfructum tertiae partis bonorum, & dotem praelegatam, & si liberos habebant, eiusdem partis proprietatem capere poterant. *Ulpian. Fragm. XV. Add. Comm. nostr. ad L. Iul. & Pap. Popp. II, 14. p. 259.*

Plin. *Epist.* V, 7. Vlpian. *Fragm.* XXII, 5. Quod ideo receptum videtur, quoniam vniuersitates hereditatem cernere non poterant. Capere tamen iis licebat per fideicommissa, Vlp. *l. c.* idque concesserat SC. *Apronianum*, cuius originem non cum Cuiacio ad Vlp. *l. c.* ad tempora D. Marci, sed cum Ant. Augustino *de Legib. & SCt.* ad Hadriani imperium referimus, sub quo occurrit consul Apronius. A. C. CXVII. CXXIII. Vid. Schulting. ad Vlpian. *Fragm.* XXII, 5. p. m. 635. Videtur tamen tempore D. Marci id, quod ciuitatibus concessum fuerat SC. Aproniano, etiam ad collegia fuisse productum, idque adparet ex L. 20. *D. de reb. dub.* Immo & alio SC. concessum est, ut municipia heredes institui possent a libertis suis Vlpian. *L. 1. §. 1. D. de libert. vniu.* Erant vero liberti vniuersitatum serui publici manumissi. Hinc apud Gruter. p. LXXXIII, 13. ISID. REG. L. PVBLICIVS EVTYCHES MVN. TAR. LIB. Porro V.) nec mulieres heredes libere institui poterant post Legem Voconiam. Cic. *Verrin.* I, 43. Dico libere. Eas enim capere potuisse δύο ἡμισυ μυριάδας ὑπάρχεις XXV. millia nummum, ex Dione Cass. *Lib.* LVI. p. 662. patet. Male haec verba Dionis habita sunt ab interpretibus, quorum plerique crediderunt, legem Voconiam prohibuisse, ne quis, qui centum millia HS in bonis haberet, plus quam quadrantem bonorum id est xxv. millia HS feminae relinqueret. Vidit eum errorem Bachovius ad *Inst. b. l.* Sed eo se ne ipse quidem expedire potuit. Felicius V. C. Iac. Perizonius

de Leg. Vocon. p. 144. sequ. docuit, in textu Dionis intelligendas esse drachmas, quas semper in animo habent Graeci Sriptores, quoties de Romana pecunia loquuntur. Gronou. de Pecun. vet. III, 16. Itaque per hanc legem mulieri non licuit relinquere vltra XXV. millia drachmarum, seu cm sestertium, antequam lex illa Voconia per opulentiam ciuitatis subuerteretur. Gell. *Noct. Att.* XX, 1.

III. Dum vero vniuersitates heredes institui potuisse negauimus, intelligendum id est de municipiis & collegiis, Romanorum imperio subiectis, non de ciuitatibus, quae iure suo legibusque utebantur. Sic apud Tacit. *Annal.* IV, 43. Vulcatius Moschus exsul bona sua reliquit Massiliensibus. Quod exemplum frustra Plinio & Vlpiano opponit Muretus *ad Tacit. l. c.* Erant enim Massilienses *ἀυτονομοί* & liberi, teste Strabone *Geogr. IV. p. 197. sequ.* conf. Grot. *de iure belli & pac. l. 3. 12.* Postremo etiam vniuersitates heredes institui poterant *L. 12. C. de her. instl.* iisque legare etiam Paulli temporibus licebat. *L. 122. princ. D. de legat. 1.*

III. Vniuersitates quaedam heredes scribi poterant.

IV. Heredes quoque institui non poterant VI.) Dii. (b) Quod ideo procul dubio indutum, ne bona ciuium: vñibus subtracta sacerdotum luxuriae seruirent, quamuis & altera ciuilis

IV. Qui Dii potuerint institui heredes ?

ratio

(b) Hoc quoque obseruat Vlpian. *Fragm. XXV. 6.* quem locum minus accurate P. Faber. *Semestr. III, 1.* de religionibus priuatis non inspicendis, diuine praeter Senatus auctoritatem non colendis interpretatur. Vid. Schulting. *Iurispr. ant. p. 635.*

Kk 5

(c)

ratio accederet, quod Dii hereditatem cernere atque adire non possent. Coeperunt tamen Romani sub Principibus Diis quibusdam, ut hereditatum capaces essent, ius liberorum dare ridicula profecto liberalitate, Dio Cass. *LV. p. 629.* Tale ius, teste Vlpiano *Fragn. XXV, 6.* impetrauerant Iupiter Tarpeius, de quo Petr. Fab. *Semestr. III, 4.* Iust. Rycqu. *de Capitol. Rom. XVIII. XIX. XX.* Apollo Didymaeus, (qui & Branchides vel Branchiades, Pompon. Mel. *de Sit. Orb. I, 17.* & ibi Isaac. Voss. *p. 83.*) Mileti cultus, quae vrbs etiam in numis suis praefert ΔΙΑΥΜΕΑ ΜΙΑΗΛΙΩΝ, apud Patin. *Namij. Imp. aer. p. 73.* Conf. V. C. Burmanni *Ion. κατιβότιν p. 100.* Mars in Gallia, de quo Caesar *de Bell. Gall. VI, 17.* Minerua Miliensis, vel ut alii (c) legunt, Iliensis, de qua L. Holstenius *ad Steph. voce Ἰλίου.* Hercules Gaditanus, de quo Iustin. *Hist. XLIV, 5.* Appian. *Punic. p. 256.* Diana Ephesia, de qua legi merentur Iac. Menetreeii *Symbolica Dianae Ephes. statua* & L. Holsten. *Epist. de fulcris seu verubus Dianae Ephesiae Dianae simulacro adpositis* apud Gronou. *Thes. Ant. Graec. Tomo VII.* Mater Deorum Sipelensis, vel, ut alii legere iubent, Sipylensis, vel Sipylene. Sane ΜΑΤΗΡ ΣΙΠΥΛΗΝΗ legitur in *Marmoribus Arundellianis. p. 11. & 12.* Th. Reinse. *inscript. Classe I. n. 43.* Iac. Spon. *Miscell. p. 350.* Ita enim dicta a Sipylo monte, ceu adparet ex marmore Smyr-

(c) Veluti Hadr. Turneb. *Aduers. VII. 21.* Cuiac. *Obseru. X, 5.* licet dissentiant P. Fab. *Semestr. III, 4.* & Rad. Forner. *Rer. Quotid. II, 8.* qui Meliensem legi iubet. (d)

Smyrnensi, quod commentario illustravit Car. Patin. Patau, c10 10C1XXXV, 40. De ea Diua videndus Heinſ. *ad Prudent.* πρὶ σιφαν. X. v. 196. Marqu. Gud. *ad Phaedr. Fab. III*, 20. Denique Coelestis Salinensis Carthaginis, de qua vt & reliquis copioſiſſime Schulting. *Iurispr. antiqu.* p. 636. *ſequ.*

V. Ceterum hereditatem veteres ſemper vt aſſem conſiderabant, eiusque adeo duodecim concipiebant vncias. Erat enim *aſ* quidquid ad μράδα atque vnitatis rationem poterat reduci, quaſi εἰς, Salmaſ. *de uſur.* p. 536. Idem *de modo uſur.* p. 261. Fluxit *aſſis* vox a Doribus, Siculis & Tarentinis, a quibus & ipſum grauis ponderis numum & pleraſque rei pecuniariae adpellationes Romani acceperant. Nam ex Dorico αἶς Tarentini & Siculi fecerunt, αἶς inde Romani vtrumque vocabulum *aes* & *aſ* habuerunt. Quorum vocabulorum eadem erat ſignificatio, quia primus *aſ* ex aere fuerat percuſſus, Conf. Scalig. in Varr. *de Lat. Lingu.* IV. p. 69. Porro quum αἶς a Siculis etiam λίτρα diceretur; factum eſt, & vt Romani *aſſem* vocarent *libram*. (d) Et quum duodecima pars τῆς λίτρας Siculis eſſet ἐγκία idem nomen etiam placebat Romanis. Praeclarus hanc in rem locus eſt Iulii Pollicis *Lib. IX. cap. 6. ſegm.* 80. Ἀλλὰ μίντοι παρ' αὐτῶν

V. As hereditari-
us.

(d) Aſſes enim erant librales vsque ad bellum Punicum primum. Poſtea aſſes ſextantarii cudi coeperunt. Plin. *Hiſt. Nat.* XXXIII. 13. Vnde errat Feſtus voce *ſextantarii aſſes*, dum hanc mutationem demum a bello Punico ſecundo factam exiſtinat, Vid. Io. Harduin. *Not. ad Plin. l. c.*

(c)

τῷ (Ἀριστοτέλει) τις ἐν τῇ Ἱμεραίων πολιτείᾳ καὶ ἄλλαι
 οὗτοι Σικελικῶν νομισμάτων ὀνόματα, διὸν ὀυγκίαν, ὅπως
 λέγεται χαλκῶν ἑνα. *Ceterum apud eundem* (Aristotelem) *in Himereorum Politia etiam alia inueniet*
Siculorum nomina, utpote VNCIAM, quae valet
aereum unum. Hinc Romani omne totum *assem*,
 vocabant; idque diuidebant in duodecim vncias,
 quasi id demum esset perfectum, quod XII.
 partibus vel vnciis constaret. Eleganter Balbus *de Asse* apud I. F. Grono. *de Pec. Vet.* p. 883.
Quidquid unum est, & quod ex integrorum diuisione
remanet, assem ratiocinatores vocant. Exemplum
 est non modo in hereditate, verum etiam in
 vfuris, de quarum computandi ratione per vncias
 post Salmasium egregie commentati sunt Io. Frider. Gronou. in *Dissert. tribus de Centesima*
& asse vnciario & Ger. Nood. *de Foen. & vfuris*
 II, 2.

VI. Eius
 partes.

VI. Hinc facile explicantur nomina, quibus hereditatis partes designare solent iureconsulti. Quum enim AS integrum bonorum corpus significet, in duodecim vncias diuisum: vndecim vnciae vocabantur DEVNX, quasi *uncia una demta*. (e) Pari ratione *decemvnciae* vocabantur DEXTANS quasi *desextans*, hoc est, demta sexta parte, nec non DECVNX, quasi *decem vnciae*. *Novem vnciae* DODRANS, quasi *dequadrans*, id est, demto *quadrante*; *octo vnciae* BES, siue a veteri *des*, vt Varro coniicit, vel quasi

(e) De enim in compositione tollit, vt patet exemplis, *demens*, *destruere*, *vnde viginti duodeviginti*.

(a)

quasi *bis triens*, ut Festus mauult. Balbus *l. c.* potius *beffis*, dicendum esse monet quam *bes* vel *des quoniam binas ex tribus assis partes sibi vindicet*. Sed ea de re pluribus inter se disceptant Scaliger, Salmasius, Vossius. Conf. Ian. Vinc. Grau. *ad XII. Tab. p. 338. sequ.* Septem unciae dicebantur SEPTVNX, cuius nominis ratio per se patet, Sex unciae SEMIS; quasi *semiaffis*; quinque unciae QVINCUNX; quatuor unciae TRIENS, id est, tertia pars assis: tres unciae QVADRANS, id est quarta pars assis; duae unciae SEXTANS, quasi sexta pars assis. Quae vero de partitione harum unciarum in iure inculcantur, de iis copiose Doctores, & imprimis Gu. Budaeus *de asse*. Sunt tamen & alia vocabula iuris eodem pertinentia. Nam duplicatus as erat DVPPONDIVS, quemadmodum vnum pondus ASSIPONDIVM vocabatur. Dimidia pars unciae est SEMVNCIA, tertia DVELLA, vel BINAE SEXTVLAE pars eiusdem quarta SICILICVM, vel uti Balbus p. 886. scribit, SICI LIQVVS, *L. 21. §. 2. D. de ann. legat.* pars sexta SEXTVLA, quam minimam aeris partem vocat Varro *de Ling. Lat. Lib. IV. p. 40. edit. Scalig.* & tamen octaua etiam pars unciae vocatur DRACHMA duodecima HEMISECLA vel DIMIDIA SEXTVLA, sexta decima TREMISSIS, quarta & vicesima SCRVPVLVS Ita Balbus *de Asse p. 886.* Add. Voluf. Maecian. *de Asse* apud eundem Gronou. p. 874. sequ.

TIT. XV. XVI.

DE

VVLGARI ET PVPILLARI
SVBSTITVTIONE.

DE substitutionibus vix est, quod ex antiquitate moneamus, quod non iam in iure ipso sit explicatum. Quare paucis tantum de origine substitutionum, & quibusdam earum circumstantiis dicemus.

I. Substitutionum origo.

I. Multum intererat Romanorum, ne testamenta destituerentur, tum ob conditiones varias, quibus plerumque ab herede satisfactum cupiebant, tum maxime ob sacra priuata, quae interire nolebant.

II. Heredes secundi.

II. Ne ergo deesset heres; ei vel eis, quem quosue instituerant, substituere solebant alios, ad quos in casum deficientium priorum bona deuoluerentur, (a) eosque vocabant *heredes secundos*,

(a) Substitutio ergo vulgaris e XII. Tabulis est, & consequens amplissimae potestatis de rebus suis disponendi: pupillaris moribus inducta dicitur *L. 2. D. h. t. Cuiac. Obs. VII. 6.* Enimvero & haec in legibus XII. tabularum omnino reperit fundamentum. Pater enim familias ex ea lege etiam de PECVNIA SVAE REI legare poterat. Suis rebus etiam accensebantur filii familias, quippe qui, tamquam res Mancipi, in dominio iuris Quiritium erant. Bynkershoeck *de iure occid. lib. I. p. 145.* Ergo rationi consentaneum videbatur, patrem de pecunia filii sui, qui ipse per aetatem testari non posset, testari, adeoque eidem substituere pupillariter posse.

(b)

undus. Cic. de Invent. II, 21. pro A. Cluent. XI. Grut. Inscr. p. DXXIX, 3. p. DLIX. 7. Reines. Inscr. Class. VIII, 13. 14. 15. Rem ita describit Appianus: Ἐθεος Ῥωμαῖοις παραγράφειν τοῖς κληρονόμοις ἱτάς, ἐῖ μὴ κληρονομοῦν οἱ πρότεροι. Mos est Romanis heredibus substituere alios, si priores heredes non fierent. Porro & his heredibus nonnumquam substituebantur, qui tertio vel ulteriore gradu succederent. Sic Augustus testamento suo primo loco Tiberium & Liuiam; secundo nepotes pronepotesque: tertio primores ciuitatis scripserat. Tacit. Ann. 1. 8. Suet. Aug. cap. Cl. Meminit quoque tertiorum heredum Suet. Claud. VI.

III. Formula vulgariter substituendi est apud Caium *Inst. II, 4. 1. ILLE HERES MIHI ESTO, QVOD SI HEREDITATEM MEAM ADIRE NOLVERIT, ILLVM SVBSTITVO, AD QVEM HEREDITAS MEA DEBEAT PERTINERE.* Videtur tamen haec formula ab Aniani manu esse, obseruante Aleand. *ad Caii l. c.* certe non fuit perpetua, ceti ex plurimis pandectarum locis patet, quae colligit Briffon. *de Form. VI. p. 607.*

III. Formula substituendi vulgariter.

IV. Haec vulgaris substitutio. Pupillaris quasi duplex testamentum complectebatur, siquidem prius sibi paterfamilias, deinde filio impuberi heredem instituebat, in eum casum, si hic intra pubertatem decessisset. *L. 2. §. 4. D. de vulg. & pupill. subst. L. 25. D. qui test. fac. poss. §. 2. Inst. h. t.* Quamuis enim & hic dissentirent Proculiani & Sabiniani, quorum illi id adfirmare; hi negare solebant: *Merill. Obs. III, 12. po-*

IV. Substitutio pupillaris eiusque formula.

posteris tamen Proculi doctrina constanter placuit. Recepta hic erat formula: ILLE FILIVS SI INTRA PVBERTATEM DECESSERIT, ILLVM SVBSTITVO. Cai. *Inst.* 11, 4. 2. Cuiusmodi substitutionem ita describit Horat. *Serm.* 11, 5. v. 45.

*Si cui praeterea validus male filius, in re
Praeclara sublatuſ, aletur; nec manifestum
Caelibis obsequium nudet te, leniter in ſpem
Arrepe officioſus, ut & ſcribare ſecundus
Heres, & ſi quis caſus puerum egerit Orco,
In vacuum venias.*

V. Cautela
in ſubſti-
tutione
pupillari
obſerva-
ta.

V. Inprimis vero id accurate obſervatum legimus, quod parentibus de liberorum ſalute ſollicitis commendat Iuſtinianus §. 3. *Inst. de pupill. ſubſt.* ut ſubſtitutionem in ima parte tabularum ſcriberent, eamque ſeparatim ſignarent, (b) ne ſubſtitutus heres pupillo ſtrueret inſidias, malletque rapere hereditatem, quam incerta ſpe exſpectare. Sic Horat. *Sat.* 11, 5. v. 53.

- - - *Quid prima ſecundo
Cera velit verſu.*

Ad quae verba videnda virorum doctorum ſcholia. Eandem cautionem nonnunquam in vulgari ſubſtitutione adhibebant. Et huc quoque pertinent illa Suet. *Caes.* LXXXIII. *No- uiſſimo teſtamento tres inſtituit heredes ſororum nepotes, C. Octavium ex dodrante, & L. Pinarium & Q. Paedum ex quadrante, reliquos in IMA CERA.*

C. Octa-

(b) Vnde & tabulae ſecundae adpellatae vltimi illi verſus qui ſubſtitutionem pupillarem complectebantur. Vid. Baro. Briffon. *Sel. Ant. Rom.* 111, 12. p. 54.

(c)

LIB. II. TIT. XVII. XVIII. XIX. §29

C. *Octavius etiam in familiam nomenque adoptavit.* Conf. Salmaf. *de mod. usurar. cap. XI.* Cai. *Inst.* II, 4. 2. ibi Oiselius.

TIT. XVII. XVIII. XIX.

QVIB. MODIS TESTAM. INFIRMAN-

TVR. DE QVERELA INOFFICIOSI, ET HEREDVM QUALITATE, ET DIFFERENTIA.

DE modis, quibus testamenta infirmantur, paullo accuratius dicere poterat Iustinianus. Nos ne actum agamus, pauca ab eo omiffa supplebimus.

I. Quemadmodum iureconfulti rebus omnibus nomina sua tribuebant: ita & modos infirmandi testamenta accurate suis distinguebant vocabulis. Sic quae ab initio inualida erant testamenta ob personarum vel voluntatis vitium ea NVLLA esse dicebant. Alia sunt INIVSTA, siue non iure facta, in quibus scilicet non obseruata sunt sollemnia iuris. L. 1. D. *de iniust. rupt. irr. fact. test.*

L. Testamenta nulla & iniusta.

II. Ex post facto infirmabatur testamentum iure vel *praetorio* vel *ciuili*. Priori casu dicebatur BONORVM POSSESSIO CONTRA TABVLAS DARI, de qua suo loco. Posteriore casu testamenta vel *rumpi*, vel *irrita fieri*, vel *desitui*, vel *rescindi*, ferebantur.

II. Infirmata ex post facto.

III. RVMPEBANTVR testamenta par-tim agnatione heredis sui, vel certe quasi agnatione, de qua Hub. *Praelect.* II, 17. 1. p. 189. partim nouo testamento sollemniter facto L. 6 §. 2.

III. Rumpi partim.

L1

D. de

D. de iur. codic. partim incisione, deletione, cancellatione. *Tit. de his quae in test. delent.*

IV. Irrita
& desti-
tuta.

IV. IRRITVM FIEBAT TESTAMEN-
TVM capitis deminutione, maxima, media, ac
minima. *Maxima* enim servum faciebat, *media*
peregrinum, *minima* filium familias. Quum ve-
ro nullus horum testari posset: facile patet, sic
rem incidisse in casum, a quo incipere non pos-
set. DESTITVTVM denique dictum esse, ex
quo nullus heres erat, vel dupondii sciunt.

V. Rescissa
per que-
relam in-
officiosi,
eius
quae ori-
go?

V. Denique RESCINDI testamentum di-
cebatur per QVERELAM INOFFICIOSI.
Eius originem diu ignoratam, ex antiquitatis
parietinis restituere iuuabit. Franc. Duarenus
adh. t. cap. II. eam a principibus inuentam pu-
tat. Sed ante principes eam notam fuisse, pa-
tet ex Valer. Max. VII, 7. 2. Nec felicius eam
ex praetoris edicto deriuat Pithoeus ad *collat. leg.*
Mos. & Rom. XVI, 3. Nam haec actio non, vt
aliae praetoriae rei persequutoriae ad actum
rescindendum comparatae, annalis est, verum
quinquennium durat. Nec praetor vnquam
exheredatis succurrit, vt ait Vlpianus *L. 8. pr.*
D. de bon. poss. contra tab. Nec denique locus
Paulli *Rec. Sent. IV, 8. 5.* ex quo id collegerat Pi-
thoeus, hoc dicit, vbi tantum *actionis Praetoriae*,
non querelae inofficiosi fit mentio. Veriorem
ergo originem sibi inuenire visus est Cuiac. *Obs.*
II, 21. XVII, 17. Docet enim ex inscriptione
L. 4. D. de inoffic. test. querelam hanc introductam
esse lege GLICIA, quam lectionem etiam Co-
dicis Florentini tuetur auctoritas. Et nihil sa-
ne Glicia Romae est celebrius. Frequenter
cuius

LIB. II. TIT. XVII. XVIII. XIX. 531

cuius meminere Tacitus, Suetonius, Florus, Livius, quin & marmora Capitolina, in quibus A. V. C. 131111. laudatur.

M. CLAUDIVS C. F. GLICIA. QVI.
SCRIBA. FVERAT. DICTATOR.
COACT. AB DIC. SINE. MAG. EQV.

Steph. Vinand. Pigh. *Annal. Tom. II. p. 50. Grut. Inscr. p. CCXC. 11.* Vnde invidia stimulatus videri poterat Hotomanus, qui *Disq. de quarta legit. cap. I.* ne Cuiacio gloriam detectae legis tribuat, legem plane nullam agnoscit Gliciam, querelamque inofficiosi ex moribus magis, & consilio iureconsultorum, quam ex certa aliqua lege fluxisse, contendit. Cum Cuiacio sane faciunt recentiores paene omnes, & in his Ant. Augustin *de Leg. & SC. in lege Glicia*, & Ian. Vinc. Graulina *de Leg. & SC. LXXX. p. 649. sequ.* Sed negari sane nequit, Hotomani sententiam Cuiaciana esse verosimiliorem. Gliciorum enim cognomen, familiae non gentile nomen est. Leges vero a cognominibus cognominatae non definebant in IA sed in ANA, verbi causa lex Iunia Norbana. Sigon. *de Nom. propr. p. m. 1426.* Ergo haec lex aut *Claudia* dicenda fuisset, aut *Gliciana*, non Glicia. Quare nihil dici potest verosimilius; quam quod moribus & iureconsultorum auctoritate inualuerit haec querela, & quidem libera adhuc republica. Meminerunt enim illius Cicero *adu. Ferr. I, 42.* & Valer. Max. *VII, 7. 5.* ex quo constat, iam ad C. Calpurnium Pisonem hanc querelam fuisse delatam. Atque praeturam hic Calpurnius gessit anno V. C. 13CLXXXII. Scilicet liberrima olim erat patri-

L1 2

busfam.

busfam. testandi exheredandique facultas. Quum vero ea abuterentur homines maxime blanditiis nouercalibus deliniti: ICTi de remedio cogitare coeperunt, quo iniuste exheredatis succurrerent. Quod non obscure innuit Pomponius, dum latissimam illam potestatem testatorum *coangustatam* fuisse ait *interpretatione iura constituentium*. L. 120. D. de verb. signif. Iam quamuis ICTis nouas leges condere vel veteres euertere haut liceret: tamen quum ex iuris principiiis furiosi condere non possent testamentum; non alia ac commodiore ratione iniuste exheredatis succurrere poterant, quam si colore furoris vterentur, fingerentque, parentem liberos iniuste exheredantem sanæ ac integræ mentis haut fuisse, idque inde demonstrarent, quod homines bene de se meritos sine iusta causa vel præterierint vel exheredes scripserint Bynkersh. *Obs.* 11, 12. p. 153. Ceterum hanc actionem vocabant QVERELAM, ἐμφυλίας ἵσχυα. Cognati enim non se inuicem accusare, sed inter se conqueri dicebantur. Voss. *Inst. Orat.* 1, 6. 2. Vocabant eandem querelam INOFFICIOSI, quia quemadmodum *beneficia aliorum sunt*, ita *officia eorum, quos necessitudo suscitât, & opem ferre iubet*. Seneca de Benefic. III, 8. Contra officium enim testati videbantur, qui proximos vel præterierant, vel exheredes iniuste scripserant.

VI. Eiusdem naturæ.

VI. Ceterum hac querela, testamento, ceteroquin sollemniter facto, obiciebatur dementia furorue testatoris. Non enim tanta inhumanitas cadere videbatur in sani capitis hominem, ut sine causa exheredes scriberet filios. Institue-

stituebatur haec querela coram iudicio centumuirali seu quadruplici, vt patet ex Plin. *Epist. IV, 24.* Vnde & ipsa haec querela aliquando iudicii centumuiralis nomine venit. *L. 13. D. de inoff. test.* Add. *L. 17. D. eod.* Valer. Max. *VII, 7. 1. & 2. & VII, 8. 1.*

VII. Ceterum cessabat haec querela, relicta legitima, seu certa & legibus definita bonorum portione. Ea olim semper erat hereditatis quadrans. *L. 8. §. 6. & 8. D. b. t. L. 31. D. eod. L. 2. de inoffic. donat.* Haec quarta quando & qua occasione inoleuerit, incompertum sibi esse fatetur Iac. Cuiac. *Observ. II, 21. III, 8.* vbi tamen eandem a Marco Imp. inuentam suspicatur, deceptus loco Nicephori. At inter primos Ian. a Costa *princ. Inst. de inoff. test.* & Claud. Chiffli. *de legit. port.* nec non post hos Ant. Schultingius *Iurispr. Anteiust. p. 381.* docuerunt, legitimam illam portionem ex legis Falcidiae rationibus prudentum interpretatione esse inductam. Sane heredibus, quibus inofficiosi querela competit, QVARTAM FALCIDIAM deberi, discretis verbis dicunt Paullus *Recept. Sent. IV, 5. 5.* & Ulpianus *L. 8. §. 9. & 14. D. de inoffic. testam.* Absolute quoque illam portionem QVARTAM vocat Plin. *Epist. V, 1.* & FALCIDIAM Iustinianus *L. 31. C. de inoff. test.* Vnde patet, satis antiquam & fortean Augusti temporibus aequalem (a) esse legitimam illam portionem.

VII. Origo
legitimae
portionis.

VIII.

(a) Augusti enim temporibus latam esse legem Falcidiam, ostendemus infra *Lib. II. Tit. XX. sequ. §. XIV.* Occasionem foriā dedit T. Tettius Vibo, qui filium

VIII. In-
uecta a
Iustinia-
no mu-
tatio.

VIII. Sed mutauit illam portionem Iusti-
nianus per *Non. XCII.* & *Non. XPVIII*, i. vbi le-
gitimam portionem, si liberi quatuor vel pau-
ciores essent trientem: sin quinque vel plures,
semissem esse iussit.

IX. Qui-
bus casu-
bus haec
querela
locum
habuerit,
vel non
habuerit?

IX. Competebat haec querela liberis non
modo aduersus parentes, sed & his aduersus li-
beros. Sane & matrum testamenta hac que-
rela impugnata legimus iam ante SC. Orphi-
tanium, apud Plin. *Epist. V. 1.* Valer. Max. VII,
7 4. Quod eo minus mirandum, quia ex eo-
dem Valerio Max. constat, etiam amicos extra-
neos agere potuisse. Postea id remedium ad
solos parentes, liberos, fratres restrictum *L. 1. D. h. t.* Immo iure nouo cessabat haec querela
etiam in fratribus & sororibus, nisi turpis insti-
tuta esset persona: *L. 27. C. h. t.* cessabat etiam
contra testamentum militis: *L. ult. §. 1. C. eod.*
cessabat denique praescriptione quinquennii,
L. 8. §. ult. D. eod. de quibus omnibus plenius
agunt iureconfulti.

X. Here-
des quo-
tuplices?

X. Pergimus ad heredum qualitatem & dif-
ferentiam. Erant illi vel NECESSARII, vel
SUI & NECESSARII, vel EXTRANEI. *pr.*
Instit. h. t.

XI. Here-
des ne-
cessarii.

XI. NECESSARII erant, qui cogebantur
esse heredes etiam inuiti. Tales erant serui,
quibus pro libertate data, id iugum impone-
bant leges, vt heredes esse cogerentur, quo sub-
hastatio bonorum non fieret nomine domino-
rum,

infantem exheredauerat, Val. Max. VII, 7. 3. Rei-
ncl. *Inscript. p. XXIII, 1.*

(b)

rum, si forte aes alienum aliter dissolui haut posset, sed eorum nomine, infamiae enim quid habere videbatur illa subhastatio, quam hoc ordine factam nouimus. Proponebatur edictum a Praetore, quo creditoribus possessio bonorum dabatur. Qui vbi triginta dies a die deserti vadimonii possederant: eiusdem Praetoris iussu creari solebat Magister ad bona distrabenda. Cic. *ad Attic.* VI, 1. Quinctilian. *Instit. Orat.* VI, 4. *L. ult. D. de curat. bon. dand.* Tum fiebat praescriptio in celeberrimis vrbis locis: ITA ILLE DEBITOR NOSTER IN EIVSMODI CAVSSA EST, VT BONA EIVS DIVENDI DEBEANT, QVICVMQVE EMERE VOLET, ADESTO. Theoph. *pr. Inst. de success. subl. quae fieb. per bon. vendit.* idque est illud triste carmen magistri de quo Cicero *de Orator.* I, 57. vbi libellus bonis alicuius suspensus, apud Senecam: *de benefic.* IV, 12. Paucis diebus post de novo adeundus erat praetor, ut liceret legem bonorum vendendorum facere, atque inde ita v. c. praescribebant: HAEC QVICVMQVE EMERIT, CREDITORIBVS IN DIMIDIAM PARTEM EORVM, QVAE IPSIS DEBENTVR, RESPONDERE DEBET. Theophil. *ibid.* Interea aderant bonorum emtores, qui totam massam bonorum emebant, vocati etiam *sectores*, de quibus Cic. *pro S. Rosc. Amer.* VI. Scilicet sectores vocabantur, qui *spem* lucri sui sequuti, bona condemnatorum semel auctionabantur, proque iis pecunias pensitabant singulis, ac deinde pro compendio suo singulas quasque res populo vendebant. Ascon. Paed. in *Verr.* III. p. 1845. Non-

nunquam, si deesset emtor, auctio fiebat, eaque indicebatur acerba voce praeconis, cuius formula, sed iocosa, est apud Plaut. *Menaechm.* V, 9. v. ult. Qua de re Cicero *Epist. ad Attic.* VI, 1. Sigon. *de ant. iure cin. Rom.* I, 11. p. 149. & *de iudic.* I, 18. p. 449. sequ. Ne ergo haec infamia in defuncti domini manes redundaret: ab obaeratis servus instituebatur heres, & is cogebatur hereditatem adire, atque hinc dici solebat **HERES NECESSARIUS.**

XII. Sui
& neces-
sarii.

XII. — **SVI & NECESSARII** erant liberi, SUI, quia iam viuis parentibus quasi domini habebantur; §. 2. *Inst. b. t.* §. 3. *Inst. de hered. quas ab intest.* L. 11. D. de lib. & postum. Vnde & *particeps patris* eleganter dicitur filiusfamil. apud Terent. *Heauton, Act. I. scen. 1. v. 97.*

Nec fas esse, vlla me voluptate hic frui.

Nisi ubi ille huc saluus redierit meus particeps.

NECESSARII, quia nec ipsis fas erat, hereditatem repudiare: Quia tamen durum videbatur, ob defuncti parentis infortunium liberos superstitibus quasi infamiam contrahere: praetor ipsis postea concesserat beneficium abstinendi L. 11. L. 12. L. 57. p. 1. D. de acquir. hered. L. 71. §. 9. eod. ex quo loco, id beneficium iam ante Sabini tempora liberis datum esse, adparet.

XIII. Ex-
tranei.

XIII. Denique **EXTRANEI** erant, qui nec necessarii erant nec sui. His ergo liberum erat, vel adire hereditatem, vel repudiare, si magis expedire videretur. Adquirebatur scilicet hereditas *cretione, aditione, pro herede gestione, immisione, agnitione.* Charond. ad Vlp. *Fragm.* XII, 27. qui tamen fallitur, dum immixtionem

LIB. II. TIT. XVII. XVIII. XIX. §37

nem huc refert, quum ea ad heredes suos pertineat, quos ipso iure heredes esse, diximus. Quamvis autem *cretio* & *aditio* semper essent coniunctae: tamen ideo non sunt vocabula synonyma, uti sibi persuasit Donell. *Comm. in. ciu. VII*, 8. sed actus diuersi. Idque vel inde patet, quod sequiore aeuo hereditas etiam sine *cretionem* adiretur, quale priuilegium matri, patris, aliisque cognatis tribuit Constantinus *L. 1. & 2. C. Theod. de legit. heredit.*

XIV. *CRETIO* erat actus eorum, qui cum *cretionem* erant heredes instituti. Vlpian. *Fragm. XXII*, 25. Cum *cretionem* dicebatur institutus, cui testator iniunxerat, ut hereditatem cerneret. Ea *cretio* erat vel PERFECTA vel IMPERFECTA. Nam si scripserat testator: TITIVS HERES ESTO, CERNITOQVE IN DIEBUS CENTVM PROXIMIS, QVIBVS SCIERIS POTERISQVE: NISI ITA CREVERIS, EXHERES ESTO. Vlp. *l. c.* §. 27. haec formula pertinebat ad *cretionem perfectam*. Sin vltima verba essent omissa: dicebatur heres institutus cum *cretionem imperfecta*, itemque, si loco exheredationis adiectum: SI NON CREVERIS, TVNC MAEVIVS HERES ESTO Vlp. *l. c.* §. 34. Erat quoque *cretio* vel VULGARIS vel CONTINVA. *Vulgaris*, in qua adiciebantur verba: QVIBVS SCIERIS POTERISQVE. *Continua*, in qua non adiciebantur. Vlp. *Fragm. l. c.* §. 31. 32. Ceterum horum verborum is erat sensus, quod in *cretionem* vulgari dies tantum utiles; in continua omnes numerarentur. Schulting. *ad*

XIV. *Cre-
tio her-
editatis
quid &
quotu-
plex.*

Vlpian. *l. c. p. 644.* Cernere vero hereditatem, non erat facere, ut viderent, aliquem esse heredem, ceu interpretatur Varro *de lingua lat. V, 8. p. 43. edit. Gothofr.* Sed decernere, se heredem esse velle, ceu ipse Varro *Lib. VI, §. p. 57. rectius* atque accuratius docet. Cuiac. *Obs. VII, 18. lac. Perizon. Not. ad Sanct. Mineru. IX, 15.* Fiebat ista cretio intra certos dies, praesentibus testibus. Cicero ad *Att. XIII, 44.* Sis centum dierum meminit Vlpian. *l. c. & ius nostrum L. 22. §. 1. D. quando dies leg. ced. L. 3. §. 8. D. de minorib. L. 2. §. ult. D. de suis & legit. hered. quae* loca veterem ritum cretionis redolere videntur: sexaginta dierum Cicero *Epist. ad Attic. XIII, 44.* In ipso actu dicenda ab herede erant verba cretionis: QVVM ME MAEVIUS HEREDEM INSTITVERIT, EAM HEREDITATEM ADEO, CERNOQVE. Vlp. *l. c. §. 28. Add. Barn. Brissou. de Form. VII. p. 600. & 601.* Et hinc CRETIONIS SOLLEMNITAS *L. vn. C. Theod. de cret. & bonor. possess. SCRVPVLOSA SOLLEMNITAS. L. 8. C. Theod. de matern. bon. CRETIONIS COMMENTVM L. 1. C. Theod. eod. CRETIONEM DICERE. L. 5. C. Theodos. eod.*

XV. An aliis sollemnitatibus opus fuerit adituris hereditatem?

XV. Dictis cretionis verbis heres dicebatur *hereditatem adiisse.* Nec aliis ritibus tunc facta videtur hereditatis aditio, quamvis quibusdam casibus aditio & sine cretione fieri posset. Sunt equidem, qui aditas hereditates existimant percussione digitorum: Cuiac. *Obs. VII, 18. Merill. Obs. IV, 34.* quod signum domini apud veteres fuisse constat. Alii etiam saltationem

tionem addunt, quasi laetitiae signum. Ant. Dadin. *Alteserra de Fiction. iur. Tract. III, 19.* Sed utrumque ritum collegere ex male intellecto loco Ciceronis *de offic. III, 19.* ad quem addendae eruditae observationes Io. Ge. Graevii. Addunt alii Ambros. *de offic. III, 2.* Sed & hic Ciceronem non intellectum manifesto excipit.

XVI. Qui sine cretione heredes erant scripti, ii heredes fieri poterant etiam sine additione, PRO HEREDE GESTIONE. (b) XVI. Quid pro herede gestio?
Pro herede vero gerebat, qui rebus hereditariis tanquam dominus utebatur, veluti qui auctionem rerum hereditiarum faciebat, servis hereditariis cibaria dabat &c. Vlpian. *Fragm. XXII, 26.*

XVII. IMMIXTIO ad necessarios & suos heredes pertinebat. AGNITIONEM, sublata cretione sollemni aiunt inualuisse. §. ult. XVII. Quid immixtio, & agnitio?
Inst. de hered. qual. & different. §. ult. Inst. de bon. poss. Sed sic ea vel ab additione non differt, vel ad bonorum possessionem potius, quam ad hereditatem, pertinet. Sustulit vero cretione in bonis maternis Constantinus *L. I. C. Theod. de matern. bon.* nec non Constantius, *L. 4. Cod. Theod. eod.* & Valentinianus *L. vn. C. Th. de cretione.* postea eandem penitus abolevit non
Arca-

(b) Addidi tò etiam, quia & hi cernere poterant hereditatem, si volebant, nec tamen cogebantur. Petr. Fabr. *Samestr. II, 22.* Aueran. *Interp. iur. II, 12. 15. p. 151.*

(a)

Arcadius, ut in *L. 17. C. de iure delib.* dicitur, sed Iustinianus inuento beneficio inventarii, (de quo *L. fin. C. de iure delib. Nou. 1, 2. 1.*) Quilibet enim tuto adire ex eo potuit hereditatem, quum eo ipso bona heredis & defuncti separentur, omnisque impediatur actionum confusio.

TIT. XX - XXII.

D 2

LEGATIS, EORVMQVE ADEM-
TIONE, ET TRANSLATIONE,
ET LEGE FALCIDIA.

HActenus Imperator de vniuersalibus acquisitionibus egit, ad easque etiam plures, qui infra sequuntur, tituli pertinent. Placuit tamen illi, interserere hic singularum rerum acquisitionem, quae per legata fit. An satis concinne, alii videant. Nos pauca ad hos quoque titulos delibabimus.

I. Legatum quid?

I. Legatum est donatio, quae legis modo, id est imperatiue, testamento relinquitur. *Vlp. Fragm. XXIV, 1. Legis modo* inquit Vlpianus, quia veluti legem testator dicit heredi, quid ab eo praestari velit, unde & graecis legare, est νομοθετεῖν (a) *Nonell. XXII, 2. Io. Chrysost. Homil. 1. ad*

(a) Unde testatores plane more legislatorum loquebantur. Hi verbis imperatiuis uti solebant: iisdem utebantur testatores: PRAECIPITO, SVMITO &c. Legislatorum formula erat DAMNAS ESTO, *L. 2. pr.*

ad Añ. Apost. p. 615. Quin & ipsum verbum *legare* nihil significat aliud, quam mandare & veluti legem dicere. Ita Plaut. *Casim. I, 1. v. 12.*

*Quin potius quod tibi legatum est negotium
Id curas?*

Hinc LEGATI dicuntur a *legando*, quia cum mandatis mittuntur, non quia publice leguntur, ceu coniicit Varro *de Lingu. Lat. VI, 16. n. 7.* Nec aliam ob causam RELEGATI adpellantur, quam quia *lege* a populo vel principe lata ciuitate exesse iubentur. *Imperatiue* ergo fieri debebat haec donatio, id est, *verbis directis L. 2. C. commun. de legat. L. 15. C. de testam.* Scholiaft. Horat. *ad Satyr. II. 1. 9.* Verba enim precaria non erant valida ex legibus XII. tabularum, sed ex voluntate tantum heredum descendebant. Denique *testamento* relinquenda erant legata, non codicillo, antequam scilicet Iustinianus legatorum fideique commissorum naturam exaequauerit.

II. Legatorum genera erant quatuor, VINDICATIONIS, DAMNATIONIS, SINENDI MODO & PRAECEPTIONIS. Caius *Instit. II, 5. 1. Vlpian. Fragm. XXIV, 2. Paull. Sent. Recept. III, 7. (b)* Quorum differentiam licet sustulerit Iustinianus, dum legatorum omnium, quibuscumque tandem relicta sint verbis, eam-

II. Legata
quotupli-
cia?

pr. L. 27. §. 5. D. ad L. Aquil. Eadem vero etiam testatoribus sollempnis erat.

(b) Ant. Faber *Coniect. VI, 1.* quatuor species ad duas reuocat, *vindicationis & damnationis*, cui tamen respondit Osw. Hillig. *Donell. enucl. Lib. VIII. p. III*

(c)

eamdem naturam esse voluit: *L. i. C. comm. de legat.* olim tamen permultum intererat inter haec legatorum genera, quae a Iureconsultis disputatione fori inducta esse, non abs re existimat V. C. Schultingius ad *Vlp. l. c. p. 649.*

III. Legatum per vindicationem.

III. Per VINDICATIONEM his verbis legabant: DO LEGO, SVMITO, HABETO. *Vlpian. l. c. §. 3.* quibus Caius *Inst. II, §.* addit formulas: ILLAM REM TIBI PRAESVME, VINDICA. Tunc vero legatum erat in legatarii arbitrio, idque ipsi sibi, adita hereditate, statim capere vel rei vindicatione petere poterat. Tale erat illud apud Virgil. *Aeneid. V, v. 533.*

SVME, pater, (nam te voluit rex magnus Olympi

Talibus auspiciis exsortem dicere honorem,)

Ipsius Anchisae longaeui hoc munus HABEBIS.

Ad quae verba Servius Scholiastes: *Sume, inquit, percipe. Nam verbum est iureconsultorum quo utuntur, quoties legatum non ab herede datur, sed est in accipientis arbitrio, id est, vindicationis vel optionis.*

IV. Legatum per damnationem.

IV. Per DAMNATIONEM legabatur his verbis: (c) HERES MEVS DAMNAS ESTO DARE, DATO, FACITO, HEREDEM MEVM DARE IVBEO. *Vlpian. l. c. §. 4.* Vim verborum illorum, quibus, ceu ex *L. 2. pr. & L. 27. §. 5. D. ad L. Aquil.* adparet, etiam legislatores utebantur, idem explicat Servius ad Virgil. *Aeneid. XII. v. 727. In iure quum dicitur*

(c) Dicebatur etiam tunc res *optimo in re legata Vlpian. Fragm. XXIV, 11.*

(d)

ut DAMNAS ESTO, *hoc est, damnatus es, ut des, hoc est, damno te, ut des, neque alias libereris.* Perinde ergo hic heres erat obligatus, ac si vela iudice, vel ab ipso legislatore, esset damnatus, unde & lis inficiando crescebat in duplum. Paull. *Recept. Sent. I, 19. 1.*

V. SINENDI MODO ita legabatur: HERES MEVS DAMNAS ESTO SINERE L. TITIVM SVMERE ILLAM REM, SIBI QVE HABERE. Vlpian. *Fragm. XXIV, 5.* Cai. *Inst. II, 5. 9.* Heres ergo damnabatur quidem, ut aliquid sumi pateretur, sed legatario simul permittebatur, ut aliquid lumere posset.

V. Legatum sinendi modo.

VI. Denique PER PRAECEPTIONEM legabant his verbis: L. TITIVS ILLAM REM PRAECIPITO. Vlpian. *Fragm. XXVI, 6.* vel ut in notis Magnonis est: P. S. T. Q. H. PRAECIPITO SVMITO, TIBI QVE HABETO. Res hoc modo legata *praelegatum* vocabatur, vel *praecipuum*. Fest. *voce excipuum. p. 284.* idque relinquebatur vni ex coheredibus. Exempla sunt apud Valer Max. VII, 8. 4. Plin. *Epist. V, 7.* Sidon. *Epist. VI, 12.*

VI. Legatum per praeeptionem.

VII. Differentia inter hos legandi modos non vna erat. Per *vindicationem* legari poterant res, quae tempore mortis & facti testamenti testatoris ex iure Quiritium fuerant. (d) Quod si ta-

VII. Differentia horum legatorum.

(d) Si res legata pondere, mensura, numero constabat, sufficiebat, si tempore mortis iure Quiritium testatoris esset. Ratio vero, ob quam hic exigebatur dominium Quiritarium, haec erat, quia legatario eiusmodi concedebatur rei vindicatio, quae olim institue-

tue-

si tamen res quae non utroque tempore in domino testatoris erat, ita legaretur: SC. Neronianum huiusmodi legatum eatenus sustinebat, ut in legatum damnationis inflecteretur. Vlpian. *Fragm. XXIV*, 11. Per *damnationem* res omnes legari poterant, etiam alienae, dummodo tales essent, ut dari possent. Vlpian. *Fragm. l. c. §. 8.* Cai. *Inst. II*, §. 6. *Sinendi modo* legabantur res propriae testatoris & heredis. Vlp. *ibid.* §. 10. non alienae, uti visum Caio. Denique per *praeceptionem* relinquebantur eadem, quae per *vindicationem*. Vlpian. *Fragm. XXIV*, 11. Si coniunctim una res legata fuerat pluribus per *vindicationem*: pars deficiens ceteris collegatariis ad crescebat: sin vero per *damnationem*: pars deficiens penes heredem manebat Oisfel. *ad Cai. Inst. II*, §. 4. Legatum *vindicationis* poterat repudiari: *L. 7. L. 44. §. 1. L. 86. §. 2. D. de legat. I.* non aequè legatum *damnationis*. Plures differentias dedit Merill. *Obs. VI*, 32.

VIII. Ea
sublata est
a Iustini-
niano.

VIII. Sustulit hanc differentiam, ceu supra diximus, Iustinianus, (e) ita tamen sustulit, ut

tuebatur hac formula. HANC EGO REM EX IVRE QVIRITIVM MEAM ESSE AIO. Cicero *pro Mur. XII*. Hac vero formula utique uti haut potuisset legatarius, nisi res legata testatoris fuisset ex iure Quiritium. Vid. V. C. Schulting. *Iurispr. anteiust.* p. 651.

(e) Primo Sc. Neroniano non quidem sublata, quae inter formulas legandi erat differentia; sed tamen constitutum, ut si alio modo aliquid relictum esset, saltem valeret, tanquam si esset per *damnationem* relictum. Vlp. *Fragm. XXIV*, 11. Postea Constantinus M. verborum quidem, at non actionum differentiam sustu-

lit

vt non satis caute plures leges, quae ad istud discrimen pertinent, pandectis inseri permiserit. Vid. M. Aurel. Galuan. *de Vsufr.* XL. ult. V. C. Schulting. *Iurispr. ant.* p. 849. Merill. *Obs.* VI. 33.

IX. Porro non modo singulae res legari poterant, sed vniuersarum quoque pars, vt putata: MAEVIUS HERES MEVS CVM TITIO HEREDITATEM MEAM PARTITO, DIVIDITO. Quo casu dimidia pars bonorum legata videbatur. Poterat & alia pars, veluti tertia, quarta, quinta, legari, quae species *partitio* adpellabatur. Vlp. *Fragm.* XXIV, 25. §. 5. *Inst. de fideicom. hered.* Cicero *pro Caecin.* IV. & V.

IX. Legata pars hereditatis.

X. Legari non poterat a legatario, nec legatum dabatur, nisi extraneo. Non autem filiofamilias heredi instituto, vel seruo proprio, nec ei, qui in heredis potestate mancipioque erat, nisi sub conditione. Vlp. XXIV, 20. *seq.* Legari etiam olim non poterat ciuitatibus, postea omnibus poterat, quae sub imperio Populi Romani erant, idque primum a Nerua introductum, ac postea sub Hadriano SCo diligentius cautum fuerat. Vlp. *Fragm.* XXIV. 28. Quod deinde D. Marcus etiam ad collegia L. 20. *D. de reb. dub.* immo & ad vicos extendit. L. 73. §. 1. *D. de legat.* 1. Vid. Merill. *Variant. ex Cuiac.* II, 14. V. C. Schulting. *Iurisprud. Ant.* p. 659.

X. A quo & quibus legari poterit?

XI. Anceps quoque inter eruditos quae sitio est de legatis poenae nomine relictis. Iustinianus

XI. Legata poenae nomine relictis.

lit. I. 15. *C. de test.* L. 21. *C. h. t.* Denique & hanc aboleuit Iustinianus. Vid. Ian. a Costa ad *Inst.* §. 2. *h. t.*

M m

(f)

nianus enim haec ita definit §. ult. *Inst. de Legatis Poenae nomine legari videtur, quod coercendi heredis causa relinquitur, quo magis aliquid faciat, aut non faciat: veluti si quis ita scripserit: HERES MEVS, SI FILIAM SVAM IN MATRIMONIUM TITIO COLLOCAVERIT, vel ex diverso, SI NON COLLOCAVERIT, DATO DECEM AVREOS SEIO.* Addit Iustinianus, eiusmodi legata veteri iure prohibita fuisse, (idque etiam constat ex Iul. Capitolin. *Anton. Pio VIII. Ael. Helv. Pertin. VII.*) se vero ea rata esse iussisse, dummodo nihil impossibile, vel legibus interdictum, vel alias probrosum fuerit heredi iniunctum.

XII. Dubia ad-
uersus
hanc do-
ctrinam.

XII. Sed animaduertit Amplissimus Bynkershoekius, hac admilla definitione, vix superesse discrimen inter legata conditionata, & poenae nomine relicta. Legislatorum instar erant morientes, & si in tabulis scripserant: LEGO SEIO CENTVM, SI FILIAM TITIO VXOREM DEDERIT, rata erat haec vltima voluntas. Cur quaeso legatum poenae nomine relictum illicitum habitum, si scriptum esset in tabulis; HERES, SI FILIAM TITIO VXOREM DEDERIT, SEIO DECEM AVREOS DATO. Quid quaeso inter vtramque formulam interest. Bynkersh. *de legat. poenae nomine relicto. III. p. 561. sequ.*

XIII. Cla-
rissimi
Bynkers-
hoekii
sententia.

XIII. Existimat ergo laudatissimus Bynkershoekius Tribonianum, quid veteribus legata poenae nomine relicta fuerint, non satis intellexisse. Nam ex L. 1. *D. de his quae poenae causa relinquuntur* adparere, ea legata poenae nomine

visa

visa relinqui quibus testator heredem ad probrosum aliquid faciendum cogere voluerit. Ampl. Bynkersh. *ib. cap. IV.* Quae si ita sunt, Iustinianus nihil noui statuit, dum, quae veteres tamquam regulam posuerant, ipse loco exceptionis habuit, regulam fingens, veteribus incognitam.

XIV. Sed non est fortassis, quod Iustinianum plane deferamus, quippe cuius definitionem etiam Vlpianus agnouit *Fragm. XXIV, 17.* Scilicet saepe heredem legatis non nisi vexandi causa onerabant testatores, iisque illum ad quidquam faciendum omittendumque adigebant, nulla alia ratione quam stolidi voluntate adducti. Tale erat testamentum Staberi, de quo Horat. *Satyr. II, 3. v. 84. sequ.*

XIV. *Eius illustratio.*

*Heredes Staberi summam incidere sepulcro,
Ni sic fecissent, gladiatorum dare centum
Damnauit populo paria atque epulum arbitrio Arri,
Frumenti, quantum metit Africa.*

Quum ergo disputarent veteres, an legata eiusmodi valerent, quibus heres ad aliquid sine ratione contra animi sententiam faciendum omittendumque cogerebatur: Iustinianus has tricas sustulit, iussitque haec legata rata esse, exceptis iis, quae vel impossibilia essent, vel legibus interdicta, vel alias aperte probrosa. Vid. Gundlingii *Diff. de principe hered. VI, 32. p. 78.*

XV. Quemadmodum vero legibus XII. Tabularum tantum quisque legare poterat, quantum volebat: ita inde fiebat, ut plures hereditatem tot legatis exhaustam adire nollent. Hinc primo lata lex Furia testamentaria a C.

XV. *Lex Furia testamentaria.*

Mm 2

Furio,

nianus enim haec ita definit §. ult. *Inst. de Legat. Poenae nomine legari videtur, quod coercendi heredis causa relinquitur, quo magis aliquid faciat, aut non faciat: veluti si quis ita scripserit: HERES MEVS, SI FILIAM SVAM IN MATRIMONIUM TITIO COLLOCAVERIT, vel ex diverso, SI NON COLLOCAVERIT, DATO DECEM AVREOS SEIO.* Addit Iustinianus, eiusmodi legata veteri iure prohibita fuisse, (idque etiam constat ex Iul. Capitolin. *Anton. Pio VIII. Ael. Helu. Pertin. VII.*) se vero ea rata esse iussisse, dummodo nihil impossibile, vel legibus interdictum, vel alias probrosum fuerit heredi iniunctum.

XII. Dubia ad-
versus
hanc do-
ctrinam.

XII. Sed animadvertit Amplissimus Bynkershoekius, hac admilla definitione, vix superesse discrimen inter legata conditionata, & poenae nomine relicta. Legislatorum instar erant morientes, & si in tabulis scripserant: *LEGO SEIO CENTVM, SI FILIAM TITIO VXOREM DEDERIT*, rata erat haec ultima voluntas. Cur quaeſo legatum poenae nomine relictum illicitum habitum, si scriptum esset in tabulis; *HERES, SI FILIAM TITIO VXOREM DEDERIT, SEIO DECEM AVREOS DATO.* Quid quaeſo inter utramque formulam interest. Bynkersh. *de legat. poenae nomine relict. III. p. 361. sequ.*

XIII. Cla-
rissimi
Bynkers-
hoekii
sententia.

XIII. Existimat ergo laudatissimus Bynkershoekius Tribonianum, quid veteribus legata poenae nomine relicta fuerint, non satis intellexisse. Nam ex *L. 1. D. de his quae poenae causſ. relinquuntur* adparere, ea legata poenae nomine
visa

visa relinqui quibus testator heredem ad probrosum aliquid faciendum cogere voluerit. Ampl. Bynkersh. *ib. cap. IV.* Quae si ita sunt, Iustinianus nihil noui statuit, dum, quae veteres tamquam regulam posuerant, ipse loco exceptionis habuit, regulam fingens, veteribus incognitam.

XIV. Sed non est fortassis, quod Iustinianum plane deferamus, quippe cuius definitionem etiam Vlpianus agnouit *Fragm. XXIV, 17.* Scilicet saepe heredem legatis non nisi vexandi causa onerabant testatores, iisque illum ad quidquam faciendum omittendumque adigebant, nulla alia ratione quam stolidi voluntate adducti. Tale erat testamentum Staberi, de quo Horat. *Satyr. II, 3. v. 84. sequ.*

XIV. Eius illustratio.

*Heredes Staberi summam incidere sepulcro,
Ni sic fecissent, gladiatorum dare centum
Damnauit populo paria atque epulum arbitrio Arri,
Frumenti, quantum metit Africa.*

Quum ergo disputarent veteres, an legata eiusmodi valerent, quibus heres ad aliquid sine ratione contra animi sententiam faciendum omittendumque cogeretur: Iustinianus has tricas sustulit, iussitque haec legata rata esse, exceptis iis, quae vel impossibilia essent, vel legibus interdicta, vel alias aperte probrosa. Vid. Gundlingii *Diff. de principe hered. VI, 32. p. 78.*

XV. Quemadmodum vero legibus XII. Tabularum tantum quisque legare poterat, quantum volebat: ita inde fiebat, ut plures hereditatem tot legatis exhaustam adire nollent. Hinc primo lata lex Furia testamentaria a C.

XV. Lex Furia testamentaria.

Mm 2

Furio,

Furio, Tribuno plebis, (f) qua cautum, ne cui liceret ultra mille asses (g) vel legare, vel mortis causa donare, praeterquam cognatis, certisque personis, quales erant e. g. cognati manumissoris Vlp. *Fragm. XXVIII, 7*. Si quis alius ultra hanc summam legatum acceperat, non rescindebatur quidem legatum, sed legatarius tamen quadruplum reddere cogeatur. Vnde haec lex *minus quam perfecta* dicitur Vlpiano *Fragm. I, 2*. Confer. Cuiac. *Observ. XX, 31*.

XVI. Lex
Voconia.

XVI. Mox vero hanc legem elusit Romanorum calliditas. Coeperunt enim vni quidem non ultra mille asses legare, sed tamen tot scribere legatarios, ut & sic penes heredem nihil aut parum remaneret. Hinc postea lata lex Voconia, a Q. Voconio Saxa, A. V. C. IXXIV. Caepione & Philippo Coss. ex qua lege non solum femina, heres institui haut poterat, nisi in certa bonorum parte: sed & illud cautum fuerat, ne quis census plus vlli legaret, quam ad heredem heredesue perueniret Cic. *Verrin. I, 43*.

XVII. Eius
oblitteratio.

XVII. Enimuero etiam Voconia illa lex oblitterata demum est per opulentiam ciuitatis: Gell.

(f) Vir doctus Guid. Pancirol. *Thesaur. Var. Lect. II, 278*. eandem hanc legem putat cum Furia Caninia. Qua in re eum perspicue errare, vel inde patet, quod haec Lex fuit Voconia antiquior: Fulsiam autem Caniniam demum sub Augusto latam, supra demonstrauimus.

(g) Cuiacius *Obs. XIX, 31*. Substituit *mille aeris* quomodo & Varro de *L. L. lib. VIII*. dicit, *mille aeris legasse*. Sed *as* & *aer* olim promiscue dicebatur. Pondus vero assium pro temporum ratione varium fuisse, docet Plin. *Hist. Nat. XXXIII, 3*.

(b).

Gell. Noct. Att. XX, 1. nec, *sufficiens ad rei confirmationem visa est. Princ. Inst. de L. Falcid.* Ergo nouissime demum lata est *Lex Falcidia*.

XVIII. Est hoc plebiscitum, quod tulit P. Falcidius Trib. pleb. (b) temporibus Augusti, Cn. Domitio M. F. Caluino, & C. Asinio Pollione Coss. (i) anno ab V. C. MCCXIV. ut testantur Dio Cass. XLVIII. p. 430. Euseb. Chron. num. M DCCCC LXXXVIII. & Isidor. Etymol. V, 15. Breuissime Dio: καὶ ὁ νόμος φαλκίδιος ὀνομασμένος, (πλείστον καὶ νῦν ἐτι ἰσχύει ἐς τὰς τῶν κληρῶν διαδοχάς, ὥς τι τινὰ τὸ τίταρτον, καταλειφθεῖστος ὁ υἱίας αὐτῶν γὰρ πρὶν βαρύνεται, λαβόντα, τὸ λοιπὸν ἀφεῖναι, ἔχων,) ὑπὸ τοῦ πεπλήντος φαλκιδίου δημαρχούντος ἐτίθηται. *Lex etiam Falcidia a P. Falcidio Tribuno plebis lata, quae nunc quoque plurimum valet in hereditatibus adeundis: ea autem permittit, ut heres, si adire hereditatem grauetur, quadrante accepto, reliquum dimittat.*

XVIII.
Lex Falcidia.

XIX. Lex, cuius ipsa legitima verba supersunt L. 1. D. ad L. Falcid. pluribus constitit capitibus, (k) quorum priore libera permittitur

XIX. Eius
capita &
legitima
verba.

(b) Ridiculus ergo Glossatorum error est qui Falcidiam hanc legem dictam volunt ἀπὸ τοῦ φάλκεως, ὁ δηλοῖ δριπάρην, id est, a falce vel defalcando. Vid. Scholiastr. in Harmenopul. *Proscriptuar.* V, 9. Eundem tamen errorem etiam Latini Glossatores errarunt, cum in praefatione obseruauimus.

(i) Non ann. MCCXIII. P. Sernilio Isaurico iterum & L. Antonio Coss. ut tradit Aleander *ad Cai. Inst.* II, 6. 1. p. 121.

(k) Magna cura ea capita collegit illustrauitque Francisc. Balduinus, & cum lege Voconia, Iulia, Papia Poppea, Rhodia, Aquilia edidit. *Bass.* 1559. 8.

tur legandi facultas his verbis: QVI CIVES ROMANI SVNT , QVI EORVM POST HANC LEGEM ROGATAM TESTAMENTVM FACERE VOLET , VT EAM PECVNIAM QVASQVE RES QVIBVSQVE DARE LEGARE VOLET , IVS POSTESTASQVE ESTO (VT HAC LEGE SEQVENTE LICEBIT. (1) Secundo capite modus legatorum constituitur: QVICVMQVE CIVIS ROMANVS POST HANC LEGEM ROGATAM TESTAMENTVM FACIET, IS QVANTAM CVIQUE CIVI ROMANO PECVNIAM IVRE PVBLICO DARE LEGARE VOLET , IVS POTESTASQVE ESTO , DVM ITA DETVR LEGETVR NE MINVS , QVAM PARTEM QVARTAM HEREDITATIS EO TESTAMENTO HEREDES CAPIANT, EIS , QVIBVS QVID ITA DATVM LEGATVMVE ERIT , EAM PECVNIAM SINE FRAUDE SVA CAPERE LICETO: ISQVE HERES , QVI EAM PECVNIAM DARE IVSSVS DAMNATVS ERIT , EAM PECVNIAM DEBETO DARE , QVAM DAMNATVS EST. Ex his ergo factis constat de vera legis Falcidiae sententia, meritoque pro inepti leguleii additamento reputanda sunt illa apud Hieronym. *in Chron. C. Falcidius tribunus plebis, legem tulit , ne quis testamento plus*

(1) Adduntur in vulgatis editionibus verba VT HAC LEGE SEQVENTI LICEBIT : sed ea reſervata , ut obſervavit Cuiac. ad C. ad L. Falc.

plus legaret, quam ut quarta pars apud heredes super-
esset, SI HEREDES QVATVOR AVT MI-
NVS ESSENT: SIN AVTEM PLVS
QVATVOR; TVNC II SEMISSEM RETI-
NERENT. (m) Vid. A. Cont. *Lect. Subces.* I, 3.

XX. Ceterum deductio quartae, quam lex
haec Falcidia permisit imperante Vespasiano
ad fideicommissa vniuersalia primum producta
est SC. Pegasiano; deinde etiam ad singularia
§. 5. *Inst. de fideic. hered.* immo & ad fideicommissa
ab intestato relicta quod a D. Pio factum re-
fert Paullus Ictus *L. 18. D. ad L. Falcid.* ac deni-
que ad donationes mortis causa ex constitu-
tione Seueri. *L. 5. C. eod. L. 2. C. de mort. causss.*
donat. Id quod tamen ab intestato admitten-
dum haut videtur Cuiacio *Obs. III, 17.* quia mor-
tis causa donationes ab intestato factae legatis
non aequiparantur. *L. 20. §. 1. D. de mort. causss.*
don. Verum legis Falcidiae vires maxime eli-
sit IVSTINIANVS, permitta facultate testato-
ribus, vtiliter prohibendi Falcidiae detractio-
nem, quum antea huiuscemodi voluntati,
quantumvis expressae, heredes minime parere
cogerentur. Vid. Vinc. Grauiña *de Leg. & SC.*
Rom. LXXVII. p. 637.

XXI. Quae alias de sensu legis Falcidiae
calibusque eo pertinentibus disputari solent,
ea a Doctoribus dudum sunt occupata, nec
tam ad antiquitates, quam ipsam Iurispruden-
tiam pertinere videntur.

XX. Rela-
tiones &
mutatio-
nes huius
legis.

XXI. Con-
clusio ti-
tuli.

TIT.

(m) Haec enlm ex recentissimo Graecorum iure esse,
erudite demonstravit Oisei. *ad Caü hist.* II, 6. 1. p. m.
120. M m 4 (a)

TIT. XXIII-XXV.

DE

FIDEICOMMISSIS VNIVERSALIBVS ET
SINGVLARIBVS, ET DE CODICILLIS.

HActenus de hereditatibus & legatis, quae verbis directis relinquuntur: iam etiam de fideicommissis agendum, propter quae quum codicilli reperti sint, eadem opera etiam de codicillorum origine ac iure erit differendum.

I. Fideicommissa veteri iure inuvalida.

I. Veteri iure Romano non ratae erant ultimae voluntates, nisi verbis imperatiuis conceptae. Lex enim XII. Tabular. ea solum confirmabat, quae quis *legasset*. *Legare* vero erat veluti *legem dicere*, atque adeo testatoris non erat, uti verbis precatiuis, sed directis & imperatiuis. (a) Hinc inter ea, quae ex XII. tabulis erant licita, L. 120. D. de verb. signif. non referuntur fideicommissa, & id sibi volunt verba Vlpiani *Fragm. XXV, 1. Fideicommissum est, quod non civilibus verbis, sed precatiuis, relinquitur: nec ex rigore iuris civilis proficiscitur, sed ex voluntate datur relinquentis.*

II. Quibus formulis relicta?

II. Relinquebantur ergo fideicommissa verbis precatiuis, vel ad heredem fiduciarium, vel ad eum, cui relinquebantur, directis. Paull. *Sent. IV, 1. 5. & 6.* Magis enim hic voluntas spectanda videbatur, quam verba, L. 16. C. de fideic.

(a) Vide supra Lib. II. Tit. XX-XXII. n. 1. (b)

fideic. nec proinde tam quaerendum, quocum quis loqueretur, quam in quem voluntatis dirigeretur intentio. *L. 77. §. 26. D. de legat. 2.* Hinc passim in iure nostro formulae occurrunt: **FIDEI TVAE COMMITTO, PETO, C. SEI, CONTENTVS SIS ILLA RE. VOLO TIBI ILLVD PRAESTARI. ROGO, PETO, VOLO, MANDO.** (b) **DEPRECOR. CVPIO, INIVNGO, DESIDERO, IMPERO.** &c. Et quamvis Paullus *l. c.* excludat verba **RELINQVO & COMMENDO**, quae ipse nullam fideicommissi actionem parere existimat: hae tamen formulae etiam, vt & aliae omnes, idoneae visae sunt post *L. 2. C. commun. de legat. & fideicomm.* Vid. Cuiac. ad Paull. *l. c. p. m. 385. sequ.* Barn. Briffon. *de Form. VII. p. 668. sequ.*

III. Quod si ergo verbis eiusmodi precativis aliquid esset relictum; heredis erat arbitrium, velletne illud praestare, an nollet. Nullo enim iuris vinculo, sed tantum pudore & fide eorum, qui rogati erant, continebantur fideicommissa. §. 1. *Inst. b. t.* Saepius tamen veteres heredum fidei committebant, siue clam, siue verbis in testamento expressis, maxime si iis quidquam relinquere cuperent, qui per leges erant incapaces. Cuius rei exempla sunt apud Ciceronem *de Finib. II, 58.* Quinctilian. *Declam. CCCXXIV.* & Valer. Max. *IV, 2. 7.* qui refert, Q. Pompeium Rufum exulem, quum ex testamento

III. Fidei-
commissi-
forum
natura
ante Au-
gusti tem-
pora.

(b) Immo & **IVBEO**, quod precativum esse negat Alciatus. Vid. *L. 28. §. vit. D. de libert. leg.*

Mm 5

(c)

mento ciuis Romani nihil capere potuisset, tamen bona cuiusdam accepisse, quae matri praedia sua fideicommisserat, vt haec illa filio Pompeio restitueret. Sed eiusmodi fideicommissa, vt dixi non necessario praestabantur, poteratque adeo hereditas ab herede fiduciario impune retineri. Quamobrem & hereditatem ex fideicommisso restitutam fiduciarii veluti liberalitati imputabant. Et ita ego interpretor verba in marmore apud Reines. *Inscr. Class. II, 73.*
 L. CESTIUS. QUAE EX PATRE AD EVM HEREDITAS M. AGRIPPAE MVNERE PERVENIT.

IV. Augusti ea de re constitutio.

IV. Primus rem mutauit, & fideicommissa, quorum antea mos inter exempla probitatis & perfidiae fluctuauerat, & exemplo & seueritate stabiliiuit Augustus. De quo ipse Imperator noster §. 1. *Inst. h. t.* Postea D. Augustus primus semel iterumque, gratia personarum motus, vel ob insignem quorundam perfidiam, iussit consulibus auctoritatem suam interponere. Quod quia iustum videbatur & popolare erat, paulatim conuersum est in adsiduam iurisdictionem, tantusque eorum fauor factus est, vt paulatim etiam Praetor proprius crearetur, qui de fideicommissis ius diceret, quem fideicommissarium adpellant. Ex hoc ergo loco patet I) primum Augustum fidei suae commissae praestitisse, gratia personarum motum. Personae vero illae procul dubio, fuerunt L. Lentulus, & eius heres fideicommissarius; nam ex illius persona etiam fideicommissa coepisse dicuntur pr. *Inst. de codicill.* Discimus deinde, II) Augustum negotium dedisse Consulibus cognoscendi de fideicommissis, nominatosque heredes ad restituendas hereditates compellendi. Quae iurisdictio Cons. tantum de-

delegata erat a Principe nec ad prouincias pertinebat, vbi fideicommissa exsequutionem nullam habebant, antequam Claudius id negotium Praesidibus daret. Sueton. *Claud. cap. XXIII. III*) Praetorem fideicommissarium (c) ideo postea creatum, vt tanto accuratius de fideicommissis ius diceretur. In quo tamen nescio an Imperator fallatur. Constat enim primo ex Suet. *Claud. XXIII.* Claudium Imperatorem non vnum, sed duos constituisse praetores fideicommissarios, qui praeter morem non darent iudices pedaneos, sed ipsi cognoscerent & ferrent sententias, quamuis postea vnum eiusmodi Praetorem detraxerit Traianus. *L. 2. §. 31. D. de Orig. iur.* Deinde & constitutis iam praetoribus fideicommissariis, Consules concurrentem iurisdictionem cum iis hac in re exercebant, *Vi- pian. Fragm. XXV, 12.* ita quidem vt apud consules plerumque de maioribus; apud praetores fideicommissarios de minoribus summis ageretur. *Quintilian. Inst. Orat.. III, 6. Conf. Cuiac. Obs. XXI, 34. Merill. Obs. VI, 36.* Immo nonnumquam ipsi Imperatores de fideicommissis cognoscebant: quale quid de Commodio Imperatore refert Papinianus *L. 26. D. de probat.*

V. Quum ergo semel fideicommissa essent certa iuris necessitate adstricta, neque amplius eorum restitutio ex heredis voluntate penderet; factum est, vt saepe in hunc onus omne obligationum; commodum vero in fideicommissarium transferretur, Cuius rei causa quum haec raro testamenta destituerentur;

V. Senatusconsultum Trebelianum,

(c) Vocatur & PR. DE FIDEICOMMISS. in *Inscriptionibus* Gruteri p. CCCXGIII, 6.

(d)

imperante Nerone VIII. Kal. Sept. L. Annaeo Seneca & Trebellio Maximo Coss. suffectis factum est SCtum, vt restituta ex testamento vniuersa hereditate, actiones omnes, quae heredi & in heredem competeabant, simul cum hereditatis commodò transfirent in eum, cui restitueretur hereditas §. 4. *Inst. h. t.* Non vero directe actiones ab herede remouebantur, sed vtiles tantum fideicommissario & in eum dabantur Praetore, adeoque heres conuentus a creditoribus ex SC. Trebelliano habebat exceptionem. L. 1. & 4. *D. h. t.* L. 1. §. 8. *D. quand. de pot. act. annal. est.*

VI. Senatus consultum Pegasia-num;

VI. Quoniam vero sic etiam heredes rogati, inutilem molestiam refugientes, adire recusabant hereditatem, ex qua nihil ad eos commodi esset redditurum: sub Vespasiano, Pegaso & Pusione Coss. SC. conditum est, quo permittebatur heredi fiduciario detrahere quartam ex bonis fidei suae commissis. Adeoque hoc SC. legem Falcidiam, quae ad legata tantum pertinebat, ad fideicommissa etiam vniuersalia produxit. §. 5. *Inst. h. t.* Grauius de Leg. & SC. LXXXVIII. p. 639.

VII. Stipulationes necessariae inter heredem & fideicommissarium; & nouum ius a Iustiniano introductum.

VII. Nihil tamen hoc SC. fuerat de actionibus hereditariis cautum, sed post illud ipse heres onera hereditaria sustinebat. d. §. 5. *Inst. h. t.* Opus ergo erat certis stipulationibus inter heredem & fideicommissarium interponendis, vt lucrum & damnum hereditarium pro rata parte inter eos commune esset. Quae stipulationes partis & pro parte dicebantur. Vlpian. *Fragm. XXV, 15.* Hinc quoties heredi fiduciario

rio quarta ex testamento erat salua, toties hereditatem restituebat ex SC. Trebelliano: si plus dodrante esset restituendum, quartam ex SC. Pegasiano detrahebat, & de obligationibus sibi cauebat interpositis stipulationibus. §. 6. *Inst. b. t.* Ast quum stipulationes illae multis viderentur captiosae: placuit Iustiniano, ex plosa SC. Pegasiano, Trebelliano omnem auctoritatem praestare, vel potius ex duobus facere vnicum, ita quidem, vt quartam heres semper haberet saluam, actionesque inter eum & fideicommissarium pro rata diuiderentur, heredi vero simul adeundi hereditatem imponeretur necessitas. §. 7. *Inst. b. t.* Immo iure nouissimo, si heres adire quartaque contentus esse nollet, deficientibus coheredibus aut substitutis, ipse fideicommissarius adire potest per *Novell. l. cap. 1. §. 1.*

VIII. Ad fideicommissa pertinet quoque SC. *Apronianum*. Nec municipia enim olim nec municipes heredes institui poterant, quoniam incertum corpus erat, vt neque cernere vniuersi, neque pro herede gerere possent. *Vlpian. Fragm. XXII, §. Plin. Epist. V, 7.* Fideicommissaria tamen hereditas municipibus restituenda erat per SC. *Apronianum*, de cuius aetate iam *Lib. II. Tit. XIV. §. 2.* differuimus.

IX. Haec de fideicommissis vniuersalibus. Ad singularia quod attinet, magna olim erat inter ea & legata differentia. In legatis rigor iuris; in fideicommissis fauor voluntatis regnabat. *L. pen. D. de legat. 1.* Fideicommissum ad eum, cui aliquid dimissum erat, poterat peruenire,

VIII. Senatus consultum Apronianum.

IX. Differentia inter legata & fideicommissa singularia.

nire, herede licet mortuo, si talis erat conditio testamenti: legatum ita relinqui non poterat. Fideicommissum codicillis, etiam si per testamentum non essent confirmati, relinqui poterat: legatum codicillis relictum non valebat, nisi illi essent testamento confirmati. A legatario legatum alteri relinqui non poterat, sed fideicommissum poterat. Per legatum seruo alieno directa libertas dari non poterat: per fideicommissum poterat. Fideicommissis tardius, quam scriptum erat, solutis, usurae & fructus debebantur, legatorum non usura, sed duplum debebatur, si inficiaretur heres. (d) Haec omnia tradit. Caius *Inst. II, 7. 8.*

X. Eam
sustulit Iu-
stinianus.

X. At Iustinianus, ne quid antiqui iuris integrum relinqueret, legata & fideicommissa per omnia, quod ad effectum attinet, exaequavit. §. 3. *Inst. de legat. L. 2. C. comm. de leg.*

XI. Codicillorum
nomen &
natura.

XI. Quemadmodum fideicommissa eludendis legibus fuerant reperta: ita declinandae iuris testamentarii subtilitati acceptus est usus codicillorum. Codicilli vero voce nihil denotabant aliud, quam scripturam quamdam ad alios missam. Hinc saepe codicillos pro epistolis ponit Cicero *Epist. ad Fam. IV, 12. VI, 18. ad Attic. XII, 8. ad Quint. Fratr. II, 10.* Praecipue tamen id nomen tribuebatur epistolis ad praesentes missis. Vnde Seneca *Epist. LV. Video te, mi Lucili, quum maxime*

(d) Ultimam hanc differentiam, ex qua se expedire haut possunt Alexander & Oisfel *ad Cai. l. c.* accurate explicant atque illustrent V. C. Schulting. *Iurispr. Antiqu. p. m. 130.* Gerard. Nood. *de foenor. & usur. III. 7.*

maxime audio, adeo tecum sum, ut dubitem, an incipiam non epistolas, sed codicillos tibi scribere. Vnde recte colligas, codicillos, quos deinde Imperatores tanquam ultimae voluntatis genus approbarunt, nihil aliud fuisse, quam *epistolas scriptas ad heredes de eo, quod post mortem suam scribentes ab heredibus fieri vellent.* (e) Boehmer. *Diff. de Codicill. sine testib. valid.* Cap. I. §. 3. 4. p. 5. 6.

XII. Primus eiusmodi codicillos ad Augustum scripserat L. Lentulus, (quem anno V. C. DCCCLII. cum M. Valerio Messalino Consulem fuisse, ex Reinesii *Inscr. Class. X. n. 3. p. 597.* discimus,) qui Romae fecerat testamentum, & Augustum filiamque heredem instituerat, deinde vero, decedens in Africa, scripserat codicillos, quibus aliquid ab heredibus fieri petierat. Quamvis vero ante ea tempora inauditum esset, per epistolam vel codicillos heredi aliquid iniungi, quod ei necessitatem imponeret, ultimam illam defuncti voluntatem implendi: parebat tamen Augustus Lentuli codicillis, ipsaque filia ex iis legata praestabat. Exemplum principis facile imitati sunt alii. Quare Augustus, convocatis sapientibus viris, interque eos C. Trebatius Testa, cuius tum auctoritas maxima erat, quaesivit, an possit recipi, nec abhorreret a iuris ratione codicillorum usus? Annuente Treba-

XII. Eorundem origo.

(e) Hinc codicilli etiam *Epistolae* vocantur *L. 89. pr. D. de legat. 2. L. 41. §. 2. D. de legat. 2.* Et quamvis vulgo differentiam statuunt inter codicillos & epistolas fideicommissarias, ut facit Petr. Müller. *ad Struv. Ex. XXIV. 68.* non opus tamen esse hac subtilitate, praeclare evicit laudatissimus Boehmerus *Diff. alleg. l. 7. & 8.*

Trebatio & illud codicillorum institutum magnopere probante, Augustus auctoritatem illi accommodavit. Post quae tempora, quum & Antistius Labeo, (qui tamen *nihil, nisi quod iustum sanctumque esse in Romanis antiquitatibus legisset, ratum pensumque habere solebat.* Gell. *Noct. Att.* XIII, 12. ac proinde magna erat apud omnes auctoritate, teste Tac. *Annal.* III, 75.) codicillos fecisset: iam nemini dubium erat, quin iure optimo codicilli admitterentur. Ita rem refert Iustinianus ipse *princ. Inst. h. t.*

XIII. Formulæ codicillorum.

XIII. Non aliter vero concipi solebant codicilli ac epistolae. Hinc praemittebatur sollemnis illa, qua epistolas auspicari solebant, salutatio: *L. Titius heredibus primis & substitutis salutem.* L. 56. D. de fideic. libert. Conf. L. 37. §. 2. L. 32. §. 3. D. de leg. 3. L. 30. §. 1. de adim. vel transf. leg. Nec tamen semper ad heredes, sed & nonnunquam ad ipsos fideicommissarios verba dirigebantur. Cuius rei exemplum exstat L. 75. pr. D. de leg. 2. Integrae formulae Latinas aequae ac Graecas magno studio collegerunt Barn. Briffon. de Form. VIII. p. 686. sequ. & Guido Pancirol. Thesaur. Var. Lect. I, 29.

XIV. Codicilli testamento confirmati.

XIV. Confirmati tamen codicilli esse debebant testamento, si heredi necessitas imponi deberet, praestandi, quod erat rogatus. Hinc testamentis inseri solebat formula: *Si quos codicillos reliquero, valere volo.* L. 56. pr. D. de fideic. libert. Alias ultimam defuncti voluntatem implere non debebat heres, nisi ultro vellet, quod facere se solere, ait Plinius *Epist.* II, 16. Sed postea per Seueri & Antonini constitutionem illa codi-

citur generatim in omnibus codicillis testes desiderasse, ob *L. ult. §. ult. C. de codicill.* Sed iam Iacobus Gothofredus animadvertit, §. ultimam illius legis non esse Theodosii, verum a Triboniano adfutam, quod etiam ex *L. 7. C. Theod. de testam. & codicill.* clarissime patet. An testes etiam in codicillis, testamento confirmatis exegerit Iustinianus, adhuc sub iudice lis est. Plerique adfirmant ob *L. 28. §. 1. C. de testam. L. ult. C. de codicillis*: Sed non contemnendis rationibus id negat laudatus Boehmerus. *Diff. alleg. 1, 27. sequ.*
p. 26. sequ.

